

道藏精華第十集之一
文山逕實著天石主編

有文出版社發行

道藏精華

歷世道仙傳道藏精華(上)

道藏精華第十集之一
文山遯叟蕭天石主編

歷世真仙體道通鑑上

自由出版社印行

影刊歷世真仙體道通鑑蕭序

一般言中國文化者，總以儒釋道三家併舉。數千年來三家學術思想，實爲陶鑄我中華民族精神、風俗習慣、以及歷史文化之主流力量，捨三家便無以見中國文化。三家典籍，浩如湮海，終生莫窮。門庭互立，各具千秋。惟最上一乘，理同道貫；曰仙曰佛曰聖人，其名雖殊，其實則一。通其旨要，實祇在教人「眞實本分做人」而已！別無多子。盡人道卽聖道，盡人道卽佛道，盡人道卽仙道。由人起修，揭櫫一崇高理想，提持向上，使人由超凡脫俗而「上與天齊」！此一上與天齊境界，亦卽「天人合一」境界，正莊子所謂「天地與我並生，萬物與我爲一」者是。以其係由人起修，是故仙佛聖人，盡人皆可學，盡人皆可成。

人之所以異於禽獸者，在人能高尚其人生，永恆其人生，而禽獸則不能也。人之一生，下則爲凡夫俗子，向上則爲英雄豪傑、帝王將相，再超而上極，則爲仙佛聖人。英雄豪傑者流，其事功雖可照耀千古，然總屬功利境界中人；至若仙佛聖人，則爲——超功利境界而上入於道德境界，更超道德境界而上於天地境界中人。其爲人也，渾物我，一天人，同死生，通萬世，而與宇宙精神共往來。無位而無位可位，無名而無名可名。其名仙佛聖人者，乃強爲之名也。神仙家所專務之「神人合一」境界，則在修「人極於天」之外，更進而修「人極於神」之道，藉使「天神人三位一體」！亘古亘今，不生不滅，超聖越佛，與虛同化，與神同融；「形神併妙」，不可紀極。惟此境界，乃係一種神秘境界，不可思議境界，不可言說境界。如飲甘泉，自證自知，至其訣法，則更難爲言矣。正所謂：不容聲相從君見，豈把金針度與人！

究極言之，仙佛無門，惟人自修！聖人亦然。修則至之，不修則不得至也。孔子曰：「我欲仁，斯仁至矣！」仁不遠人，爲仁得仁。仙佛聖人之道，亦不遠人，人之爲道而遠人。道在爾躬，道在爾心，反求自心，當體即得。存聖人之心，行聖人之道，則爲聖人；存仙佛之心，行仙佛之道，則爲仙佛。如瓜豆之爲種，如形影之相隨，絲毫不爽！要皆在人之自爲也。爲而不至者有之矣；未有不爲而能至者也！正是：眞金不向爐中煉，倒騎鐵馬上天山。

儒家主入世，佛家主出世，道家主超世；即世間而超世間，既不固執於入世而死於入世，亦不固執於出世而死於出世。可入則入，可出則出，入出世間，唯道是從。如神龍在天，無迹無礙；如潛龍在淵，無形無象。動若行雲，止猶谷神，用捨行藏，卷舒自在。大抵道家中人，有撥亂反正、旋乾轉坤之才，而不自求爲撥亂反正、旋乾轉坤之用！不干不求，不黨不羣，干則小矣，求則下矣，黨則比矣，用則爲役矣。故概須顧而後起，禮而後出，不得已而後應！獨來獨往於天地之間，見幾而作，時逝而隱。如一味以天下爲己任，則必困死於富貴功名中；一味以出離世間爲大事，則必困死於解脫生死中。即天地而超越天地，則不爲天地所限；即生死而解脫生死，則不爲生死所縛。故能無住而不自得，無適而不逍遙。正是：一超直上鴻濛竅，千載猶自有餘風！

漢書藝文志序神仙家云：「神僊者流，所以保性命之眞，而遊求於外者也。聊以盪意平心，同死生之域，而無怵惕於心中。」此實聖人之所以爲教也。凡入之情，莫不悅生而惡死。聖人因之，欲藉此誘掖世人，從事於身心性命道德修養，以自高其人品，而與道合眞；非在修此形軀之不死也。惟仙家之「性命雙修」「形神同化」之道，其變化玄妙，則亦理有所必然，而事有所必至者在。不可概以迷信視之！夫天地，一大化爐也。萬物皆自無而化有，復自有而化無。順而化

之則死，逆而化之則生。死生同一化，天地悉皆如。煉一點真金，起無邊神用！呂祖謂「我命由我不由天」，能雙修性命，返還生死，而入於無死生之域者，唯儒家能之！夫金丹大道，煉形則形化，煉精則精化，煉氣則氣化，煉神則神化；內煉則內化，外煉則外化，無所不煉，則無所不化。儒家言修養，重變化氣質；道家除變化氣質外，尤重變化心性，變化生命，變化形神，變化天地！故曰：聖胎逢金長，靈苗觸鼎新。能善爲化者，聚則成形，散則成氣；出神離形，因物與化。與虛合一，隱顯莫測，故能死而不亡，神化無方。夫生生不息之謂道，行行不已之謂德；虛靈不昧而常照之謂神，天地密移而無覺之謂化；能性命雙至而神化莫測之謂仙！用能藏於無迹，遊於無朕，而與天地同其博大，與日月同其高明，與宇宙同其悠久也。

歷代真仙體道通鑑，爲宋道士趙全陽所編訂；參自漢以來之神仙傳記，旁搜羣書，考稽經史，芟繁撫要，去蕪存真；自軒轅以迄宋末止，所著錄真仙，連同續集、後集，共得一千三百四十七人。其行事凡合於道德經五千言者，並附文爲之論斷，以歸美焉！檢賅全書所紀列仙，無一不是孝弟中人，無一不是忠信中人，無一不是仁義中人，無一不是聖賢中人。其修爲與儒家之倫理道德，無不密相吻合。良以「大而化之之謂聖，聖而不可知之謂神。」是則聖功實神化之基礎，神化乃聖功之極致；故神化爲聖功以上事。是以余常曰：超凡入聖，超聖入神，超神入化，爲道家人生修養之三大綱宗。究極言之，仙家修行，於神化以後，尙大有事在。正張紫陽所謂：「頂後有光猶是幻，雲生足下未爲仙」者是。

道家以「內外全真」爲無上金丹。內外全真者，卽內全其性命之真，外全其天地之真也。故神仙又稱真人，丹道派又稱全真派，而修道又稱修真，證道又稱登真。蓋丹家主「一切唯真」，

唯真可以打通內外，唯真可以貫串今古，唯真可以透脫生死，唯真可以合一天人。去妄則歸真，離幻則全真。內外純是一團天真，則自能保其真性情、真肝膽、真面目，毫無半點渣滓，純是一片先天氣象，而得見本來人矣。本來人亦即真人，修真即在修此一點性命之真，以上合天地之真，而得同條互貫，永恆不生不滅也。

壺子曰：「天道無親，唯善是親。神仙無門，唯善是門。」故神仙家修行，概以「行善積德」爲第一義。尤重行陰功而不求人知，積陰德而不求人報。利而不害，以善予人；惠而不取，以德報怨；此一神仙精神，純是宇宙精神。太上曰：「欲爲地仙，須立千八百善；欲爲天仙，須立三千善。」故凡「濟世度人」之大善行，尤列爲無上無量功德。天上神仙無惡念，人能爲善即仙根。故三家聖人，無不教人以「萬惡莫作，衆善奉行。」爲上超聖域之不二法門。凡事善則爲之，不善則捨之，有利於人則爲之，無利於人則捨之。時時以天地爲心，處處以萬世爲念。方寸之間，只是一點善心，一點善念，則天地之間，亦唯一善流行。純善無惡，自如「天地無恩而大恩生，天地不仁而大仁至」矣！且此等事，簡易至極，祇須於內外日用中，壹是以行善爲本，無須臾之間違仁，即可入道。故曰：「不離日用常行內，直到先天未畫前。」

神仙家之所以能超然物外，不爲世役者，在其箇中別有天地。重內在而世界而不重外在世界，重精神世界而不重物質世界。除力求其「聖化生命」外，尚追求其「神化生命」！除力求其「聖化人格」外，尚追求其神化人格！而上入於「神人合一」之最高境界。即人而神，即神而人；神人不二，仙凡一體。故能經虛涉曠，飄逸絕塵，圓通無礙，神化無方。其所致者虛，則其所變者通；其所存者神，則其所過者化！無內外，無終始；目視雲霄，上窮無極。故能與天地合其德，

與日月合其明，與鬼神通其吉凶，與陰陽通其變化！若神其術，則白——能縮須彌爲芥子，可點大地作黃金。

本書雖係神仙傳記，然於道家之修丹真訣，尤多千古不傳之秘。其修煉與卽身成就之道，無不可引爲師法。凡於萬卷丹經中所不可得者，概可於斯編中得之。故曰：此書祇應天上有，世間那得幾人藏。本「神人感應」之理，不會修丹煉汞者，玄參默會，亦自能養其神仙風致，涵其神仙氣象，而得飄逸絕塵，毫無人間凡俗氣與煙火氣矣。故俗諺有云：「熟讀神仙千家傳，不住蓬萊亦是仙！」

本書中間有「怪欺誕迂」之文，切不可純以神話視之。須知「醉翁有真意，不在酒杯中。」讀神仙書，須有言外之會，方能得其神髓。古偈有云：「彩雲堆裏仙人見，手把紅羅半遮面；直須着眼看仙人，莫認仙人手中扇。」能了箇中意，便可與言讀斯書矣。從鴻濛竅，修一切法；泯一切法，入鴻濛竅。道流！萬千丹訣從君覓，真詮却在武夷山！

今者，世風日下，人欲橫流，邪說囂張，聖脈懸絲。舉世滔滔者，不亟亟於功名，卽羣趨於物化。嵩日時艱，未嘗不廢書而三嘆息也！故特將斯書表而出之，擇其要者，並加圈斷，冀其能補偏救窮，振衰起弊，並有以續大道之統緒，而張玄風於海隅也！是爲序。

中華民國五十七年歲次戊申十月十日文山遯叟蕭天石於石屋。

歷世真仙體道通鑑

目錄

姬覺彌序	一	錄圖子	五六
趙道一序	五	務成子	五六
進表一	五	尹壽子	五七
仙鑑編例	一九	眞行子	五七
軒轅黃帝	二三	錫則子	五八
通玄天師	五三	熒邑子	五八
有古大先生	五三	育成子	五九
盤古先生	五三	經成子	五九
鬱華子	五三	郭叔子	五九
廣壽子	五四	赤松子	六一
大成子	五四	寧封子	六一
廣成子	五四	馬師皇	六一
隨應子	五五	赤將子輿	六二
赤精子	五六	偃佺	六二

方回	六三	王子喬	七四
錢鏐（彭祖）	六三	幼伯子	七五
嘯父	六四	桂父	七六
師門	六五	瑕丘仲	七六
穆光	六六	酒客	七六
仇生	六七	任光	七七
容成公	六七	蕭史	七七
呂尚	六八	赤須子	七八
葛由	六九	祝雞翁	七九
范蠡	六九	崔文子	七九
邛疏	七〇	朱仲	八〇
介子推	七〇	東方朔	八〇
涓子	七〇	脩羊公	八四
馬丹	七一	稷丘君	八四
平常生	七一	犢子	八五
陸遜（楚狂接輿）	七一	騎龍鳴	八五
琴高	七三	主柱	八六
寇先	七四	鹿皮翁	八六

溪父·····	八七
山圖·····	八七
谷春·····	八七
陰生·····	八八
子英·····	八八
服闋子·····	八九
文賞·····	八九
商丘子胥·····	九〇
子主·····	九〇
陶安公·····	九一
赤斧·····	九一
呼子先·····	九二
負局先生·····	九二
阮丘·····	九二
朱璜·····	九三
陵陽子明·····	九三
邦子·····	九四
木羽·····	九五

玄俗·····	九五
天真皇人·····	九七
白石生·····	九八
王倪·····	九八
洪崖先生·····	九九
展上公·····	一〇〇
何侯·····	一〇一
文子·····	一〇一
亢倉子·····	一〇三
浮丘公·····	一〇四
宋來子·····	一〇五
沈羲·····	一〇六
王傅·····	一〇八
劉奉林·····	一〇八
成連先生·····	一〇八
武夷君·····	一〇九
王瑋玄·····	一一三
韓衆·····	一一三

王次仲	一三三	王剛	一三四
若士	一四	皇化	一三四
古丈夫	一六	陰恆	一三五
衍門子	一七	李修	一三五
沈文泰	一七	柳融	一三六
董謁	一八	葛越	一三六
李充	一九	劉安(淮南子)	一三七
孟岐	二〇	劉圖	一四〇
郭瓊	二〇	介琰	一四一
黃安	二一	龍述	一四二
皇初平	二三	趙丙	一四二
沈建	二四	折象	一四三
華子期	二五	王遙	一四三
王遠	二五	陳永伯	一四四
蔡經	二七	劉政	一四五
淡正	三一	王喬	一四六
孫博	三二	成君平	一四六
班孟	三三	丁約	一四七

木公	一四九
九元子	一四九
上黃先生	一四九
常生子	一五〇
長存子	一五〇
張穆子	一五〇
高丘子	一五〇
蒲先生	一五〇
童子先生	一五一
九源丈人	一五一
宛丘先生	一五一
青烏公	一五一
長桑公子	一五二
蔡瓊	一五二
列子	一五二
莊子	一五三
劉越	一五四
王果	一五五

鬼谷先生	一五五
茅濛	一五六
西門君	一五六
徐福	一五七
郭四朝	一五八
周太賓	一六〇
姜叔茂	一六〇
龔仲陽	一六一
谷希子	一六一
王仲高	一六一
公孫卿	一六二
李少君	一六三
董仲君	一六五
車子侯	一六五
王興	一六五
壽光侯	一六七
衛叔卿	一六七
戴孟	一六九

山世遠	一七〇	季道	一八〇
毛伯道	一七〇	趙叔期	一八一
蘇林	一七一	莊伯微	一八一
陽生	一七四	瞿武	一八一
王思眞	一七五	匡俗	一八二
王仲都	一七五	盧耽	一八二
上成公	一七六	傅先生	一八二
桐君	一七六	黃觀子	一八三
劉晨	一七六	石坦	一八三
武丁	一七八	張巨君	一八三
玄都先生	一七八	尹喜(關尹子)	一八五
蔡長孺	一七八	尹軌	二〇五
延明子高	一七九	杜沖	二〇九
崔野子	一七九	彭宗	二一一
靈子眞	一七九	宋倫	二一二
任敦	一七九	馮長	二一四
敬玄子	一七九	姚坦	二一五
帛舉	一八〇	周亮	二一七

尹澄	二二八
王探	二二〇
李翼	二二二
李八百	二二三
匡續	二二六
玉子	二二九
離明	二三一
杜宇	二三一
李冰	二三二
魯般	二三三
馬成子	二三三
楚康王	二三六
唐建威	二三七
孔丘明	二三九
何紫霄	二四一
唐公昉	二四二
丁令威	二四二
張良	二四三

蘇耽	二四九
司馬季主	二五三
劉諷	二五七
鮑叔陽	二五七
劉京	二五七
劉慄	二五八
嚴青	二五九
太山老父	二六一
巫炎	二六二
李奉仙	二六三
清平吉	二六三
黃山君	二六三
呂恭	二六四
陳安世	二六五
靈壽光	二六七
張禮正	二六七
李根	二六九
黃敬	二六九

甘始	二七〇
黃子陽	二七〇
河上公	二七一
安期生	二七三
馬明生	二七五
陰長生	二八一
魏伯陽	二八六
周義山	二八九
王褒	二九七
梅福	三〇二
裴君	三〇七
欒巴	三〇九
左慈	三一二
孔元方	三一六
焦先	三一八
陽翁伯	三一九
李意期	三一九
杜契	三二〇

李阿	三二一
介象	三二二
董奉	三二七
姚光	三三一
徐贇	三三一
茅盈	三三二
韓崇	三四三
馮良	三四五
郎宗	三四五
淳于斟	三四六
桃俊	三四六
劉翊	三四七
呂子華	三四八
蔡天生	三四九
劉平阿	三四九
張激子	三四九
趙廣信	三五〇
張祖常	三五一

虞翁生	三五二
朱孺子	三五二
尹虔子	三五二
鄭景世	三五二
平仲節	三五三
吳睦	三五三
郭靜	三五四
范伯慈	三五四
韓偉遠	三五五
劉少翁	三五五
張天師	三五七
王長	三八五
趙昇	三八五
張衡	三八六
張魯	三八七
張滋	三八八
張昭成	三八九
張椒	三八九

張仲回	三九〇
張迥	三九〇
張符	三九〇
張子祥	三九〇
張通	三九一
張仲常	三九一
張光	三九二
張慈正	三九二
張高	三九二
張應韶	三九三
張順	三九三
張士元	三九三
張修	三九四
張謐	三九四
張秉一	三九五
張善	三九五
張季文	三九五
張正隨	三九六

張乾曜	三九六	華陀	四一五
張嗣宗	三九六	青谷先生	四一五
張象中	三九七	劉文饒	四一六
張敦復	三九七	趙威伯	四一七
張景端	三九七	樂長治	四一八
張繼先	三九七	劉根	四一八
張時修	三九九	劉偉道	四二〇
張守眞	三九九	夏馥	四二〇
張伯璟	四〇〇	范幼冲	四二〇
張慶先	四〇一	鍾離簡	四二一
張可大	四〇二	封衡	四二三
干吉	四〇五	王老	四二四
宮嵩	四〇九	張皓	四二四
王道眞	四〇九	王少道	四二五
王玄甫	四〇九	路大安	四二六
薊子訓	四一〇	王眞	四二九
王喬	四一一	陳長	四二九
壺公	四一二	王暉	四三〇

昌季	四三一	王子芝	四五四
張玄賓	四三一	王廊	四五六
王中倫	四三二	葛仙公	四五九
蓬球	四三三	鄭思遠	四八五
鮑靚	四三四	葛洪	四八六
許邁	四三六	黃野人	四八九
許穆	四三八	楊羲	四八九
扈謙	四三九	許翹	四九一
杜曷	四四三	許黃民	四九三
朱庫	四四五	陸修靜	四九四
姜伯眞	四四五	孫遊嶽	四九七
王霸	四四六	陶弘景	四九八
元藏幾	四四六	王遠知	五一一
王霸	四四七	王軌	五一四
李笙	四四八	潘師正	五一五
王可交	四五〇	司馬承禎	五一八
陳簡	四五二	李含光	五二一
盧鈞	四五三	許眞君(許旌陽)	五二五

吳猛	五四七	郭志生	五七二
陳勳	五四八	郭璞	五七三
周廣	五四九	郭文舉	五七七
曾亨	五五〇	王質	五七八
時荷	五五一	董幼	五七九
甘戰	五五一	范豹	五八〇
施岑	五五二	馮伯達	五八〇
彭抗	五五三	馬榮	五八一
盱烈	五五四	韓越	五八一
鍾離嘉	五五五	嚴東	五八二
黃仁覽	五五五	王靈輿	五八三
蘭公	五五七	雙複祖	五八三
許大	五五九	桓閭	五八四
胡惠超	五六一	寇謙之	五八七
王纂	五六七	李皎	五九〇
單道開	五六九	韋節	五九〇
王嘉	五七〇	田仕文	五九二
孟欽	五七二	徐則	五九三

岐暉·····	五九四	鍾離權·····	六二五
孫思邈·····	五九五	劉綱·····	六三〇
胡隱遙·····	六〇一	王烈·····	六三〇
劉道合·····	六〇二	劉道成·····	六三一
梁諶·····	六〇五	項蔓都·····	六三一
孫徹·····	六〇六	徐啓玄·····	六三二
馬儉·····	六〇七	萬振·····	六三四
尹通·····	六〇八	曹德休·····	六三五
牛文侯·····	六一〇	杜曇永·····	六三六
王道義·····	六一〇	蕭子雲·····	六三八
陳寶熾·····	六一一	丁玄眞·····	六三九
王延·····	六一二	張公弼·····	六四〇
李順興·····	六一四	李元基·····	六四二
侯楷·····	六一七	陳道沖·····	六四二
嚴達·····	六一九	王守一·····	六四三
于章·····	六二〇	何尊師·····	六四五
張法樂·····	六二一	劉知古·····	六四六
巨國珍·····	六二二	王旻·····	六四八

吳道元·····	六四九	陳惠度·····	六七二
顏真卿·····	六五〇	張曇要·····	六七三
鄧紫陽·····	六五一	張如珍·····	六七四
伊祁玄解·····	六五二	廖冲·····	六七五
許栖巖·····	六五三	由吾道榮·····	六七五
摸先生·····	六五八	賈自然·····	六七六
王君·····	六五九	蕭靈護·····	六七六
梁須·····	六五九	張惠明·····	六七八
王元芝·····	六六〇	李思慕·····	六七八
竇樂參·····	六六一	申泰芝·····	六七九
袁亢·····	六六二	張太空·····	六八〇
陳興明·····	六六五	柳實·····	六八一
尹道全·····	六六六	陳法明·····	六八七
施存·····	六六八	王十八·····	六八七
了然子·····	六六九	孫登·····	六九〇
鄧欲之·····	六七〇	嵇康·····	六九一
徐鑾期·····	六七〇	東郭延·····	六九六
鄧郁之·····	六七一	樂子長·····	六九六

鳳綱·····	六九六	王四郎·····	七一五
趙翟·····	六九七	葉千韶·····	七一六
王玄甫·····	六九八	王璨·····	七一八
尹思·····	六九九	李珣·····	七一九
張岳·····	六九九	許仲源·····	七二一
王仲甫·····	七〇二	施無疾·····	七二三
王先生·····	七〇三	宋愚·····	七二五
趙郎·····	七〇四	韋善俊·····	七二七
王履冰·····	七〇五	張惠感·····	七二八
岑道願·····	七〇五	張志和·····	七二九
王順·····	七〇六	朱孺子·····	七三〇
吉留馨·····	七〇六	王老·····	七三一
王賈·····	七〇六	侯道華·····	七三二
王叔明·····	七〇七	馬湘·····	七三五
唐若山·····	七〇七	鄒通微·····	七四〇
王向·····	七一〇	許碯·····	七四〇
羅子房·····	七一二	金可記·····	七四一
王夔·····	七一二	宋玄白·····	七四二

賀自眞……………	七四四	邢和璞……………	七八五
鄧去奢……………	七四五	申元之……………	七八七
藍采和……………	七四七	羅公遠……………	七九八
張果……………	七四八	薛幽棲……………	七九一
許宣平……………	七五二	王柯……………	七九二
薛昌……………	七五四	李聿……………	七九五
吳筠……………	七五四	杜昇……………	七九四
李白……………	七五五	羊惜……………	七九六
劉玄和……………	七六五	譚峭……………	七九八
楊泰明……………	七六四	薛季昌……………	八〇一
李盛……………	七六六	田虛應……………	八〇二
軒轅彌明……………	七六七	馮惟良……………	八〇三
劉商……………	七七二	陳寡言……………	八〇四
劉瞻……………	七七五	徐靈府……………	八〇五
羅萬象……………	七七五	劉元靖……………	八〇六
殷文祥……………	七七五	葉藏質……………	八〇七
譚峭岩……………	七七八	應夷節……………	八〇八
葉法善……………	七八一	呂志眞……………	八一一

杜光庭	八一二
閻丘方遠	八一五
聶師道	八一九
張氤	八二八
傅仙宗	八三四
成道士	八三五
趙惠宗	八三六
翟法言	八三七
舒虛寂	八四一
向道榮	八四三
任可居	八四四
程太虛	八四四
俞靈璣	八四六
趙知微	八四七
劉道平	八四八
聶紹元	八四八
徐佐卿	八五二
李遐周	八五一

謝通修	八五二
韓湘	八五四
軒轅集	八五六
熊德融	八五八
劉德本	八五九
厲歸真	八六一
朱桃椎	八六三
感庭秋	八六四
邊洞元	八六五
李眞	八六七
鄭遨	八六八
李守微	八六九
程曉	八七〇
譚紫霄	八七一
黃捐	八七四
王老	八七五
採藥民	八七七
楊通幽	八八〇

崔偉·····	八八〇	劉揀·····	八九七
韋古·····	八八二	白衣人·····	八九七
佯狂道士·····	八八三	房州工人·····	八九九
韋老·····	八八三	江叟·····	八九九
盧生·····	八八五	洪志·····	九〇〇
劉無名·····	八八七	桑俱鳳·····	九〇一
李終南·····	八八九	司馬郊·····	九〇二
柳條青·····	八九〇	呂岳·····	九〇五
李浩·····	八九〇	施肩吾·····	九〇九
張辭·····	八九一	徐鈞·····	九一〇
李老·····	八九一	錢朗·····	九一一
陳允升·····	八九二	楊雲外·····	九一二
許鵲·····	八九九	王昌遇·····	九一三
橘叟·····	八九三	爾朱洞·····	九一五
道左老人·····	八九四	應靖·····	九一九
終南山翁·····	八九五	王仙君·····	九二一
段穀·····	八九六	李昇·····	九二二
鹿人·····	八九七	伊用昌·····	九二三

胡二郢	九二四	混沌道士	九五七
張旆	九二五	丁少微	九五八
李夢符	九二五	陳花子	九五八
樂子菴	九二六	張契真	九六一
吳涵虛	九二七	張元化	九六二
李雲卿	九二七	張齊物	九六四
張薦明	九二九	張無夢	九六五
賀元	九三〇	程仙翁	九六八
郭恕先	九三一	塗定辭	九六八
陳陶	九三二	郭上竈	九七〇
孫成	九三二	趙抱一	九七一
許堅	九三三	武抱一	九七四
沈麟	九三四	朱自英	九七六
黃萬護	九三六	李仙人	九七七
陳搏	九三九	劉從喜	九七八
蘇澄隱	九五三	藍方	九八〇
劉若拙	九五四	侯先生	九八五
張白	九五四	張九哥	九八六

安昌期·····	九八七	呂大郎·····	一〇一六
陳景元·····	九八九	王鼎·····	一〇一七
劉玄英·····	九九〇	劉昉·····	一〇一八
張用成·····	九九二	羅道成·····	一〇一九
馬自然·····	九九六	曾志靜·····	一〇二〇
石泰·····	九九八	歸眞子·····	一〇二〇
薛道光·····	九九九	孫希齡·····	一〇二一
陳楠·····	一〇〇〇	周貫·····	一〇二二
白玉蟾·····	一〇〇二	劉元眞·····	一〇二三
彭耜·····	一〇〇四	陳太初·····	一〇二四
朱橘·····	一〇〇五	馬宣德·····	一〇二五
楊辰·····	一〇一一	胡用琮·····	一〇二六
李鑒夫·····	一〇一二	黃知微·····	一〇二八
趙靈運·····	一〇一二	畢道寧·····	一〇二九
屈突無爲·····	一〇一三	田端彥·····	一〇三〇
率子廉·····	一〇一四	劉跛子·····	一〇三一
劉希嶽·····	一〇一五	水丘子·····	一〇三二
穆若拙·····	一〇一五	張虛白·····	一〇三五

劉卞幼	一〇三七	祝大伯	一〇六〇
劉元道	一〇三八	劉益	一〇六一
董南運	一〇四〇	魏二翁	一〇六二
王秉文	一〇四〇	王老志	一〇六三
劉烈	一〇四一	李思廣	一〇六四
藍喬	一〇四五	榮陽	一〇六五
沈東老	一〇四四	雍廣莫	一〇六六
車四	一〇四六	皇甫渙	一〇六八
章營	一〇四八	茴香道人	一〇六九
邢仙翁	一〇四九	鄒葆光	一〇六九
賈善翔	一〇五一	龔元正	一〇七〇
周史卿	一〇五二	沈若濟	一〇七〇
劉大頭	一〇五五	張淡	一〇七〇
劉混康	一〇五五	張拱	一〇七二
王筌	一〇五六	李笈	一〇七五
徐守信	一〇五七	蔣風子	一〇七五
張潤子	一〇五九	莫道人	一〇七六
王吉	一〇六〇	林靈噩	一〇七九

王文卿	一〇九五	劉浩然	一一八一
王嘉	一一〇五	段璫	一一八一
馬鈺	一一一五	饒廷直	一一八二
譚處端	一二二九	蘇庠	一一八五
劉處玄	一一三三	馮觀國	一一八五
丘處機	一一三九	趙縮手	一九〇〇
王處一	一一五五	寇子隆	一九〇一
郝大通	一一五八	傅得一	一九〇一
和德瑾	一一六一	張宗元	一九〇七
李靈陽	一一六一	張道清	一九〇九
皇甫坦	一一六二	謝守灝	一九〇五
羅晏	一一七一	祖元君	一九〇八
薩守堅	一一七五	火師汪眞君	一九〇九
趙麻衣	一一七七	黃雷淵	一九一〇
劉居中	一一七八	雷默庵	一九一〇
譙定	一一七九	莫月鼎	一九一三
姚平仲	一一七九	金蓬頭	一九一五
崔羽	一一八〇	無上元君	一九一七

太一元君	一二二五	張文光	一二五六
金母元君	一二二八	張賢	一二五六
九天玄女	一二四一	張芝	一二五六
蠶女	一二四三	盧氏	一二五六
雲華夫人	一二四四	張玉蘭	一二五七
姮娥	一二四八	屈女	一二五七
織女	一二四八	謚姆	一二五八
昌容	一二四九	盱母	一二六一
女偶	一二五〇	許氏	一二六一
李眞多	一二五一	薛練師	一二六二
羸女	一二五二	上元夫人	一二六五
太陽女	一二五三	南極王夫人	一二六六
太陰女	一二五三	右英王夫人	一二六七
毛女	一二五四	紫微王夫人	一二六七
梅姑	一二五五	太眞王夫人	一二六八
女几	一二五五	靈照李夫人	一二六八
孫氏	一二五五	中侯王夫人	一二六八
張文姬	一二五五	鈞翼趙夫人	一二六九

麻姑……………	一二六九	傅禮和……………	一二八五
南陽公主……………	一二七〇	張微子……………	一二八六
郭勺藥……………	一二七一	寶瓊英……………	一二八六
趙愛兒……………	一二七一	韓太華……………	一二八六
王魯連……………	一二七二	劉春龍……………	一二八七
南嶽魏夫人……………	一二七二	郭叔香……………	一二八七
九華安妃……………	一二七三	孫寒華……………	一二八七
河北王母……………	一二七五	王進賢……………	一二八八
韓西華……………	一二七五	李奚子……………	一二八八
王抱臺……………	一二七五	樊夫人……………	一二八九
王妙想……………	一二七六	東陵聖……………	一二九〇
王奉仙……………	一二七八	雲英……………	一二九一
王氏……………	一二八一	鮑姑……………	一二九二
紫素元君……………	一二八三	丁淑英……………	一二九四
趙素臺……………	一二八四	黃仙姑……………	一二九四
黃景華……………	一二八四	廣陵茶姥……………	一二九五
周爰支……………	一二八四	羅女……………	一二九五
張桃枝……………	一二八五	梁母……………	一二九五

徐仙姑·····	一二九七
花姑·····	一二八八
焦靜眞·····	一三〇〇
王法進·····	一三〇一
費妙行·····	一三〇四
緱仙姑·····	一三〇四
王女·····	一三〇五
明星玉女·····	一三〇七
江妃·····	一三〇七
太玄女·····	一三〇八
西河少女·····	一三〇九
園客妻·····	一三一〇
程偉妻·····	一三一〇
張姜子·····	一三一〇
李惠姑·····	一三一〇
施淑女·····	一三一〇
鄭天生·····	一三一〇
文女眞·····	一三一〇

裴元靜·····	一三一二
戚逍遙·····	一三一四
何仙姑·····	一三一五
謝自然·····	一三一五
王氏·····	一三一五
蔡尋眞·····	一三一〇
麻媼·····	一三一〇
盧眉娘·····	一三一五
吳綵鸞·····	一三一五
杜蘭香·····	一三一六
諸葛氏·····	一三一六
韋女·····	一三一七
楊保宗·····	一三一八
無名氏·····	一三一九
錢女眞·····	一三三一
曹文姬·····	一三三一
趙仙姑·····	一三三三
鄭仙姑·····	一三三七

劉妍	一三三八
虞真人	一三三九
莫州女	一三三九
于仙姑	一三四〇
張仙姑	一三四一
徐道生	一三四二
陳瓊玉	一三四二
吳氏	一三四四
武元照	一三四四
孫仙姑	一三四七
跋	一三五三
影刊版孫跋	一三五五

(終)

歷世真覺
體道通鑑

姪覺彌題



丙子六月中浣

廣倉學宮校印

歷代真仙體道通鑑序

渾庖既啓玄黃既判惟茲人類寔與乾坤清
寧並立為三然則通上下之情合陰陽之撰闢
玄機而契道妙者洵乎非人莫屬矣夫芸芸者
眾攘往熙來鵠居鹄息不足與參造化也軒轅
始立人極訪道崆峒即通性命之旨藥雲御氣
合德神明柱下道宗手著五千言流沙化胡播
教殊域仙踪靈跡粲然昭著此豈徒以虛無之

辭恍惚之象強為索解者哉漢初淮南慕道
方士所集枕中鴻寶願多祕笈中壘博通羣
籍能傳其術始撰列仙傳七十餘人抱朴繼起
著神仙傳靈妙益顯而晉於世緣者猶竊然
疑之不知保族挺生標異萬彙五行秀氣媿化于
斯跂喙哺蠖之儔奚能同創誠能洞微達幽凝知
竅妙養性服氣馴致長生齊齡天地豈然可期
奈何塵濁之夫役情榮利晨昏擾々自棄其實

遂致黔首皆成殤子而猶美詬真仙以為娛妄夏
蟲朝菌寧識春秋舉世湛冥日以心閑攫翔援
噬不啻猛鷲泰西哲士於言名理迺謂人類鼻
祖猴狲卑陋若此尚足與言神仙之事乎宋代趙
全陽高士覓討羣書博采歷代修道澄真之傳
記備列一編開卷湛然意超塵表洵通靈之索
鑰也覺彌迂疏下士抱質以游槌填索塗未能聞
道間覽道藏稍識圭旨非謂洞福靈寶可以妄躋

而確知養生全真贊兩儀而齋三光者固非悠謬
圓顙方趾之民首出庶物亦正在此書所錄信
而有微名曰通鑑其衛道之功固出涑水紫陽上
也今以原本付諸手民按印以廣流傳因弁言於
簡端閱是編者庶不以荒渺忽之奮志明道毋俾
世迷則餉遠來者豈淺鮮哉

歲在旃蒙大淵獻余月晦甯姬覺彌序



歷世眞仙體道通鑑序

白海瓊先生曰晉抱朴子作神仙傳所紀千有餘人劉綱法師復綴一千六百爲續仙傳宋朝王太初集仙者九百人爲集仙傳宣和間考古校今述所得仙者五萬人謂之仙史盛矣哉太上無爲之教也每觀超俗至士潔已高人或孝子忠臣或烈婦貞女傲節於清虛之地游心於玄妙之鄉欲隱晦以韜光慕超凡而躋聖故乃嚼渾沌握洪濛餌日月之精參天地之化澡心而浴性養素以存眞探虛無以爲立鼎之根基究妙有以爲煉丹之藥物鉛升汞降賴水火以烹煎虎躍龍騰仗陰陽而制伏故有金翁姤女之號黃婆丁老之名是皆修煉之秘事昇玄之密旨也

太上垂教字曰金丹得人則傳誓盟授受其始也煉精爲氣煉

氣成神、煉神合道、以至羣陰剝盡、體變純陽、身外有身、胎仙變化、方曰丹圓九轉、法契大成、以至積陰功而至三千、修德行而逮八百、太一符召、移居蓬島之間、上帝詔徵、飛步大羅之境、其次功行、則四種尸解、百變神遊、更且師資有殊、有分、修習不一、或念經持呪、飲水吞符、或存思運用、嚙津服氣、或餌草木之藥、或烹金石之丹、萬法千門、總歸一道、所謂處處垂楊、堪繫馬、家家有路到長安、然惟內煉金丹、該括萬化、如遵正路、如水朝宗、故凡尸解飛昇、莫不由此超度、方其修煉之時也、忘世榮華、甘心寂澹、灰頭垢面、破服弊衣、或露宿而雨眠、或松餐而澗飲、或和光而混俗、或默世而避塵、散處山林、徧遊湖海、宴息洞府、涉覽世途、其庸輩凡流、輕耳賤目、耆以告稚、甲以諭乙、此貧道人也、此丐子流也、近之者轉身、觀之者回盼、其有能尊而事之者、幾希、有如貴宦者、恃圭爵以爲高、富豪者、懷金貲以爲重、其笑

而恥爲之似者紛紛皆是矣。及其潛功外修，精心內煉，乘雲馭氣，策空駕浮，名紀上清，身栖碧落，則旒冕屈尊而下拜，金紫仰慕而驚心。吁！吾於道又何損益哉！惟我元始天尊，在昔大浮黎土，寶珠說經，都竟天人，廓散十方。當此之時，道浹羣黎，恩霑萬有，茂開劫運，啓迪真風，逮至無上道君。

太上老君繼演斯玄，迭振其化。暨我昊天上帝，符曆開極，真道凝虛，梯級羣仙，陶冶萬類，白日飛昇之士，戶解神變之人，自古迄今，益盛而益隆也。愚者一介渺微，苦耽玄學，欲希度世，頗厭俗紛，常觀儒家有資治通鑑，釋門有釋氏通鑑，惟吾道教，斯文獨闕。曰：海瓊先生之所謂傳，所謂史，皆不見行於世間。因錄集古今得道仙真事跡，究其踐履，觀其是非，論之以大道，而開化後人，進之以忠言，而皈依太上，務遵

至理不誑虛文。但真仙玩世顯少隱多。其所留名百不逮一。且傳記行藏。每有聞見之先後。蹤跡變化。難以次序。而鋪舒是故不可例世間作史編年紀事論也。如得一名真仙證道須是詳審校定。嚴行筆削。不敢妄書。庶幾剖判仙凡。垂名者貴人間天上。普見愚衷。惟萬劫至人上士鑒之焉。編成名之曰歷世真仙體道通鑑。浮雲山聖壽萬年宮道士臣趙道一再拜焚香謹序。

傳聞異辭所傳聞異辭況神仙狡獪或亡氏名變氏名不可知如張子房傳黃石公卽赤松子赤松子卽圯上老人圯上老人卽四皓四皓卽東海君東海君卽力士人自不悟當時若非此一老人變化豈有平沙曠野能自蔽并蔽力士又豈有路傍兵革間有四老同處爲上所知而人無聞焉從是而推八公能老能少眇道士遽如許遽如許皆意生身一一不足怪又從是而推真誥所稱聖賢忠孝文人才士古今一氣有隨化而無誠死蓋天地一人之身也吾天地之身也嘗欲效班孟堅人名表譜軒轅以來得道之士雖有精有麤有真有僞然此爲天仙此爲地仙此爲栖隱如此而修煉成如此而服食效如此而無成與不幸可師可慕可警可懼不得於其萃則得於其類如趙文子冠而受教如諸菩薩一時對佛說法至言滿眼諸門洞開要爲有益於無窮無量非特記姓名事迹而已古瑞趙全陽高士乃

能會聚劉子政葛稚川至近年諸書罷精竭力朱窠細字如蟲
蝕葉不可爲萬計雖傳聞所傳聞異而大略具是矣予因是又
見北方所謂作者皆不爲詭怪方伎與不可知而自不可及殆
真教也有蠹魚者不可謂知然得仙字食之知髮人者得其髮
食之亦仙全陽寤寐是間食仙也多矣非直蟬比也儻得其一
髮足與老仙共傳敬哉吾題是集爲顧將軍人物點眼凡質已
飛復欲疑武陵人云我則不暇甲午五月廬陵劉辰翁書

自昔得仙者皆云名應圖史此圖史在天上地下名山洞府不
係世間度人經言元始說法始青天中十方無極無量品至真
大神無鞅之衆浮空而至曰無極曰無量曰無鞅數衆正猶佛
書說三世十方河沙數百千萬億那由他不可說不可說諸佛
菩薩欲人人而注名姓字之竹帛殆不堪紀更生列仙始赤松
終玄俗上不及黃帝稚川神仙始廣成至封君達下不及晉代
沈玠續仙謂人間得仙之人猶千不得聞其一真誥載楊君筆
受地下主者謂有職位粗相識其無位者不可一二盡知如此
散者無限數也要知玄間有仙籍人間有史籍人不能知仙仙
不求聞於人故數目懸而詳略異耳浮雲山道士趙全陽著仙
鑑編纂詳考訂核可謂仙之董狐矣抑余有疑焉稚川傳淮南
王八公事甚偉謂漢史秘之可矣更生父德治淮南獄得鴻寶
枕中書誦之以爲奇及著列仙乃擯淮南八公而不列江鄉間

相傳旌陽事迹焜耀耳目及考真誥載諸許真冑家世譜系諱
行伯仲羣從上自司徒下至虎牙玉斧獨一語不及旌陽名不
挂譜真誥作於梁距東晉不遠未應墮史之闕文良可爲怪今
全陽所紀劉安許太史風績相望於列仙真誥得無間然否若
天真列聖玄間地位已在經藏若存之仙鑑之目反似挂一漏
萬一一具述不可勝書全陽筆削間試重思之闕逢敦牂歲三
月中澣中齋叟鄧光薦書于本一庵

舊見儒家有夫子禮文史四明斥之曰尊之乃所以小之此考亭所以於白鹿洞亦不欲塑夫子像止於祭時設位也然夫子世系竟未有過而問者此止齋老因觀復實錄重爲儒教感也浮雲山道士趙全陽編仙鑑可謂能人所不能者敢問夫子非海上廣桑山主宰邪此載之韓滉傳列之金籙醮位者君重遺之何也豈君所編施仙名存者卽孔門三千之徒而夫子之尊固已隱於辭之所不及邪噫塵塵刹刹玉皇身總入無邊明鏡裏請以斯語爲君贊云

三

廣倉學館印行

進表

臣道一言伏以大道無爲，先天地之始，真仙垂教，亘今古以同爰。自三皇以前，世代綿邈，結繩爲政，無文字之可稽。逮至伏羲氏始立書契，後世則而效之，而歷年滋多，竹簡湮沒，太古之事，後世十不得聞其一。人心不古，深可歎也。賴有太上之化身，歷世出而闡教，是以世降俗末之際，猶存還淳返樸之風，不亦偉歟。臣道一誠，惶誠恐稽首頓首恭惟。

太上昊天金闕至尊玉皇上帝陛下，真常湛寂，智慧妙圓，作三界之師尊，總十方之玄範，永弘至道，無量度人。臣不揆愚昧，採摭經傳所載，得上聖高仙真修實行之可紀者，編爲歷世真仙體道通鑑一部，于以公評論於道德，于以揭仙聖之範模，用顯真宗贊揚大化，將昭先覺，遠詔方來。但真仙住世，每隱景潛形，

變化莫測留名於傳記者百不得一焉請以淺近之見爲陛下陳之謂如三請之境十方諸天海上神山海外五嶽天真上帝真人神王威如雷霆明如星斗皆莫不有攸司而度人經所謂十方無極無量品至真大神無鞅數衆有非人世之所能盡述今據真經所載前列高真上聖數位以舉綱維其次羲農軒三皇之世得真仙名於世者數十人以顯天人交通之始自三皇以降雖真仙脉絡傳授接踵於其間然多尙隱逸不立文字其聲迹亦間聞於人今自歷五帝三代得真仙名於世者幾百人然亦不能究其出沒變化之詳盡逮至殷周太上復化身下降大道闡揚故自歷秦漢三國大晉南北朝隋唐五代宋朝中間垂教立法莫盛於此然而洞天福地朝市林泉或和光同塵或隱形韜迹有傳記之所不能盡載耳目之所不能周知所得真仙名於世者幾千人而已外如世人之感遇或飛仙下降或神

仙戲遊隱姓潛名倏忽遐邁者多不與筆所編者特真仙躬行踐履之接於人之聞見者爾然而綿歷今古編載豈無差訛臣賦稟凡愚述作豈無謬戾伏冀陛下察其微悃念其嚮慕而省覽焉然後頒付人間以爲方來證真仙子之監戒此臣區區之至願也臣干冒天威不勝戰慄所以編成歷世真仙體道通鑑謹奉表陳進以

聞臣道一誠惶誠恐稽首頓首謹言

浮雲山聖壽萬年宮道士小兆臣趙道一上表

仙鑑編例

浮雲山聖壽萬年宮道士趙道一編

一首列三清上帝五老高真自爲五卷並用引經爲據舉其大綱以示敬天尊主之象名曰通鑑外紀其體道通鑑始自上古三皇下逮宋末其得道仙真事迹乃搜之羣書考之經史訂之仙傳而成間或芟繁撫要不敢私自加入一言庶可示信於後亦竊比述而不作之意

一修仙有五等煉丹有三成既以證真妙用莫測只得渾融而書之難以分別異同優劣高下

一諸仙傳載飛昇冲昇上昇昇天登天輕舉冲舉昇舉飛舉登真昇真尸解解化昇化羽化隱化示化示卒示終等例並照元傳書之不敢改易

一真仙修踐有合於道德五千言者間立論斷歸美以示崇尚道德之貴後之學者宜取則焉

一是書編次難以攷覈年代故揭其大略次序而已其有博學之士能考究者幸刊而正之

一辨資治通鑑年譜差誤考周之世厲王在位三十六年周召共和十四年總五十年今通鑑年譜乃作厲王在位四十年共和又五十年則是總九十年而差加入四十年在內世豈有大臣輔少主居攝五十年而方歸政之理只據劉恕作外紀厲王亦不曾有四十年而書共和十四年厲王崩乎彘卽不曾有共和五十年之說此作年譜者之誤也且周之諸王享年有差互增減乃總其享國共九百二十七年考之乃是周之世差加入一循環甲子在內五十四年在周六年在商因而所排甲子紀年並差又據劉恕外紀論斷亦準三統歷

紀西周東周共八百餘年未嘗有九百餘年之說又可見後人作年譜差誤分曉自周上至唐堯元年諸家所載帝王紀年雖有不同而不曾外加入一循環甲子在內姑實勿論下至秦元年起方與諸家所載紀年同

一歷世真仙體道通鑑成其中年月用謝觀復作混元實錄中年譜亦欲效資治通鑑體再修歷世真仙傳道通鑑一部因先考年代以遺方來如資治通鑑起周威烈王釋氏通鑑效之起周昭王則道家用二家之體合起殷陽甲蓋老君以陽甲十七年自泰清境分神下降託孕於玄妙玉女也今考劉恕通鑑外紀及邵雍經世書與道家經書所載歷代帝王享國年譜特異三書之異蓋因所載享國修短之不同所以紀元年甲盡不相符合劉邵之作乃儒家考古之前輩而二人之所考已異儒者亦莫能分別是非或曰劉之書志在深究

治亂而不專意年甲邵之書考明數學專注意於年甲者或邵之書是也如是則劉之書本於史書紀年史果妄乎或曰前代久遠莫能辨惑此說良是矣今編體道通鑑只合本於道家所載經書如謝觀復所編混元實錄年譜蓋已考究詳盡後之述者幸無疑焉

歷世真仙體道通鑑卷之一

浮雲山聖壽萬年宮道士趙道一編

○軒轅黃帝

軒轅黃帝姓公孫帝自周制五等諸侯後乃有公孫姓何據也有熊國君少典之次子也黃伏義生少典居有熊之神封焉其母西喬氏女名附寶暝見大電光繞北斗樞星照于郊野附寶感之而有娠以樞星降又名天樞懷之二十四月生軒轅於壽丘名地而在魯東帝生而神靈幼而徇齊疾而弱而能言長而敦敏成而聰明龍顏日角河目隆顴蒼色大肩始學於大項長於姬水帝年十五心慮無所不通乃受國於有熊襲封君之地析在鄭縣州以制作軒冕乃號軒轅以土德王曰黃帝得奢龍辨乎東方下解文在得祝融辨乎南方官心號祝融字從正南從大明也求光明也主火為陽明為暗則南為得火封辨乎西方也雞西之雞明也旦以日望東而身居西

半也爲得后土辨乎北方北陰也日出萬物乃動也四方之名也東者
西也以日出望之如穿桑東扶桑數十萬材里帝娶西陵氏於大梁曰嫫祖爲
也日所出在扶桑也
元妃生二子玄囂昌意初喜天下之戴已也養正娛命自取安
而順之爲鴻黃之代以一民也時人未使而自化未賞而自勸
其心愉而不僞其事素而不飾謂太清之始也耕者不侵畔漁
者不爭岸抵市不預價市不閉鄙商旅之人相讓以財外戶不
閉是謂大同帝理天下十五年憂念黎庶之不理竭聰明進智
力以營百姓具修德也考其功德而務其法教時元妃西陵氏
始養蠶爲絲今禮記后祭先蠶西陵氏乃有天老五聖以
佐理化帝取伏羲氏之卦象法而用之據神農所重六十四卦
之義帝乃作八卦之說謂之八索求其重卦之義也時有臣曹
胡造衣臣伯余造裳臣於則造履帝因之作冠冕冠者則服之
冠中有仰別之名因其後高冕而前始代毛革之弊所謂黃帝垂衣裳

而天下理也。帝因以別尊卑，令男女異處，而居取法乾坤天尊地卑之義。帝見浮槎，方爲舟，卽有共鼓化狄三臣，助作舟楫。所謂剡木爲舟，剡木爲楫也。蓋取諸渙渙散也。物大通也，所以濟不通也。帝又觀轉蓬之象，以作車。時有神馬出生澤中，因名澤馬。一曰吉光，二曰吉良，出大封國。亳州東國也。文馬縞身，朱鬣乘之。壽千歲，以聖人爲政，應而出。今飛龍司有一吉良廐，因此薛綜雅川曰：騰黃之馬，吉光之獸，川則獸馬各異。又有騰黃之獸，其色今據吉光，卽馬騰黃，卽獸雅川之獸，說又別。又有騰黃之獸，其色黃，狀如狐，背上有兩角，龍翼一名飛黃，或曰古黃，又身一名乘若一日。本國壽二千歲，六典有車，府乘黃之里乘之，壽令三千歲，二行萬出日本國壽二千歲，皆典有車，府乘黃之官署卽太僕寺有乘黃，帝得而乘之，遂周遊六合，所謂乘八翼之龍遊天下也。故遷徙往來，無常。帝始教人乘馬，有臣胘作服牛，以用之。世本云：所謂服牛乘馬，引重致遠，以取諸隨，得隨所宜也。有臣黃雍父始作春，所謂斷木爲杵，掘地爲臼，以濟萬人取

諸小過也小過者過而通也帝作竈以著經始令鑄釜造甑乃
蒸飯而烹粥以易茹毛飲血之弊有臣揮始作弓臣夷牟作矢
所謂弦木爲弧剡木爲矢也史記云黃帝爲之也弧矢之利以威天下以
取諸睽睽乖也制不順也帝始作屋築宮室以避寒暑燥濕謂
之宮宮言處於中也所謂上棟下宇以待風雨取諸大壯大者
壯也帝又令築城邑以居之始改巢居穴處之弊又重門擊柝
以待暴客以取諸豫備不虞也又易古之衣薪葬以棺槨以取
諸大過有服齋於中宮於洛水上坐立扈石室與容光等內觀
忽有大鳥銜圖置於帝前帝再拜受之是鳥狀如鶴而雞頭燕
喙龜頸龍形駢翼魚尾體備五色三文成字首文曰慎德背文
曰信義齊文曰仁智天老曰是鳥麟前鹿後蛇頸背有龍文足
履正尾擊武有九苞一口包命二心合度三耳聰達四舌屈伸
五采色備六冠鉅銳鈎七金目鮮明八音激揚九腹大一名鷩

其雄曰鳳其雌曰凰高五六尺朝鳴曰登晨晝鳴曰上祥夕鳴曰歸昌昏鳴曰固常夜鳴曰保長皆應律呂見則天下安寧黃帝曰此鳥遇亂則去居九夷矣出於東方君子之國又出丹穴之山有臣沮頌蒼頡觀鳥跡以作文字此文字之始也先儒論始不同或始於三皇或始於伏羲或云與天地並興今據司馬遷班固韋誕黃帝修德義天下大理乃召天老謂之曰吾夢兩龍定蒼頡也無黃帝修德義天下大理乃召天老謂之曰吾夢兩龍挺白圖出於河以授予敢問於子天老對曰此河圖洛書將出之狀天其授帝乎試齋戒觀之黃帝乃齋于中宮衣黃服戴黃冕駕黃龍之乘載交龍之旂與天老五聖遊於河洛之間求夢未得帝遂沉璧於河乃大霧三日又至翠嬀之泉有大鱸魚於河中泝流而至殺三牲以醺之即甚雨七日七夜有黃龍負圖而出於河黃帝謂天老五聖曰子見河中者乎天老五聖乃前跪受之其圖五色畢具白圖蘭葉而朱文以授黃帝乃舒視之

名曰錄錯圖令侍臣寫之以示天下黃帝曰此謂之河圖書是
歲之秋也帝既得龍鳳之圖書蒼頡之文卽制文字以代結繩
之政以作書契蓋取諸夬夬決也決斷萬事自垂衣裳至制文
帝之如紀載此九事昔黃帝之功今各以當時事及衆書所載
列之儒說者或以爲不獨黃帝若以聖人至堯舜但倣作修飾
則九事皆黃帝始創之以服用後代聖人至堯舜但倣作修飾
於是黃帝定百物之名作八卦之說謂之八索一號帝鴻氏
一號歸藏氏乃名所制曰歸藏書此易之始也黃帝垂衣裳之
後作龍袞之服畫日月星辰於衣上以象天故有龍袞之頌帝
納女節爲妃其後女節見大星如虹下臨華渚女節感而接之
生少皞卽世紀云女節也帝又納醜女號嫫母使訓宮人而有淑德
奏六德之頌又納費修氏爲夫人是時庶民甘其食美其服樂
其俗安其居無羨欲之心鄰國相望鷄犬之音相聞至老而不
相往來無求故也所謂黃帝理天下便民心謂之至理之代是

時風不鳴條，謂之天下之喜風也。雨不破塊，謂十日一小雨，應天下文。十五日一大雨，以協運也。以嘉禾爲糧，謂之大禾也。其穗異常，以醴泉爲漿，謂泉水美味如酒，可以養老也。以五芝爲芳，謂有異草生於圃，則芝英、紫芝、黑芝、五芝草生，皆神仙上藥。時有水物，洋洋山車滿野，於是德感上天，故有黃星之祥。謂之異星，形狀似月，助月爲光，名曰景星。又有赤方氣，與青方氣相連，赤方中有二星，青方中有一星，凡三星。又有異草生於庭，月一日生一葉，至十五日生十五葉，至十六日一葉落，至三十日落盡。若小月卽一葉，厭而不落，謂之蓂莢，以明於月也。亦曰歷莢。帝因鑄鏡以象之，爲十五面神鏡寶鏡也。于時大撓能探五行之情，占北斗衡所指，乃作甲乙十干以名日，立子丑十二辰以名月，以鳥獸配爲十二辰屬之，以成六旬，謂造甲子也。黃帝觀伏羲之三畫成卦，八卦合成二十四氣，卽作紀歷以定年也。

帝敬大撓以爲師因每方配三辰立孟仲季自是有陰陽之法焉黃帝聞之乃服黃衣帶黃紳首黃冠齋于中宮卽有鳳凰蔽日而至帝乃降階東面再拜稽首曰天降丕祐敢不承命鳳乃止帝東園集於梧桐又巢于阿閣非竹實不食非醴泉不飲其飲也則自鳴舞音如笙簫帝卽使伶倫漢書伶倫往大夏之西大夏國在西去阮榆之谿崑崙之陰嶰谷采鍾龍之竹取其竅厚均者斷兩節間長七寸七分吹之爲黃鍾之音十一月一陽生萬鍾始物也以本至理之代天地之風氣所謂黃帝能理日月之行調陰陽之氣爲十二律呂雄雌各六也晉書云律管長以尺六孔十然堅貞溫潤也玉時有女媧之後容成氏善知音律始造律歷元起丁亥混元紀實錄辛卯今準又推冬至日在之星南斗後又問天老得天元日月星辰之書以紀時有臣隸首善算法始作數著算術焉臣伶倫作權量權斗秤也黃帝得蚩尤始明乎天文子據言

術云後蚩尤有帝又獲寶鼎乃迎日推策於是順天地之紀旁羅日月星辰作蓋天儀測玄象推分星度以二十八宿爲十二次角亢爲壽星之次房心爲大火之次尾箕爲析木之次斗女爲星紀之次虛危爲玄枵之次室壁爲諏訔之次奎婁爲降婁之次昂畢爲大梁之次觜參爲實沉之次左氏傳昭元子伯曰實沉居廣林不相能也日尋于戈以相征討后不臧遷唐次立中外之星作占日月之書此始爲觀象之法皆自河圖而演之又使羲和占日常儀占月鬼吏區占星帝作占候之法占日之書以明休咎焉黃帝有茂德感真人來遊玉池至德所致也有瑞獸在囿玄枵之獸也尚書中候云麋身牛尾狼蹄一角角端有肉示不傷物也音中黃鍾文章彬彬然牡曰麒牝曰麟

生於火、遊於土、春鳴曰歸禾、夏鳴曰扶幼、秋冬鳴曰養信、帝又得微蟲、蛄、螻、有大如羊者、犬如牛者、蟲名蟻、大如虹者、應土德之王也、有獸名螭、如獅子食虎、而循常近人、或來入室、人畏而患之、帝乃上奏于天、徙之北荒、帝以景雲之瑞、慶雲之祥、卽以雲紀官、官以雲爲名、故有縉、雲之官、或云帝煉金丹有縉雲少縉曰於是設官分職、以雲命官、春爲青雲官、夏爲縉雲官、秋爲白雲官、冬爲黑雲官、帝以雲爲師也、帝置四史官、令沮誦蒼頡隸首、孔甲居其職、主圖籍也、周禮掌版圖又令蒼頡主人儀孔甲始作盤盂以代凹尊杯飲之樸著盤盂篇盤盂之誠也帝作巾几之法以著經黃帝書中通理黃帝史謂之墳墳大也孔安國曰遭秦國焚之也不有臣史玉始造畫、又濟南人公玉帶上黃帝明堂圖、有複道上有樓、從西南入此樓之始也、帝依圖制之曰合宮、可以觀其行也、乃立明堂之議、以觀於賢也、時有仙伯出於岐山下

號岐伯善說草木之藥性味爲大醫帝請主方藥帝乃修神農
所嘗百草性味以理疾者作內外經又有雷公述炮炙方定藥
性之善惡扁鵲俞附二臣定脉經療萬姓所疾帝與扁鵲論脉
法撰素書上下經漢文里陽公淳于意能帝問岐伯脉法又制
素問等書及內經岐伯有今帙各九卷後約缺少其修之按素問序云
人增疾帝問之天遂作素女問以治帝問少俞鍼注乃制鍼經明堂圖灸
之法此鍼藥之始也黃帝理天下始以中央之色稱號初居有
熊之國曰有熊帝高辛顓頊唐堯高陽帝嚳爲不好戰爭當神農
氏之八代榆岡始衰諸侯相侵以黃帝稱中央故四方僭號亦
各以方色稱史載而不言名號即青帝大皞赤帝神農白帝少
僉共謀之邊城日駭帝乃罷臺榭之役省靡麗之財周戎士築
營壘帝問於首陽山不在安河其中居郡令來首山之金始鑄刀造弩又
於東海流波山得奇獸狀如牛蒼身无角一足能出入水吐水

則生風兩目光如日月其音如雷名曰夔牛帝令殺之以其皮

冒之而爲鼓擊之聲聞五百里世本作鼓則非也帝令軍人吹角

爲龍鳴此鼓角之始也於是又令作蹴鞠之戲以練武士毬令擊也

西京記曰陶黃帝云日中必斃操刀必割狂屈豎聞之曰黃帝

之言也帝有天下之二十有二年忽有蚩尤氏不恭帝命諸侯

中強暴者也兄弟八十人並獸身人語銅頭鐵額不食五穀陷

沙吞石蚩尤始作鎧甲時人所食麥飯糗糧不識謂之李太白曰南

也故不用帝命作五虐之刑以害黎庶於葛廬山發金作冶制爲

鎧甲及劍造立兵仗刀戟大弩等威震天下不順帝命帝欲伐

之徵諸侯一十五旬未克敵思念賢哲以輔佐將征不義乃夢

見大風吹天下塵垢又夢一人執千鈞之弩驅羊數萬羣覺而

思曰風號令執政者也垢去土解化清者也天下當有姓風名

后者夫千鈞之弩冀力能遠者也驅羊數萬羣是牧人爲善者

也。豈非有姓力名牧者乎？帝作此二夢，及前數夢龍神之驗，帝作釋夢之書，令依二夢求其人，得風后於海隅，得力牧於大澤，卽舉風后以理民，初爲侍中，後登爲相，舉力牧以爲將。此將相之始也。以大鴻爲佐理，於是順天地之紀，幽明之數，生死之說，是謂帝之謀臣也。帝問張若謀敵之事，張若曰：「不如力牧能於推步之術，著步法十三卷，可用之，乃習其干戈以征弗享，始制三公之職，以象三台。」天象有星風后配上台，天老配中台，五聖配下台。大公六韜曰：風后五力牧也。黃帝於是取合已者四人，謂之四面，而理時，獲寶鼎，迎日推策，又得風胡爲將，作五牙旗及烽火戰攻之具，著兵法五篇。又以神皇爲將，帝之夫人費修之子爲太子，好張羅及弓矢，付以大將，謂之撫軍。大元帥爲王前敵，張若力牧爲行軍左右，別乘以容光爲大司馬，統六師兼掌邦國之九法。容光一曰：常光。又寘左右大監，監于萬國。臣龍紆者有勇，有

義亦爲將帝之行也以師兵爲營衛乃與榆岡合謀共擊蚩尤

帝以玉爲兵

玉飾兵器

帝服黃冕駕象車交六龍太丙太乙爲御載

交龍之旂五牙旗引之以定方位帝之行也常有五色雲氣狀

如金枝玉葉止於帝上如葩華之象帝因作華蓋

今之繖蓋是也

黃帝

卽與蚩尤大戰于涿鹿之野

地在涿鹿郡

帝未克敵蚩尤作百

里大霧彌三日帝之軍人皆迷惑乃令風后法斗機作指南車

以別四方

崔豹古今注曰周公指南之車據此時已有指南車卽周公再修之爾

帝乃戰未勝歸

太山之阿慘然而寐夢見西王母遣道人披玄狐之衣以符授

帝曰太乙在前天一在後得之者勝戰則克矣帝覺而思之未

悉其意卽召風后告之風后曰此天應也戰必克矣寘壇祈之

帝依之以設壇稽首再拜果得符廣三寸長一尺青色以血爲

文卽佩之仰天嘆所未捷以精思之感天大霧冥冥三日三夜

天降一婦人人首鳥身帝見稽首再拜而伏婦人曰吾玄女也

有疑問之。帝曰：蚩尤暴人，殘物小子，欲一戰則必勝也。玄女教
帝三宮秘略五音權謀陰陽之術。兵法謂玄女法是已。入神符黃
帝之一陰陽術式法也。玄女傳陰符經三百言，帝觀之十旬，討伏
蚩尤。又授帝靈寶五符真文及兵信行，帝服佩之，滅蚩尤。又令
風后演河圖而爲式用之，創百八局，名曰遁甲。周公時漢張子
房受黃石公四皓書爲一十八局揭帖是也。以推主客勝負之
術，黃帝又著十六神曆，推太一六壬等法，又述六甲陰陽之道，
作勝負握機之圖及兵法要訣，黃帝兵法三卷。宋武傳云河圖
出軍訣，稱黃帝得西王母兵符，又有出軍大帥年命立成各一
卷，太一兵曆一卷，黃帝出軍新用訣一十二卷，黃帝夏氏占兵
氣六卷。此書至夏后黃帝十八陣圖二卷。諸葛亮重修黃帝問
玄女之訣三卷，風后孤虛訣二十卷，務成子玄兵災異占十四
卷，鬼史區兵法三卷，圖一卷。或作鬼亦谷區設兵修之以來黃帝於

是納五音之策以審攻戰之事復率諸侯再伐蚩尤于冀州蚩尤率魍魎魍魎請風伯雨師從天大風而來命應龍蓄水以攻黃帝黃帝請風伯雨師及天下女魃以止雨於東荒之地北隅諸山黎土羌兵驅應龍以處南極殺蚩尤女魃不得復上故其下旱所居皆不雨蚩尤乃敗於顧泉遂殺之於中冀其地因名絕轡之野川在媯也既擒殺蚩尤乃遷其庶類善者於鄒屠之鄉其惡者以木械之帝令畫蚩尤之形於旗上以厭邪魅名蚩尤旗殺蚩尤於黎山之丘北東隅荒之擲械於大荒中宋山之上其械後化為楓木之林山海經曰融天山有楓木所殺蚩尤身首異處帝憫之令葬其首冢於壽張縣名在鄆州赤氣高七丈土人常以尤其肩髀冢在山陽縣名在楚州收得蚩尤兵書行軍秘術一卷蚩尤兵法二卷黃帝都於涿鹿城又上曰谷濁鹿聲傳記誤也黃帝又與榆岡爭天下榆岡恃神農氏之後故爭之黃帝始以鵬

鸚鵡爲旗幟

六典曰今鸚鵡旗也

以熊羆貔虎爲前驅戰于版泉之野

地名在川也

三戰而後克之又北逐獯鬻之戎

即匈奴也

諸侯有不

從者帝皆率而征之凡五十二戰天下大定帝以伐叛之功始

令岐伯作軍樂鼓吹謂之簫饒歌以爲軍之警衛柵鼓曲靈夔

吼鵬鵬爭石墜崖壯士怒玄朱鷺等曲所以揚武德也謂之凱

歌

六典曰漢張騫得之西域凡八曲以止鼓也遺音

於是諸侯

咸尊軒轅爲天子帝以己酉立承神農之後火生土帝以土德

稱王天下號黃帝位居中央臨制四方帝破山通道未嘗寧居

令風后負籌書伯常荷劍且出流沙夕歸陰浦行萬里而一息

反涿鹿之阿帝又試百神而朝之帝問風后予欲知河所泄對

曰河凡有五皆始於崑崙之墟黃河出於崑崙山東南脚下卽

其一也

餘四河說在東

帝令豎亥步自東極至于西極得五億

十選九千八百八步一云三千億南北得二億三萬一千三百步

一云二億東盡泰還西窮邠國東西得二萬八千里南北得二

萬六千里四萬里曰選神農時漢書西九千萬里南北八千

道書北極至龍遊遠也黃帝三萬乘馬以理境土抵四海內也淮南

此言絕遠亦黃帝始畫野分州令百郡大臣授德教者先列珪

玉於蘭蒲席上使舂雜寶爲屑以沉榆之膠和之爲泥以分土

別尊卑之位與華戎之異禮出封帝旁行天下得百里之國者萬

區邑今是也縣所謂首出庶物萬國咸寧有青烏子能相地理帝問

之以制經帝又問地老說五方之利害時有瑞草生於帝庭名

屈軼佞人入則指之是以佞人不敢進時外國有以神獸來進

名獬豸如鹿一角寘於朝不直之臣獸即觸之容成子者得道

知聲律女媧之後初爲黃帝造律曆元起丁亥至此時造笙以

象鳳鳴素女於廣都來教帝以鼓五十絃瑟右史考曰黃帝損

之爲二十五絃瑟長七尺二寸伏羲寘琴女媧和之黃帝之琴

名號鍾作清角之弄帝始制七情行十義君仁臣忠父慈子孝
兄良弟悌夫義婦聽長惠幼順十義也帝制禮作樂之始也東
海有度索山或曰度朔山懸而度也此山有神荼鬱壘神能禦凶
鬼帝制驅讎之禮以象之帝以容成子爲樂師帝作雲門大卷
咸池之樂乃張樂於洞庭之野北門曰其奏也陰陽以之和日
月以之明和風俗也唐至文德二年洞庭側有人穿池得石鐘令
康通中得采人石季德於洞庭鄉采藥得古鐘上有篆岳州
刺史李萼進之可明莊子所謂黃帝於洞庭張樂誠不妄也
黃帝將會神靈於西山之上乃駕象車六交龍畢方並轄蚩尤
居前蚩尤風伯進掃雨師灑道鳳凰覆上乃到山大合鬼神帝
以號鍾之琴奏清角之音曠師曠善於琴奏晉平公強請奏再奏大師
風起而疾焉登崑崙之靈峯致豐大之祭以詔後代斯封禪
之始也于時有神人西王母者太陰之精天帝之女也人身虎
首山海經曰虎豹尾蓬頭戴勝顚然白首善嘯石城金臺而穴

居坐于少廣之山有三青鳥常取食此神人西王母慕黃帝之
德乘白鹿來獻白玉環又有神人自南來乘白鹿獻鬯帝德至
地秬鬯乃出黃帝習樂以舞衆神又感玄鶴二八翔舞左右帝
於西山嘗木果味如李狀如棠花赤無核因名沙棠食之禦水
不溺帝立臺於沃人國西王母之山名軒轅臺帝乃休于冥伯
之丘崑崙之墟帝遊華胥國伏羲義母于此國復往天毒國居之
因名軒轅國後來曰天竺去長安一萬二又西至窮山女子國
北又復遊逸於崑崙宮赤水北及南望還歸而遺其玄珠使明
目人離婁求之不得使罔象求而得之後爲蒙氏之女奇相氏
竊其玄珠沉海去爲神玄珠喻道有奇相之祠唐英按神蜀機
及蒙氏之郭璞黃帝玄珠沉江而死宅仲今江積廟是也帝巡
狩東至海登桓山於海濱得白澤神獸能言達於萬物之情因
問天下鬼神之事自古精氣爲物遊魂爲變者凡萬一千五百

二十種、白澤言之、帝令以圖寫之以示天下、帝乃作辟邪之文、以祝之、帝周遊行時、元妃嫫祖死於道、帝祭之以爲祖神、令次妃嫫母監護於道、以時祭之、因以嫫母爲方相氏、護喪其方也、以防喪氏、今人將行、設酒食、先祭道、謂之祖餞、祖送也、顏師古注、漢書曰、黃帝子、爲神、乖妄也、祭道實四民月令、復曰、黃帝之子、亦漢祖嫫也、祖皆不義也、審詳、黃帝以天下大定、符瑞並臻、乃登封泰山、禪于亭亭山、太山下、又禪于几几山、勒功於喬嶽、作下時以祭炎帝、以觀天文、察地理、架宮室、制衣服、候氣律、造百工之藝、累功積德、故天授輿服、斧鉞華蓋、羽儀天神之兵、黃帝著軒輿之銘、帝以事周畢、卽推律以定姓、孔子行此房紀鍾甄聲帝之四妃嫫祖、女節是費修生二十五子、得姓者十二人、云十、姬酉、祈已、滕、箴、任、苟、僖、詰、旋、依、公史、孫記、云十六、一、代、一、合、姓、一、惟、千、釐、五、一、百、姓、不、同、所、云、黃、帝、三、姓、、代、合、一、千、七、十、二、年、史、又、云、十、二、合、姓、一、惟、千、釐、五、一、百、姓、不、同、所、云、黃、帝、三、姓、、祁、滕、任、僖、詰、旋、依、公史、孫記、云十六、一、代、一、合、姓、一、惟、千、釐、五、一、百、姓、不、同、所、云、黃、帝、三、姓、、理、終、不、通、且、黃、帝、生、熊、長、於、黃、帝、水、姬、稭、姓、合、非、也、且、周、眞、氏、五、等、諸、侯、

以公侯伯子男諸侯更孫多稱五公孫言非公之子孫也黃帝九子
故連公侯伯子男者且更孫多稱五公孫言非公之子孫也黃帝九子
各封一國之潘安仁詩言元妃嫫祖生二子玄囂昌意並不居帝
位玄囂得道爲北方水神昌意居弱水弟少昊黃帝之小子也
帝妃女節所生號金天氏後卽帝位黃帝之女溺於東海化爲
鳥名精衛常銜西山木石以堙東海昌意娶蜀山氏之女生顓
頊居帝位號高陽氏黃帝之嫡孫也黃公託拔昌意之少子也
封北土以黃帝土德化俗以土爲姓禹強黃帝之胤不居帝位亦
得道居北方爲水神少昊有子七人顓頊時以其一子有德業
賜姓曼氏餘不聞黃帝以天下旣理物用具備乃尋真訪隱問
道求仙冀獲長生久視所謂先理代而後登仙者也時有甯子
爲陶正有神人過教火法出五色煙能隨之上下道成仙去往
流沙之所食飛魚暫死二百歲更生作沙頭頌曰青葉灼爍千
載舒萬齡暫死餌飛魚有務光子者身長八尺七寸神仙者也

至夏時無藥養性有赤將子與不食五穀啗百草而長年堯時
鼓琴有風上壽永者有容成公善補導之術守生養氣谷神不死能
工能隨千歲矣下有容成公善補導之術守生養氣谷神不死能
即已二歲矣下有容成公善補導之術守生養氣谷神不死能

使白髮復黑齒落復生黃帝慕其道乃造五城十二樓以候神

人即訪道遊華山首山東之泰山時致怪物而與神仙通接訪

神人於蓬萊回乃接萬靈於明庭京兆仲山甘泉寒門谷口長在

安北甘泉雲陽黃帝於是祭天圓丘將求至道即師事九元子以地皇

元年正月上寅日齋於首山蒲坂河復周遊以訪真道令方

明為御昌寓驂乘張若謬導焉氏謬切音繆一作朋舒昆閭滑稽從車

而至襄城之野七聖俱迷見牧馬童子黃帝問曰為天下若何

童子曰理天下何異牧馬去其害馬而已黃帝稱天師而退至

于園丘其國有不死樹食其子與葉人皆不死有丹巒之泉飲

之而壽有巨蛇害人黃帝以雄黃却逐之其蛇留一時而反外國

九記年云也帝令三子習服之皆壽三百歲北到洪隄上具茨山在國

陽見大隗君密縣大隗神也又見黃蓋童子受神芝圖七十二卷適中

岱見黃子中受九茹之方其一云至州有同空之山見中黃真人隴右

也登崆峒山見廣成子問至道莊子作空同之山也司馬彪注梁國

問虞城東三十里是也一云正黃帝問道之三汝今山空上乃道宮

至山下亦有軒轅一觀存焉皆覺黃帝同今併存之廣成子不答帝退捐

天下築特室藉白茅間居三月方往再問修身之道廣成子乃

授以自然經一卷黃帝捨帝王之尊託猥豚之文登雞山陟王

屋山開石函發玉笈得九鼎神丹注訣南至江登熊湘山熊山在

陵長沙益陽縣往天台山受金液神丹東到青丘山見紫府先

生受三皇內文大字抱朴子云以劾召萬神南賓五芝玄澗登

園壠蔭建木觀百靈所登降采若乾之芝一云飲丹巒之水南

至青城山禮謁中黃丈人乃間登雲臺山見寧先生受龍躋經

問真一之道於中黃丈人丈人曰子既君海內復欲求長生不

死不亦貪乎。頻相反復而復授道。帝拜謝訖。東過廬山祠。使者以次青城丈人廬山使者秩比御史主總仙官之道。是五嶽監司也。又封潛山君爲九天司命主生死之錄。黃帝以四嶽皆有佐命之山而南嶽孤特無輔。乃章詞三天太上道君命霍山爲儲君。命潛山爲衡嶽。之副以成之時。參政事以輔佐之。帝乃造山躬寫形象以爲五嶽真形圖。黃帝往煉石於緡雲堂於地煉丹時有非紅非紫之雲見。是曰緡雲。因名緡雲山。帝藏兵法勝負之圖六甲陰陽之書於苗山。黃帝合符瑞於釜山。得不死之道。奉事太一元君。受要記修道養生之法於玄女。素女受還精補腦之術。玄女授帝如意神方。卽藏之崆峒山。帝精推步之術于山稽。力牧著體用之訣於岐伯。雷公講占候於風后。先生黃帝得玄女授陰符經義。能內合天機。外合人事。帝所理天下南及交趾北至幽陵西至流沙東及蟠木。帝欲棄天下曰。吾聞在

宥天下不聞理天下我勞天下久矣將息駕於玄圃以返吾真
矣黃帝修輿封禪禮畢采首山之銅鑄九鼎於荊山之下以象
太一於州是鼎神質文精也孫壽三百六十歲入九嶷山仙去
後三千六百歲堯理天下洪水既甚人民墊溺禹念之乃化生
於石紐山曰女狄暮汲水得石子如珠愛而吞之有娠十四月
而生子及長能知泉源乃賜號禹後人稱曰神禹是也今石紐泉
金簡玉字黃帝之遺誠也帝又以所佩靈寶五符真文書金簡
一通藏於宛委之山帝嘗以金鑄器皆有銘題上古之字以記
年月或有祠也時有薰風至神人集成獸代之志卽留冠劍珮
舄於鼎湖極峻處崑崙之上立館其下崑崙山之軒轅臺也時
馬師皇善醫馬有神通之妙思有龍下于庭伏地張口師皇視
之曰此龍病求我醫也師皇乃引鍼於龍口上下以牛乳煎甘
草灌之龍病愈師皇乘此龍仙去黃帝聞之自擇日卜還宅昇

仙之日得戊午果有龍來垂胡髯下迎黃帝乃乘龍與友人無
爲子及臣僚等從上者七十二人小臣不得上者將龍髯拔陰
及帝之弓小臣抱其弓與龍髯而號泣弓因曰烏號鑄鼎之地
後曰鼎湖其後有臣左徹削木爲黃帝像率諸侯朝奉之臣僚
追慕罔極或取几杖立廟而祭或取衣冠寘墓而守是以有喬
山之塚黃帝曾遊處皆有祠五百年後喬山墓崩惟劍與赤舄
在焉一旦亦失黃帝居代總一百二十年云云在位一百五年
自上仙後昇天爲太一君其神爲軒轅之宿在南宮黃龍之體
象後來享之列爲五帝之中方君以配天黃帝土德中央之位
以主四方以鎮星配爲子名樞紐之神爲佐配享於黃帝帝之
子少昊名摯字青陽號金天氏居帝位八十一年帝王世紀云
無少昊外紀都曲阜今兗子孫相承共四百年黃帝之孫顓頊號
高陽氏母蜀山氏所生有聖德居帝位七十八年世紀云八十八

八壽九十都商丘濮陽以今濮州之顯地為名帝嚳高辛氏黃帝之曾
孫也黃帝極子玄囂生也帝嚳生而神靈自言其名居帝位七十
年外紀云壽帝堯陶唐
氏黃帝之玄孫帝嚳之子也姓伊祈字放勛興於定陶以唐侯
為帝齊定陶縣又都平陽州今冀在位七十年壽一百一十八歲
考之尚書當是七十三歲又位二十八年壽一百一十八歲
載將遜試舜三載傳十位與舜又位二十八年壽一百一十八歲
八十壽一百一十八歲
攝帝位三十年正居位五十年壽一百一十二歲外紀在位一百五
一十歲史紀云舜年六十三代堯踐帝位三十九年壽正之一百
為一天百一十五十歲凡都蒲坂中府河夏禹亦黃帝之玄孫也姓姒居
帝位都安邑州今蒲在位九年子孫相承共四百三十二年外紀
按遁甲開山圖曰禹得道仙人也古有禹女媧十九代知吉知
凶知存知亡能輕能重能息能行不灼而沸不汲自滿中生五

味真神物也黃帝煉九鼎丹服之逮至煉丹成後以法傳於玄
子此道至重盟以誠之帝以中經所紀藏於九嶷山東號委羽
承以文玉覆以盤石其書山下江邊折而大禹廟於石紐六納有
是日生郡人常以殷湯黃帝二十代孫黃帝辛高玄囂生契又十玄
為世後王湯也乙姓子居帝位都亳州今亳在位一十三年子孫相承
共六百二十三年外紀二十八年周發黃帝二十二代孫姓姬黃
孫顯項以黃帝居六姬水姓姬故周武帝子居帝位六年都鎬京永
與後平王遷洛邑子孫相承共八百七十三年外紀九百年譜差七
年黃帝子孫各得姓於事帝推律定姓者十二前具在九子各封
一國總三十三氏出黃帝之後先天紀云子孫相承凡一千五
百二十年世紀云一千
臣道一日軒轅屈黃帝之尊禮七十二師然後垂衣裳而天
下治當是時也君明臣良民淳俗樸以有天下而不恥下問

是故神人悉願歸之民到于今稱之此後世所以有黃帝王
霸之品者於此乎可見矣道德經曰是以聖人處無爲之事
行不言之教萬物作焉而不辭生而不有爲而不恃功成而
弗居夫惟不居是以弗去豈非軒轅之謂乎

歷世真仙體道通鑑卷之一

歷世眞仙體道通鑑卷之二

浮雲山聖壽萬年宮道士趙道一編

通玄天師

通玄天師一號玄中大法師在天皇時出洞真經一十二部以無極大道下教人間

有古大先生

有古大先生於地皇時出洞玄經一十二部化人以無上正眞之道

盤古先生

盤古先生在人皇時出洞神經一十二部化人以太平無爲之道

鬱華子

鬱華子在宓犧時降于田野授天皇內文又降河圖八卦之文教人以順性之道一號宛華稱田野子作元陽經三十四卷

廣壽子

廣壽子在祝融時降于恆山授人皇內文教人以安神之道俾陶鑄爲器以變生冷一號傳豫子作按摩通精經九十卷

大成子

大成子又號傳豫子在神農時降于濟陰授地皇內文教人以好生之道俾播殖穀果以代烹殺和合方藥救疾養性一云作太一元精經三十六卷

廣成子

廣成子居崆峒之山石室之中黃帝聞而造焉曰敢問至道之要廣成子曰爾治天下雲不待族而雨木不待黃而落奚足以語至道哉黃帝退而閑居三月復往見之膝行而前再拜請問

治身之道答曰至道之精窈窈冥冥至道之極昏昏默默無視
無聽抱神以靜形將自正必靜必清毋勞爾形毋搖爾精乃可
長生慎內閉外多知爲敗我守其一而處其和故千二百年未
嘗衰老得吾道者上爲皇失吾道者下爲土予將去汝入無窮
之間遊無極之野與日月齊光與天地爲常人其盡死我獨存
焉乃授帝陰陽經黃帝紀云授自然經一號力默子作道成經七十卷

臣道一曰廣成子謂我守其一而處其和故千二百年未嘗
衰老道德經曰昔之得一者天得一以清地得一以寧神得
一以靈谷得一以盈萬物得一以生侯王得一爲天下正其
殆以此乎廣成之意欲軒轅抱一爲天下式而已厥後軒轅
得道白日昇天後世帝王卒未能及廣成之功妙矣哉

隨應子

隨應子一號太極先生在少皞時降于崆峒山說莊敬經教以

順時行令

赤精子

赤精子在顓頊時說微言經教以忠順之道南嶽總聖集云芙蓉峯今有傳經壇晉咸和中山南見數童子與羣白鶴遊翔其上

錄圖子

錄圖子在帝嚳時降于江涓說黃庭經教以清和之道又命九天真王三天真皇執八光之節景雲之符下牧德臺授帝嚳以無墜帝乃祭天於北河之壇藏符於鍾山之峯後昇天爲玄宮真人錄圖子是時傳道與赤松子被衣子王倪齧缺一云作黃庭經五十卷

○務成子

務成子在唐堯時降于姑射山說玄德經教以謙遜之道一云作政事宣化經四十卷

尹壽子

尹壽子在虞舜時降于河陽說道德經教以無爲之道又傳道與彭祖一云作通玄真一經七十卷道德經千二百卷

真行子

真行子一號甯真子在夏禹時降于商山教以勤儉之道授九疇書又命宛委之神玄夷使者授禹玉書靈寶五符治水真文及罡步劾召鬼神之法玉笥山太秀法樂洞天卽授禹靈寶真文之所遺迹存焉今太湖中洞庭山林屋洞天卽禹藏真文之所一名包山吳王闔閭十二年正月登包山之上命隱者龍威丈人入包山之洞究其深遠見金城玉屋題曰天后別宮太陰之堂於玉室几上得素書一卷凡一百七十四字而還闔閭不

識其書使使問仲尼云赤烏衡書以授於王仲尼曰吾昔遊於西海之上聞童謠曰吳王出遊觀震湖龍威丈人名隱居北上包山入靈墟乃造洞庭竊禹書天帝大文不可舒此文長傳百六初今強取出喪國廬丘按謠言乃龍威丈人洞中得之赤烏所銜非丘所知也吳王懼復歸其書一云夏禹時出爲師號季子肯作元始經四十六卷復作妙樂經七十卷復作德戒經三十卷

錫則子

錫則子在商湯時降于潛山說長生經教以恭愛之道今潛山天祚宮前龍堂之址卽其所也一號錫壽子或稱戒子肯作道元經七十卷

爓邑子

爓邑子亦稱赤精子降于岐山之陽說赤精經教以仁信之道

西伯聞之召爲守藏史

育成子

育成子周武王克商踐祚以守藏史遷爲柱下史作璇璣經一云周武王時出爲師號郭叔子亦稱續成子或號天老公復稱爲老君乍爲常人乍爲柱下史作長生經三十卷以授于王

經成子

經成子周成王時爲柱下史說廣化經又以道授周公旦乃退而閑居因出遊西極大秦竺乾等國號古先生

郭叔子

郭叔子周康王時爲柱下史

歷世真仙體道通鑑卷之二

歷世眞仙體道通鑑卷之三

浮雲山聖壽萬年宮道士趙道一編

○赤松子

赤松子者神農時雨師服水玉以教神農能入火自焚至崑崙山常止西王母石室中隨風雨上下炎帝少女追之亦得仙俱去至高辛時復爲雨師今之雨師本是焉丹臺錄云爲崑林仙伯治南嶽山抱朴子云赤松子以玄蠱血漬玉爲水而服之故得乘煙上下也玉屑服之與水餌皆令人不死

○甯封子

甯封子者黃帝時人也世傳爲黃帝陶正有人過之爲其掌火能出五色煙久則以教封子封子積火自焚而隨煙氣上下視其灰燼猶有其骨時人共葬於甯北山中故謂之甯封子焉

甯封

先聞生天栖真皇蜀人之被青城山北巖黃帝峨嵋師焉請一問之三一源可師而問之曰
吾也因以龍蹻爲經授黃帝黃人黃帝受之能策雲龍以遊八極乃築壇
其上拜甯君爲五嶽之靈主
其受土皇司人嶽神以水道報刻漏於此是謂六焉時水陰時卽飄然而
五嶽受土皇司人嶽神以水道報刻漏於此是謂六焉時水陰時卽飄然而
卽酒無陽時

馬師皇

馬師皇者黃帝時馬醫也知馬形氣死生之診理之輒愈後有
龍下向之垂耳張口師皇曰此龍有病知我能理乃鍼其唇下
口中以甘草湯飲之而愈後數有疾龍出其陂告而治之一旦
龍負而去

赤將子輿

赤將子輿者黃帝時人不食五穀而噉百草華至堯時爲木工
能隨風雨上下時與市中貨繳亦謂之繳父

偃佺

偃佺者槐山採藥父也好食松實形體生毛長數寸兩目更方能飛行逐走馬以松子遺堯堯不暇服也松者簡松也時人受服者皆至二三百歲焉

方回

方回堯時隱人也堯聘以爲閭士煉石雲母粉亦與人民之有病者隱於五柞山中夏啓末爲宮士爲人所劫閉之室中從求道回化而得去更以方回印封其戶時人言得回一圓泥塗門戶終不可開

錢鏐

錢鏐帝顓頊之玄孫因進雉羹於堯堯封於彭城後謂之彭祖有子二人長名武次名夷其所隱山後人名曰武夷山一云虞舜時尹壽子傳道與彭祖一云錢鏐卽彭祖有導引術有疾則閉氣以攻所患運行體中下達指末卽體如常云上士異牀中

士異被服藥百裹不如獨臥人集其術爲彭祖經列仙傳云彭祖歷夏至殷末八百餘歲常食桂芝善導引行氣歷陽有彭祖仙室前世禱請風雨莫不報應常有兩虎在祠左右祠訖地卽有虎迹云後昇仙而去一云鏗隱山中編竹爲戶餐松爲糧能乘風御氣騰身踴空至殷之末世已七百餘歲後七百七十七歲解化趙次公云徐州彭城縣以彭祖而得名按寰宇記殷之賢臣彭祖顓帝玄孫至殷末壽七百六十七歲今墓北故邑號大彭廬山名賢傳云彭鏗曾過彭蠡之濱造其名嶽今廬山是也徧遊洞府以窺聖迹已而把釣於臺上雙鯉化爲雙龍冲天而去或云今江濱有釣魚臺本彭祖遺迹也

嘯父

嘯父冀州人少在西周市上補履數十年人不知也後奇其不老好事者造求其術不能得惟梁母得其作火法臨上三亮山

與梁母別列數十火而昇天西邑多奉祀之焉

師門

師門者嘯父之弟子也亦能使火食桃李葩爲夏孔甲龍師孔甲不能順其心意殺而埋之野外一旦風雨迎之訖則山木皆焚孔甲祀而禱焉還而道死

按劉恕通鑑外紀云孔甲好鬼神之事不務修德諸侯多叛時天降乘龍有雌雄孔甲不能食而未獲豢龍氏陶唐氏既喪其后有劉累學擾龍於豢龍氏事孔甲能飲食之夏后嘉之賜氏曰御龍以更豕韋之後龍一雌死潛醢以食夏后夏后享之旣而使求之累懼而遷于魯縣據道一之見劉累恐卽是師門未審是否因注於下以俟後之高人討論
臣道一曰師門得道而仕於有夏遇君之不幸也孔甲始則殺而埋之終則感悟而祀之卒還而道死是猶孫策殺于吉

而創製姚萇斬王嘉而尋亡然王嘉卽逢於隴右千古復見於鏡中師門且迎於風雨於道何損焉爲人上者可不謹諸使有道之君尊賢樂士寧得有此道德經曰奈何萬乘之主而以身輕天下輕則失臣躁則失君此之謂也

務光

務光

莊子作務光

夏時人耳長七寸好琴服蒲韭根商湯伐桀因光

而謀光曰非吾事也湯曰孰可曰吾不知也湯曰伊尹如何曰強力忍垢吾不知他湯旣克桀以天下讓於光曰智者謀之武者遂之仁者居之古之道也吾子胡不遂之請相吾子光辭曰廢上非義也殺人非仁也人犯其難我享其利非廉也吾聞非義不受其祿無道之世不踐其位莊子位況於尊我我不忍也遂負石自沈蓼水莊子云盧水司馬作盧水在遼東西界一云在馬北平郡界已而自匿後四百餘歲至武丁時復見武丁欲以爲相不從武丁以興迎而從

逼不以禮遂投河浮山後游尙父山

臣道一曰太僕旣散而後有湯誓之師鳴條之戰儻非有道至人出於其間則千載而下綱常蕩然矣以務光折湯之非明君臣之分至於負石沈水處生死之際不改其操其所以立萬世忠義之標杓者端在於此其後有盟津之會伯夷叔齊叩馬而諫餓死首陽豈非本於光之道歟道德經曰國家昏亂有忠臣愚則曰其不幸而有昏亂也其亦幸而有忠臣也

仇生

仇生者不知何許人湯時爲木正三十餘年而更壯皆知其壽人也咸共師奉之其人云常食松脂在鄉北山上自作石室至周武王時幸其室祠之

容成公

容成公者自稱爲黃帝之師見周穆王善補導之事煉精於玄
牝其要谷神不死守生養氣髮白反黑齒落更生事與老子同
亦云老子師之焉精或補曰容成公取得此說蓋後世握固不繼也

臣道一曰道德經曰谷神不死是謂玄牝玄牝之門是謂天
地根綿綿若存用之不勤夫得是道者上爲仙失是道者下
爲鬼容成公得此道衆妙之門也後世不得其道而流於傍
蹊曲徑抑末矣又極而至於爲御女之術乃託容成公以爲
辭誤也

呂尙

呂尙者冀州人也生而內智預見存亡避紂之亂隱於遼東四
十年西適周匿於南山釣於磻溪三年不獲魚比閭皆曰可已
矣尙曰非爾所及也已而果得兵鈐於魚腹中文王夢得聖人
聞尙遂載而歸至周武王伐紂尙作陰謀百餘篇服澤芝地髓

且二百年而告亡有難而不葬後子伋葬之無尸唯有玉鈴六篇在棺中云

葛由

葛由者羌人也周成王時好刻木羊賣之一旦騎羊入蜀蜀中王侯貴人追之上綏山綏山在峨嵋山西南高無極也隨之者不復還皆得仙道故里諺曰若得綏山一桃雖不得仙亦足以豪

范蠡

范蠡字少伯徐人也事周師太公望好服桂飲水爲越大夫佐勾踐破吳後乘輕舟入海變名姓適齊爲鴟夷子更後百餘年見於陶爲陶朱君財累億萬號陶朱公復棄之賣藥後人

世世識見之云

李元膺記范蠡學道於麗元山屬彭州
二十四化志云范蠡道於北邙山得仙

邛疏

邛疏者周封史也能行氣煉形煑石髓而服之謂之石鍾乳至數百年往來入太室山中有臥石牀枕焉

介子推

介子推者姓王名光晉人也隱而無名悅趙宣子與遊旦有黃雀在門上晉公重耳異之與出居外十餘年勞苦不辭及還介山伯子震晨來呼推曰可去矣推辭毋入山中從伯子常遊後文公遣數千人以玉帛禮之不出後三十年見東海邊爲王俗賣扇後數十年莫知所在

涓子

涓子齊人好餌朮接食其精至三百年乃見於齊著天地人經四十八篇後釣於河澤得鯉腹中有符隱於宕山能制風雨受伯陽九仙法淮南王安少得其文不能解其旨也其琴心三篇

有條理焉

馬丹

馬丹者晉狄人也當文侯時爲大夫至獻公時復爲幕正獻公滅狄殺恭太子丹去至趙宣子時乘安車入晉都候諸大夫靈公欲仕之逼不以禮有迅風發丹入迴風中而去北方人尊而祠之

平常生

穀城平常生不知何所人也數死復生時人以爲不然後大水出所害非一而平輒在缺門山頭大呼言平常生在此云復水雨五日必止止則上山求祠之但見平衣帔革帶後數十年復爲華陰門卒

陸通

陸通楚狂接輿一本作輿也同音餘興也好養生食橐盧木實及蕪菁子遊

諸名山在蜀峨嵋山上人世世見之孔子適楚楚狂接輿遊其門曰鳳兮鳳兮何如德之衰也來世不可待往世不可追也天下有道聖人成焉天下無道聖人生焉方今之時僅免刑焉福輕乎羽莫之知載禍重乎地莫之知避已乎已乎臨人以德殆乎殆乎畫地而趨迷陽迷陽無傷吾行吾行卻曲無傷吾足山木自寇也膏火自煎也桂可食故伐之漆可用故割之人皆知有用之用而莫知無用之用也肩吾見狂接輿接輿曰日中始何以語汝肩吾曰告我君人者以已出經式義度人孰敢不聽而化諸狂接輿曰是欺德也其於治天下也猶涉海鑿河而使蚩負山也夫聖人之治也治外乎正而後行確乎能其事者而已矣且鳥高飛以避矰弋之害鼯鼠深穴乎神丘之下以避重鑿之患而曾二蟲之無知肩吾問乎連叔曰吾聞言於接輿大而無當往而不反吾驚怖其言猶河漢而無極也大有逕庭不

近人情焉連叔曰其言謂何哉曰藐姑射之山有神人居焉肌膚若冰雪綽約若處子不食五穀吸風飲露乘雲氣御飛龍而遊乎四海之外其神凝使物不疵癘而年穀熟吾以是狂而不信也連叔曰然瞽者無以與乎文章之觀聾者無以與乎鍾鼓之聲豈唯形骸有聾盲哉是其言也猶時女也之人也之德也將旁礴萬物以爲一世斬乎亂孰弊焉以天下爲事之人也物莫之傷大浸稽天而不溺大旱金石流土山焦而不熱是其塵垢粃糠將猶陶鑄堯舜者也孰肯以物爲事皇甫謐云接輿躬耕楚王遣使以黃金百鎰車二駟聘之不至

琴高

琴高趙人能鼓琴爲宋康王舍人行涓彭之術浮游冀州涿碭郡間二百餘年後辭入涿水取龍子與諸弟子期期日皆齋作一潔待於水傍設祀果乘赤鯉來至祠中且有萬人觀之留一月

入水去

今宣州有琴高釣臺

寇先

寇先者宋人也釣魚爲業居睢水傍百餘年得魚或放或賣或食著冠帶好種荔食其葩實焉宋景公問其道不告卽殺之後數十年踞宋城門鼓琴數十日而去宋人家奉祀焉

王子喬

王君名晉字子喬亦名喬字子晉周靈王有子三十八人子晉太子也生而神異幼而好道雖燕居宮掖往往不食端默之際累有神仙降之雖左右之人弗知也常好吹笙作鸞鳳之音聲貫行雲響滿宮掖白鸞朱鳳延頸鼓翼集而聽之奇禽異鳥率舞庭砌以爲常也一日天台山浮丘公降授道要使修石精金光藏景錄神之法是時靈王二十二年穀洛鬪將毀王宮太子晉累諫不聽以其忤旨遂退居別宮齋戒思道浮丘公密降其

室賜以靈藥接以登高山後數年友人林良遇子晉於緱山之
上謂良曰七月七日我當昇天可與故人會別也至是良與故
人羣官登山見子晉棄所乘馬於澗下飲齧如初子晉乘白鶴
揮手謝時人昇天而去遠近觀之咸曰王子登仙遂言曰王卽
吾姓也因以爲王氏是時羣官拜別迴拜所乘馬焉亦飛空而
去今有拜馬澗在焉子晉昇天爲右弼主領五嶽司侍帝晨號
桐栢真人理金庭洞天楚辭離騷天問篇云白蜺嬰茀胡爲此
堂安得夫良藥不能固藏天式從橫陽離爰死大鳥何鳴夫焉
喪厥體註引仙傳云崔文子學道於王子喬子喬化爲白蜺而
嬰茀持藥與之文子驚怪引戈擊蜺因墮其藥俯而視之子喬
之尸也須臾化爲大鳥飛鳴而去方輿記云西山中峯最高頂
卽王子喬之遺壇在嶺側今隸隆興府

幼伯子

幼伯子者周蘇氏客也冬嘗著單衣盛暑著襦袴形貌歲異後數十年更壯時人莫知世世來誠祐蘇氏子孫得其福力焉

桂父

桂父者象林人也時黑而時白時黃而時赤南海人見而尊事之常服桂及葵以龜腦和之千丸用十斤桂累世見之今荊州之南尙有桂丸焉

瑕丘仲

瑕丘仲甯人也賣藥於甯百餘年人以爲壽而因地動舍壞仲及里中數十家屋臨水皆敗仲死民或取仲尸棄水中收其藥賣之仲被裘而從詣之取藥棄仲者懼叩頭求哀仲曰非恨汝也使人知我爾後自北復來至甯北方謂之謫仙人

酒客

酒客梁市上酒家人也作酒常美售人日得萬錢有過而逐之

主人酒常醉敗貧窮梁市中賈人多欲以女妻而迎之或去或來後百餘歲來爲梁丞使民益種芋菜三年當大饑果如其言梁民不死後五年解印綬去莫知所終

任光

任光上蔡人善餌丹賣於都里間積八十九年乃知是故時任光也稱說如故後數十年間頃後長老識之趙簡子聘與俱歸常在柏梯山上三世不知所在晉人常服其丹

蕭史

蕭受姓於殷至周宣王時有蕭欽者妻王氏皆富好道老君曾降其家以宣王十七年五月五日生卽蕭仙也生而不事家業遊終南山遇異人授長生術且教以吹簫歸家告父母願入道父母強爲娶妻蕭仙云異人教我勿娶當得帝女父母聽之宣王末史籍散亂蕭仙能文著本末以備史之不及人以史目之

實無名也。行第三浪迹入秦。孟明之師從軍。引敗歸。秦侯迺而哭之。史在孟明側。立甚恭。秦侯問敗師狀。孟明不能答。史代對甚悉。孟明免罪。史之力也。孟明歸。史又放浪山水間。時秦侯有女名弄玉。善吹笙。無和者。求得吹笙者以配孟明。以代對。故薦史。因召見秦侯。問史云。善簫。侯曰。吾女好笙。子簫也。奈何。史以不稱旨退。女在屏間呼曰。試使吹之。一聲而清風生。再吹而彩雲起。三吹而鳳凰來。女曰。是吾夫也。願嫁之。史曰。女亦且吹笙。且三吹之。如史所感。於是孟明爲媒。蹇叔爲賓。合宴於西殿座中。不奏他樂。惟二人自以簫笙間奏。曲未終。鳳凰來下。二仙乘之而去。秦侯惘然。咎孟明。孟明遣人四方尋之。至楚尾吳頭。有人見西山高峯。男女坐而吹笙。簫簫者鳳栖其傍。使者聞急訪之。又冲昇矣。後不知其所之。此其大略也。

赤須子

赤須子者，鄴中傳世見之。云秦穆公主魚吏也，數言鄴界災害，水旱十不失一張君房迎而師之，從受業以長好食松實，天門冬、石脂、齒落更生，髮白還黑，服霞絕粒，後住吳山下，十餘年莫知所之。

祝雞翁

祝雞翁，洛人居尸鄉北山下，養雞百餘年，雞皆有名字，千餘羣。暮栖樹上，晝放散之，欲引呼名，卽種別而至。賣雞及子，得千餘萬錢，輒置錢去之。吳作養魚池，後昇吳山，白鶴、孔雀常止其傍。

崔文子

崔文子，秦時泰山人，世好黃老事，居潛山下，後作黃散赤丸，成石父祠，賣藥都市，自言三百歲。後有疫氣，民死者萬計，長吏告之，請救。文子擁朱旛，繫黃散以詢民間，飲散服丸者，輒愈。所愈萬計，後去蜀賣藥，故世寶崔文赤丸黃散，近於神焉。

朱仲

朱仲會稽人漢高后時下書募三寸珠仲讀書曰真值汝矣齎三寸珠詣闕上書珠好過度卽賜五百金魯元公主復私以七白金從仲求珠仲獻四寸珠送至闕卽去帝下書會稽徵聘不知所在景帝時復來獻三寸珠數十枚輒去不知所之

東方朔

東方朔字曼倩平原厭次人也朔生三日而父母俱亡後遊澤中有黃眉壽指朔曰此吾兒也吾却食使氣三千年一反骨洗髓二千年一易皮伐毛吾生已三洗髓三伐毛矣漢武帝初卽位徵天下賢良文學材力之士待以不次之位四方士多上書言得失自衒鬻者以千數其不足采者輒報罷朔初來上書曰臣朔少失父母長養兄嫂年十三學書三冬文史足用十五學擊劍十六學詩誦二十二萬言十九學孫吳兵法戰陳之具鉦

鼓之教亦誦二十二萬言凡臣朔已誦四十四萬言又常服子路之言二十長九尺三寸目若懸珠齒若編貝勇若孟賁捷若慶忌廉若鮑叔信若尾生若此可以爲天子大臣矣臣朔昧死再拜上聞朔文辭不遜高自稱譽帝偉之令待詔公車奉祿薄未得省見久之朔給鄒侏儒曰上以汝曹無益於縣官耕田力作固不及人臨衆處官不能治民從軍擊虜不任兵事無益於國用徒索衣食今欲盡殺若曹侏儒大恐啼泣朔教曰上卽過叩頭請罪居有頃聞帝過侏儒皆號泣頓首帝問何爲曰東方朔云上欲盡誅臣等召問朔何恐侏儒爲對曰臣朔生亦言死亦言侏儒三尺餘奉一囊粟錢二百四十侏儒飽欲死臣朔饑欲死臣言可用幸異其禮臣言不可用罷之無令但索長安米價上大笑因使待詔金馬門稍得親近上常使諸數家射覆置守宮盂下射之皆不能中朔自贊曰臣嘗受易請射之乃別著

布卦面對曰臣以爲龍又無角臣以爲蛇又有足是非守宮卽
蜥蜴也帝曰善復使連射他物皆中輒賜帛時有倖倡郭舍人
滑稽不窮舍人所問朔應聲輒對變詐鋒出莫能窮者左右大
驚帝以朔爲常侍郎遂得愛倖後帝與越王爲親乃使朔泛海
求寶委令一周回朔經二載乃至未至間帝問左右朔久而不
生今寰中何人善卜對曰惟有孫賓者極明易策帝乃更庶服
潛行與左右齎絹二匹往叩賓門賓出門而延坐未之識也賓
乃啓卜卦成知是帝惶恐起拜帝曰朕來覓物卿勿言賓曰陛
下非卜他物乃卜東方朔也朔行七日必至今在海中面西招
水大歎到請詰之至日朔至帝曰卿約一年何故二載朔曰臣
不敢稽探寶未得也帝曰七日前卿在海中面西招水大歎何
也朔曰臣非歎別事孫賓不識天子與帝對坐帝深異之朔後
與友人書云不可使塵網名韁拘鎖怡然長笑脫去十洲三島

相期拾瑤草吞日月之光華共輕舉爾王母嘗指朔與帝曰此我鄰家小兒性多滑稽曾三來偷桃此子昔爲太上仙官太上令到方丈山但務遊戲擅動雷電激波揚風致令蛟螭陸行山崩海竭太上斥謫使在人間近金華二仙及九嶷君陳乞原之帝乃知朔非世俗之徒乃信天下神仙之事而淫色自縱殺伐不休受書六年意旨自暢以爲神真見降必獲度世興起臺館勞弊百姓每事不從王母之微言上元之妙戒二真遂不復來太初二年柏梁臺災真形圖六甲五帝靈飛十二事靈光生經並燒失不存但帝先承王母言以五嶽圖授董仲君又承上元夫人言以六甲授李少君書遂行於世帝旣焚書自知道喪其後朔一旦乘龍飛昇而去劉向列仙傳云東方朔至昭帝時時人或謂神人或謂凡人作深淺顯默之行或忠言或戲語莫知其旨至宣帝初棄郎以避亂世置幘官舍風飄之而去後見於

會稽賣藥五湖智者疑其歲星精也

西京雜記東方朔曰天知

之武帝召問之曰諸星皆在惟歲星不見

脩羊公

脩羊公魏人華陰山石室中有懸石榻臥其上石盡穿陷略不動時取黃精食後以道聞于上漢景帝禮之使止王邸中數歲道不可得有詔問公何日發語未幾牀上化爲白石羊題其脇曰脩羊公謝天子後寘石羊於通靈臺上羊後復去不知所在臣道一曰道德經曰天地之間其猶橐籥乎靜而不屈動而愈出多言數窮不如守中脩羊公得之矣且化白石羊題其脇曰脩羊公謝天子此又見其不忘知遇之意道之深義之盡也

稷丘君

稷丘君者泰山中道士漢武帝時以道術受賞賜髮白返黑齒

落更生後罷去上東巡泰山君乃冠章甫衣黃衣擁琴來迎武帝曰陛下勿上必傷足指及數里左足果折上諱之但祠而還爲君立祠復寘百戶使承奉之

犢子

犢子鄴人也少在黑山採松子茯苓餌服之且數百年時壯時老時美時醜乃知是仙人常過沽酒於陽都家都女者眉生而運耳細而長衆以爲異皆言此天人也會犢子牽一黃犢來過都女悅之遂相奉侍都女隨犢子出取桃李一宿而返皆連兜甘美邑中隨伺逐之出門共牽犢耳而走不能追也旦復在中數十年乃去見蟠山下冬賣桃李也

騎龍鳴

騎龍鳴者渾亭人年二十於池中求得龍子狀如守宮者十餘頭養食結草廬以守之龍長大稍稍去後五十餘年水壞其廬

而去一旦騎龍來至渾亭下語云我馮伯昌孫也此間人不去
五百里必當死不信之者以爲妖言至八月果水至死者萬計

主柱

主柱不知何所人與道士共上宕山言此有丹砂可得數萬斤
宕長吏知而上山封之砂流出飛如火乃聽柱取焉邑令章君
明餌砂三年得神砂飛雪服之五年能飛行與柱俱去

鹿皮翁

鹿皮翁菑川人也少爲府小吏木工精巧舉手能成器械岑山
上有神泉人不能至小吏白府君請木工斤斧三十人作轉輪
懸閣意思橫生數十日梯道四間成上其巔作祠舍留山其傍
絕其二間以自固食芝草飲神泉且七十年菑水來三下呼宗
族家室得六十餘人令上山半水盡漂一郡沒者萬計小吏乃
辭遣宗族家室令下山著鹿皮冠遂去復上閣後百餘年下賣

藥於市

溪父

溪父南郡甌人居山間有仙人常止其家從買瓜教之煉瓜子與桂附枳實共藏而對分食之二十餘年能飛走昇山入水後百餘年絕居山頂呼溪下父老與道生時事

山圖

山圖隴西人少好乘馬馬踏之折脚山中道人教以雌黃當歸羌活獨活苦參服之一歲而不嗜食病愈身輕道士問之自言五嶽使之名山採藥能隨吾使汝不死山圖追隨之六十餘年一旦歸來行母服於家暮年復去莫知所之

谷春

谷春櫟陽人漢成帝時爲郎疫死而尸不冷家發喪行服猶不敢下釘三年更著冠幘坐縣門上邑中人大驚家人迎之不肯

歸發棺有衣無尸留門上三宿去之長安止橫門上人知而追之復去之太白山立祠於山上時來至其祠中止宿焉

陰生

陰生常求乞於長安市中市人厭之有以糞洒其衣者其衣不汗如故長吏聞之試收繫著桎梏而復在市中又試欲殺之乃去洒糞之人家室自壞殺十餘人

臣道一曰陰生之道爲萬世困窮無告者設也彼市人家室自壞者蓋惡之貫盈殃及之爾觀其爲惡不悛以凌辱孤貧爲意可見其不仁之甚者如陰生特因其事以示其化也非陰生害之也又如曹國舅之隱悲曰王遁甲之墮句者類皆此意道德經曰是以聖人常善救人故無棄人陰生之道非以是乎

子英

子英者舒鄉人也善入水捕魚得赤鯉愛其色好持歸著池中數以米穀食之一年長丈餘遂生角有翅翼子英怪異拜謝之魚言我來迎汝汝上背與汝俱昇天卽大雨子英上其魚背騰昇而去歲歲來歸故舍食飲見妻子魚復來迎之如此七十年故吳中門戶皆作神魚遂立子英祠云

服閭子

服閭子不知何所人也常止莒往來海邊諸祠中有三仙人於祠中博賭瓜顧閭令擔黃白瓜數十頭令瞑目及覺乃在方丈山山在蓬萊山南後往來莒取方丈山上珍寶珠玉賣之久久一旦髡髮著赭衣貌更老人問之言坐取廟中物云復數年貌更壯好鬢髮如往日時矣

文賓

文賓太丘鄉人也賣草履爲業數取嫗數十年輒棄之後時故

嫗壽老年九十餘續見賓更壯他時嫗拜賓涕泣謝賓曰不宜至正月朝儻見會鄉亭西社中邪嫗老夜從兒孫行十餘里坐社中待之須臾到賓大驚曰汝好道邪知汝爾前不去汝也教令服菊花地膚桑上寄生松子取以益氣嫗亦更壯復百年見云

商丘子胥

商丘子胥者高邑人也好牧豕吹竽年七十不娶婦而不老邑人多奇之從受道問其要言但食朮菖蒲根飲水不饑不老如此傳世見之三百餘年貴戚富室問之取而服之不能終歲輒心怠慢矣謂將復有匿術也

子主

子主楚語而細音不知何所人也詣漢江都王自言寧先生雇我作客三百年不得作直以爲狂人也問先生所在云在龍眉

山上王遣吏將上龍眉山巔見甯先生毛身廣耳披髮鼓琴主見之叩頭吏致王命先生曰此子主吾比舍九世孫且念汝家當暴死女子三人勿預吾事語竟大風發吏走下山比歸宮中相殺三人王遣三牲立祠焉

陶安公

陶安公六安鑄冶師數行火火一旦散上行紫氣衝天安公伏治下求哀須臾朱雀止治上曰安公安公治與天通七月七日迎汝赤龍至期赤龍降大雨而公騎之東南上一城邑數萬人衆共送視之皆與辭決也

赤斧

赤斧者巴戎人爲碧雞祠主簿能作水瀕煉丹與消石服之三十年反如童子毛髮生皆赤後數十年上華山取禹餘糧餌及賣之於蒼梧溟江間累世傳之手掌中有赤斧焉

呼子先

呼子先漢中闕下卜師老壽百餘歲臨去呼酒家老嫗曰急裝當與嫗共應中陵王夜有仙人持二茅狗來至呼子先子先持一與酒家嫗得而騎之乃龍也上華陰山常於山上大呼言子先酒家母在此矣

負局先生

負局先生不知何許人語似燕代間人常負磨鏡局巡吳市中街磨鏡一錢因磨之輒問主人得無有疾苦者輒出紫丸藥以貽之得莫不愈如此數十年後大疫家至戶到與藥活者萬計不取一錢吳人乃知其真人也後上吳山絕崖頭懸藥下與人將欲去時語下人曰吾還蓬萊爲汝曹下神水崖頭一旦有白色流從石間來下服之多愈疾立祠十餘處

阮丘

阮丘者睢山上道士衣裘被髮耳長七寸口中無齒日行四百里於山中種葱薤百餘年人不知時下賣藥廣陽人朱璜有毒瘕疾丘與七物藥服之而去三尸後與璜俱入浮陽山朱璜發明之乃知是神仙也

朱璜

朱璜者廣陵人也少病毒瘕就睢山道士阮丘丘憐之言卿除腹中三尸有真人之業可度世也璜曰病愈當爲君作客三十年不敢自還丘與璜七物藥日服九丸百日病下如肝脾者數斗養之數十日肥健心意日更開朗與老君黃庭經令讀日三過通之能思其意丘遂與璜俱入浮陽山玉女祠且八十年復見故處白髮盡黑鬢更長三尺餘過家食止數年復去如此至武帝末故在焉

陵陽子明

陵陽子明銍鄉人好釣魚於旋溪得白龍子明懼解釣拜而放
之後得白魚腹中有書教子明服食之法子明遂上黃山採五
石脂沸水而服之三年龍來迎去止陵陽山上宣今屬百餘年山
去地千餘丈大呼下人令上山半所言溪中子安當來問子明
釣車在否後二十餘年子明死人取葬著山中有黃鶴來栖其
冢樹上鳴呼子安武昌黃鶴山上有黃鶴樓齊志云仙人子安乘黃鶴過此

邗子

邗子自言蜀人好放犬知相犬犬走入山穴邗子隨入十餘宿
行度數百里上出山頭上有臺殿宮府青松森然仙吏侍衛甚
嚴見故婦主洗魚與邗子符一函使還與成都令喬君君發函
有魚子也著池中養之一年皆爲龍邗子復送符還山上犬色
更赤有長翰常隨邗子往來百餘年遂留止山上時下來護其
宗族蜀人立祠於穴口常有鼓吹傳呼聲西南數十里共奉祠

焉、

木羽

木羽鉅鹿南和平鄉人母貧賤主助產嘗探產婦兒生便開目視母大笑母怖懼夜夢見大冠赤幘守兒言我司命君也當報汝恩使汝子木羽得仙母陰言識之後母生兒字爲木羽所探兒生年十五夜有車馬來迎去遂過母家呼木羽爲我御來遂俱去後二十餘年鴉雀旦旦銜二三魚著母戶上母匿不說而賣其魚三十年乃發云母至百年乃終

玄俗

玄俗稱河間人服巴英賣藥都市七丸一錢善治百病漢河間王患瘕買藥服之下蛇十餘條問藥意俗曰王瘕乃六世餘殃下墮情非王之所招王嘗放乳鹿麟母也仁心感天故遭俗爾王家老舍人自言父世見俗俗之身無影王乃呼著日中看實

無影王以女聘之俗夜亡去後人見於常山下

十一

廣倉學寤印行

歷世真仙體道通鑑卷之三

歷世眞仙體道通鑑卷之四

浮雲山聖壽萬年宮道士趙道一編

天真皇人

天真皇人不知其得道之始然是前劫修真極道之人也身長九尺玄毛被體皆長尺餘黃帝時在峨嵋絕陰之下蒼玉爲屋黃金爲座張華羅幡然百和香侍者仙童玉女座賓三人皆稱泰清仙王黃帝再拜問道授以五牙三一之文又在峨嵋山以太上靈寶度人經授黃帝又授帝籙於牧德之臺一云蜀岷山江北有慈母山天真皇人修鍊之所山有龍池池中有金銀銅鐵魚各從其色得食者味同乾薑服之可以長生謂之肉芝龍池一在山中一在空中澄潔如鏡纖芥不汙或乾條槁葉飛墮其上卽有五色凡鷺銜去

白石生

白石生者，中黃丈人之弟子也。至彭祖時，已二千餘歲矣，不肯修昇仙之道，但取於不死而已，不失人間之樂。所行者，正以金液之藥爲上也。初，患家貧，身賤，不能得藥，乃養猪牧羊，十數年，約依節用，致貨萬金，乃買藥服之。常煮白石爲糧，因就白石山居。時人號白石生。亦時食脯飲酒，亦時穀食，日能行三四百里。視之色如三十許人，性好朝拜存神，又好讀仙經及太素傳。彭祖問之，何以不食藥昇天乎？答曰：天上無復能樂於此間也。但莫能使老死爾。天上多有至尊相奉，事更苦於人間爾。故時人號白石生爲隱遯仙人，以其不汲汲於昇天爲仙官而不求聞達故也。

王倪

上古神仙王倪君，卽老君弟子也。得道於羲農之間，黃帝遇之。

以傳道要歷少昊顓頊世常遊人間帝嚳以前爲齧缺師行飛步之道堯舜之時猶有見者後一旦昇天

、洪崖先生

洪崖先生者或曰黃帝之臣伶倫也得道仙去姓張氏或曰帝堯時已三千歲矣漢武帝時有衛度世者入華山尋其父叔卿叔卿在絕岩中與數人博戲於石上問之爲誰曰洪崖先生許由巢父大低公飛黃子王子晉薛容也東漢時班孟堅作西京賦云洪崖立而指麾紛羽毛之纖纒是先生爲衆仙之長久矣陶弘景真誥云洪崖先生今爲青城洞真故青城山今亦有洪崖郭景純遊仙詩云左挹浮丘袂右拍洪崖肩又云姮娥揚妙音洪崖領下頤蓋先生當此時與姮娥浮丘之徒學仙者尙皆可得而見也洪崖山在豫章之西山是先生隱焉隋文帝開皇九年改豫章郡爲洪州以先生所居山名之今洪井在伏龍山

北岩左右石崖陡起峻絕春夏飛湍奔注洪洪如雷入井則陡
激餘流爲小谿注鸞陂有古壇臨井上相傳爲先生鍊丹處歲
旱禱焉有赤蛇浮水面雨爲立涇井北一里許於石磧上得五
春白色渥如丹各圓深二尺餘相傳爲先生搗藥處上人云每
歲端午日未明或聞搗藥聲樵夫往往遇其餘滓井南二里許
爲鸞岡四周有水卽鸞陂是也相傳鸞岡爲先生乘鸞所憩處
岡側舊有鸞山觀司馬天師五嶽朝儀云青城山洞周回二千
里昔洪崖先生服琅玕之花而隱代爲青城真人

展上公

展上公者高辛時仙人也學道於伏龍地乃值李彌滿上公得
道今爲九宮內右司保常向諸仙人云昔在華陽下食白李美
憶之未久忽已三千歲矣郭四朝後於其處種五果又此地可
種柰所謂福鄉之柰可以除災癘玉匱記云銜珠山俗呼獨女

山也仙人展上公昇天後云昔在華陽下食白李倏忽三千年矣有碧柰茅君監植白李溪在小茅山北真誥注云諸曆檢課謂堯元年戊戌至齊之己卯歲二千八百三年高辛卽堯父說此語時又應在晉世而已云三千年卽是堯至今不啻二千八百年外曆容或不定如此丁亥之數不將已過平考汲冢紀年正二千六百四十三年彌復大懸也

何侯

何侯者堯時隱蒼梧山慕長生三百餘口耕耘舜南狩止何侯家天帝五老來謂舜曰昇舉有期翌日五帝下迎舜白日昇天至夏禹時五帝以藥一器與何侯使投酒中一家三百餘口飲不竭以餘酒灑屋宇拔宅上昇天位爲太極仙人今嶷山有何侯廟在舜廟側

文子

文子姓辛名鉞一名計然葵丘濮土人其先晉公子也學道於
老君周作一本楚平王問於文子曰聞子得道於老聃今賢人雖有
道而遭淫亂之世以一人之權而欲化久亂之民其庸能乎文
子對曰道德匡邪以爲正振亂以爲治化淫敗以爲樸淳使德
復生天下安寧要在一人故積德成王積怨成亡堯舜以是昌
桀紂以是亡平王用其言而天下治後南遊吳越范蠡師之越
欲伐吳范蠡諫曰臣聞之師曰兵凶器戰逆德爭者事之末也
陰謀逆德好用凶器試身於所未不可勾踐不聽敗於夫椒後
位以上大夫弗就隱吳興餘英禹山相傳以爲登雲而昇按寰
宇記吳興志俱載餘英東南三十里有計籌山越大夫計然嘗
登此山籌度地形因名焉今山陽白石頂通玄觀乃故隱處也
其紫雲關昇元觀卽古常清觀宋孝宗乾道間改賜今額山之
半有曰登雲石者在唐明皇追號爲通玄真人其著書號通玄

真經

、亢倉子

亢倉子者姓庚桑名楚陳人也得老君之道能以耳視而目聽
叔孫告魯君聞之大驚使上卿厚禮以致之亢倉子至魯君卑
辭請問亢倉子曰傳之者妄也我能視聽不用耳目而不能易
耳目之用魯君曰增異矣其道奈何亢倉子曰體合於心心合
於氣氣合於無其有介然之有唯然之音雖遠在八荒之外近
在眉睫之間我必知之乃不知我七孔四肢之所覺心腹六府
之所知其自知而已矣魯君大說一云居畏壘之山其臣之畫
然知者去之其妾之絜然仁者遠之擁腫之與居鞅掌之爲使
居六年畏壘大穰後遊吳興隱毗陵孟峯道成仙去後有漢張
道陵唐張果老相繼隱脩因號張公壇福地古建洞靈觀宋改
大甲萬壽宮

浮丘公

李浮丘伯世號浮丘公居嵩山脩道白日飛昇嘗作原道歌云
虎伏龍亦藏龍藏先伏虎但畢河車功不用隄防拒諸子學飛
仙狂迷不得住左右得君臣四物相念護乾坤法象成自有真
人顧又以相鶴經授王子晉崔文子學道於子晉得其文藏嵩
山石室淮南公採藥得之遂傳於世相鶴經云鶴者陽鳥也而
遊於陰因金氣乘火精以自養金數九火數七故七年小變十
六年大變百六十年變止千六百年形體尙潔故其色白聲聞
於天故頭赤食於水故喙長軒於前故後指短栖於陸故足高
而尾凋翔於雲故毛豐而肉踈大喉以吐故脩頸以納新故天
壽不可量所以體無青黃二色者木土之氣內養故不表於外
是以行必依洲渚止必集林木蓋羽族之宗長仙人之騏驥也
鶴之上相瘦頭朱頂露眼黑睛高鼻短喙跬

故解 頰骭宅耳

長頸竦身鸞膺鳳翼雀毛龜背鼈腹軒前垂後高頸麤節洪髀
纖指此相之備者也鳴則聞于天飛則一舉千里鶴二年落子
毛易黑點三年產伏復七年羽翮具復七年飛薄雲漢復七年
舞應節復七年晝夜十二時鳴中律復七年不食生物大毛落
茸毛生乃潔白如雪或純黑泥水不能汙復百六十年雌雄相
視而孕一千六百年飲而不食胎化產鸞鳳同爲羣聖人在位
則與鳳凰翔于甸今湖北澧州有獨浮山圖經云昔浮丘子修
真於此山今有石室存焉

宋來子

宋來子楚莊公時市長宋來子常洒掃一市久之時有乞食公
入市經日乞歌曰天庭發雙華山源彰陰邪清晨按天馬來詣
太真家常歌此句乞食一市人無解歌者獨來子忽悟疑是仙
人然未能解其歌耳遂乃師此乞食公棄官追逐積十三年此

公遂授以中仙之道來子今在中嶽乞食公者西嶽真人馮延壽周宣王時史官也

沈羲

沈羲者吳郡人也學道於蜀中但能消災除病救濟百姓百姓服藥功德感天天神識之周赧王十年丙辰老君遣使召隱士沈羲羲一日與妻賈氏共載詣子婦卓孔寧家道逢龍車虎車白鹿車各一乘從騎數十人皆朱衣仗矛帶劍輝赫滿道問羲曰君是道士沈羲否羲愕然答曰是也騎曰羲有功於民心不忘道從生以來履行無過受命不長壽將盡矣黃老今遣仙官相迎之侍郎薄延白鹿車是也度世君司馬生青龍車是也送迎使者徐福白虎車是也須臾三仙羽衣持節以白玉冊青玉界丹玉字授羲碧落侍郎羲不能讀遂載昇天爾時道間耕鋤人共見之須臾大霧霧解失其所在但見羲所乘車牛在田中

食苗或有識是車牛以語羲家子弟數百人恐是邪魅將羲入山谷間乃將數百人分布於百里之間求之不得至後漢殤帝延平元年丙午凡四百一十二年乃還鄉里推求得數十世孫名懷喜懷喜曰聞先世相傳有祖仙人仙人今來留數十日說初上天時不見天帝惟謁老君老君東向坐宮殿鬱鬱有如雲氣五色玄黃不可名字侍從數百多女少男庭中有珠玉之樹衆芝叢土龍虎辟邪遊戲其間但聞琅琅如銅鐵聲不可知測四壁熠熠有符書著之老君身形長可丈身體有光不可正視老君令玉女持金案玉杯盛藥賜羲曰此是神丹飲者不死夫妻各得一刀圭告言飲畢復賜棗二枚大如雞子復以符一道及仙方一道賜羲令且還人間救治百姓之疾苦者若欲昇上界書此符懸之竿杪仙吏當迎汝也語已羲奄忽如睡已在地

上竇太后疾嘗遣使請羲安帝時猶在人間後復昇天

王傳

王傳字恭確周人也五十棄家學道服黃連一百四十年耳目聰明智慧目廣髮白返黑齒落更生有兒名神精其父子並得道後昇天而去

劉奉林

劉奉林周時人學道於嵩高山四百年三合神丹爲邪魔所敗乃入委羽山能閉氣三日不息至千餘年猶未昇仙但服黃連得不死爾

成連先生

伯牙學琴於成連先生乃與遊蓬萊山留伯牙曰君習之我將迎師刺船而去伯牙凝望但見海水瀕洞山林冥杳鳥獸悲號歎曰吾師將移我情乃援琴而歌曲終成連至遂爲天妙操成連乃仙也

武夷君

武夷山有神人自稱武夷君曰吾居此山因而爲名焉又云混沌初開有神曰聖姥母子二人居占此山秦時人號爲聖姥衆仙立爲大姥聖母今人祝廟呼大元夫人是也又云天台山元靈老君華真仙師遣第七仙子名屬仁乘雲駕鶴遊歷此山安排地仙今人號爲控鶴仙人是也或云昔有魏王名子騫在同州立玉城對大王石東去十里今卽城基尙在此人是墜地仙人後於此山得道又云昔有張湛孫綽趙元奇彭令昭劉景願思遠白石先生馬鳴先生并胡氏李氏魚氏王氏女子四人通成十二人同詣此山求道偕至謁魏王爲地主會天亢旱魏王寘酒酺祭仙祈雨時控鶴仙人乘雲鶴白馬從空中而下遂霈雨澤張湛等因獲見時張湛獻仙人詩一絕云武夷山下武夷君白馬垂鞭入紫雲空裏只聞三奠酒龍潭陂上雨雰雰仙人

得詩甚喜。又見張湛等骨氣不常，訪道精確，意其各有仙分。乃遣何鳳兒往天台山取仙籍一卷，到山檢視，其謫下凡間爲庶類合居此山。八百年後方得道，換骨歸天。仙人既見仙籍，各有姓名，乃安排魏王而下一十三人同居此山，各賜胡麻一合，湯藥半合，遂令魏王開筵置酒。張湛遣元亨打羯鼓，彭令昭吹橫笛，顧思遠立色，李三娘彈琵琶，歡宴而罷。羣仙會散，仙人語云：「魏王公等至八百年後可斫取黃心木爲棺，於此岩中玄化。」魂魄便得歸天。至期果然玄化，乃於小藏岩中安排長槌材櫬一十三具，插木甌於岩中，挂其靈骨。迄今在焉。又云：秦始皇二年八月十五日，武夷君置穀酒會鄉人，幔亭峯上初男女千餘人齋戒如期而往，乃見虹梁跨溪，制度精巧，飛梯回級，傍設闌中，體輕心喜，不覺其倦。至山頂有幔亭，綵屋玲瓏，掩映前後，可數百間，夾幔亭立八綵幢，八枚銀龍銜玉蘊幡，金鳳翠毛，其幔亭

可坐千餘人設東西地席各有長座如今之僧尼位施綠油紅卷花食卓自北競南無接續其幔亭北壁當中設一虛牀謂之太極玉皇座北壁西廈設一虛牀謂之太姥魏真座北壁東設一虛牀謂之武夷君座悉施紅雲茵紫霞褥各一銅盂貯花水初鄉人至幔亭峯衙門外聞擊鼓聲少頃空中有告云悉呼鄉人爲曾孫乃曰汝等男孫先入東序而進女孫後入西序而進旣而聞讚告曰有太極玉皇大帝降臨山藪曾孫可拜謝又曰太姥魏真人曾孫可拜又聞噓咳之聲乃武夷君焉高聲而言曰汝等曾孫若男若女皆平安好男孫東座女孫西座中亭有青綾帳幄各設一牀陳諸樂具又聞讚告曰命鼓師張安陵打引鼓趙元奇拍副鼓劉小禽坎鈴鼓曾少重擺鼗鼓喬知滿振嘈鼓高子春持短鼓管師鮑公希吹橫笛板頭何鳳兒撫等散如此處東幄奏停雲左仙之曲命弦師董嬌娘彈箏篴謝英妃

撫長琴呂荷香憂圓琵琶管師其次姑噪畢築秀淡鳴洞簫朱
小娥運笙金師羅妙容打銅鈸如此處西幄奏賓雲右仙之曲
見樂具空間橫豎自響精妙命及行酒須臾酒至無謝禮酒味
甘香而醇酒醴百味珍奇並皆殊越又命行酒乃令歌師彭令
昭唱人間可哀之曲辭曰天上人間兮會合稀踈日落西山兮
夕鳥歸飛百年一餉兮志與願違天宮咫尺兮恨不相隨歌罷
忽彩雲四合環珮人馬之音竟空而至又聞讚告云玉靈太姥
與大姥與曾孫別再拜又云汝等宜速下此山間久卽有蛇螭
虎豹之伍不可遭逢乃之山俄而風雨暴至各回顧山頂無復
一物鄉人相喚曰我等凡賤得與仙尊共宴後致祠其山號曰
同山云爾侍郎劉夔序云山在建寧北二百里外崇安縣南三
十里按茅君內傳云仙家有三十六洞天武夷山乃第十六洞
昇真玄化之天

王瑋玄

王瑋玄不知何所人也

真誥云是楚莊王侍郎受道於王君

得道居林屋山洞室

中吳國韓崇好道遊名山採方術於林屋遇瑋玄求度世之道瑋玄以流珠丹授之謂崇曰子行此道無妨居世功成之日自當仙舉也崇行之大驗仕爲汝南太守在郡十四年政化自治著爲天下最年七十四瑋玄又降之授崇隱遁解形之法入大霍山又授崇道化泥丸紫戶之術而昇天矣

韓衆

韓衆漢州德陽縣秦中化學道天真皇人授以金書玉字行住得駕紫煙白日昇天楚辭離騷經云奇傳說之託星辰爲羨韓衆之得一形穆穆以寢遠兮離羣人而退逸

王次仲

王次仲者古之神仙也當周末戰國之時合縱連衡之際隱居

范陽大夏小夏之山以爲蒼頡篆文工多而用寡難於速就四海之事筆札爲先乃變篆籀之體始爲隸書秦始皇既定天下以其功利於人三詔之使人秦不至復命使謂之曰吾削平六合一統天下孰敢不賓者次仲一書生而違天子之命以轆車載之不爾當殺之持其首來以正風俗無肆其悖慢詔使至山致命載轆車中次仲忽化一大鳥翻然出車使者驚拜曰無復命必見誅惟神人憫之鳥徘徊空中拔墮三翻使者得之以進始皇素好神仙之道聞其變化亦甚悔恨因名其地爲落翮山鄉里祀之不絕

若士

若士者古之仙人也莫知其姓名燕人盧敖者以秦時遊乎北海經乎太陰入乎玄闕至於蒙穀之山而見若士焉其爲人也深目而玄準鳶肩而脩頸豐上而殺下欣欣然方迎風而舞顧

見盧敖因遁逃乎碑下。盧仍而視之，方蹠龜殼而食蟹蛤。盧敖乃與之語曰：「唯以敖焉。」背羣離黨，窮觀六合之外，幼而好遊，長而不逾周行四極。唯北極之未窺，令覩夫子於此，殆可與敖爲友乎？若士淡然而笑曰：「嘻！子中州之民，不宜遠而至此。此猶光乎日月而載乎列星，此乎不名之地，猶突奧也。昔我南遊乎罔兩之野，北息乎沉默之鄉，西窮杳冥之室，東貫溟洞之光，其下無地，其上無天，視焉無見，聽焉無聞，其外由有沃沃之汜，其行一舉而千萬餘里，吾猶未之能究也。今子遊始至於此，乃語窮觀，豈不陋哉！然子處矣，吾與汗漫期於九垓之上，不可以久駐。乃舉臂竦身，遂入雲中。盧敖仰而視之，不見，乃止。恍惚若有所喪也。敖曰：「吾比夫子也。」猶黃鵠之與壤蟲也。終日行，不離咫尺，而自以爲遠，不亦悲夫！」

臣道一曰：盧敖遊乎北海而見若士，語及窮觀，是誠陋矣。惟

若士遊乎六合之外無止極之處而猶未能盡其妙後世固有不盧敖之若有得一法得一術而自以爲大道虛無不過如此能不淺哉道德經曰視之不見名曰夷聽之不聞名曰希搏之不得名曰微此三者不可致詰故渾而爲一其上不皦其下不昧繩繩不可名復歸於無物是謂無狀之狀無象之象是謂恍惚若亡其庶幾於道乎

古丈夫

恂大曰尹子虛同遊嵩華松下見古丈夫一女子二公曰神仙何以至此古丈夫曰予秦之役夫此毛女亦秦之宮人合爲徇者同脫驪山之禍匿此不知今幾甲子二公曰幸遇大仙願求金丹大藥丈夫曰予本凡人初餌栢子後食松脂歲久凌虛毛髮紺綠不知金丹大藥果何物也毛女詩曰誰知古是與今非閑躡青霞繞翠微簫管秦樓應寂寂彩雲空惹薜蘿衣丈夫曰

有萬歲松脂千年柏子汝可餌之亦應出世二公後巢蓮花峯上

衍門子

衍門子得道尸解墓在漁陽潞縣見在蒙山大洞黃金之庭受書爲中元仙卿衍門卽羨門也紫陽真人周義山聞有藥先生得道在蒙山能讀龍蹻經乃追尋之蒙山過羨門子乘白鶴執羽蓋佩青毛之節侍從十餘玉女義山乃再拜叩頭乞長生要訣羨門子曰名在丹臺玉室之中何憂不仙遠越江河來登此何索

沈文泰

沈文泰九疑人也得紅泉神丹法土符延年益命之道服之有效欲之崑崙留安息二千餘年以傳李文淵曰土符却不去服藥行道無益也文淵遂受祕要後亦昇仙後以竹根汁煮丹及

黃白去三尸法出此二人矣

董謁

董謁字仲玄武都郁邑人少好學常遊山澤負挾圖書患其繁重家拾樹葉以代書簡言其易卷也嘗爲人傭牧或採薪貨之見野地有書皆鬼神所化更本寫之以爲卷帙縱誕不仕遊於屠肆或乞犬羊皮爲衣所居不過容膝編荊爲牀聚鳥獸毛而寢夏則露宿草石之上年一百九十歲鬢髮如童子出隱無常或乘牛驢或躡履屨家去長安三百里不日能至常息人家以題掌還家以片籀寫之則紙掌之字少來勤苦舌爲之黑掌爲之爛世人謂仲玄掌錄而舌學常疾世人囂煩著依其之說數萬言以周孔之徒惑蕩末世屈曲爲禮樂令後人多以此自失夫人稟五常之氣爲萬物之秀自然知禮樂何勞之教以裁情者乎伏羲軒轅唐堯夏禹殷湯爲上聖周孔爲通人何以言之

伏羲取鳥獸以充庖後知腥羶之變黃帝教人乘舟後有廬室之居唐堯夏禹殷湯三聖或能治水禳旱爲人除害至周孔強拘人以禮亂人以樂樂極則彌哀禮逸則臻亂皆非治國之大統漢武帝聞其不拘於俗乃徵至西京與帝言皆協會精理後莫知所在

李充

李充馮翊人自言三百歲從秦始皇發會稽望江海少好學爲博士門徒萬人伏生時年十歲乃就充石壁中受尙書以口傳授伏子四代之事略無遺脫伏子因而誦之常以繩十餘尋縛腰誦一遍一結十尋之繩皆繩結矣誦記之數萬遍但云食穀損人精慧故有遺失伏子今所傳百卷得其一矣堯舜二典闕弘多充在漢世常餌菊朮人問先生何以不語至經旬日曰世間無可食亦無可語者精神往來採雲膏霞液身中惟心在爾

豈能言乎正恐煩神使舌爾帝聞神異乃聘徵充衣荷草畚負五嶽真形圖而至帝禮待之亦號負圖先生

孟岐

孟岐清河逸人也尋師不避險阻年七百歲記及周初時事了如目前或云見周公旦抱成王以朝於周廟岐時侍周公陞壇公上岐以手摩成王足周公以王笏遺岐岐常寶執每以衣袂拂拭笏笏今銳欲折耳嘗餌桂葉在華陰山下拾藥聞帝好仙披草萊而出

郭瓊

郭瓊東方郡人也其形貌醜劣而意度過人扶杖遊行每寄宿人家輒乞薪自照讀書不眠主人有笥中祕書識緯緘縢甚密而瓊已聞知悉覽莫不服其神異聞瓊寄宿則閉戶塞門有不得之書悉焚之乃開門進瓊人恐知其陰謀瓊常袖中出一把

算子散置膝前測人家隱事皆知或晝臥不閉目行地無蹤袒
裼如狂漢武帝尙其異之

黃安

黃安代郡人自云卑陬不敢處人間執鞭推荊誦書畫地以計
舌數一夕地成池明復移處亦然也時人謂之舌耕可八十餘
視若童子常服朱砂舉身皆赤不著衣坐一神龜廣三尺時人
問子坐龜幾年曰昔伏羲氏始造網罟有此龜以授吾背已平
此龜畏日月之光三千歲一出頭我得此龜來已五過出頭矣
行則負龜而趨世人謂安年萬歲漢武帝聞有異跡乃進與論
虛無神仙之事帝往屈焉及封泰山詔董謁李充孟岐郭瓊黃
安五人同輦謂之五仙臣帝崩後卽去不知所之

歷世眞仙體道通鑑卷之四

十三

廣倉學翁印行

歷世眞仙體道通鑑卷之五

浮雲山聖壽萬年宮道士趙道一編

皇初平

皇初平丹溪一云蘭溪人年十五家使牧羊有道士見其良謹將至金華山石室之中四十餘年儵然不復念家其兄初起尋索初平歷年不得後見市中有一道士善易而問之曰吾弟牧羊失之四十餘年不知存亡之在願君與占之道士曰昔見金華山中有一皇初平非君弟乎初起聞之驚喜卽隨道士去求弟果得相見悲喜語畢兄問初平曰牧羊何在答曰近在山東初起往視之杳無所見但有白石壘壘復謂弟曰山東無羊也初平曰羊在耳兄自不見兄與初平偕往尋之初平言叱叱羊起於是白石皆起成羊數萬頭兄曰我弟獨得神仙之道如此可學

否弟曰唯唯好道則得爾初起於是便捨妻子留就初平共服松脂茯苓至五萬日坐在立亡日中無影顏有童子之色乃俱還鄉里親戚死亡略盡乃復還去臨行以方教南伯逢易姓爲赤松子也初起改字爲魯班初平改字爲松子此後服此藥仙者有數十人金華山今屬婺州見有石羊存焉一云茶陵雲陽山黃初平號赤松子治南嶽之陽卽此地有松高萬丈

沈建

沈建者丹陽人也世爲長吏而建獨好道不肯仕宦學導引服食之術還年却老之法又能理病病無輕困見建者愈奉之者數千家每遠行寄奴侍三五人驢一頭羊數十口各與藥一丸謂主人曰但累屋舍不煩飲食也便辭去主人大怪之云此君所寄奴畜十五餘口並不留寸資當如何建去之後主人飲食奴侍奴侍聞食氣皆吐逆不視又以草與驢羊亦避去不食更

欲抵觸人主人乃驚異之後百餘日而奴侍身體光澤異於食時驢羊俱肥健建三年乃返各復以丸藥與奴侍驢羊乃還飲食如故建遂斷穀不食能舉身飛行或去或還如此三百餘年乃絕迹不知所在也

華子期

華子期者淮南人也師角里先生受山隱靈寶方一曰伊洛飛龜秩二曰白禹正機三曰平衡按合服之日以還少一日行五百里能舉千斤一歲十易皮後得仙去所居名子期山今屬建寧府

王遠

王遠者字方平東海人也舉孝廉除郎中稍加至中散大夫博學五經兼明天文圖讖河洛之要逆知天下盛衰之期九州吉凶之事漢孝桓帝聞之連徵不出使郡國逼載以詣京師低頭

閉口不肯答詔乃題宮門扇四百餘字皆紀方來帝惡之使人
削之外字適去內字復見墨皆徹入木裏方平無復還子孫鄉
里人累世傳事之同郡太尉公陳耽爲方平架道室旦夕朝拜
之但乞福願從學道也方平在耽家三十餘年耽家無疾病死
喪奴婢皆安然六畜繁息田蠶數倍仕宦高遷後語耽云吾期
運當去不復停明日日中當發至時方平死耽知其化去不敢
下著地但悲啼而歎息曰先生捨我去我將何怙具棺器燒香
就牀衣裝至三日三夜忽然失其所在衣帶不解如蛇蛻也方
平去後百餘日耽薨或謂耽得方平之道化去或謂方平知耽
將終故委耽去也方平東入括蒼山過吳往胥門蔡經家方平
得道位西極西城真人領仙士萬五千人鎮青城山九仙寶室
之天

忠州圖經云禹廟景德
賜元額

鄒宮宋真宗咸平元年賜太宗皇帝御書一百二十卷景

蔡經

蔡經者小民爾而骨相當得仙方平知之故往其家

平江府有蔡經宅

謂經曰汝生命應得度世故來取汝補官僚然汝少不知道今氣少肉多不得上天去當作尸解須臾如從狗竇中過爾告以要言乃委經去經後忽身體發熱如火欲得水灌之如沃焦狀如此三日中消耗骨盡乃入室以被自覆忽然失其所在視其被中有皮頭足具存如蟬蛻也去後十餘年忽還家去時已老還更少壯頭髮皆黑語家人曰七月七日王君當來過到其日可作數百斛飲以供從官乃去其家依其言假借甕器作酒數百斛羅列覆置庭間以候之其日方平果來未至經家一時但聞金鼓簫管之聲比近皆驚不知何等及至經舉家皆見之方平著遠游之冠朱衣虎頭鞶囊五色之綬帶劍黃色少鬚長短中人也乘五蓋之車駕五龍龍各異色前後麾節旌旗導從威

儀如大將軍出也有十二隊五百士皆以密蠟封其口鼓吹皆乘麟從天上來下懸集不從人道行也既至從官皆不復知所在惟見方平身坐須臾引見經父兄因遣人與麻姑相問亦莫知麻姑是何神也言王方平敬報久不行民間今來在此想姑能暫來語否有頃信還但聞其語不見其所使人也答言麻姑再拜但不相見忽以五百餘年尊卑有序修敬無階思念久煩承來在彼故當躬到而先被詔當按行蓬萊今便暫往如是當還便宜親覲願未卽去爾如此兩時間麻姑來也來時亦先聞人馬之聲既至從官半於方平也麻姑至蔡經亦舉家見之是好女子年可十八許於頂中作髻餘髮散垂之至腰其衣有文章而非錦綺光采曜日不可得名字皆世所無有也入拜方平方平爲起立坐定各進行廚皆金盤玉杯餚膳多是諸花而香氣達於內外擘脯而行之如有栢炙云是麟脯也麻姑自說接

侍以來已見東海三爲桑田向到蓬萊水乃淺於往者會將減半也豈將復爲陵陸乎方平笑曰聖人皆言海中行復揚塵也麻姑欲見蔡經母及經婦而經之婦新產數十日麻姑望見乃知之曰噫且止勿前索少許米來便以擲之視米墮地皆成丹砂方平笑曰麻姑故作少年戲也吾老矣不復喜作此狡獪變化也方平語經家人曰吾欲賜汝輩酒此酒乃出天廚其味醇醲非俗人所宜飲之或能爛人腸胃今當以水添之汝輩勿怪也乃以水一斗合酒一升攪之以賜經家人飲一斗許皆醉良久酒盡方平語左右曰不足還復取也以一貫錢與餘杭姥求沽酒須臾信還得一油囊酒五斗許傳餘杭姥姥答言恐地上酒不中尊飲爾又麻姑手爪不似人形皆似鳥爪蔡經心言背痒時得此爪以爬背當佳也方平已知經心中所言即使人牽經鞭之曰麻姑神人也汝謂其爪可爬背何也但見鞭著經背亦

不見有人持鞭者方平告經曰吾之鞭可妄得也經家比舍有姓陳者失其名字嘗罷尉聞經家有神人乃詣門叩頭求乞拜見於是方平引前與語此人便乞得隨從驅使比於蔡經方平曰君但起向日立方平從後視之言噫君心針不正不可教以仙道也當授君地上主者之職臨去以一符并一傳著小箱中以與陳尉告言此不能令君度世能令君延壽本壽自出百歲也可以禳災治病病者命未終及無罪過者君以符到其家便愈矣若有邪鬼血食作禍祟者君便帶此符以敕社吏當收送其鬼君心當亦知其輕重臨時以意治之陳尉以此符治病有效事之者數百家壽一百一十歲而死死後子孫行其符不復效方平去後經家所作數百斛酒在庭中者皆盡亦不見人飲之也經父母私問經曰王君常在何處經答言常治崑崙往來羅浮山括蒼山此三山上皆有宮室王君常平天曹事一日之

中與天上往復者數十過地上五嶽生死之事皆先來關王君
王君出入惟乘一黃麟道從甚肅所至則山海之神皆來奉迎
拜謁也或者於道白言者後數十年經復暫歸省家方平有書
與陳尉書字廓落大而不楷先是人無知方平名遠者至此乃
知之陳尉家今四世存錄王君手書及其符傳小箱也

涉正

涉正者字玄真巴東人也說秦始皇時事了了似及見也漢末
從二十弟子入吳而正常閉目雖行猶不開也弟子隨之二十
年莫有見其開目者有一弟子固請之正乃爲開目目開時有
音如霹靂而光如電照于弟子皆不覺頓伏良久乃能起正已
復還閉目正道成莫見其所服食施行而授諸弟子皆以行氣
絕房室及服石腦小丹云李八百呼正爲四百歲兒

臣道一曰道德經曰五色令人目盲又曰聖人爲腹不爲目

古仙亦云魂在肝而不在眼，漏又曰閉目見自己之目使人能神守於內，不爲物轉，則泰山在前而目不見矣。今涉正乃常閉目，雖行猶不開也，豈非故以聖人爲腹不爲目之意，神其教以開化其弟子乎？後之學道者合於此乎？有悟。

孫博

孫博者河東人，有清才能，屬文著詩百篇，誦經數萬言。晚乃學道，能治墨子之術，能使草木金石皆爲火，光照耀數十里。中亦能令身成火口，中吐火指樹，火生葉，卽焦枯，更指之卽復故，亦能使三軍之衆各成一聚火，有藏人亡，奴在軍中，累日求之，不得。博語奴主曰：吾爲卿燒其營舍，奴必走出。卿但當諦伺，捉取之。於是博以赤丸擲軍營中，須臾火起，張天。奴果走出而得之。博乃更以一青丸擲火，火卽滅。所燔屋舍百物已焦枯者，皆悉如故。博每作火，有所燒，他人雖以水灌之，終不可滅。須自止之。

乃止耳行大水中不但己身不沾及能使在己者皆不沾又能將人於水上布席坐飲食作樂使衆人舞於水上不沒不濡終日盡歡其疾病者就博自治亦無所云爲直指之言愈卽愈又山間石壁及地上磐石博乃入其中去初猶見背及兩耳出石間良久乃沒又能吞刀劍數十枚及從壁中出入如有孔穴也引鏡爲刀屈刀爲鏡可積時不改須博指之乃復故形爾後入林慮山中合神丹仙去矣。

班孟

班孟者不知何許人或云女子也能飛行終日又能坐空虛之中與人言語又能入地中初沒足至腰及胸漸漸但餘冠幘良久而盡沒不見又以指刺地卽成泉井而可汲引又吸人屋上瓦瓦卽飛入人家人家有桑果數千株皆聚之成積如山如此十餘日吹之各還其本處如常又能舍墨舒紙著前嚼墨亦噴

之皆成文字滿紙各有意義後服酒餌丹年四百歲更少容後入大治山中仙去也

王剛

天門子姓王名剛尤明補養之訣故其經曰陽生立於寅純木之精陰生立於申純金之精夫以木投金無往不傷故陰能疲陽也陰人著脂粉法金之白也是以真人道士莫不留心住意精其微妙審其盛衰我行青龍彼行白虎取彼朱雀前我玄武不死之道也又陰人之情有急於陽而外自收抑不肯請陽者明金之不爲木屈也陽性氣剛躁志節疏略至於遊宴聲氣和柔言辭卑下明木之畏於金也天門子既明此道年二百八十歲猶有童女之色乃服珠醞得仙入玄洲中去

皇化

九靈子姓皇名化得還年却老胎息內視之要五行之道其經

曰此術可以辟五兵却虎狼安全已身營護家門保子宜孫內
外和穆人見則喜不見則思既宜從軍又利遠客他人謀已消
滅不成千殃萬禍伏而不起杜奸邪之路絕妖怪之門呪咀之
者其災不成獸蠱之者其禍不行天下諸賢皆來宗已傾神靈
之心得百姓之意田蠶大行六畜繁孳奴婢安家疾病得愈縣
官道解爭理得勝百事皆利世有專世行此道者大得其妙在
人間五百餘年顏容益少復後煉丹乃登仙去

、陰恆

北極子姓陰名恆其經曰治身之道愛神爲寶養性之術死入
生出常能行之與天相畢因生求生真生矣以鐵治鐵之謂真
以人治人之謂神後服神丹而仙去

○李修

絕洞子姓李名修其經曰弱能制強陰能弊陽常若臨深履危

御奔乘駕長生之道也年四百餘歲顏色不衰著書四十篇名曰道源服還丹昇天也

柳融

南極子姓柳名融能含粉成雞子吐之數十枚煮而啖之與雞子無異黃中皆餘粉少許如指端者取杯呪之卽成龜羹之可食腸臟皆具而杯成龜殼煮取肉則殼還成杯矣取水呪之卽成美酒飲之醉人舉手卽成大樹人或折其細枝以刺屋間連日猶在以漸萎壞與真木無異也服雲霜丹得仙矣

葛越

黃盧子姓葛名越甚能治病千里寄姓名與治之皆愈不必見病人身也善氣禁之道禁虎狼百蟲皆不得動飛鳥不得去水爲逆流一里年二百八十歲力舉千鈞行及走馬頭上常有五色氣高丈餘天下大旱時能到淵中召龍出催促便昇天使作

雨數數如此一旦與親故別乘龍而去遂不復還

劉安

淮南王劉安漢高皇帝之孫好儒學方技作內書二十一篇又著鴻寶萬年三卷論變化之道有八公往詣之門吏自以意難問之曰王上欲得延年却期不老之道中欲得博物治聞精義入微之大儒下欲得勇敢武力扛鼎暴死橫行之壯士今先生皆耆老矣自無註書之術賁育之氣豈能究三墳五典八索九丘鈎深致遠窮理盡性乎三者並乏不敢相通公笑曰聞王欽賢好士吐握不倦苟有一介莫不畢至古人貴九九之學養鳴吠之士誠欲市馬骨以致騏驥師郭生以招羣彥吾等雖鄙不合所求故遠致身欲一見王就令無益亦不爲損云何限之逆見嫌擇若王必欲見少年則謂之有道見垂白則謂之庸人恐非發石取玉探淵索珠之謂也薄吾等老謹以少矣言畢八公

變爲十五歲童子露髻青鬢色如桃花於是門吏驚悚馳走白
王王聞之不及履卽徒跣出迎以登思仙之臺列錦綺之帷設
象牙之牀燔百和之香進金玉之几穿弟子之履北面拱手而
言曰安以凡才少好道德羈鎖世業沉淪流俗不能遺累放逸
山林然夙夜飢渴思願神明沐浴垢穢誠革浮薄抱情不暢邈
若雲泥不圖厚幸道君降屈是安祿命當蒙拔擢喜懼屏營不
知所措惟乞道君哀而教之則螟蛉假翼去地飛矣八公便已
成老人矣告王曰雖復淺識且備先學知王好道故來相從不
知意何所欲吾一人能坐致風雨立起雲霧畫地爲江河撮土
爲山岳一人能崩高塞淵牧虎豹致龍蛇役神鬼一人能分形
易貌坐在立亡隱蔽三軍白日盡暝一人能乘虛步空起海凌
煙出入無間呼吸千里一人能入火不焦入水不濡刃之不傷
射之不中冬凍不寒夏暑不汗一人能千變萬化恣意所爲禽

獸草木立成轉徙山川陵岳一人能防災度厄辟邪却害延年
益壽長生久視一人能煎泥成金煅鉛爲銀水煉八石飛騰流
珠乘龍駕雲浮游太清任王所欲安於是旦夕朝拜身進酒果
先乞試之變化風雨雲霧無不有效遂授丹經及三十六水銀
等方藥成未服而安有子名遷好劍自謂莫及也郎中雷被與
戲而被誤中於遷遷怒被乃求擊匈奴以贖罪安不聽被懼爲
遷所殺乃上書於天子是時漢法諸侯壅闕奮擊匈奴者罪死
安當誅武帝素敬重安但削其二縣雷被與伍被素親伍被亦
以奸私得罪於安安怒之而未發被恐誅乃誣告安謀反天子
使宗正持節治安八公告安曰可以去矣此乃天所以發遣王
願王勿疑乃與安登山大祭埋金於地卽白日昇天八公與安
所踐石上皆陷于今人馬之迹存焉輿地志云八公山在淝水
北淮水南淮南王與八公水

居此白山有淮南八公屬壽州一云此非也乃苻堅望阜木爲兵處
八公山有淮南八公鵲石漢屬九江郡今屬滁州來安縣之西

南一云八公告安曰雖復天使有此然伍

安廟今屬無爲軍巢縣西南王八公告安曰雖復天使有此然伍
被爲臣誣告君父夫有神仙之籍者人謀之者死犯之者滅被
今當受誅也於是宗正既至失安所在推問云王仙去矣天子
聞之悵然乃諷使廷尉張湯奏伍被爲安畫謀反計遂族誅二
被如八公言矣漢史祕之不欲言神仙之事恐後世人主常廢
棄萬機以求不死故言安自殺一云王同八公昇天乃棄置藥
鼎雞犬舐之並得輕舉雞鳴雲中犬吠天上一云安得鴻寶萬
年之術仙去位太極真人

劉圖

漢安帝永初三年己酉二月老君降于泰山遣泰山使者羽以
車騎召江夏善士劉圖欲使校定天下簿籍圖至見老君當殿
南面而坐泰山君居東西向九天仙君居南北向八極天君居
西東向命圖與官屬校定天下名籍三日而畢老君欲示圖以

罪福報應乃令羽將圖至天堂見太清宮中金臺玉殿音樂自然仙真多著青衣執金簡歌詠經文觀畢遣回圖因此得道遂爲道士後亦仙去

介琰

介琰者不知何許人也往建安方山師白羊公杜必受玄一之道能變化隱形常隨師入東海暫過吳吳主孫權禮之爲琰起靜堂一日之中數過遣人問起居琰或爲童子或爲老翁無所食琰不受餉遺吳王欲學其術琰以吳王內御遂不傳道法吳主大怒敕縛琰著甲轅引弩射之發而繩索獨存不知琰所之耳

臣道一曰道之在人靜默虛無恬淡質樸聲色不能撓其志名利不可汨其心彼吳主安足與言道哉惟此時介琰道成已能變化隱形返老復少可謂入軍不避甲兵矣吳主以一

且之忿欲殺之何其陋邪道德經曰兵無所容其刃夫何故以其無死地學者省之

龍述

龍述不知何許人也於金山得神芝實如梧桐子大治而服之日餌刀圭服二年得仙尸解而去真誥云龍伯高者後漢時人漢伏波將軍馬援戒其兄子稱此人之佳可法卽其人也伯高後從仙人刁道林受服受胎氣之法又常服青餽方託形醉亡隱處方臺師定錄君也注云伯高名述京兆人漢建武中爲山都長推至零陵太守馬援征南日遣兄子嚴書曰龍伯高敦厚周慎口無擇言謙約節儉廉公有威吾愛之重之願汝曹效之效伯高不得猶爲謹飭之士所謂刻鵠不成尙類鶩者也

趙丙

趙丙後漢東陽人曾遊行道遇故人便酌水爲酒削一楫爲脯

皆得醉飽又曾至渡頭求船不得乃布席於水而坐乘風而過
又呪枯樹便生花葉

折象

折象字伯式廣漢人也少好黃老之業後師東平先生虞叔雅
亦得道者也篤尚養生玄默無言家世豐財以爲多藏厚亡無
益散千金以賑貧苦或諫之象曰昔竇子文有言我之施物乃
逃禍非避時也知者咸服焉自剋亡日尸解如蛇蛻而去

王遙

王遙字伯遼鄱陽人也有妻無子頗行治病病無不愈亦不祭
祀不用符水鍼藥其行治病但以八尺布敷地坐不飲不食須
臾病差便起去其有邪鬼作禍者遙畫地作獄因招呼之皆見
其形物在獄中或狐狸黿蛇之類也乃斬之燔燒病者卽愈遙
有竹篋子長數尺有一童子姓錢以九節竹杖擔篋將出冒雨

行遙及弟子皆不沾濕及夕嘗有兩火炬導前約當行三十里許登一小山入石室石室中先有二人遙既至取弟子擔篋發之中有五竹簣三枚遙自鼓一枚以一枚與石室中二人並鼓之良久遙辭去三簣皆納篋中使錢擔之室中二人並送遙與遙言卿當早來何爲久在俗間遙答言我如是來也遙還家百餘日一夜天復雨然燈火治裝遙先有葛單衣及葛巾五十餘年未嘗著之此衣皆取著其妻卽問遙欲捨我去也遙曰暫行爾妻涕泣曰旦復留少時遙曰如是卽當還後三十餘年弟子又見遙在馬迹山中顏色更少如向年蓋已爲仙矣

陳永伯

陳永伯者南陽人也得淮南王七星散方試按合服之二十一日忽然不知所在永伯有兄子名增族年十七亦服之其父繫其足閉於密戶中晝夜使人守視之二十八日亦復不見不知

所之本方云服之三十日得仙陳氏二子服之未三十日而失所在後人不敢服仙去必有仙官來迎但人不見之耳

劉政

劉政沛國人也高才博物學無不覽深惟居世榮貴須臾不如學道可得長生乃絕進取之路求養性之術勤尋異聞不遠千里苟有勝已雖奴客必師事之後治墨子五行記兼服朱英丸年一百八十餘歲色如童子好爲變化隱形又能以一身作百人百人作千人千人作萬人又能隱三軍之衆使人化成一叢林木亦能使成鳥獸試取他人器物以置其處人不覺之又種五果之木使華實可食坐致行廚供數百人又能吹氣爲風飛沙揚石以手指屋宇山林壺器便欲傾壞更指之則還如故又能化作美女之形及作木人能一日之中行數千里噓水成雲奮手起霧聚壤成山刺地成淵能忽老忽少年大乍小入水

不濕步行水上召江海魚鼈蛟龍鼃鼃卽皆登岸又口吐五色之氣方廣十里氣上連天又能騰躍上下去地數百丈後不知所在

王喬

王喬健爲武陽人也武陽有北平山在益州南一百四十七里高一千三百丈上有白蝦蟆謂之肉芝食者長生非仙材靈骨莫能致也喬好道望山朝拜積十餘年登山感致因得食之身輕力倍行及走馬後爲栢人令遂於東嶺山得道今武陽有喬仙祠王喬有三同姓名有太子晉王喬有葉令王喬食肉芝王喬乃蜀中神仙也

成君平

成君平者長沙郡人也年十五兄使牧鵝羊忽遇一仙翁將入東華山兄後尋至山中見君平因問所牧鵝羊何在君平指白

石曰此是也遂驅起令隨兄去旬日却還山下復化爲石今猶存焉因名此山爲鵝羊山此山在長沙縣北二十里本名東華山亦謂之石寶山上有仙壇丹竈畢田詩云羽客何年此煉丹尙留空竈鎖屏顏雲中雞犬仙應有山下鵝羊石轉頑湘渚幾回滄海變遼城無復令威還何年仙馭重來此盡遣飛騰上九關

丁約

異人丁約隱於卒伍韋子威師事之一日辭去謂子威曰郎君得道尙隔兩塵

歷世真仙體道通鑑卷之五

歷世眞仙體道通鑑卷之六

浮雲山聖壽萬年宮道士趙道一編

木公

木公亦云東陽公亦云東王父蓋青陽之元炁萬神之先也冠三維之冠服九色雲霞之服亦號玉皇君居於雲房之間以紫雲爲蓋青雲爲城仙童侍立玉女散香眞僚仙友巨億萬計各有所職皆稟其命故男子得道者名籍所隸焉校定功行上奏元始以稟命於老君也一云木公卽青童君治方諸山在東海中

九元子

九元子者煉紫金合神丹登仙其經曰庚辛經

上黃先生

上黃先生者修步斗之道得隱形法

常生子

常生子者常漱水和玉屑服之以昇

長存子

長存子者學道成爲玄洲仙伯

張穆子

張穆子修太極上元年紀昇仙後以此法授龔叔進王文卿尹子房皆得道

高丘子

高丘子殷人也好道入六景山中積五百二十餘歲但讀黃素道經服餌朮後合鴻丹以得陸仙遊行五嶽二百餘年後得金液以昇太清也今爲中嶽真人

真誥云墓在中山聞喜乃屬河東

蒲先生

蒲先生者常乘白鹿採芝草於茅山

童子先生

童子先生者於狄山學道修浴契鈴經得仙

九源丈人

九源丈人者爲方丈宮主領天下水神及陰精水獸蛟鯨之類

宛丘先生

宛丘先生服制命丸得道至殷湯之末世已千餘歲以方傳弟子姜若春服之三百年視之如十五歲童子彭祖師之受其方
三首

青鳥公

青鳥公者彭祖之弟子也身受明師之教精審仙妙之理乃入華陰山中學道積四百七十一歲十二試之有三不過後服金液而昇天太極道君以爲三試不過仙人而已不得爲真人

長桑公子

長桑公子者常散髮行歌曰巾金巾入天門呼長精吸玄泉鳴天鼓養丹田柱下史聞之曰彼長桑公子所歌之詞得服五星守洞房之道

蔡瓊

蔡瓊字伯瑤師老子受太玄陽生符還丹方合服得道白日昇天常以陽生符活已死之人但骸骨存者以符投之卽起

列子

列子鄭人也姓列名禦寇問道於關尹子復師壺丘子林又師老商氏友伯高子進二子之道九年之後能御風雨行弟子嚴恢問曰所謂問道者爲富乎列子曰桀紂爲輕道而重利是以亡嘗隱居鄭圃四十年人無知者得道之後著書名列子見行世唐玄宗追號爲沖虛真人其書號沖虛真經宋徽宗封致虛

觀妙真君

莊子

莊子宋人也姓莊名周字子休生於睢陽蒙縣學老氏之道梁惠王時爲蒙縣漆園吏以卑賤不肯仕楚威王以玉帛聘之欲以爲相使大夫二人往先焉曰欲以境土累矣莊子方釣於濮水之上持竿不顧曰楚有神龜死已三千歲矣王巾笥而藏之廟堂之上此龜者寧其死爲留骨而貴乎寧其生而曳尾於塗中乎二大夫曰寧生而曳尾於塗中莊子曰子往矣吾將曳尾於塗中二大夫遂去宋王遣使聘於莊子莊子曰子見夫犧牛乎衣以文繡食以芻菽及其牽而入於大廟雖欲爲孤犢其可得乎子亟去無汙我我孰爲有國者所羈遂終身不復仕後得道著書名莊子真誥云莊子師長桑公子受其微言謂之莊子也隱於抱犢山中服北育火丹白日昇天補太極闡編郎下注

云長桑卽是扁鵲師事見魏傳及史記世人苟知莊生如此者其書彌足可重矣唐玄宗追號爲南華真人其書號南華真經宋徽宗封微妙元通真君

劉越

周時有匡先生名績修道於南嶂山後有一少年數來相訪言論奇偉先生異之問曰熟子風猷有日矣借問鄉邦姓字答曰予姓劉名越居在山之左山下有石高二尺許叩之卽當相延先生如其語訪之叩石已石忽自開雙戶洞啓一小鬟迎先生行數十步繼有二青衣絳節前導漸見臺榭參差金碧掩映珍禽奇獸草木殊異真人冠玉冠朱紱劍佩來迎先生意欲留居之真人已覺謂先生曰子陰功易滿後會可期他日相從不晚也飲玉酒三爵延齡保命湯一啜而出先生返顧所叩石宛然如初他日復叩無所應矣

今廬山太平興晉宮三門外卽石存亭扁山仙石上自有劉仙二字

焉

王果

王果楚之賢人也。厭穢風塵，躁羶名利，遁隱山林，靜退諸行，一旦乘雲而去。

鬼谷先生

鬼谷先生晉平公時人，姓王名詡，不知何所人。受道於老君，入雲氣山採藥，合服得道，顏如少童。居青溪之鬼谷，因以爲號。蘇秦、張儀問道於先生，先生曰：「聞道易，修道難。」二子世心未冥，可學游說以適今時之宜，必得相其國矣。必不得相其死矣。若不懼之，當相傳二子請學之。三年辭去。先生云：「二子輕鬆喬之永壽，貴一旦之浮榮，惜哉！」後復遺其書曰：「二君足下，勤勞駟馬功，名赫赫九州，稽首春榮到秋，不得久茂。日數將盡，時訖將老。子不見河邊之木，乎僕馬折其枝，波浪湫其根。此所居者然也。子

不見崧岱之松柏乎華霍之梓檀乎葉干青雲根洞三泉千秋
萬歲無斤斧之患秦時疫死者有鳥如烏銜草覆其面遂活有
司上聞秦始皇遣使齎草以問先生先生曰巨海中有十洲祖
洲有不死之草生於瓊田之中亦名養神芝其葉似菰而不叢
生一株可活一人耳先生在人間數百歲後不知所之或曰鬼
谷在嵩高之陽城也

茅濛

茅濛字初成咸陽南關人也卽東卿司命君盈之高祖師鬼谷
先生入華山修道後乘雲駕龍白日昇天先是其邑歌曰神仙
得者茅初成駕龍上昇入泰清時下玄洲戲赤城繼世而往在
我盈帝若學之臘嘉平秦始皇聞之改臘曰嘉平以希慕得仙

西門君

西門君者少好道明諸讖緯以開山圖授秦始皇而不能用

徐福

徐福字君房不知何許人也秦始皇時大宛中多枉死者橫道數有鳥如鳥狀銜草覆死人面皆登時而活持草以問北郭鬼谷先生而云祖洲上養神芝始皇乃謂可索得因訪求精誠得道士徐福發童男童女各五百人三千人各率樓船等入海尋祖洲不返不知所在逮沈羲得道黃老遣福爲使者乘白虎車來迎由是後人知福得道仙傳拾遺云唐開元中有士人患半身枯黑御醫張上客等不能活其人聚族言曰形體如是寧可久全聞大海中有神仙正當求仙方可愈疾宗族留之不可因與侍者齎糧至登州大海側遇空舟乃寘所攜掛帆隨風可行十餘日近一孤島上有數百人如朝謁狀須臾至岸岸側有婦人洗藥問彼皆何者婦人指云中心牀坐鬚髮白者徐君也又問徐君是誰婦人云君知秦始皇時徐福耶曰知之曰此則是也

頃之衆各散去士人遂登岸致謁具語始末求其醫理徐君曰
汝之疾遇我卽生初以羹飯哺之器物皆奇小士人嫌其薄徐
君曰能盡此爲佳餐也但恐不盡爾士人連啖如數甌物至飽
而竭復以一小器盛酒飲之至醉翌日又以黑藥數丸與食利
黑汁數斗其病乃愈士人求住奉事徐君云爾有祿位未宜卽
留當以東風相送毋愁歸路遠也復與黃藥一袋云此藥善治
一切病還遇疾者可以刀圭飲之士人還數日至登州以藥奏
聞時玄宗令有疾者服之皆愈

郭四朝

郭四朝者周時燕人也兄弟四人同學道四朝居長秦時得道
來勾曲山南所住處作塘遏澗水令深基遮垣壩今猶可識處
真誥云今舍前有塘乃郭四朝所造也高其牆岸蓋宅前深但
歷代久遠塘牆頽下耳注云今朝舍語似是許長史宅前今乃
有塘近西大陂塘四朝是先應在汧水未解舍前之意恐長史於
西北今有大陂塘四朝是先在汧水未解舍前之意恐長史於

有復說立在田後業又四朝乘小船遊戲其中每扣舷而歌歌曰清池帶
靈岫長林鬱青葱玄鳥藏幽野悟言出從容鼓楫乘神波稽首
希晨風未獲解脫期逍遙林丘中詩晨風謂謂上彼清玉晨之風也非毛
浪神九垓外研道遂全眞戢此靈鳳羽藏我華龍麟高舉方寸
物萬吹皆垢塵顧哀朝生惠孰盡汝車輪盡女輪朝不避席男也愛以不
易致人消歇在耳遊空落飛颿虛步無形方圓景煥明霞九鳳唱朝
陽揮翮扇天津掩靄慶雲翔遂造太微宇挹此金梨漿逍遙玄
垓表不存亦不亡玄垓九名玄皆八極之外垓蓋若士頂名也飛登
九吾垓與之汗漫矣期於駕歛舞神霄披霞帶九日高皇齊龍輪遂造北
華室神虎動瓊林香風合成一開闔幽冥戶靈變玄滅迹爲四玉朝
臺執蓋郎故云高皇職滿上龍輪又云眞法其領司三官者六郎百年無
違坐超遷之四朝思和尙代存於朝民口山在居民今猶呼一平澤地爲
久闕無是人後以之姓尙存四民口山在居民今猶呼一平澤地爲
郭千者思和尙存四民口山在居民今猶呼一平澤地爲
地以造思和尙存四民口山在居民今猶呼一平澤地爲
千止是是種植處非居止也住處則長史宅果應是矣今塘墻旣

類得決水不復甚偉人皆以爲田耳然其地迂闊小墜猶自朝年
羨行過遊以看數是宴上良常眷盼朋復好憶
可年舊居所數宴良常眷盼朋復好憶

周太賓

周太賓秦時道士也同姜叔茂學道在勾曲山種五果五辛菜
貨之以市丹砂今山間多有韭薤卽其遺種也今呼爲韭山在大茅西甚多
耳韭又山姜處巴一有處薤二人並得仙太賓有才藝善鼓琴能彈獨
絃而八音和以教糜長生孫廣田廣田卽孫登也

姜叔茂

姜叔茂不知何許人常與周太賓爲友學道修仙今在蓬萊爲
左卿南鄭諸姜則叔茂之後也叔茂曾作書與太極官僚云昔
學道於鬼谷道成於少室養翻於華陽待舉於逸域時乘飈輪
宴於勾曲悟言永歎代謝之速物存人亡我勞如何真誥曰秦
時道士周太賓及巴陵侯姜叔茂者來住勾曲山下又種五果

并五辛菜叔茂以秦孝王時封侯今名此地爲姜巴者是矣以其因叔茂而名地焉下注云地號今亦存有大路從小茅後通延陵卽呼爲姜巴路也但秦孝公時未併楚置郡巴陵縣始晉初不知那有巴陵之封恐是巴蜀之巴故也

龔仲陽

龔仲陽者受嵩山少童步六紀之法。

谷希子

谷希子者學道得仙爲太上真官東方朔師之受閬風鍾山蓬萊及神州真形圖

真誥云谷希子爲太極右仙公

王仲高

王仲高不知何所人也常在淮南市卜父老傳世見之面有童顏伍被言於淮南王劉安安聞之欣然卽使召至被曰仲高常在張猛家臣與猛善每云仲高性簡正難請求不可以勢屈臣

當因猛致之安令具車乘遣被至猛所招焉猛曰王先生昨云當暫行在近耳亦時得相見今已出卜晚間還被待之須臾便返見被大笑謂猛曰吾昨云近別正在此客也卽隨被之安安出門迎之東面請受道便執弟子之禮仲高曰某庸人耳僅得長生不死之道他無所能懼所知淺不足以上獻大王殿下非有愛恠之心安因請彌至仲高謂被曰吾欲授大王道王心志浮淺既不能行亦不宜聞又曰黃帝吾父之長也昔師朱襄君受長生之訣又師黃洞君受不死之道於今已六千餘歲矣遂以道傳安仲高後莫知其所之

公孫卿

公孫卿者學道於東梁甫山一云滋液山山宮中有合成仙藥得服之人立仙日月之神並在宮中合藥時頌曰玉女斷分劑蟾蜍主和擣一丸煉人形二丸顏色好漢武帝時方士入海求

蓬萊公孫卿先行見一老父牽狗武帝以爲仙人也冀獲其真

李少君

李少君字雲翼好道入泰山採藥修絕穀全身之術遇安期生少君疾困扣頭乞活安期生以神樓散一匕與服之卽愈漢武帝初至雍郊見五時後常三歲一郊是時少君以祠竈辟穀却老方見上常自謂七十能使物却老上有故銅器問少君對曰此器齊桓公十年陳於栢寢名臺已而按其刻果齊桓公器一宮盡駭以少君神數百歲人也少君言上祠竈皆可致物而丹砂可化爲黃金黃金成可以爲飲食器則益壽益壽而蓬萊仙乃可見以封禪則不死黃帝是也臣嘗遊海上見安期生安期生食臣棗大如瓜於是天子始祠竈遣方士入海求蓬萊安期生之屬一云少君上言臣能凝汞成銀飛丹砂成黃金服之白日昇天身竦則凌空伏入無間控飛龍而八遐徧乘白鴻而九垓

周溟海之棗大如瓜，鍾山之李大如餅。臣食之遂生奇光。師安期授臣口訣，是以保萬物之可成也。於是上甚尊敬，爲立屋第。抱朴子曰：按董仲舒所撰李少君家傳云：少君有不死之方，而家貧無有，市以藥物，故出於幕，以假途見錢道成而去。又按漢楚中起居注云：少君將去也，武帝夢與之共登嵩山，逢繡衣使者乘龍自雲中下。云：太一請少君。帝覺語左右曰：如我夢。少君捨我去也。數日而少君病死，入棺。帝令發棺，無尸，獨衣冠在焉。

歷世真仙體道通鑑卷之六終

歷世眞仙體道通鑑卷之七

浮雲山聖壽萬年宮道士趙道一編

董仲君

董仲君者臨淮人也少行氣煉形年百餘歲不老常見誣繫獄
佯死臭爛生蟲獄家舉出而後復生尸解而去

車子侯

車子侯扶風人也漢武帝愛其清靜稍遷其位至侍中一朝語
家云我今補仙官此春當去至夏中當暫還少時復去果如其
言武帝思之乃作歌曰嘉幽蘭兮延秀簞妖姪兮中臧日斐斐
兮麗景風徘徊兮流芳皇天兮無慧至人逝兮仙鄉天路遠兮
無期不覺涕下兮沾裳

王興

王興者陽城人也常居宛谷中本凡民不知無學道之意也漢武帝元封二年正月甲子上嵩高山登大虞石起道宮使董仲君東方朔等齋潔思神忽見仙人長及二丈餘耳出頭頂下垂至肩武帝禮而問之仙人曰吾九嶷山人也聞中嶽石山菖蒲一寸九節服之可以長生故來採之言訖忽失所在武帝顧謂侍臣曰彼非學道服食之徒也恐是中嶽之神以此諭朕耳乃採菖蒲服之二年武帝性好熱食服菖蒲每食熱輒煩悶不快乃止時從官亦多服之然莫能持久惟王興聞仙人服菖蒲之言乃採服之不息後爲蒲江主簿聞縣境有神仙靈化每瞻望雲際歸心達誠遂罷官隱於秋長山卽二十二化也下有洞穴中有千歲金蟾古老相傳有見之者當卽得道又有瓊花木在山之頂徑八九尺葉若白檀終冬常茂云此木花開卽有於此昇天得道者花如芙蓉香聞數里興居此山存神抱一吸景內

修又以乘龍躡紀之道九載修煉忽有瓊花吐艷又見金蟾跳躍引入洞中遇金液之丹拜而服之後雲車迎之白日昇天後人因興得道遂相傳爲主簿化

壽光侯

壽光侯者能効百鬼衆魅令自縛見形其鄉人有婦爲魅所病侯爲効之得大蛇數丈死於門外又有神樹人止者輒死鳥過必墜侯復効之樹盛夏枯落見大蛇長七八丈懸死其間漢武帝聞而召見乃試問之曰吾殿下夜半後常有數人絳衣被髮持火相隨豈能効之乎曰此小怪易消爾帝僞使三人爲之侯効三人登時仆地無氣帝大驚曰非魅也朕相試耳解之而甦

衛叔卿

衛叔卿者服雲母得仙漢武帝天漢二年八月壬辰老君復遣衛叔卿來見帝時帝閑居殿上忽見羽衣星冠乘雲車駕白鹿

而至帝驚問爲誰答曰中山衛叔卿也帝曰子若是中山之民乃朕臣也可前共語叔卿忽焉不知所在帝甚悔恨卽遣梁伯至中山求之不得見但將其子度世還見帝帝問云汝父今在何所對曰臣父少好道不交人事委家而去已四十五年云當入華山也帝復遣梁伯與度世共之華山尋之至絕巖之下望見叔卿與數人博戲於巖上紫雲覆之白玉爲牀又有數仙人持幢節立其後度世望而再拜叔卿曰汝何爲來度世曰帝甚恨前日倉卒不得與父言今故遣使者梁伯與度世共來願更得見父也叔卿曰我前爲太上所遣欲告帝以大災之期及救危厄之法國祚可延而帝乃驕慢自貴不識真道是以去耳今當與中黃太一共定天元吾終不復往也梁伯還奏帝悔之當時度世問叔卿曰不審與父並坐是誰也叔卿曰洪崖先生許由巢父太玄公飛黃子王子晉薛容也今世向大亂後數百年

間土滅金亡汝歸當取吾齋室西北隅大柱下玉函中有神素書取而按合服之一年則能乘雲而行道成來就於此度世拜辭而去後以神方爲梁伯之師合而服之與梁伯俱得仙

戴孟

戴孟武當山道士字成子武威人也漢武帝時爲殿中將軍本姓燕名濟字仲微得道後改姓名又云漢明帝時人少孤養母甚至復好神仙學周遊四方母既卽世入華陽山服白朮黃精兼能種植及服雲母雄黃丹砂芝草篤志於道久而愈勤一日授玉珮金璫經并石精金光符於清靈裴真人精思修之則自覺體輕遊名山訪真境日行七百里得不死之道腰間有十數卷書卽太微黃書也仙人郭子華張季連趙叔達山世遠常與之遊處謝允常師事之允字道通歷陽人幼時爲人所掠賣往東陽久之告官被誣陷烏傷獄將入死夜有老翁授其符又有

黃衣童子往來於是得免晉成帝咸康中至襄陽武當山見戴孟觀其風骨卽先來獄中授符者乃孟耳遂執弟子禮求授道要後出仕作歷陽新豐西道三縣所至多神驗九年七十猶不老孟則或隱或顯莫知所之真誥云黃衣童子者卽玉珮金璫之官耳

山世遠

山世遠授戴孟先生法暮臥先讀黃庭內景經一過乃眠使人魂魄自制煉嘗行此二十一年亦仙矣是爲合萬過夕得三四過乃佳世遠得道爲太和真人

毛伯道

毛伯道劉道恭謝稚堅張兆期皆後漢時人也同於王屋山學道四十餘年共合神丹成伯道先服卽死次道恭服之又死稚堅兆期不敢服棄藥而歸未出山忽見伯道道恭各乘白鹿在

山上仙人執節以從之二人悲愕悔謝道恭授以服茯苓方二人後亦度世真誥注云謝稚堅有三處出一云與葛玄相同姓名爾

蘇林

蘇君諱林字子玄濮陽曲水人也少稟異操獨逸無倫訪真之志與日彌篤嘗負擔至趙師琴高先生時年二十一受煉氣益命之道琴高初爲周康王門下舍人以內行補精術及丹法能水遊時已九百歲唯不死而已非飛仙也後乘赤鯉入水或出入人間而林託景丹霄志不終此後改師華山仙人仇先生仇先生者湯王時木正也服胎食之法還神守魂之事大得其益先生曰子真人也當學真道我迹不足躡矣乃致林於涓子涓子者真人也既見之遂授以真訣告林曰欲作地上真人必先服食藥物除去三尸殺滅穀蟲三尸者一名青古伐人眼是故

目暗面皺口臭齒落由是青古之氣穿鑿泥丸也二名白姑伐人五臟是故心耄氣少喜忘荒悶由白姑貫穿六腑之液也三名血尸伐人胃管是故腸輪煩滿骨枯肉焦志意不開所思不固失食則飢悲愁感歎精神昏怠神爽雜錯由血尸流噬魂胎之關也若不去三尸而服藥者穀食雖斷蟲猶不死也徒絕五味雖勤吐納亦無益焉蓋其蟲生而求人不死不可得也是故服食不辟於死生由青古白姑血尸三鬼不去所致爾雖復斷穀人體重滯淹淹淡悶又所悶非真顛倒翻錯邪淫不除由蟲在內搖動五神故也凡欲求真當先服制蟲丸制蟲丸者一名初神去本丸也欲作真人當先服制仙丸制仙丸者太上八瓊飛精之丹也夫求長生不死仙真之初罔不先服制蟲丸以除尸蟲建長生之根也若人腹中有蟲寧得仙乎形中饒鬼安得真乎其蟲凶惡速人之死故當除之消子告林曰我被帝召上

補中黃四司大夫領北海公去世無復日也後林詣涓子寢靜之室得書一幅以遺林也其文曰五斗三一大帝所祕精思二十年三一相見授子書矣但有三一長生不滅況復守之乎能存三一名刊玉札況與三一相見乎加存洞房爲上清公加知三元爲五帝君後聖金闕帝君所以乘景迅雷周行十天寶由洞房三元真一之道吾餌朮精三百年服氣五百年精思六百年守三一三百年守洞房六百年守玄丹五百年中間復周遊名山看望八海回翔五嶽休息洞室樂林草之垂條與鳥獸而相激川瀆吐精丘陵蓊鬱萬物之秀寒暑之節弋釣長流遨遊玄籟靜心山岫念真養氣呼召六丁玉女見衛展轉六合無所羈束守形思真二千八百餘年實樂中仙不求聞達今卒被召上補天位徘徊世澤惆悵絕氣吾其去矣請從此別子勤勗之相飈室也林省書流涕徬徨拜空涓師之迹亦絕矣夫玄丹者

泥丸之神也其法出太上素靈訣守三一爲地真守洞房爲真人守玄丹爲太微宮也林謹奉法術修行道成周觀天下遊睠名山分形散景寢息丹陵賣履市巷醜形試真得意而棲遯化不倫時人莫能識也以漢元帝神爵二年三月六日告弟子周季通曰我昨被玄洲召爲真人上領太極中候大夫今與汝別比明旦有雲車羽蓋驂龍駕虎侍從數千人迎林林卽日登天冉冉西北而去良久雲氣覆之遂絕林未去之時先是太極遣使者下拜爲中嶽真人後太上又遣玉郎下拜爲五嶽地真人宮在丹陵也弟子周季通曰予見先師得道爲仙已三被拜授乃登昇蓋洪德高妙玄韻宿感靈化虛源神澄八方龍昇鳳逐飛步真門隱顯津梁觀試風塵其道神矣其法珍矣非紙札麤意所能述宣今聊撰其標略爾所冀將來有道之士以遊目也

陽生

陽生者住少室西金門山山有金罍漿服之得道

王思真

王思真者不知其得道年代位爲太上侍經仙郎漢靈帝光和二年己未正月一日太上老君降於天台山命思真披九色之韞出洞玄大洞等經三十六卷以授太極左宮仙公葛玄

王仲都

王仲都漢人也一云道士學道於梁山遇太白真人授以虹丹能禦寒暑已二百許年漢元帝召至京師試其方術嘗以嚴冬之月從帝而遊令仲都單衣乘駟馬車於上林昆明池環水馳走帝御狐裘而猶覺寒仲都貌無變色背上氣蒸然然又當盛夏曝之日中圍以十爐火口不稱熱身不流汗後亦仙去孫思邈嘗於峨嵋山棲真習道仲都與三五人假爲獵夫過其居試之因論長生之旨遂授道思邈而去

上成公

上成公必縣人其初出行久不還家後歸語其家人曰我已得仙因辭家而去人見其舉步稍高出虛空中良久乃沒後漢時人也

桐君

漢獻帝建安三年胥圖國獻鳴石雞其色如丹大如燕常在地中應時而鳴聲能遠徹其國聞其鳴乃殺牲以祠之當聲處掘則得此雞若天下太平翔飛頡頏以爲佳瑞亦謂之寶雞人聽地中以候晷刻道士云仙人桐君採石入穴數里得丹石雞舂碎爲藥服令人有聲氣後天而死吳寶鼎元年四方貢珍怪有琥珀燕置之靜室自於室內鳴翔此之類也

劉晨

劉晨阮肇剡縣人也漢明帝永安十五年二人往天台山採藥

迷失道路糧食乏盡望山頭有一桃木共取食之如覺少健下山得澗水飲之并各澡浴又望見蔓菁菜從山腹出次又有一杯流出中有胡麻飯屑二人相謂曰去人間不遠矣因過水深四尺許行一里又度一山出大溪見二女顏容絕妙世所未有便喚劉阮姓名如有交舊也喜悅因語曰郎等來何晚也因邀過家廳館服飾無不精華東西各有牀帳帷幔七寶瓔珞非世所有左右直息青衣悉皆端正都無男女須臾下胡麻飯山羊脯食之甚美又設甘酒又有數仙客將三五桃至女家云來慶女婿各出樂器歌調作樂日既向暮仙客各還去劉阮就所邀女家止宿駐留十五日求還女答曰今來此是宿福所招得至仙館比之流俗何有此樂遂住半年天氣和適當如三二月百鳥哀鳴無不悲思求歸甚切女曰罪根未滅使令君等如此更喚諸仙女共作鼓吹送劉阮從此山洞口去不遠至大道隨其

言而得還家鄉並無相識也鄉里怪異乃驗得七代子孫傳上祖公入山不出不知何在既無親屬棲泊無所却欲還女家尋當年所往山路迷莫知其處至晉武帝太康八年竟失二公不知其所之也

武丁

桂陽城武丁有仙道常在人間忽謂其弟曰七月七日織女渡河諸仙悉還宮吾已被召不得停與爾別矣弟問織女何事渡河兄何時當還答曰織女暫詣牽牛吾去後三千年當還耳明且失武丁所在世人至今猶云七月七日織女嫁牽牛云

玄都先生

玄都先生者授仙人黑玉天地鈴經行而得道

蔡長孺

蔡長孺者蜀郡人服十精丸年三百歲色如少童

延明子高

延明子高者服麋角得仙

崔野子

崔野子者服朮以度世

靈子真

靈子真者服桃膠以得仙

任敦

任敦博昌人也少在羅浮學道後居茅山南洞行斗步之道及洞玄五符能役召鬼神隱身分形居山舍虎狼不敢觸犯

敬玄子

敬玄子修行中部之道存道守三一常歌曰遙望崑崙山下有三頃田借問田者誰赤子字元先土生二靈木雙關俠兩邊日月互相照神路帶中天採藥三微嶺飲漱華池泉遨遊十二樓

偃蹇步中原意欲觀絳宮正值子丹眠金樓凭玉几華蓋與相連顧見雙使者博著太行山長谷何崢嶸齊城相接鄰縱我飛龍轡忽臨無極淵黃精生泉底芝草披岐川我欲將黃精流丹在眼前徘徊飲流丹羽翼奮迅鮮意猶未策外子喬提臂肩所經信自險所貴得神仙

帛舉

帛舉字子高嘗入山採薪見二白鵠飛下石上卽成兩仙人共語云頃合陰丹就河北王母索九劍酒服之至良子高聞仙人言就訪王母者得九劍酒還告仙人乞陰丹服之卽翻然昇虛治於雲中掌雲雨之任

魏晉間有帛和師河北王母未審是此人否

徐季道

徐季道少住鵲鳴山後遇真人謂曰夫學道當巾天青詠大歷

跼

真誥作跼

雙白徊二赤此太素五神道之祕事也其語隱也大歷

者三皇文是也季道修行得道

趙叔期

趙叔期者不知何許人學道於王屋山中時時出民間聞有卜者在市叔期往見之卜者謂叔期曰欲入天門調三關存朱衣正崑崙叔期知是神人因拜扣頭請其要道因以一卷書與之是胎中記拜受之後合神丹而昇天

莊伯微

莊伯微者漢時人少好道不知求道之方惟以日入時正西北向閉目握固想崑崙山積三十年後見崑崙山人授以金液方合服得道猶真誥云想見崑崙山二十年後閉目乃奄見崑崙山中學道止遂見仙、人授以金液之方遂以得道

瞿武

瞿武後漢人也七歲絕粒服黃精紫芝入峨眉山天竺真人授

以真訣乘白龍而去今蜀州有瞿君祠

匡俗

匡俗字子希少以孝悌著稱召聘不起至心學真遊諸名山至覆笥山上有湖周迴數里多生靈草異物不可識其傍有石井泉通湖中又有石鴈至春秋時皆能羣飛復有小石笥中有玉謀多記山名福地及得道人姓名後服食得道

盧耽

盧耽者少學道得仙後復仕爲州治中每時乘空歸家到曉則反州嘗元會期賀在列時耽後至迴翔閣前欲下次爲威儀以箒擲耽得一隻履墜地耽由是飛去

傅先生

傅先生者學道於焦山中精思七年遇太極真人真話云太極老君與以木鑽使之穿一石盤厚五尺許戒云石盤穿仙可得也於是

晝夜鑽之積四十七年鑽盡石穿仙人來曰立志若斯寧有不
得道者卽授以金液還丹服之度世丹臺錄云昇太清爲南嶽
真人。

黃觀子

黃觀子少好道家奉佛道朝朝拜叩求乞長生如此積四十九
年後遂服食入焦山太極真人以百四十事試之皆過遂服金
丹而詠大洞真經今補官爲太極左仙卿

石坦

石坦字洪孫渤海人也遊趙魏諸名山得道能分身同時請十
餘家各家有一坦所言各異

張巨君

張巨君者不知何許人也許季山得病不愈清齋祭泰山請命
晝夜所訴忽有神人來問曰汝是何人何事苦告幽冥天帝使

我問汝可以實對季山曰僕是汝南平輿許季山抱疾三年不知罪之所在故到靈山請決死生神人曰我是仙人張巨君吾有易道卜筮射知汝禍崇所從季山因再拜請曰幸蒙神仙迂降願垂告示巨君爲筮卦遇震之恆初九六二六三有變巨君曰汝是無狀之人病安得愈乎季山曰願爲發之巨君曰汝曾將客東行爲父執仇於道殺客內空井中大石蓋其上此人上訴天府以此病譴汝也季山曰實有此罪巨君曰何故爾邪季山曰父爲人搏恥蒙此以終身時與客報之未至客欲告怨主所以害之巨君曰冥理難欺汝勤自首吾還山當爲汝請命也季山漸愈巨君傳季山筮卦卜喜於易占但不得巨君度世之方

歷世真仙體道通鑑卷之七

歷世眞仙體道通鑑卷之八

浮雲山聖壽萬年宮道士趙道一編

○尹喜

無上眞人尹喜字公文初母氏嘗晝寢夢天下絳霄流繞其身及喜生時家內陸地自生蓮花光色鮮盛眼有日精姿形長雅垂臂下膝堂堂有天人之美少好學墳索善於天文祕緯仰觀俯察莫不洞徹雖鬼神無以匿其情大度恢傑不修俗禮損身濟物不求聞達逸響遐宣周康王時爲大夫後召爲東宮賓友結草爲樓仰觀乾象精思至道號爲樓觀喜於是時瞻見東方有紫氣西邁天文顯瑞知有聖人當度關而西乃求出爲函谷關令王從之昔在浩劫有聖人名太上老君自開闢以來傳弘大道歷世降爲帝者師

詳見前卷之二自天皇氏通玄天師至周郭叔子以後降世詳見混元實錄

至殷陽甲十七年自太清境分神化氣下降託孕於玄妙玉女
計八十一年於武丁九年庚辰二月十五日降生生而皓首故
號曰老子老子者老君也於四十三年甲寅於亳州乘白鹿昇
天詳見後卷無至辛紂二十一年文王再降於岐山之陽周文
王爲西伯召爲守藏史周武王時遷爲柱下史成王時仍爲柱
下史乃遊西極大秦竺乾等國號古先生化導其國竺乾在崑崙之西非
天竺之至康王時還歸于周復爲柱下史昭王時去官歸亳隱
焉老君復欲開化西域乃以昭王二十三年癸丑天上之無極五
月壬午駕青牛之車薄版爲隆穹徐甲爲御將西度函關喜至
關曰夫陽數極九星宿值金歲月並王法應九十日內有大聖
人經過京邑乃敕關吏孫景曰若有形容殊俗車服異常者勿
聽過喜卽預期齋戒使掃路四十里夾道燒香以俟天真入境
至七月十二日甲子果有一老人皓首聃耳乘白輿駕青牛而

至關吏曰明府有教願公少留乃入白喜喜曰道今來矣我得見聖人矣卽具朝服出迎跪伏扣頭邀之曰願大人暫留神駕老君謝曰吾貧賤老翁居在關東田在關西今暫往取薪何故見留幸聽度喜復稽首曰大人豈是取薪久承大聖當來西遊勞神暴露願少憩神駕老君曰聞開導竺乾有古先生善入無爲永存綿綿是以昇就道經歷關子何苦留邪喜又曰今覩大人聖姿超絕乃天上之至尊邊夷何足往觀願不託言少垂哀愍老君曰子何所見而知吾喜曰去冬十月天理星西行過昴星斗中統有理萬物自今月朔融風三至東方真氣狀如龍蛇而西度此大聖人之徵喜少好墳易及天文祕緯凡仰觀俯察未嘗不驗故知必有聖人度關夙夜存思未嘗暫息今以有緣果遇仙駕願垂慈誨開濟沉冥老君旣三試之皆過乃怡然笑曰善哉子之知吾吾亦已知子矣子有通神之見當得度世也喜忻

躍叩頭再拜曰敢問大聖姓字可得聞乎老君曰吾姓字渺渺

亦與僞同

從劫至劫非可悉說也吾今姓李字伯陽號曰老聃
喜於是就官舍設座供養進盥櫛行弟子之禮老君之御者徐
甲少賃於老君約日雇百錢至出關時計當七百三十萬錢甲
見老君去官遠適亟來索錢老君謂曰吾往西海大秦闕賓天
竺安息諸國令汝御車還當以黃金計直償汝甲如約及至關
飯青牛于野老君欲試之乃以吉祥草化爲一美女行至牧牛
之所輒以言戲甲甲惑之欲留遂負前約乃詣關令訟老君索
傭錢老君謂甲曰汝隨我二百餘年汝久應死吾以太玄生符
與汝所以得至今日汝奚不念此而訟吾言訖符自甲口中飛
出丹篆如新甲卽成一聚白骨喜憫甲違心致死乃爲甲叩頭
請命願赦其罪賜以更生乞爲出錢償之老君重喜慈捨曰善
乃復以太玄生符投之甲卽立生老君曰吾不責汝汝負本約

道自去汝故死耳今償汝錢喜卽以錢給甲而禮遣之甲請留
不許伏地搏頰曰已沐聖恩曲赦罪戾今此枯骨復見光明刻
骨銘心願從雲駕老君竟弗許老君爲喜留關下百有餘日喜
齋戒叩頭再拜跪請曰塵凡孺子幸遇聖人投身委命願聞大
道老君曰微哉子之問也夫大道守真三品爲則以一爲度以
正爲德喜曰道品有三要得昇仙其可行乎老君曰子能知一
萬事畢閉塞情欲入奧室煉金食氣爲第一子能知之守勿失
喜踊躍稽首曰煉金奈何曰神方也自至真上帝莫不由金丹
而得道履九幽而入杳冥上下虛無因神明而俱升喜稽首曰
願聞其旨老君曰紅鉛黑錫大丹頭從紅入黑是真修黑中取
精赤取髓解取赤黑藥無比用赤入黑保長生用黑入赤天仙
矣喜曰道則高矣妙矣末學未究願賜指示老君曰一者是鉛
鉛爲君二者是汞汞是臣若鉛不真其汞難親若鉛是親不失

家臣青腰使者、赤血將軍、和合兩姓、異族同羣、白汞作腦、黃芽爲根、化鉛爲粉、煉汞成塵、陰居陽位、陽數陰勻、日盈月昃、寒暑區分開設、法象赫然有文、惟吾此道、天地常存、喜拜曰、藥物之旨、敬聞命矣、爐鼎之制、水火之候、奈何、老君歌曰、圓三五寸一分口、四八兩寸唇、長二寸厚薄均、腹三齊坐垂溫、陰在上陽下奔首尾、武中間文始、七十終三旬、內二百善調勻、陰火白黃芽、銀兩柒聚輔翼人、子處宮得安存、來去遊不出門、漸成大性精純、卽歸一還本原、至一周甚棲勤、密防護莫迷昏途、路遠甚幽玄、若達此會、乾坤子午沾淨魄、魂得長壽入仙村、樂道者尋其文、諦思之勿須論、又歌曰、日月本是乾坤精、卦象周迴甚著明、前三五兮後三五、五六三十又還生、生兮滅兮周十二、十二中分二十四、二十四氣內推遷、萬象爻銖都在此、水銀一味翻爲二、變化陰陽成、旣未旣未却配爲夫婦、始覺壺中有天地、又歌

曰金液還丹仙華流高飛雲翔登天丘赤黃之物成須臾當得雌雄紛亂珠可以騰變致行廚靈人玉女我與俱出入無間天同符其精凝霜善沉浮汝其震敬必來游金液之訣盡於此矣丹成作金以爲食器亦得長生先試作金金成乃可服故曰金可作世可度也於是授喜太清八符經太清觀天經九都經神丹經金液經及八煉九轉還丹伏火之訣焉老君復謂曰審欲神仙當先服還丹金液汝不服還丹金液虛自苦爾爲寒溫風濕鬼氣所擊司命不能救也可不勉哉努力作丹早自防衛勿示愚人令訕毀神道益子之過嗟乎行尸雖富有萬物貴爲王侯不滿百年成土一簣甚可哀也合作神丹勞苦須臾一成便仙與天相畢恣心所欲樂可央乎喜曰煉金食氣道有二乎老君曰天地之精華陰陽之根本二氣之謂也陽龍陰虎木液金精二氣交會煉而成者謂之外丹含和煉藏吐故納新上入泥

丸下注丹田循環不息朝于絳宮採於五府以哺百神此內丹也。修道之士得內丹者可以延年得外丹者可以昇天三一九思者內修之要也九丹金液者外煉之極也合而修之道成決矣。喜重請曰煉金之法既奉教矣敢聞食氣奈何老君曰食氣固精受明玄經生道要妙出幽入冥上固雲門下固靈根知之甚易行之甚難夫形動德散氣越道判精消魂損目動魄亂是以聖人靜形固氣畜精愛視則道德虛凝魂魄固守形一神萬道乃成就常以半夜之後偃臥握固鼻納清氣口徐吐之復守三一入室九思神定氣安仙道近矣因授喜玉曆中經三十五章喜曰三一之旨願賜指示老君曰三一之道神仙所重世莫得聞子其祕之兩眉間却入一寸爲明堂二寸爲洞房三寸爲泥丸上丹田宮也中有赤子字元先名帝卿心中爲絳宮中丹田宮也中有真人字子丹名光堅臍却入三寸爲命門下丹田

宮也中有嬰兒字元陽名玄谷皆長三寸同服赤幘赤衣赤履
此三一也下一云上一黃衣一紫衣一嬰兒一赤衣下一座金牀玉几常以金
爐玉七攪精華以哺上一中一下一當晝夜存之也子欲長生
三一當明子能守一一亦守子矣氣變爲精精變爲神神化爲
嬰兒嬰兒上爲眞人眞人然後爲赤子此眞一也又曰僞道養
形眞道養神神眞道通能亡能存神能飛形亦能移山形爲灰
土其何識焉耳目聲色爲子留愆鼻口所喜香味是冤身爲惱
本痛痒寒溫意爲形累愁毒憂煩弗疾去之則志氣日耗壽命
不延其來久矣子當先損諸欲莫令意逸閑居靜處精思齋室
丹書萬卷不如守一常以虛爲身以無爲心無身之身無心之
心可謂守神守神玄通是謂道同其猶高山大澤非欲蟲魚鳥
獸而蟲魚鳥獸歸之人能虛無無爲非欲於道道自歸之矣見餘
西昇經乃授喜太陽金眞九煉之法謂之九室存思第一無邪思

第二正身思第三致正思第四大正思第五極正思第六深正思第七正真思第八洞玄思第九大洞思入此九室行此九思卽與太陽合形同臻於道喜皆得其祕再拜稽首敬佩玄恩喜於是辭疾去官十二月二十五日奉邀老君歸其家他日請曰蠢愚不知所問願請益老君曰子欲修身養性行道紀形結氣成神終始無窮者莫先以靜故天靜以爲定神靜以爲變人靜以爲生將靜之時反聽內觀心不妄念口不妄言形不妄動無色之色爲之見無聲之聲爲之聞無味之味爲之甘不言之言爲之教神景爲之降福德爲之臻和氣爲之應矣子欲靜神先沐浴齋戒二十五日然後精煉已身魂魄和平乃可入室入室之後或丹蛇來著子心或王母來降或道身應見此皆身中之神試子爾但勿驚怖有問不對有所傷犯應勿爲懼但安心定志其物自去經二十五日四十五日六十日八十五日一百五

日一百二十五日一百五十日一百八十日並有神來皆是試子安心勿對不能爲害若生怖懼爲試不過則失道矣戒之謹之百八十日後室內自明安危存亡之事無不預知身中宮府一一顯見二百八十日後衆病皆除一年之後癥痕皆滅千日之後形神俱妙爲真人矣卽授喜妙真內解等太清上法三洞真經靈寶符圖太玄等法俾教授至精仁者羽化神仙令毋斷絕喜稽首禮謝乃謂喜曰吾重告爾古先生者卽吾之身嘗化乎竺乾今將返神還乎無名綿綿若存吾今逝矣亦反一源老君將欲西適喜叩頭乞請侍行老君曰吾遊乎天地之表戲乎玄冥之間四維八極上下無邊子欲隨吾烏何得焉喜曰入火入淵入地上天灰身沒命願隨大仙老君曰得道之士目能洞視耳能洞聽變化不測隱顯莫定尙未可隨吾遠適子雖骨相合道法當成真然受道日淺未能通神安得變化隨吾聖身喜

再拜曰通神變化之道可得聞乎老君曰有生之氣有形之狀盡幻也造化之所始陰陽之所變者謂之生謂之死窮數達變因形移易者謂之化謂之幻造物者其巧妙其功深故難窮難終因形者其巧顯其功淺故隨起隨滅知幻化之不異生死也始可與語變化之道子能精修此道體入自然斯可與子行化諸國爾越二十有八日喜復焚香再拜請曰喜幸聞至道欣慶難言願賜著書闡揚道旨以語後世老君曰善汝應爲衆真之長當於此宛利天下棄賢世界傳弘大道卽以道德五千言授之曰吾此文未嘗輕以授人凡經千載方一傳爾子其勉之喜拜受欣躍持誦奉行道成已遂傳後學云老君次年甲寅歲四月二十八日將於喜宅南山阜上辭決昇天老君所天者姑適往關尹道成同喜悲戀請留老君重告喜以除垢止念靜心守一之旨戒喜曰千日之外可尋吾於蜀青羊之肆也言訖聳身空

中坐雲華之上面放五明身見金光洞照十方冉冉昇空光燭
館舍五色玄黃良久乃沒喜目斷雲霄涕泣攀戀其日江河汎
漲山川震動有五色光貫太微史記作紫微徧及四方自殷高宗二
百七十喜遂以老君所說理國修身之要去奢滅欲之言叙而
編之爲三十六章以將昇西極之際所演故名西昇經老君所
事歷代寶之至今猶存其昇天臺在樓觀之南今人相傳以爲
老君陵當昇天之時五色光貫紫微徧及四方昭王問太史以爲
吉凶之徵太史云當有聖人也西去昭王甲寅至漢永平果千年命
誌於郊壇焉此乃西化之兆也喜乃於草樓清齋屏絕人事三年之內修煉俱畢心凝形釋
無有飢渴不畏寒暑窮數達變之微形一神萬之旨悉臻其妙
乃自著書九篇號關尹子至丁巳歲卽往西蜀尋訪青羊之肆
老君以甲寅年昇天至乙卯歲復從太微宮分身降生於蜀國
大官李氏之家已先敕青帝之青龍化生爲羊毛體華潔色如
青金常在嬰兒之側愛翫無數忽一日失羊童子尋覓得於市

肆喜至蜀徧問居人無識青羊肆者忽見童子牽羊因自解云
既有青羊復在市肆聖師所約其在是邪因問此誰家羊牽欲
何往童子答曰我家夫人生一兒愛翫此羊失來兩日兒啼不
止今却尋得欲還家喜卽囑曰煩爲告夫人之子云尹喜至矣
童子如其言入白兒卽振衣而起曰令喜來前喜旣入其家庭
宇忽然高廣湧出蓮花之座老君化數丈白金之身光明如日
項有圓光建七曜之冠衣晨精之服披九色離羅之帔坐於花
座之上舉家見之皆驚怪老君曰吾太微是宅真一爲身太和
降精耀魄爲人主客相因何乃怪邪尹喜匍匐獻歡悲啼踊躍
喜慰無量稽首言曰不謂慶會復奉天顏未審慈尊出無入有
起居安否老君從容告曰與子別後何得何喪汝存道守一亦
有益乎喜稽首曰自奉祕要粗得其妙恩濟祖先咸受無極之
慶老君曰善吾所以留子者以子居世來久深染恩愛初受經

訣未克成功是以待子於此今子保形煉氣三年功畢已造眞妙心結紫絡面有神光金名表於玄圖玉札係於紫房氣參太微解形合眞矣喜再拜稽首謝曰聖師德重天地恩過父母天地能覆載喜不能令喜得道父母能生育喜不能令喜長存老君曰亦汝之玄分致然卽命召三界衆眞時諸天帝君十方神王洎諸仙衆倏忽之頃浮空而至各執香花稽首聽命老君敕五老上帝四極監眞授喜玉冊金文號文始先生位爲無上眞人賜紫芙蓉冠飛青羽裙丹襴綠袖交泰霓裳羅絞黃綬九色之節及玉童玉女各五千人居二十四天王之上統領八萬仙士喜降拜俯伏曰塵凡孺子得遇大聖使枯骨再肉千生慶幸俾居則執掃除之役行則備僕御之徒喜之願也亦喜之榮也位號崇高禮文優渥愧何德以祇承敢辭老君曰子慕道積久隱德昇聞修煉勤勞玄功已遂非吾有私於子也子其勉之喜

辭不獲乃再拜受命自此方得飛騰虛空參侍龍駕遊行八方
老君遂爲大官聖母說元陽經其家長幼二百餘口卽時拔宅
昇天老君以功德
緣合昇舉故託化於其家今成都青

學士承旨知制誥樂朋龜奉敕撰碑

老君謂尹真人曰子昔欲從吾遠遊今道已

成可以遊觀於八紘之外也乃吐八方隱文授之喜奉授訖卽
致八景雲輿老君乘輿駕五色神龍建凌霄皇天丹節麾九光
鶴蓋前導十二衛官神丁執麾後有九萬飛仙驂控鸞輪獅子
啓途鳳凰翼軒策空東遊真人與四天王從焉至日窟常暘之
山掇搏桑之丹樾散若木之朱華觀碧海挹東井過鬱池宮暘
谷神王東海青童衆仙陳丹樾朱實金津碧醴次登祖山觀芝
田採養神草息蓬萊宮復南遊風山登青丘過紫府太元真人
紫府先生獻九光甘液白文玉英青林白子此山亦名蕭丘出
九光之英火浣之布次登長離山越赤津入太丹宮南極夫人

設瓊花玉酒赤靈火棗至絳山觀流火之鄉息朱陵之闕太和
玉真華蓋上公列炎岡朱髓飛丹紫桃雲浪之液而奉焉乃西
遊龜臺入七寶園觀飛玄紫文過流精闕九靈金母太素元君
進玉文之棗其實如餅命侍女陳反魂靈香玄光碧桃金紫交
梨次汎弱水登鳳山入玉池息昆吾山白帝天君採七明石芝
流精玉膏金光丹醴進焉北遊空洞山過洞陰宮北極真公獻
十結神草玄雲李空洞瓜劫其一瓜四熟登玄丘觀朔陰八鍊池息廣
寒墟太玄仙伯奉絳樹丹實三玄紫柰進焉復登中嶽崑崙山
此非人間之五嶽乃海外之神山也東嶽曰崑崙崙崙南遊玄圃瑤
嶽曰長離西嶽曰麗農北嶽曰廣野中嶽曰崑崙崙崙也臺觀七寶瓊林聆九苞鳴鳳盼日月星辰交暉下覽四天下如
指掌其上有金臺玉樓七寶宮殿晝夜光明天帝神王之下遊
處也一面有二百四十門有珠玉七寶之林紫華丹實碧葉瑤
音如琴瑟和韻皆應律呂大玄九宮仙人居焉皆自然天廚出

入在意天伎雅絕樂難可勝實寓內之清都神真之盛觀也尹
真人初受童真之任隨侍老君遊此宛利天下五嶽名山洞天
宮館及四海江河洞泉水府其主者或稱聖帝或號真王或公
或侯有所咨啓多論二儀三景陰陽氣候劫運賒促及帝王命
錄脩短安危興廢兆人禍福并學道進仙階級黜陟之事調和
氣序抑消陽九百六災會之法或請問道德宗源希夷之旨老
君皆如所請酬答言辭隱奧世莫得傳老君謂喜曰吾將與汝
上朝玉宸遊歷帝鄉作是語時靈音八會雲騎四合冉冉昇虛
遂徧歷九天諸天帝皆來迎老君入其宮宇設瓊英玉寶月液
雲漿靈芝仙果光華映席天樂繁會靈唱妙絕諸天帝仙真皆
禮拜請問自然無上玄妙至真帝一之道已而上元太有真公
中元太極仙公下元太清仙伯乘碧霞黃素雲輿駕蒼虬麒麟
獅子張交輝流霞鸞鳳飛鶴之蓋仗日精命真之旆月華命魔

之節星光命仙之旗侍從神仙靈官十五萬謂上元七萬中元五萬各持香花稽首拜迎老君上昇上清日闕丹城藥珠宮老君乃命喜朝禮高聖玉晨太上大道君於是道君賜喜環剛丹果隱伏龍芝珠英玉醴共十二事乃從老君下降于天水之靈山遂之西域今秦州啓靈山也見西初老君去周嘗西化大秦安息月氏烏弋竺乾等國號古先生其國王及臣民皆奉教戒乃還中國復與無上真人尹喜至罽賓國行化次及條支于闐等國行化且降伏九十五種外道焉至穆王四年甲申老君降遊東海至搏桑會大帝校集諸仙名位高下復分身降于西海至蘇隣國行化俄復昇天穆王少好神仙之道登春山瑤池而歸在位五十四年年一百四歲時尹喜既適流沙其草樓在終南之陰王追慕靈迹命駕詣焉爲修觀建祠延杜冲等七人爲道士以奉祠事夷王之世老君與玄古三師降

于蜀綿竹之三學山授李真多以飛昇之道今號真厲王二十
一年甲辰老君降于樓觀授道士宋倫以中景之道通真之經
并靈飛六甲素奏丹符平王二十三年癸卯十二月老君復出
關開化諸國遂遊西海至流麟等洲考校羣仙功行乃復昇天
定王之世王問老君以在世神仙老君對以東嶽有展禽先生
南嶽有匡續先生西嶽有尹喜北嶽有皇人中嶽有古先生卽
予是也顯王八年庚申秦孝公時老君東還又與尹真人等遊
於上虞赤城蒙山重過博桑大帝之所校集羣仙已而隱於洛
中景室山時有黃髮老叟五人或乘鶴或衣羽握青筠之杖相
與共談天地之數世無知者老君著述經書垂十萬言傍有二
神人捧金壺盛墨狀若淳漆以寫之其墨寫木石皆成篆籀之
文赧王九年乙卯老君與尹真人諸仙遊女几地肺天柱諸山
復西出散關渡流沙昇崑崙還紫微上宮返乎太玄之鄉秦昭

王聞之恨不及見乃於西麓下老君所經山處爲修城邑以表聖迹今有老君停驛尹喜城故墟尙存焉

尹軌

太和真人尹軌字公度太原人也乃文始先生之從弟少學天文兼通織緯來事先生因教服黃精花及授諸道經凡百餘篇皆蒙口訣先生登真之後卽與隱士杜沖等同於先生宅修學時年二十八絕粒養氣專修上法太上哀之賜任太和真人仍下統仙僚於杜陽宮軌時出遊帶神丹十餘筒周歷天下濟護有緣或煉金銀以賑貧苦或行丹藥以救危厄求哀之人咸得其福利焉其出入有無隱顯莫測故上清瓊文帝章曰太和真人與太華真人三天長生君南極總司君西臺中候北帝中真九靈王子太靈仙妃赤精玉童玄谷先生南嶽赤松子中山王喬紫陽真人西城王君中黃先生趙伯玄山仲宗等並修行三

眞寶經上法皆面發金容項負圓光乘虛登霄遊宴紫庭變化無方適意遨翔嘯命立到徵召萬靈攝制羣魔決斷死生駕霄乘煙出入帝庭焉晉惠帝永興二年建通天之冠佩攝神之策服絳章之裙披黃文之帔從東來止于尹眞人之觀時道士梁謚叩頭願陳其所習謂謚曰吾是無上眞人文始先生之從弟先生登眞時吾年二十八已絕粒養氣專修上道太上哀吾乃賜登太和下統仙僚於杜陽宮其宮東西四千里南北七百里有金城九重玉樓十所宮殿服玩神芝靈草不可具名其上清元陽大洞諸經百萬卷皆有金童玉女衛之自然有日月星辰雲氣伏光流精洞照其下神仙略有萬計皆神光虛映長生不死無爲自在或出遊天下或上朝玉京宣校一切行業善惡報應宿命之期或論天地日月星辰運度賒促之分或宴諸天參訂神仙圖籙品位部御之方或定童眞始仙威儀俯仰之格或

臨諸地領察兆人建功立行齋醮之福或監度學道男女經方藥餌之術或遊百山千川檢閱神司鬼官考錄罪福之因或論風雨雷電水旱豐歉之事吾所爲無常相或爲道士或爲儒生或爲童愚或爲長老不可以一途限也或與羣真衆仙驂龍勒鳳策空駕虛雲馳電邁出有入無分形散影處處遊集或巡五嶽之洞或適十洲之島或出八荒之域或入九幽之府或釣碧海之津或挹玄丘之雪或採丹華於閬苑或掇絳實於玉圃斯並由已身累功研習靈文勤勞甘辛所致爾吾至今已及一千三百餘歲所歷事頗多非爾曹短札所能記錄略舉其大概爾八月一日忽竦身騰空冉冉昇天而去猶聞宛然笙簫之音唯餘器服紉素存焉

臣道一曰尹軌道高德妙功行絕倫散景分形神通浩博道德經曰古之善爲士者微妙玄通深不可識夫惟不可識故

強之爲容如尹軌者真得其旨也

歷世眞仙體道通鑑卷之八

歷世眞仙體道通鑑卷之九

浮雲山聖壽萬年宮道士趙道一編

杜沖

太極真人杜沖字玄逸鎬京人也。以周昭王二十七年丁巳聞文始先生登眞，乃于茲靈宅棲玄學道。于時幽人逸士自遠而來者有五人焉。混元實錄云七人並沉默虛遠，方雅高素，道術相忘，共弘不伐之則也。先生本第周康王時，賜金百鎰，重加完葺，賜號曰樓觀。沖居之，吟諷道德，營護神氣，至是穆王聞之，爲修觀建祠，置沖爲道士焉。將以氣均巢許，德爲物範，故天子禮之而不臣，諸侯敬之而不爵也。沖居樓觀經二十餘年，幽感真人展先生降于寢靖侍者二人，捧碧玉函立于左右。沖乃拜首求哀，蒙授九華丹經二函。謂沖曰：「老君與尹先生於東海八溟山召大

帝校集羣真天下山川洞室仙人無遠不至時有地司保舉子之勤勞老君敕我付爾仙經也冲依方合服而身生玉映五臟堅潤僅容氣息又感真人李君授以太上素靈洞玄大有妙經冲復修之甚得其驗遂乃解胞釋結保命凝真領攝羣神洞觀衆妙焉穆王親崇道教以祈神仙共策追風之駿日馳千里中到崑崙山昇玄圃之宮西詣龜山謁王母於青琳之室東遊碧海展敬丈人採若木之華北適玄壘南邁長離同挹絳山之髓驅策虎豹役使百靈通冥達幽莫測其涯年一百二十餘以懿王十二年己亥上清元君遣仙官下迎授書爲太極真人下任王屋山仙王

混元實錄云元君一百一十餘歲穆王十九年己亥老君遣上清元君下迎授書考究傳記則實錄所

誤載

臣道一曰杜冲究道德之妙輕富貴之微故天子禮之而不臣諸侯敬之而不爵道德經曰道常無名樸雖小天下不敢

臣侯王若能守萬物將自賓杜沖豈非以斯道自任而納王侯爲道之歸乎

彭宗

太清真人彭宗字法先彭城人也年二十服業於杜沖真人深蒙賞接周穆王好尙黃老景慕神真因詣沖遂繕完珍館崇建靈壇立廟置老君及尹真人像廣延天下學道之士以紹仙風仍立典司四時掃飾後西遊崑崙復拜謁而去宗乃棲真味道精貫人神嘗從師採藥忽墮深谷手足傷損逮至危困良久蘇息肅恭如初又行山使之採樵乃被蛇中曾無慍色沖憫之爲立壇盟誓丹經五千文玄一之道宗寶而修之日臻幽妙嘗宵中有神燈數枚浮空映席凝暉留耀洞暢幽冥或晨起脩按則氣象高明常有五色雲霞霏霏臨遠能三晝三夜通爲一息或自沒水底竟日方出若瞑目僵臥輒一年許不動塵委其上積

厚如紙見者皆疑已殞及起顏色愈鮮澤能以一氣誦五千文
通爲兩遍言聲清暢與出入常人無異山中毒蛇猛虎宗每以
氣禁之潛伏盤僻人雖磨觸終不得動宗解之方去嘗有獵者
遙想謗毀或及門欲相凌辱宗用氣禁之其人手足不覺自拘
蠢然尸立或使幽靈擊之傍門惟聞叩頭之聲莫測其所以俟
其悔過宗卽爲釋之年一百五十餘歲常如二十年少至厲王
十三年丙申正月太上道君遣仙官下迎授書爲太清真人治
赤城宮

宋倫

太清真人宋倫字德玄洛陽洛源人也以周厲王二十一年甲
辰歲入道棲止樓觀於是凝心寢景抱一沖和不交人事獨步
虛曠日誦五千文數遍服黃菁白朮積二十餘年乃密感老君
項負圖明面放金光披九色離羅之帔建七暎暉晨之冠有仙

童六人輔真執籙倫匍匐乞哀乃告倫曰吾有景中之道通真之經生乎三元之始出乎九玄之庭五德合慶六氣凝精分真散景保固遐齡子能修之立致雲輶出有入無徹幽洞冥三光並耀二氣齊靈變化適意飛昇上清也倫於是五體據地聲淚悲咽老君止之乃開寶籙出靈飛六甲素奏丹符以付於倫又曰爾能精修上道味真想玄行之無隙修之能堅保爾昇度凌空駕雲敬則福降慢則禍纏道與能行慎勿輕傳也倫得經修行遂自然通感嘗有玉童六人更遞侍之凡有未萌之事預知其吉凶察物如神言無不驗或與五帝內真寢息神仙接汝遊宴山林飄然飛步一日能行三千里凌波涉險卽會津路時或逍遙川澤試人之心變爲鳥獸馴其左右或化麋鹿有獵者逐之常相去百步五十步不能至善射者射之亦不至或化鳩鵲之類翱翔原陸弋者羅之莫得而維之或化蠶癩之人方便開

示令其了悟而病者頓差年九十餘以宣王三十二年丁巳七月太上遣仙官下迎授書爲太清真人下司中嶽嵩高山神仙之錄焉

馮長

西嶽真人馮長字延壽驪山人也年十五卽通陰陽占候之書周宣王聞之辟爲柱下史常內澄外混懼涉興衰覩天文之錯亂恐禍將及己乃退居託疾潛光幽遜損棄財帛絕去交遊味道攝生研神保氣日誦五千文兼服天門冬五六年稍覺其益精勤勇決誓延天算乃感真人鄧先生授以靈書紫文寶神之道長乃轡晨登景御氣遊元於終南靈阜我巖架遠呼景列曜煉魄柔魂迴黃轉赤而面生玉澤經十餘年芳華鬱暢自然青精凝液紫雲結泉百絕皆榮三關流潤復遇真人彭宗駕白虎將侍者二人降于室中長設弟子之禮側侍下風脅氣累息從

求道要真人曰爾德音幽妙神氣遐清道必歸真當得度世爾欲鵬飛雲路玉璨琅玕可精勤無退自當有以相召也乃出太上隱書以授於長長又注真八景味玄九元寓景流霄冥葆太漠爾乃遊邁元隰觀覽安危時逢有疾無不垂護嘗有狂者陰爲治之或十日五日而差或癩人求哀不過一月便愈有人失火簷棟相連風焰交馳無能撲滅長以意救之猛火自止年八十餘以平王二十年庚寅春三月昇化時天帝遣仙官下迎授書爲西嶽真人上遊上清出入無爲矣。

姚坦

玄洲真人姚坦字元泰平陽人也周平王元年遷洛晉襄公送周有功封爲諸侯詔使致禮幣於祠庭重修觀廟給戶五十人及度碩儒一十七人坦時年十九以其稽古偏蒙賞接襄公乃屈膝頓首北面稱師殮風味道彌歷年載坦之精確儼若神明

羣下咸所畏服其子文公亦修欽仰時因四年東遊涇渭復親存慶勞供承藥物坦以紛擾乃遠憩幽岩常誦五千文精思不出時忽岩竇傾隕擊折林木若自天下直度其頂驚沙飛石不可稱數坦凝注不顧頃又大蛇羣出奔集其居口吸目視將若吞噬之狀或縈繞其身坦終不怖時又山神率羣鬼擎一巨石聳若高峯風馳電激垂相逼迫坦乃張目徐叱之曰爾何物小醜欲爲非理吾宿植真果誠心如玉非爾妖惑可得遏吾真路也於是冥心一往斯須自滅乃有三人形貌端偉謂坦曰吾是此山之正神也天帝敕吾故來相試試今過矣言訖而去坦乃服煉松脂數十年中常有青衣童子遊於寢室室中漸明通見諸物後密降靈人許君授以玄白回形之道及天關三圖飛行之經坦運心克已妙獲靈感雨中行不霑衣蹈泥塗不汙履目有神光開如電發行常閉目有弟子請之微爲小開便流光迅

裂衆人驚悸不能自持合之則止年二百一十餘歲以簡王十一年丙戌夏五月忽風雨晦冥雷電奔激人不敢輒出雷聲漸歇弟子出見天雨銀花繽紛委地良久方銷其日太素元君遣仙人下迎授書爲玄洲真人蒞於白水宮

周亮

八素真人周亮字泰宜太原人也母曾寢見五色流霄羅覆其宅因感有妊經十五月而生年十九形長八尺堂堂然有古人之風瀟灑高放不欣榮祿尤明易經子史雖寓言世典而期心真極師事姚坦授五千文及八素真經亮修之甚有通感人家有鬼怪振動宅宇或化水爲血或傷人及畜亮爲誦五千文及行隱呪其凶禍自然消沒有遭狐狸龜蛇爲魅穢人飲食竊人財物以瓦礫戲人莫能遣者亮爲誦經持呪邪物各復其真形或死于左右周靈王太子晉聞之召與相見或鼓琴吹笙同遊

商洛亮乃以武絃孤彈八音諧暢百禽率舞太子嘉之賜九光
七明之芝及飛解脫網之道亮修道服芝日覺神驗帝密與仙
人遊行寶洞挹漱玉酒彈琴弈棋嘯歌終日或年如七十髮白
齒落經一宿兩宿不出則變爲年少姿容更好或被兇人執之
戲以糞壤須臾已隱莫知所在其人不覺已自纏縛困於考擊
或有惡言向之罵者口中自然流血謝過求哀乃釋年一百九
十餘歲以威烈王二十四年己卯天帝遣天官下迎授書爲秦
隴宮真人出入太清宴遊諸天矣

尹澄

太微真人尹澄字初默汾陽人也年二十八以周安王三年壬
午冬十月於樓觀寄慧煉神宅心虛曠清齋諷經不雜人事衣
如帶索食纔充口常市香燈列於壇靖初奩中香盡忽有靈薰
滿爐焚之皆名香也又嘗然燈無光自然有神光空映此皆精

理感發神靈營助也曾行山中遇鹿有傷足躓頓不前者澄哀其苦乃以藥封之後因入山忽遇洪雨食盡衣單困於林藪時有羣鹿掩至相依而止飢則吮其乳安則臥其懷相隨累日不返又於絕巘之上寓居小穴夜中忽有山火炎煙滿谷欲避無所乃有羣猿連肱而下相攜直上越度危難此又神祇之垂護也至秦始皇聞之屢垂詔致請攝生之術焉至三十年有華山得道茅濛白日昇天有謠歌及帝始皇聞之彌發信仙之意及遣使齎金帛以憑心時欲往蓬瀛乃詔回老君像向東於真人廟南別建廟安著并置道士二七人賜香田三十頃給戶一百詔云大道汎兮其可左右老君迹雖西遊返則東顧朕方造蓬瀛願垂影響至漢高祖呂太后及惠帝景帝竇太后並相承注心靈域每召幽人逸士常使滿二七八人仍賜弟子各一人增廟戶至一百五十加典司營護禮給優厚祈謁不絕時人崇敬

歸者如雲澄以其喧撓乃密告弟子曰吾仙功未就德資今運
要以山林爲家作幽居之子也遂改名林字逡巡山谷逃遁岩
壑食柏漱流循危蹈朽契闊林阜形容憔悴幽訪神師備嘗艱
苦雖崢嶸亘塗靡不投赴於太一山遇石像芝懸映青岩夜望
有光乃探服方七便日行六七百里後於峨眉山中遇仙人宋
君授以三皇內文及九丹祕訣澄修之大驗遂能封山掌嶽生
骸護病曾臨水以投符符水逆流數步洪濤頓絕以藥救暴死
皆得生活數年有血食鬼神効之皆自縛而來或擊殺者或自
求哀放者及有遭疾風壞其林屋爲制之他處皆被飛颺其家
獨免曾行逢山崩木折奔墜溪谷以符法封之應手而止年三
百四十餘歲以漢昭帝始元年乙未六月間太微帝君遣仙官
接迎授書爲太微真人上遊九天矣

王探

黃庭真人王探字養伯太原人也瑋貌瑰態雲爽霞輝洞洽元
津深窮道本仕漢爲中常侍中郎以呂后專政探抗迹南山居
於樓觀常以朝元煉藏吐故納新爲務至文帝卽位遐仰其風
以逸人見禮時年三十六常誦五千文知名與身踈德爲道本
乃廣行賑惠念及蒼生仙人趙先生託以狂人形容毀弊從探
求乞施與不已而求取無厭探欣然拯之未嘗疑怪乃密告之
曰我試子爾子可教者也遂授以黃庭內修之訣及澤瀉丸方
依按累月頓覺神異入南山採藥復止於樓觀後遇太元玉女
西靈子都授以藏景錄形之道卽能變身化景倏忽萬端或立
叢林或坐泉石或化水火或成鳥獸而探之本身與人言笑宛
然無異復師司馬季主得其神化無方之術常與人同行忽探
身散爲雲霧或屹立平地卽爲崇山觀者戰駭而其貌儼然猶
在舊處年九十一歲以漢武帝元朔六年戊午正月西靈金母

遣仙官下迎授書爲太極真人理於大有宮

李翼

西嶽仙卿李翼師真人王探得道仙去以道傳河上公授道德五千文深究谷神玄牝之旨又遇異人傳易洞曉天地陰陽造化是故探蹟索隱鉤深致遠與天地合其德與鬼神合其吉凶用能尸居而龍見淵默而雷聲神動而天隨登天遊霧撓挑無極一日功成道備玄德升聞天帝授書爲西嶽仙卿

歷世真仙體道通鑑卷之九

歷世眞仙體道通鑑卷之十

浮雲山聖壽萬年宮道士趙道一編

李八百

李八百蜀人也莫知其名初來卜居於筠陽之五龍岡又名赤岡寨今高安郡治是也有淬劍池七星井存焉歷夏商周年八百歲又動則行八百里時人因號爲李八百或隱山林或居塵市後修行於華林山石室丹成道備還蜀中至秦時知唐公房有志而不遇明師欲教授之乃先往試之爲公房作傭客公房乃不知仙人也驅使八百任意過於他人公房甚愛之後八百詐爲病困劣欲卒公房乃命醫合藥費用數萬錢不以爲損憂念之意形於顏色八百又轉作惡瘡周徧身體潰爛臭濁不可近也公房乃流涕曰汝爲吾家勤苦歷年而得篤疾吾甚要汝

得愈無所恠惜而今正爾當奈若何八百曰吾瘡可愈須得舐之公房令三婢舐之八百又曰婢舐不能使吾愈若得君舐之應愈耳公房卽自舐之八百言君舐復不能使吾愈若得君妻舐之當差公房乃復使妻舐之八百曰吾瘡已差欲得三十斛旨酒以沐浴乃當都愈耳公房卽爲具酒三十斛致於器中浴瘡卽愈體如凝脂亦無餘痕乃告公房曰吾是仙人子有至心故來相試子定可教也今真相授度世之訣矣使公房夫妻及舐瘡三婢以其浴餘酒澡洗卽皆更少顏色美悅以丹經一卷授公房入雲臺山中合作丹丹成乃服之仙去也一傳載公房作公昉云唐公昉興元府人也飲李八百仙酒後拔宅飛昇今有斗山觀是其遺迹混元實錄云李脫學長生之道周穆王時來居蜀之金堂山龍橋峯下合九華丹丹成去遊五嶽十洞二百餘年於海上遇飛陽君授水玉之道還歸此山煉藥成又去

數百年或隱或顯遊於市朝後復回龍橋峯下煉金鼎還丹丹
成已八百歲矣蜀人歷代見之因號曰李八百凡三於此山學
道故世人號此山爲三學山今一云棲安軍山九域志仙居觀圖經
云李八百於此上昇華林山實錄云李八百於漢州金堂縣三
學山白日冲昇石室在浮雲觀西一百步中峯下闊一丈高如
之號八百洞天東南角又有洞門纔容人入行經數丈漸漸高
廣其深莫測唐玄宗開元初年孫天師授得張天師祕訣藏於
此洞人又呼爲孫天師洞武宗會昌中邑人龔氏入此洞獲得
六丁祈雨訣一卷每遇亢旱祈禱立應懿宗咸通五年高安道
士朱元整入此洞於石函中獲經二卷上有題云真風顯色性
元整思曰性姓也色性必朱氏也遂還高安闡授經教盛行於
時此洞前後入者甚衆經歷之狀各異惟穢濁之人自有阻障
信乎神仙窟宅不容無道骨者妄入窺測也浮雲觀宋改浮雲

山聖壽萬年觀隸隆興府奉新縣

匡續

匡阜先生姓匡名續字君平云云君子孝南楚人也或曰本夏禹之裔生而神靈兒時便有物外志周武王時師柱下史老聃得長生之道遂結茅於南嶂山虎溪之上隱焉室中無所有唯置一榻簡策數編而已武王聞其名屢加徵聘不起居歲月之久有少年數詣之自通曰姓劉名越家在前山之左邀先生過之且曰至山下有石高二尺許即予舍續後如約而往至山下四顧無居室果唯一石乃扣之石爲之開若雙扉然有二青衣執絳節前導先生漸見樓臺參差金碧輝映禽鳥翱翔花木珍異其少年頂玄玉冠朱紱劍佩陞堂接引先生悟非人世心欲求駐少年謂先生曰子陰功未滿後會可期遂飲以玉酒三爵繼索延齡保命湯一啜先生告別而出反顧其所惟巨石宛然先

生自得遇之後神觀日益精明而功行不輟定王嘗問柱史伯陽父方今神仙之在世者伯陽父舉五嶽諸仙以對先生其一也王乃召之先生遽不見至威烈王時復遣使以安車迓之未至之先先生曰時至矣遂白日騰空而去使者訪其所隱空存靖廬使回因奏請以南嶂山爲靖廬山邦人亦以先生姓氏呼爲匡山曰匡阜曰匡廬其後避宋太祖諱改匡曰康至今其鄉若社皆因先生而命名虎溪由是爲三十六福地混元寶錄云按爾雅釋名云土山曰阜此山本名南嶂言上有三天子嶂也古祀潛山爲南嶽而南嶂爲儲副故亦呼南嶽先生飛昇之後上帝命司吳楚水旱及賜以主溫之印統攝八部溫神俗因號爲和溫康阜先生先生高弟二人一號白鹿真人一號洪子真今廬山有煉丹洪井白鹿洞是其遺迹漢武帝元封元年南巡狩登祀天柱嘗望秩焉繼而射蛟潯陽江中顧問此山何神主之博士劉歆奏曰匡續先生得道於此帝由是封先生爲南極

大明公仍命立祠於虎溪舊隱列於祀典迨至東晉鴈門僧慧
遠遊羅浮回夜宿祠下愛其溪山之勝謁郡守桓伊曰昨夢匡
先生願捨祠爲寺伊從之林今寺東西二而遷先生祠于山口之乾
維唐開元間再加興建天寶初明皇命使致齋尊爲仙廟土民
水旱癘疫禱之皆應南唐保大中相國周宗控節南服而臨九
江觀廟貌隳殘復加興建始召道士闕元隱主之以備香火之
奉復奏賜田莊一所永充齋贍宋英宗治平中賜額爲觀錫名
壽聖行郊祀降祝版州遣貳車酌獻永爲彝典建中靖國元年
徽宗詔封先生爲靖明真人高宗紹興三十二年避德壽殿尊
號改賜額廣福瓊山白玉蟾題古風云武王笑騎青玉驪生縈
老紂而磔之四海蒼生盡札瘥林下哲人甘忍饑有人著書嵩
山下亦有首陽采薇者八魃流瘟毒赤子八紘風車吹火馬吾
聞康續隱靖廬青牛老人授以書紫皇錫之斂瘟璽天下蒼生

漸噓枯既聞人間爵十亂膠志茹芝飲春澗定王烈王呼不起
秦王船到嶠函岸及其望夷已蒼苔中原一鹿走之漢好仙天
子矢江龍遂封先生大明公晉僧愛地栽白蓮訴夢給牧樹佛
宮吾疑老聃昔化龍公意無乃與聃同虎溪之水蟠青龍虎溪
之山摩蒼穹後人因笑葛洪錯既到廬山還動脚葛洪去後幾
人來滿洞白雲寒漠漠

臣道一曰匡續以周王屢徵之不起礪志於道其視王侯之
貴金玉之富曾土芥之不如矣卒能功成行滿白日冲昇道
德經曰雖有拱璧以先駟馬不如坐進此道此誠匡續以之
後世得道之士不事王侯高尙其事或飛昇或尸解不知其
幾千人矣其殆本于匡續乎

玉子

玉子者姓章名震南郡人也少學衆經周幽王徵之不出乃歎

曰人生世間去生遠去死轉近矣但貪富貴不如養性命盡氣
絕則死位爲王侯金玉如山何益形爲灰土乎獨有神仙度世
可以無窮爾乃師桑子具受衆經乃別造一家之法著道書百
有餘篇其術以務魁爲主而精於五行之意演其微妙以養性
治病消災散禍能起飄風伐屋折木作雷雨雲霧能以草芥瓦
石爲六畜龍虎立便成行分形爲數百千人能步涉江海含水
噴之皆成珠玉遂亦不變也或時閉氣不息舉之不起推之不
動屈之不曲伸之不直百日數十日乃復起與弟子行各丸泥
爲馬與之皆令閉目須臾皆成大馬乘之一日行千里又能吐
氣五色起數百丈飛鳥過指之卽墮地臨淵投符召魚鼈卽皆
上岸又能使諸弟子舉眼卽見千里之物但不能久也其務魁
時以器盛水著兩魁之間吹而噓之水上直有赤光輝輝起一
二丈以此水治百病病在內者飲之在外者澡之皆便立愈後

入崆峒山合丹白日昇天

離明

太陽子姓離名明本玉子同年之親友也玉子學道已成太陽子乃事玉子盡弟子之禮不敢懈怠然玉子特親愛之有門人三千餘人莫與其比也而好酒常醉頗以此見責然善爲五行之道雖鬢髮斑白而肌膚豐盛面目光華三百餘歲猶自不改玉子謂之曰汝當理身養性而爲衆賢法師而低迷大醉功業不修大藥不合雖得千歲猶未足以免死況數百歲者乎此凡庸所不爲況於達者乎對曰晚學性剛俗態未除故以酒自驅其驕慢如此著七寶樹之術深得道要服丹得仙時時在世間五百歲中面如少童多酒故其鬢髮皓白也

杜宇

杜宇蜀主也蜀嘗大水宇與居人避水於長平山

在青城縣味江之上

里十築城壘居第後鼃靈開峽治水人得陸處宇禪位與之自居
西山得道昇天鼃靈子孫世有蜀土傳十二葉至開明尙爲秦
所并乃通中國

李冰

李冰楊磨皆蜀川得道之士役禦鬼神驅斥雲龍無所不能當
開明氏時游息於蜀故嘗佐開明氏理水爲蜀除患至秦孝文
王時冰爲蜀郡守開江灌田萬頃時巫言每歲江伯取童女一
人爲婦冰至江祠責之忽不見良久有二蒼牛鬪於岸上有頃
冰還流汗謂官屬曰吾鬪大困能相助邪南向腰中白者我變
也頃復鬪主簿刺北向者江伯乃死江水不復爲災亦不復娶
矣冰琢五石犀以馱水一在青城二在犀浦一在成都市橋一
在江中又於縣北玉女房下白沙堆立三石人於水中與江神
誓曰涸不出足漲不至肩今如其誓石人今在江左岸上蜀人

世世祀冰唐玄宗幸蜀以冰功及於人命飾祠宇追加司空相國今諸有水泛之處鄉里爲冰立廟水勢卽止楊磨亦有神術能伏龍虎亦於大阜江側決水灌田與龍爲誓

魯般

魯般燉煌人功侔造化嘗怨吳人殺其父於肅州城南作一木仙人手指吳地吳地大旱三年卜曰般所爲也齋物謝之般爲斷其手其月吳中地大雨

馬成子

周秦之間天下鼎沸強侵弱衆暴寡輸轉征伐人不遑安扶風人馬成子覩而歎曰百年之命六尺之身不能自保者舉世然也天旣生我必有可延之道何爲自投於死乎我聞道者萬物之祖稟生之元化生之本天地之根歷世不變湛然常存我何由得明師而示我修道之門乎興此念歷年遂棄家訪師求道

聞岐山之陽汧渭之側有伯陽川是老君與尹喜經行之所有老君授西伯至道之臺乃往尋焉至伯陽川適遇一童子問成子曰何求而登山邪成子告以求道童子笑曰我事老君萬二千歲矣尙未聞大洞希微之道今子幾歲遊隘陋蹄涔之內而欲求道不亦難乎成子異其言再拜稽首求哀請命曰朝菌之生瞬息之命非聖人延之將復委朽壤淪糞土一失此身何時復得聞道乞聖人哀而教之童子曰我太上之侍童爾年且幼眇未聞大道無以教子但子苦志丘泉勞迹損神孜孜念道亦甚可念然我聞太上老君昔謂鬱單天王曰道生萬物物不離道得道者生失道者死道在於身不在他人今子勞涉山川履此險艱蓋爲有志然去道遠矣成子復拜問曰道之在身何門修之童子因授以胎元煉氣之法乃入蜀臨邛鵠鳴山隱居石洞中有一人身長丈餘鹿裘毛幘策杖而至詣成子話隱地之

術因謂成子曰此山有石鵠三百年一鳴鳴則此山之中有得道昇天者此鵠頻鳴子當昇天矣乃授以神丹告之曰太上道氣爲內丹藥爲外丹陰功爲內丹金石爲外丹子煉氣胎元受於黃蓋童子黃蓋玄天太陽之子與金華玉女侍太上左右歷億劫之數而常若童顏子遭值此師與親朝太上亦無異矣內丹既然吾外丹亦耳太上所教太微帝君太微帝君乃授後聖太平君太平君以訣授我我於中玄之山鼓八風之橐煉五緯之精運日月之爐合乾坤之氣役三元召萬神煉之及九九之年而丹成今以授子朝九天而服之當拜太上太極上卿九華侍郎入侍玉晨列爲高真矣言訖乘雲而去成子敬受服之謂門人曰此山道氣非常常有大功高真功冠三天者於此得道三百年應爾遂白日昇天後天師張道陵亦居此山太上降之授三天大法師領太玄都省果三百餘年也

楚康王

楚康王未見名本懷王之後也素有賢行服衆故國人立之秦
始皇吞併六國爲三十六郡康王窮蹙乃逃奔於廬山遂入山
東南深谷以避難於是潛禱於山神冀有陰助時將軍王翦領
兵至谷口見煙霧濛濛雷雨暴集洞壑涌溢不辨道路翦始懼
退師康王得免遙見人馬之迹其去甚速今山側有馬到嶺是
也康王乃歎曰昔舜南巡不返吾得隱廬山老林泉足矣愈入
深谷不復出久之遇異人得道後人入山時有見之者顧其舉
動異常問之得其髣髴或自言其名氏梁大同初乃立觀其側
武帝詔爲康王觀戴師愈贊曰陳舜俞廬山記稱楚康王昭以
春秋魯襄公二十一年卒魯陳鄭許之君送葬于西門之外諸
侯之大夫皆至于墓時楚方強去王翦滅楚者凡三百二十六
年其間容復有康王邪殊不知周前有定王瑜後有定王介魯

前有文公興後有文公賈則是周有二定王魯有二文公也審此則康王昭之後復有康王固無足怪偶太史公不之載爾況廬山名賢多不見於正史而雜出於傳記邪

唐建威

秦三將軍者一名建威姓唐氏一名德爻姓李氏一名雲刁姓宋氏悉不知何許人始皇時三人皆武士有大功於國爵位崇重既而見秦政日亂乃相與謀曰時勢去矣英雄起矣方今小人滿朝正言不用王道失序政事乖錯不早爲之所吾徒其魚肉矣時有名宦十人皆正人君子亦相率而去之於是十有三入皆棄官學道訪名山人煙蘿如鹿脫獵場無復反顧之意遂經廬山之陽至紫霄峯下愛其山水之勝三人欲遂栖焉十人曰不然初志歸羣玉洞府豈可中道而廢言訖未行一夕雷電奄至洪流泛湧旦視廬舍左右化成二溪溪中盤石上有玉簡

天篆云神化靈溪金簡標題真人受真玉洞潛棲十人莫知所
往三武士遂棲于溪側種桃茹芝爲養真之具建威曰當惠以
施貧德爰曰當藥以濟病雲刁曰當言以滌迷異術同功而遠
近蒙其福久之但見祥雲遊空雙鶴飛舞自是三人得道仙去
矣後人指其居曰三將軍洞而置祠焉至漢武帝時賜名靈溪
觀

歷世真仙體道通鑑卷之十

歷世眞仙體道通鑑卷之十一

浮雲山聖壽萬年宮道士趙道一編

孔丘明

孔丘明駱法通吳天印張法樞謝志空周仙用鄒武君謝幽岳
楊元中何紫霄輩十三人當秦之二世惡聞其亂因相與交結
浩志罷官遠訪大道內三武弁李德及宋雲刀唐建威莫詳氏
族爵里初至廬山便欲休息一夕疾風甚雨結成一溪中得石
刻云神化靈溪金簡標題眞人受旨玉洞潛棲三人遂留溪今
靈溪觀是也十人者孔公家玉笥山西南吳公家淦江之西孔
曰江南羣玉峯係第十七洞天號大秀法樂之天山秀洞靈可
踵棲遯初志如此豈得中道而廢十人結束前趨羣玉孔曰洞
天之西奇峯聳秀必有靈巖憩息朝元果於東南石壁之前逢

一岳穴壁上有古篆又云洞天西門十公俱是恬退上士煉神
怡氣殆非一術一日有素服老人持銅盆貯小鯉魚十枚曰此
魚有異宜善視之亟於洞天之後穿池以蓄後人呼爲養龍池
何紫霄好遠遊而多簡慢衆勉之而不聽九人知不死可學而
行之愈力漢景帝時修煉道備神降於庵自稱洞天司命告九
人曰子等精誠至矣今北酆落籍名鏤南宮遂傳還丹之祕而
去丹成服之神又至曰上帝詔且至速之送仙臺以須時偕登
而衆仙已至肆筵祖餞頗如君臣之會酒行畢清風穆然雲物
駢集香氣襲人九龍控馭鸞鳳前舞玉帝勅遣繡衣使者青衣
童子齎玉冊十道霞衣十箱金丹一合霓旌羽節俱至臺上獨
有何紫霄遠遊未回從辰至已九真服丹更衣整駕相待不至
留玉冊與霞衣一箱及一素冊在飛仙石上以遺之仙樂淒清
羣仙趣駕孔真歎曰仙良仙良于何之鄉吾今往矣子獨奚亡

俄而氣勢漸高杳不復見九龍駕乃當年所養之魚耳九真於東陽治石臺煉十寶劍未仙去時一與仙良佩一埋送仙臺餘鎮洞天八門矣

何紫霄

何紫霄字仙良或云姓鄧九真已飛昇而仙良方歸神清飄蕩泣對煙雲上飛仙石受箱與册司命真君至曰真人有違玉詔不得同昇九真元會功行未圓可隱元龜洞發箱掛衣視素册其中有服太清草法云可以成地仙亦言山之東北有洞在平野此地仙之府可居仙良已覆其箱於峯頂俄化爲石後人因以名峯而狀亦酷似又放白猿犬各一以食仙藥皆得騰身而去仙良餌太清草行素册祕法不浹日已能凌虛殘山之巨石飛入石洞所謂地仙初神遣魚蓄之池變九龍以騰九真復視之池無有矣獨一魚乍出乍沒後亦化龍潛伏岳洞耳

唐公昉

唐公昉

房一作

與元府人也興元有斗山觀自平川內聳一山四

面壁立其上方如斗底故號之

開山經云斗山五穴通崑崙諸

壽千歲

薛蘿杉檜景象尤奇上有唐公昉飲李八百仙酒全家拔

宅之迹其宅基三畝許陷爲坑此蓋連地上昇也一云公房舉

宅昇仙雞犬皆去唯鼠惡其不淨不將去鼠自悔一月三吐易

其腸束廣微所謂唐鼠是也有前人題詩云霞衣欲舉醉陶陶

不覺全家住絳霄沿宅只知雞犬在上天誰信路岐遙三清寥

廓拋塵夢八景雲霓事早朝惟有故林蒼柏秀露華煙靄鎖驚

飈又洋州有寒泉山漢中記云秦唐公房師事仙人李八百公

房中渴八百以杖指崖出湧泉卽此山登之者必加嚴肅或誼

譚立有風雷暴起因此爲名

丁令威

丁令威者遼東人也少隨師學得仙道分身任意所欲常暫歸化爲白鶴集郡城門華表柱言曰我是丁令威去家千載今來歸城郭如舊人民非何不學仙離家纍遂高飛冲天而去夫左元放爲羊令威爲鶴斯並一時變化之迹爾非永爲羊鶴也遼東諸丁譜載令威漢初學道得仙

張良

張良字子房其先韓人也秦滅韓良以家財求客刺秦王爲韓報仇以五世相韓故良嘗學禮淮陽於滄洲得力士爲鐵椎重一百二十斤秦皇東遊至博狼音浪沙中良與客狙于密觀切伺本作擊秦皇誤中副車秦皇怒求賊急甚良乃更姓名亡匿下邳良嘗間從步游下邳圯音橋圯音楚上有一老父衣褐至良所若褻直墮其履圯下顏曰正直也顧謂良曰孺子下取履良愕然欲毆之爲其老乃彊忍下取履因跪進父以足受之良殊大驚父曰

孺子可教矣後五日平明與我期此良因怪跪曰諾五日明良
往父先在怒曰後何也五日雞鳴往父又先在復怒曰後何也
後五日夜半往有頃父亦來喜曰當如是出一編書曰讀是則
爲王者師後十年興十三年孺子見我濟北穀城下黃石卽我
矣遂去不見旦日視其書乃太公兵法良因異之常習誦居下
邳爲任俠數以太公兵法說沛公沛公喜常用其策爲他人言
皆不省也視良曰沛公殆天授遂從不去沛公欲擊秦嶢關軍良
曰臣聞其將屠者子賈豎易動以利願且留壁益張旗幟諸山
上爲疑兵令酈食其持重寶取秦將秦將欲和因其解音懈擊之
秦兵敗遂至咸陽秦王子嬰降沛公入秦宮室帷帳狗馬重寶
婦女以千數意欲留君之樊噲諫不聽良曰秦爲無道故沛公
得至此爲天下除殘去賊宜縞素爲質今始入秦卽安其樂此
所謂助桀爲虐且忠言逆耳利於行毒藥苦口利於病願聽噲

言沛公乃還軍灞上見羽鴻門

史語見漢紀

沛公爲漢王良因說王

燒絕棧道示天下無還心固項王意漢王還定三秦良遺項羽

書曰漢王失職欲得關中如約卽止不敢東又以齊反書遺羽

曰齊與趙欲併滅楚羽以故北擊齊漢王以良爲成信侯從東

擊楚兵敗而還下馬踞鞍而問曰吾欲捐關以東棄之誰可與

共功者

顏曰捐關以東謂不自破有其地將以與人令其立功楚良

曰九江王布楚梟將與

項王有隙彭越與齊王反梁地此兩人可急使而漢王之將獨

韓信可囑大事當一面卽欲捐之捐之此三人楚可破也漢王

乃遣隨何說布連彭卒破楚者此三人也良多病嘗爲畫策臣

時時從漢三年羽急圍漢王於滎陽漢王與酈食其謀撓楚權

酈生曰昔湯伐桀封其後杞武王誅紂封其後宋今秦滅六國

陛下誠立六國後皆爭戴陛下德義願爲臣妾德義已行南面

稱伯楚必歛衽而朝漢王曰善趣刻印先生因行佩之未行良

從外來謁漢王方食曰客有爲我計撓楚權者具以酈生計告

良良曰請借前箸以籌之六見西文不可者八言誠用此謀陛下事去

矣漢王輟食吐哺罵曰豎儒幾敗乃公事韓信破齊欲爲齊王

漢王怒良說漢王信語傳在五年漢王壁固陵諸侯不至良說漢王

諸侯皆至高語紀在六年封功臣良未嘗有戰鬪功帝曰運籌帷幄

中決勝千里外子房功也自擇齊三萬戶良曰始臣起下邳與

上會留此天以臣授陛下陛下用臣計幸而時中願封留足矣

乃封爲留侯與蕭何等俱封其餘爭功未得行封上居雒陽云

云乞見西文關一卷中上卽日駕西都關中良從入關性多疾卽導引

不食穀閉門不出歲餘上欲廢太子立戚夫人子趙王如意呂

后使建成侯呂澤劫良曰君常爲上謀臣今上日欲易太子君

安得高枕而臥良曰此難以口舌爭也願上有不能致者四人

四人年老皆以上嫚侮士故逃匿山中義不爲漢臣然上高此

四人固請宜來來以爲客時從入朝令上見之則一助也於是呂后令呂澤使人奉太子書卑辭厚禮迎此四人至十一年黥布反上疾欲使太子擊之四人乃說建成侯曰太子將兵有功卽位不益無功則從此受禍諸將皆與上定天下梟將也使太子將之無異使羊將狼臣聞母愛者子抱今戚夫人日夜侍御趙王常居前明其代太子位必矣吾何不急請呂后承間爲上泣言布天下猛將善用兵今諸將皆陛下等夷乃令太子將此屬莫肯爲用且布聞之鼓行而西爾上雖疾彊載輜車臥而護之不敢不盡力上雖苦彊爲妻子計后如四人意上曰豎子不足遣乃公自行耳上自將而東良疾彊起見上曰楚人剽疾願無與爭鋒因說上令太子爲將軍監關中兵上謂子房雖疾彊傳太子時叔孫通爲太傅良行少傅事上從破布歸疾益甚愈欲易太子良諫不聽因疾不視事叔孫通引古以死爭上陽許

之猶欲易之及宴置酒太子侍四人者從太子年皆八十有餘
鬢眉皓白衣冠甚偉上恠問曰何爲者四人各言其姓名上驚
曰吾求公避逃我今何從吾兒遊乎四人曰陛下輕士善罵臣
等義不辱今聞太子仁孝恭敬愛士天下莫不延頸願爲太子
死者故臣等來上曰煩公卒調護太子四人爲壽畢趨去上目
送之召戚夫人指示曰我欲易之彼四人爲之輔羽翼已成難
動搖矣戚夫人泣涕上曰爲我楚舞吾爲若楚歌歌曰鴻鵠高
飛一舉千里羽翼已就橫截四海橫截四海又可柰何雖有矰
繳尙安所施歌數闋戚夫人歔歔流涕罷酒竟不易太子者良
本招四人之力也良所與從容言天下事甚衆良乃稱曰家世
相韓韓滅不愛萬金之資爲韓報仇今以三寸舌爲帝者師封
萬戶此布衣之極於良足矣願棄人間事從赤松子遊耳乃學
道欲輕舉後六歲薨諡文成侯良始見圯上老父後十三歲從

高帝過濟北果得穀城山下黃石取而寶祠之及良薨并葬黃石每上冢伏臘祠黃石子不疑嗣

漢書前

道書云良仙去至八世

孫道陵得道飛昇太上遣良下爲詔使焉

臣道一曰至人隱則上仙顯則瑞世是故獨善其身則誠意正心修身兼善天下則齊家治國平天下其道未嘗不兩存顧所遇窮達隱顯如何爾張良可謂兩存其道者也道德經曰修之於身其德乃真修之於家其德乃餘修之於鄉其德乃長修之於國其德乃豐修之天下其德乃溥此正張良之忠於韓而成漢之功業也然神仙雖以功名成就於世是豈圖富貴以自榮蓋亦行其志也故終爲遯世之歸焉經又曰功成名遂身退天之道非此之謂乎

蘇耽

蘇耽桂陽人也耽之母李氏因江中浣帛觸沉木而感孕焉耽

生有雙鶴飛於庭白光貫戶牖及生數歲寡言語不爲兒戲云
皆得仙道與衆兒問曰何獵常此鹿騎而亦如常然遇險絕之處少以
至孝著稱年已十四母方食葷曰吾偶思資興瀧鮓患遠不可
得也耽曰今往市之乃去母以爲戲言見悅爾食未竟耽來鮓
於前曰此資興瀧鮓也母曰汝最爲謹厚資興瀧去此二百餘
里汝不一時往還何詐也耽曰市鮓時見舅兒來言致意母不
數日亦來謁母矣母舉鮓而食真資興瀧鮓也不數日舅至具
言市中見耽母亦大神其事一云母食欲得魚羹耽出湘州市
叔父爲州吏於市見耽一日告母道果已圓昇舉有日翱翔雲
水之鄉脫落塵泥之外命蒂胎根已爲我有現臺紫府本是各
家陰陽不能陶鑄天地不能管轄陵谷遷而此不可遷日月老
而吾不可老真元一氣萬古長存母曰吾恃爾也爾去吾何依
何言去乎耽曰常聞師曰一人昇仙九族受庇雖過去者亦不

爲下鬼。今雖去。母之動息皆可知也。乃留一櫃封鑰甚固。願母毋開。若有所需。告之。如所言也。因謂鄉人曰。更後二年。郴人大疫。乃殖橘鑿井。曰。受病但食一橘。葉飲泉水。一盞自愈。此井水飲之無恙後果如所言語已有五色雲下庭中簫鼓隱隱而至。耽乃昇雲泣別。母與鄉人冉冉東南而去。鄉人數百郡官悉見之時。漢文帝三年也。降一云耽道遂乘一曰有雲漢而去爾後母凡有乏禱。其櫃皆如所求。一日母思耽。謂在其中。乃發櫃了。不見物。惟見二鶴凌空而去。蘇仙冲昇之後二年。郴人果大疫。乃取橘泉治病。卽時皆愈。所存活者千百人。郡將與僚佐郡人悉拜祭橘泉之下。常若市焉。不數年。耽母有疾。耽嘗來問疾。不久。耽母傾喪。壽百餘歲。朝廷乃命郡守送喪。遂葬蘇山之南。於時猿驚鶴怨。風慘煙昏。愁雲不散。悲雨自冷。山頂聞哀泣。遠聽而近近聽。而遠郡守率郡僚郡人詣山慰耽。雖聞仙泣而不

見其形郡守盧獻可乃曰不因慰問無由拜仙願得一見仙容以消塵障非某一身之幸乃九族之幸也耽曰仙凡異道升沉殊塗吾不惜令汝見但恐汝輩福渺不能盡見吾也乃曰吾令汝見吾之半耽乃出半面一臂示獻可等郡官見面若真玉艷而有光臂亦紺毛與日氣相射郡官再拜跪慰仙耽曰山路絕險遠勞郡官吾欲造一橋令汝等安然至家慎勿回顧也乃取玉軸金庭經一卷對空擲之俄成巨橋若玉虹之架空欄楯皆金寶爲飾盧獻可率郡官隱隱而陞不久到郡惟判官張信臣回顧墜墮絕澗爲朽木敗葉藉地不曾損三日方到郡耽母之終山上哭聲服除乃止後郡守以其事聞於上封其山爲蘇仙山名其觀爲蘇仙觀郡守以時嚴潔醮祭焉元結詩云靈橘無根井有泉世間如夢又千年鄉關不見重歸鶴姓字今爲第幾仙風冷露壇人悄悄地閑荒徑草綿綿如何躡得蘇君迹白日

霓旌擁上天，又沈彬詠蘇仙山詩云：眼穿林罅見郴州，井裏交連側局楸。味道不來閑處坐，勞生更欲幾時休。蘇仙宅古煙霞老，羲帝墳荒草木愁。千古是非無處問，夕陽西下水東流。宋初俄有一鶴棲郡齋屋脊，久而不去。郡僚子弟輩聚觀，乃彈之。鶴乃舉足畫屋，若書字焉。梯屋皆以板爲瓦也。鶴乃騫翼昇雲而去。郡將乃遣人陞屋，卽見所畫字曰：鄉原一別，重來事非甲子不記。陵谷遷移，白骨蔽野。青山舊時，翹足高屋。下見郡兒，我是蘇仙。彈我何爲，翻身雲外，却返吾居。東一云：耽騎上白鶴，或挾彈。郡之鶴以爪撚樓板，似漆。書云：城郭雖是我，何人爲郡將？取其板藏之。府非二百甲子一來歸。我是蘇仙彈。我何爲郡將？取其板藏之。府中後乃歸之本觀。仙亦不復再來。高宗紹興間，賜蘇仙爲沖素普應真人。

○司馬季主

司馬季主者，楚人也。卜於長安市。漢文帝時，賈誼、宋忠爲大夫

曰吾聞聖人不在朝廷或遊塵肆試往觀之焉見季主閑坐弟子侍而誦陰陽之紀二人曰望先生之狀聽先生之辭未嘗見也尊官高位賢者舉之君何行之迂也季主笑曰觀大夫類有道術何言之陋令蠻夷不服四時不和徒趲起而言相引以勢相延以利賢者乃可羞爾夫內無饑寒之累外無刼奪之憂處上而人敬居下而無害君子之道也卜之爲業所謂上德不德也鳳凰不與燕雀爲羣公等瑣瑣不足知長者乎二人忽爾自失後相謂曰道尊者安勢高者危卜而不審不見奪糴爲人生計而不審身無所處其後宋忠抵罪賈誼感鵬不逃季主之鑒季主入委羽山大有宮中師西靈子都西靈子都者太玄仙女也受石精金光藏景化形之道臨去之際留枕席以代形粗如其真身家人葬之於蜀盤山之南諸葛亮爲其碑讚云玄漠大寂渾合陰陽天地交泮萬品滋彰先生理著分別柔剛鬼神以觀六度顯明

季主得道後常讀玉經服明丹之華挹扶晨之輝顏如少女鬢
三尺黑如墨有子二人男名法育女名濟華乃俱在委羽山並
讀三十九章

歷世真仙體道通鑑卷之十一

歷世眞仙體道通鑑卷之十二

浮雲山聖壽萬年宮道士趙道一編

劉諷

劉諷字偉惠潁川人也師季主服日月精華得道後歸鄉里託形杖履而去眞誥云潁川劉偉惠漢帝時公車司馬劉諷也事司馬季主爲入室弟子道成晚歸鄉里託形杖履身隱桑樹之下遺蹟在汝南安成縣

鮑叔陽

鮑叔陽者廣寧人漢高帝時趙王張耳張敖之大夫也少好養生服桂屑與司馬季主俱在委羽山師西靈子都得尸解之道眞誥曰遺蹟在遼東薊城之北山

劉京

劉京者本漢文帝時侍郎也從邯鄲張君學道受餌雲母朱英方服之百三十餘歲視之如三十許人能知吉凶之期又能爲人祭天益命或延得十年五年至魏武帝時京遊諸弟子家皇甫隆聞而隨事之以雲母丸子方教隆隆合服之得三百歲不能盡其道法故不得度世又有王公看於京得九子丸時王公已七十歲乃服之御八十妾生二十兒騎馬獵行日二百里飲酒一斛不醉得壽二百歲

劉愷

劉愷者不知何許人也長大多鬚垂手下膝久住武當山去襄陽五百里旦發夕至不見有所修爲頗以藥術救治百姓能勞而不倦用藥多自採所識草石皆窮於藥性雍州刺史劉道產忌其臂長於襄陽錄送京師文帝每旦檻車載將往山採藥暮還廷尉愷後以兩短卷書與獄吏吏不敢取愷焚之一夜失愷

關鑰如故閫闔門吏行夜得愴送廷尉愴語獄吏云官尋殺我殯後幸勿釘棺也後果被殺死數日文帝疑此言使開棺驗之果不見尸但有竹杖爾

臣道一曰劉愴以臂長而解於兵以身而殺身也使劉愴知有身則不知有道知有道則不知有身惟其不知有身則得道之妙身外之身非一日矣此其所以被殺之後開棺惟竹杖也道德經曰吾所以有大患爲吾有身及吾無身吾有何患學者當深究其旨

嚴青

嚴青者會稽人也居貧常於山作炭忽遇一人與青語青不知其神人也臨行以一卷書與青曰汝骨應得長生吾以神方授汝青言我不識書當柰何神人曰不須讀也但以潔器盛之置高處爾并教青服石髓法青受之僑居山中無他佳器唯有飲

壺乃用以盛所授書即便見其左右常有數十人侍之青船載炭時出山下此神便爲青挽船也人但見青船自行又治病救患但以所授之書到其人家所病便愈百姓多尊奉之青常從弟子家夜歸都巡夜逢青呵問何人夜行青亦厲聲問曰汝是何人而夜行都督怒其應對不恭囚叱從兵使收錄犯行人青復叱其從神曰皆錄其夜行人青徑去而都督及從者數十人馬皆不復得去明旦行人見都督問何爲住此都督說事狀如此行人曰此必是嚴公也都督曰我今不能動可報吾家速往叩頭謝青自說昨實不知是先生乞得放遣青乃大聲曰遣放昨所錄夜行人都督乃得去其後夜行者每見行人皆先問非嚴公乎青後斷穀不食一年而入小霍山仙去今吳會多奉事青爲嚴家道但不復知食藥物以求長生惟存其祭祀爾

王谷神

王谷神皮玄耀者西漢蜀青城山道士幼而穎悟不居榮寵通老莊文列妙於星緯周遊名山渡荊渚泛瀟湘至南嶽卜庵於金母殿後修胎息還元數年道成東遊羣玉訪九仙值武帝南巡見之神氣不羣乃延之卜隱於西峯帝厚賜兼封王爲太微先生皮爲太素先生以上卿禮待之三年控碧驛上昇

，太山老父

太山老父者莫知其姓名漢武帝東巡狩見老父鋤於道間頭白光高數尺怪而呼問之老父狀如年五十許人而面有童子之色肌體光華不與俗人同帝問有何道術邪老父答曰臣年八十五時衰老垂死頭白齒落有道士教臣絕穀服朮飲水并作神枕枕中有三十二物其二十四物以象二十四氣其八物以應八風臣行之轉老爲少黑髮更生齒墮復出日行三百里臣今年百八十矣武帝受其方賜之金帛老父得入岱山中去

十年五年時還鄉里三百餘年乃不復還也

巫炎

巫炎者字子都北海人也漢武帝出見子都於渭橋其頭上鬱鬱有紫氣高丈餘帝召而問之君年幾何所得何術而有異氣乎子都答曰臣年今已百三十八歲亦無所得將行帝召東方朔相此君有何道術朔對曰此君有陰術武帝屏左右而問之子都對曰臣昔年二十五時苦腰脊疼痛脚冷不能自溫口中乾苦舌燥涕出百節四肢各各疼痛又足痺不能久立得此道以來已七十三年有子三十六人身體強健無所疾患氣力乃如壯時帝曰卿不仁有道而不聞於朕非忠臣也子都頓首曰臣誠知此道爲真然陰陽之事公中之私臣子之所難言也又行之皆逆人情能爲之者少故不敢以聞帝曰勿謝戲君爾遂受其法子都年二百餘歲服餌水銀白日昇天武帝後頓行其

法不能盡用之然得壽最勝於他帝遠矣

陰術不傳久矣以信之易而用之難也

李奉仙

李奉仙者東蜀人自幼不語年十八常欲寒棲以避臭茹人間之曰知白守黑道貴昏默我師南嶽公云吾周靈王太子吹笙者也子三生奉道而所試由功之不著也今授子朱綱之法將昇度南宮吾師浮丘公授予今付於子子宜勤焉若更遲此生萬劫不度吾將爲南嶽司命侍帝晨又補桐柏真人言訖遂隱漢宣帝詔不起

清平吉

清平吉沛國人漢高皇帝時衛平也至光武時容色不老後尸解去百餘年復還鄉里數日間又尸解而去

黃山君

黃山君者修彭祖之術年數百歲猶有少容亦治地仙不取飛

昇彭祖既去乃追論其言爲彭祖經得彭祖經者便爲木中之松柏也

呂恭

呂恭字文敬少好服食將一奴一婢於太行山採藥忽有三人
在谷中因問恭曰子好長生乎而乃勤苦艱險如是邪恭曰實
好長生而不遇良方故採服此物冀有微益也一人曰我姓呂
字文起一人曰我姓孫字文陽一人曰我姓李字文上皆太清
太和府仙人也時來採藥當以授新學者公既與同姓又字吾
半是公命應長生也若能隨我採藥語公不死之方恭卽拜曰
有幸得遇神人但恐闔塞多罪不足教授若見來救是更生之
願也卽隨仙人去二日乃授恭祕方一通因遣恭還曰可歸省
鄉里恭卽拜辭仙人語恭曰公來雖二日今人間已二百年恭
歸到家但見空野無復子孫乃見鄉里數世後人趙光輔遂問

呂恭家何在人轉怪之曰君自何來乃問此久遠之人吾聞先世傳有呂恭一奴一婢入山採藥不復歸還以爲虎狼所傷爾經今已二百餘年君何問乎呂恭後世孫呂習者在城東北十里作道士人多奉事之推求易得爾恭承光輔言往到習家叩門而呼之奴出問曰公何來恭曰此是吾家也我昔採藥隨仙人去至今二百餘年今復歸矣習舉家驚喜徒跣而出拜曰仙人來歸流涕不能自勝居久之乃以神方授習而去時習已年八十服之轉轉還少至二百歲乃入山去其子孫世世服此藥無復老死皆得仙也

陳安世

陳安世者京兆人也爲灌叔平客稟性慈仁行見鳥獸下道避之不欲驚動不踐生蟲未嘗殺物年三十而叔平好道思神忽有二仙人託爲書生從叔平行遊以觀試之叔平不覺其是仙

人也久而轉懈怠叔平在內方作美食二仙人復來詣門問安世曰叔平在否答曰在入白叔平叔平即欲出其妻止之曰餓書生輩復欲求腹飽爾勿與食於是叔平使安世出言不在二人曰汝向言在今言不在何也答曰大家使我云爾二人益嘉之以實對乃相謂曰叔平勤亦有年今日值吾二人而反懈怠是其不遇我幾成而敗之乃問安世曰汝好遊戲邪答曰不好又曰汝好道希仙邪答曰好道然無緣知耳二人曰汝審好道明日早會道北大樹下安世早往期處到日西而不見二人乃起將去曰書生定欺我爾二人已在其耳邊呼曰安世汝來何晚邪答曰早且來但不見君爾二人曰我端傳汝道爾頻三期之而安世輒早至知其可教乃以藥兩丸與之誠曰汝歸家勿復飲食別止一處安世依誠二人常往其處叔平怪之曰安世處空室何得有人語往復不見何也答曰我獨語爾叔平見安

世不復食但飲水止息別位疑非常人自知失賢乃歎曰夫道尊德貴不在年齒父母生我然非師莫能使我長生也先聞道者則爲師矣乃自執弟子之禮朝夕拜事安世爲之洒掃安世道成白日昇天臨去遂以要道傳叔平後亦得仙也

靈壽光

靈壽光者扶風人也年七十餘而得朱英丸方合而服之致得其效轉更少壯年如二十時漢獻帝建安元年光已年二百二十歲常寄寓於江陵胡田家無疾而卒田殯埋之百餘日人復見在小黃寄書與田田得書掘發棺之中無所有釘亦不脫唯履在棺中

張禮正

張禮正始明期二人昔衡山中學道者禮正以漢末入山服黃精顏色丁壯常如年四十時明期以魏末入山服澤瀉柏實丸

共止巖中後俱受西城王君傳虹景丹方從來服此丹已四十

年真誥云四

中忠丹砂之難得俱出廣州爲沙門是滕舍爲刺

史時也遂得內外洞徹眼明身輕日行五百里後入九嶷山

誥真

云又兼守一亦已三十年以三山下注一日東華遣迎以其日甲寅昇天今在方諸故室俱乙丑歲十一年是年爲廣州刺史已三十年猶乙丑歲十一年

李根

李根字子源許昌人也有趙買者聞其父祖言傳世見根也買爲兒時便隨事根至買年八十四而根年少不老昔住壽春吳大文家大文從之學道作金銀法立成根能變化入水火中坐致行廚能供二十人皆精細之饌四方奇異之物非當地所有也忽告大文曰王陵當敗壽春當陷兵中不復居可急徙去大文竊以語弟弟無意泄之王陵聞之以爲妖言惑衆乃使人收根欲殺之根時乃方欲書疏奄聞外有千餘人圍吳家求根根

語大文父曰匆匆但語吾不知官自來搜之昨日去矣大文出戶還顧窺根失所在左右書器物皆不復見於是官兵入索困食衣篋之中無處不徧不得根及良久大文出見根故在向坐儼然如故根語大文曰王太尉當族誅卿弟泄語十日中當卒死皆果如言弟子家又有以女給根者此女知書根出行竊取根素書一卷讀之得根自記其學道經疏云以漢元封中學道於某甲時年計根已七百餘年也大文說根兩目童子皆方按仙經云八百歲人童子方也根告諸弟子言我不得神丹大道之訣唯得地仙方爾壽畢天地然不爲下土之士也

黃敬

黃敬字伯嚴武陵人也少讀誦經書仕州爲部從事後棄世學道於霍山八十餘年復入中嶽專行服氣斷穀爲吞吐之事胎息內視召六甲玉女吞陰陽符又思赤星在洞房前轉大如火

周身至二百歲轉還少壯。道士王紫陽數往見之，求要言敬告。紫陽曰：吾不修服藥之道，但守自然。蓋地仙耳。何足詰問？問新野陰君神丹昇天之法，此真大道之極也。子可從之人能除遺嗜欲如我者，不可以學我所爲也。紫陽固請不止，敬告紫陽曰：大關之中有輔星，想而見之，翕習成，赤童在焉，指朱庭指而搖之，煉身形，消遣三尸，除死名，審能守之，可長生。失之不久淪窈冥。紫陽受之，得長生之道也。

甘始

甘始者，太原人也。善行氣，不飲食，又服天門冬，行房中之事，依容成玄素之法，更演益之，爲一卷用之，甚有近效。治病不用針灸湯藥。在世百餘歲，乃入王屋山仙去也。

黃子陽

黃子陽，後魏人，知長生之妙，學道在博落山中九十餘年，但食

桃皮飲石中黃水司馬季主以導仙八方與之遂能度世

○河上公

河上公莫知其姓名也亦號河上丈人漢文帝時結草爲廬于河之濱常讀老子道德經文帝好老子之言詔命諸王公大臣州牧二千石皆令誦之有所不解者數旬時天下莫能通者聞侍郎裴楷說河上公讀老子乃遣使齎所不了義問之公曰道尊德貴非可遙問也文帝卽駕從詣之帝曰普天之下莫非王土率土之濱莫非王臣域中四大王居其一也子雖有道猶朕民也不能自屈何乃高乎朕足使人富貴貧賤須臾河上公卽拊掌坐躍冉冉在虛空中如雲之升去地百餘丈而止於玄虛良久俛而答曰今上不至天中不累人下不居地何民之有陛下焉能使予富貴貧賤乎帝乃悟知是神人方下輦稽首禮謝曰朕以不德忝統先業才不任大憂於不堪雖治世事而心敬

道德直以暗昧多所不了惟蒙道君宏愍有以濟之則幽夕睹太陽之光曜河上公卽授素書老子章句二卷謂帝曰熟研此則所疑自解予註是經以來七千餘年凡傳三人連子四矣勿傳非人文帝跪受經言畢失所在一云起霧而去今有河上公廟在陝府之北并文帝望仙臺遺迹存焉

臣道一曰河上公結廬於河上淡然不謀泊然無爲其出有入無隱顯聖凡非一日矣道德經曰道之尊德之貴夫莫之爵而常自然是誠河上公也一旦漢文帝聞其有道親駕詣之河上公乃授素書老子章句二卷厥後文帝以恭儉化天下後世議者謂漢文帝有三代之風豈非河上公道德之化邪

歷世真仙體道通鑑卷之十二

歷世眞仙體道通鑑卷之十三

浮雲山聖壽萬年宮道士趙道一編

丁安期生

安期生瑯琊阜鄉人賣藥於東海邊時人皆言千歲翁秦始皇東遊請見與語三日三夜始皇異之賜金璧度數千萬出於阜鄉亭皆置去以赤玉舄一輶爲報留書曰後千年求我於蓬萊下始皇卽遣使者徐市盧生等數百人入海未至蓬萊山輒逢風波而還立祠阜鄉亭海邊數十處也漢郊祀志云安期生仙者通蓬萊中合則見人不合則隱顏師古註云合謂道相合也混元實錄云安期生後以道授馬明生馬授陰長生陰授爾朱先生又按史記云樂毅之族有樂臣公善修黃老言其本師曰河上丈人不知其所出河上丈人教安期生安期生教毛翁公

毛翁公教樂瑕公樂瑕公教樂臣公樂臣公教蓋公蓋公教於
高密膠西爲曹相國師又曰惠帝元年曹參相齊盡召長老諸
生問所以安集百姓諸儒以百數言人人殊參未知所定聞蓋
公善治黃老言使人厚幣請之公爲言治道貴清靜而民自定
推此類具言之參用其術故相齊九年齊國安集仙傳云有王
老者不知其名與魯女生封君達爲友訪道遊名山於東嶽之
陽遇神仙乘白鹿與侍女十許人自山中而下知是神人再拜
以求延生之道神仙曰子知有安期生乎卽我是也子精誠動
天太上使我授汝度世之訣（千古妙訣，言前人所不言）因謂之曰仙道不遠近取諸身無
思無爲不吐不納真一充於內而長生飛昇矣勿使汝思慮營
營勞爾之生也太上曰縣縣若存用之不勤是真道矣言訖昇
天而去又抱樸子云安期生龍眉顙以修養服金液長生其止
世間或延千歲而後去爾（不以爲然，法妙絕）

臣道一曰秦始皇以窮奢極侈慘刻之君安足以語道安期生委金璧而去者所以示之廉曰後千年求我於蓬萊所以示之仙不可學矣乃欲強一時之力入海以求蓬萊其可得乎安期生非祕其道也秦始皇不可至於道也道德經曰天地不仁以萬物爲芻狗聖人不仁以百姓爲芻狗秦始皇縱耳目之欲以勞動天下曾不休息與天地聖人之心相違亦甚矣舍道而求長生道外豈有仙也哉此安期生所以不容迹於海內而去之蓬萊也

馬明生

馬明生

一作馬明生

齊國臨淄人也本姓和字君實

一作寶賢

少爲縣吏

捕賊爲賊所傷遇太真夫人適東嶽見而憫之當時殆死良久忽見一女子年可十六七服飾奇麗姿容絕世行步其傍問君實曰汝何傷血也君實以實對夫人曰汝所傷乃重刃關於肺

五臟泄漏血凝絳府氣激腸外此將死之急也柰何君實知是神人叩頭求哀乞賜救護夫人於肘後筒中出藥一丸大如小豆卽令服之登時而愈血絕瘡合無復慘痛君實再拜跪曰家財不足以謝不知何以奉報恩施惟當自展駑力以報所受爾夫人曰汝必欲以謝我意亦可嘉可見隨去否君實乃易名姓自號爲馬明生隨夫人執役夫人入東嶽岱宗山峭壁石室之中上下懸絕重巖深隱去地千餘丈石室中有金牀玉几珍物奇偉乃人迹所不能至處也明生初但欲學金瘡方旣見其神仙來往乃知有不死之道朝夕供給灑掃不敢懈倦夫人亦以鬼怪狼虎眩惑衆變試之明生神清澄正略不恐懼又使明生他行別宿因以好女於臥息之間調戲令接之明生心堅志靜固無邪念夫人或行去十日五日還或一月二十日輒見有仙人賓客乘龍駕鳳往來或有拜謁者眞仙彌日盈坐客到輒令

明生出外別室或立致精細廚食殺果非常香酒奇漿不覺而至不可目名或呼明生坐與之同飲食又聞空中有琴瑟之音歌聲宛妙夫人亦時自彈琴瑟有一絃五音並奏高玄響激聞于數里衆鳥皆爲集于岫室之間徘徊飛翔驅之不去蓋天人之樂自然之妙音也夫人棲止常與明生同石室中而異榻爾幽寂之所都惟二人或行去亦不道所往之處但見常有一白龍來迎夫人卽著雲光繡袍乘白龍而去袍上專是明月珠綴著衣縫帶玉佩戴金華太玄之冠亦不見有從者旣還卽龍自去不知所在石室玉牀之上有紫錦被褥緋羅之帳中有服玩之物瑰金函英玄黃羅列非世所有不能一一知其名也有兩卷素書上題曰九天太上道經明生亦竟不敢發舒視其文也惟供給灑掃守巖室而已至於服玩亦不敢竊視之亦不敢有所請問如此五年愈加勤肅輒不怠惰夫人歎而謂之曰汝真

可教也，必能得道者也。以子俗人而不淫不慢，恭仰靈氣而莫之廢，雖欲求長生不死，亦焉有不得乎？因以姓字本末告之曰：我姓王，名婉羅，字勃遂，事玄都太真，有子爲三天太上府都官司直總糾天曹官秩。此人間卿佐也，年少數委官遊逸虛廢事，任有司奏劾降生東嶽，退真王之編司鬼神之師五百年一代。其職因來視之，勵其後，使修守政事以補其過。我久在人間，今奉君王命，又被太上召不得復停念汝專謹，故以相語欲教汝長生之方延年之術。而我所受服以太和自然龍胎之體，適可授三天真人，不可以教始學之者。固非汝所得聞矣。縱或聞之，亦必不能用以持身也。有安期生曉金液還丹之法，其方祕要，是九君太一之道，白日昇天者矣。安期生明日來，吾將以汝付囑之焉。相隨稍久，其術必傳。明日安期生至，乘駿麟，身著緋衣，頭戴遠遊冠，帶玉佩及虎頭鞶囊，視之可年二十許，潔白嚴整。

從六七仙人皆執節奉衛見夫人揖之甚謹稱下官須臾設酒
菓廚膳飲宴半日許夫人語明生曰吾不復得停汝隨此君去
勿憂念也我亦時時當往視汝因以五言詩二篇贈之可以相
存明生流涕而辭擬隨安期生受九丹之道夫人贈詩其一曰
暫舍墉城內命駕岱山阿仰盼太清闕雲樓鬱嵯峨虛中有真
人來往何紛葩煉形保自然俯仰食太和朝朝九天王夕館還
西華流精可飛騰吐納養青牙至藥非金石風生自然歌上下
凌景霄羽衣何娑婆五嶽非吾室玄都是我家下看榮競子篤
似蝸與蟁顧盼塵濁中憂患自相羅苟未悟玄旨安事於琢磨
禍湊由道泄密慎福臻多其二曰昔住崑崙宮共講天年延金
液雖可遐未若太和仙仰登冥靈臺虛想詠靈人忽遇博桑王
九老仙都真駕驂紫虬輦靈顏亦何鮮啓我尋長塗邀我自然
津告以鴻飛術授以玉胎篇瓊膏凝玄氣素女爲我陳俯挹琳

鳳腴仰上飄三天雲綱立爾步五嶽可暫還玄都安足遠蓬萊
山脚間傳受相親愛結友爲天人替卽游刑對禍必無愚賢祕
則享無傾泄則軀身顛明生受詩訖乃隨安期生負笈西至女
几北到圓丘南至秦廬潛及青城九嶷周遊天下二十年中勤
苦備嘗安期生乃曰子真有仙骨專恭之甚吾所不及也遂授
以太清金液神丹方而告之曰子若未欲昇天但先服半劑得
明生相別而去明生乃入華陰山依方合金丹服之半劑得仙
而與俗人無異人莫識其非凡漢靈帝時惟太傅胡廣知其有
道嘗訪明生以國祚大期間之明生初不對後亦告焉無不驗
者後人怪其不老遂復餌金丹半劑白日昇天臨去著詩三首
以示將來時光和三年也其一曰太和何久長人命將不永翕
如朝露晞奄忽睡覺醒生生世所悟傷生由莫靜我將尋真人
澄神挹容景盤桓崑陵宮玄都可馳聘涓子牽我遊太真來見

省朝朝王母前夕歸鍾岳嶺仰採瓊瑤葩俯漱琳琅井千齡猶
一刻萬紀如電頃其二曰天地自有常人命最險毳年若驚絃
發時猶輕矢逝雖有灼灼姿玉爲塵生穢林草無秋耀綠葉豈
終歲惜彼繁茂摧哀彼寒霜厲有存理必亡有興必有廢真君
戲玄津與物無凝滯神冲紫霄內形棲山水際對虛忘有懷遊
目託容裔風塵將何來真道故可大其三曰濁塗諒爲歎世樂
豈足預振褐掃塵遐飄飄獨遠舉寥寥巖嶽際蕭蕭縱萬慮靈
真與我遊落景乘鴻御朝乘雲輪來夕駕扶搖去噉嘈天地中
囂聲安得附

○陰長生

陰長生新野人漢和帝永元八年三月己丑立皇后陰氏卽長
生之曾孫也少處富貴之門而不好榮位潛居隱身專務道術
未聞有馬明生得度世法乃入諸名山求之到南陽太和山中

得與相見乃執奴僕之役親運履舄之勞明生不教以度世之道但旦夕與之高談榮華當世之事治生園圃之業十有餘年長生未嘗懈怠同時有共事明生者十二人皆怨恚而去獨長生禮敬彌篤而明生數因言語得失之際屢責罵之長生乃和顏悅心奉謝不及如此積二十年後清閑之日明生問其所欲長生跪曰惟乞生爾今以糞草之身委質天匠不敢有所汲汲憚於遲速也明生哀其語而告之曰子真是能得道者也乃將長生入青城山煮黃土爲金以示之立壇歃血卽日以太清金液神丹授之欲別去長生乃叩頭陳謝暫留仙駕拜辭曰弟子少長豪樂希執卑遜克身勵已若臨冰谷不能弘道讚德宣暢妙味徒尸素壁立而毫及之是以心存生契捨身尋真天賜嘉會有幸遭逢自執筭二十二年心力莫植常懼毀替筋力弱薄微效靡騁恩養不酬夙夜感悅告以更生頓受靈方是將灰之

質蒙延續之年炎林焦草惠膏澤之霑所謂絕氣與其蘇息誓
暗開其視聽感荷殊戴非陋詞所謝昔太歲庚辰聞先生與南
嶽真人洪崖君雲成公瀛洲仙女數人共坐論傳度當委緝之
誓教授有交帶之盟應祭九老仙都九炁丈人諸君禱祠受之
大藥必行下祭而受爲之不成弟子預在典室嘗侍帷側亦具
聞諸仙起末得道之言說昔授丹節度矣先生今日見諭不復
陳此或非先生所授之不盡將恐示弟子困窮矣明生慰諭之
曰非有不盡汝性耽玄味專炁而和靈官出鑒以相察矣不復
煩委俗人之信耳於是長生入武當山石室中合丹先服半劑
不卽昇天而大作黃金數萬斤以布施天下窮乏不問識與不
識周行天下不與妻息相隨舉門皆壽後與委之入忠州平都
山修煉服丹白日昇天臨去著書九篇言上古仙者多矣不可
具記而論但漢興以來高士得仙四十五人連余爲六矣二十

八人是尸解去餘者白日昇天焉又自作序云惟漢延光元年
新野山之北受仙若神丹要訣道成去世副藏名山如有得者
列爲真人行乎去來可爲俗間不死之道要在神丹行氣導引
俛仰屈伸服食草木可得小道不能永度於世以至天仙子欲
聞道此是要言積學所致不爲有神上士爲之勉力加勤下愚
大笑以爲不然能知神丹久視長存於是以黃素及金簡寫丹
經三通各藏於嵩華及綏山縑書一通付弟子世世當有所復
有四言詩三章遺世詩云維予之先佐命唐虞爰逮漢世紫艾
重紆予獨好道而爲匹夫高尚素志不事王侯貪生得生亦又
何求超迹蒼霄乘飛駕浮青要乘翼與我爲仇入火不灼蹈水
不濡逍遙太極何慮何憂遊戲仙都顧愍羣愚年命之逝如彼
川流奄忽未幾泥土爲儔馳走索死不肯暫休予之聖師體道
之真昇騰變化松喬爲鄰惟予同學十有二人寒暑求道歷二

十年中多怠惰志行不堅痛乎諸子命也自天天安授道必
歸賢身投幽壤何時可還嗟爾將來勤加精研勿爲流俗富貴
所牽神丹一成昇彼九天壽同三光何但億千維予垂髮少好
道德棄家隨師東西南北委放五經避世自適二十餘年名山
之側寒不遑衣饑不暇食思不敢歸勞不敢息奉事聖師承顏
悅色面垢足胝乃見哀識遂傳要訣恩深不測妻子延年咸享
無極黃白已成財貨千億役使鬼神玉女侍側予得度世神丹
之力今平都山景德觀刻碑傳世晉丹陽葛洪曰嘗聞諺言有云不夜行則
不知道上有夜行人今不得仙者安知天下山林間密自有學
道得仙者邪陰君已服神藥雖未昇天然方嚴厲同聲相應便
自與仙人相尋求聞見故知此近世諸仙人之數爾而俗人謂
爲不然已所不聞則謂之無有不亦悲哉夫草澤閑士以隱逸
得志經籍自娛不耀文彩不揚名聲不修求友不營文達猶且

不能識之。又況仙人亦何急令朝菌之徒，知其所云爲哉。

臣道一曰：陰長生艱難事師，不得其道而不倦，誠之至矣。非常人之所可及也。故同時事馬明生者，十有二人，皆怨恚而去。獨長生禮敬彌篤，而卒得其道焉。道德經曰：學不學，復衆人之所過，以輔萬物之自然，而不敢爲長生之謂也。

○ 魏伯陽

魏伯陽，吳人也。高門之子，而性好道術，不肯仕宦，閑居養性。時人莫知其所從來，謂之治民養身而已。入山作神丹，將三弟子，知兩弟子心不盡誠，丹成而誡之曰：金丹雖成，當先試之。飼於白犬，犬能飛者，人可服之。若犬死者，卽不可服也。伯陽入山時，將一白犬自隨。又丹轉數未足，和合未至，自有毒丹。毒丹服之，皆暫死。伯陽故便以毒丹與白犬食之，犬卽死。伯陽乃復問諸弟子曰：作丹恐不成，今成而與犬食，犬又死，恐是未得神明之

意服之恐復如犬爲之奈何弟子曰先生當服之否伯陽曰吾背違世路委家入山不得仙道吾亦恥歸死之與生吾當服之耳伯陽便服丹丹入口卽死弟子相顧謂曰所以作丹者欲求長生耳而服之卽死當柰此何惟一弟子曰師非凡人也服丹而死得無有意邪又服之入口復死餘二弟子乃相謂曰作丹求長生耳今服丹卽死當用此何爲若不服此自可得數十年在世間活也遂不服乃共出山欲爲伯陽及死弟子求棺木殯具二人去後伯陽卽起將所服丹內弟子及白犬口中須臾皆起將服丹弟子姓虞及白犬而去逢入山伐薪人作手書與鄉里人寄謝二弟子（弟子見書始大懊惱）伯陽作參同契五相類凡二卷其說似解周易其實假借爻象以論作丹之意一云東漢魏伯陽會稽上虞人也世襲簪裾惟公不仕修真潛默養志虛無每視軒裳如糠粃焉不知師授誰氏得古人龍虎經盡獲

妙旨乃約周易撰參同契三篇又云未盡纖微復作補塞遺脫一篇繼演丹經之奧所述多以寓言借事隱顯異文公撰參同契者謂修丹與造化同途故託易象而論之今行於世後來解註者數家惟真一子彭曉所解最正丹成仙去書幸流傳

臣道一曰道德經曰道者萬物之奧善人之寶魏伯陽善人也，不私其寶而與天下共之善之至也蓋自廣成子發三丹九鼎之秘以明至道歷五帝有夏之世雖神仙服膺傳授間聞於人丹道之玄幾絕響逮至殷周太上復化身降生世間斯道再揚至前漢諸仙微寓歌詩斯道猶未大闡至伯陽假易道作參同契至道之微盡之爲法於天下可傳於無窮善人之寶其泄矣此其教隆於漢晉盛於隋唐以迄于今豈非伯陽之功乎（注：參同契五相類係三相類之誤）

歷世真仙體道通鑑卷之十三

歷世眞仙體道通鑑卷之十四

浮雲山聖壽萬年宮道士超道一編

○周義山

紫陽眞人姓周名義山字季通汝陰人也漢丞相勃七世之孫以冠族播流世居貴宦祖玄漢昭帝元鳳元年爲青州刺史父祕爲范陽令時君始生焉父後積秩累遷官至陳留刺史君時年十六隨從在郡始讀孝經論語周易爲人沉重少言笑喜怒不形於色好獨坐靜處不結名好然精細微密所存必感常以平旦之後日出之前正東向立漱口咽液服氣百數向日再拜旦旦如此爲之經年父怪而問之所行何等事君長跪對曰義山中心好日光長景之暉是以拜之爾至月朔旦之日輒遊市及閭閻陋巷之中見窮乏饑餓之人解衣給食時時登陟名山

喟然悲歎或入石室中歡然獨笑時陳留大儒名士聞君盛德體性沉美咸往詣焉君輒稱疾不見賓客漢侍中蔡咸陳留高士亦頗知道聞君德行數往詣君每稱疾不欲見之父乃大怪怒責之督切使出見之既不得已遂出相見咸大發清談及論神仙之道變化之事君乃凝默內閉斂神虛靜頷而和之一不答也是歲大旱斗米千錢路多饑孺君乃傾財竭家以濟其困陰行之人亦不知是君之慈施也對萬物如臨赤子斯積德仁愛之施矣後遇陳留黃泰告君曰聞君好道陰德流行用思微妙誠感於我是以相詣吾是中嶽仙人須林字子玄也本衛人靈公末年生少好道德受學於岑先生見授煉身消災之道術後又遇仇公見教以服氣之法還神守魂之事吾行之甚驗大得其益子少知還陽精髓不泄又知導引伏氣吞景咽漿不復須陰丹內術補胎之益也然猶三蟲未壞三尸未死故導引服

氣不得其理，可先服制蟲細丸以殺穀蟲。蟲有三名：一名青古，二名白姑，三名血尸，謂之三蟲。三蟲在內，令人心煩滿，意志不開，所思不固，失食則饑，悲愁感動，精志不至，仍以飲食不節，斷故也。雖復斷穀，人體重滯，淹淹淡悶，所夢非真，顛倒反錯，邪俗不除，皆由此蟲在內，搖動五臟故也。其方用附子五兩，麻子七升，地黃六兩，朮七兩，茱萸根大者七寸，桂四兩，雲芝英五兩，凡七種。先取菖蒲根煮濃作酒，使清淳重美一斗半，以七種藥咬咀，內器中漬之，亦可不用咬咀。三宿乃出，暴之，之燥。又取前酒汁漬之三宿，又出，暴之，須酒盡止。暴令燥，內鐵臼中擣之極細，從令成粉，取白蜜和之，令可丸。以平旦東向，初服二丸，如小豆漸益，一丸乃可至十餘丸也。治腹內弦實，上氣，心胸結塞，益肌膚，令體輕，有光華。盡一劑，則蟲死。蟲死，則三尸枯。三尸枯，則自然落矣。亦可數作，不限一劑也。然後合四鎮丸，加曾青、黃精各

一兩以斷穀畢若導引服氣不得其理可先服食衆草苣勝茯苓朮桂天門冬黃連地黃大黃桃糧及皮任擇焉雖服此藥以得其力然不得九轉神丹金液之道不能飛仙也但可爲延年益壽爾君按次爲之服食朮五年身生光澤徹視內見五臟乃就仙人求飛仙要訣仙人曰藥有數種仙有數品有乘雲駕龍白日昇天與太極真人爲友拜爲仙宮之主其位可同真公定元公大生公及中黃大夫九氣丈人仙都公此皆上仙也或爲仙卿大夫上仙之次也遊行五嶽或造太清役使鬼神中仙也或受封一山總領鬼神或遊翔小有羣集清虛之宮中仙之次也若食穀不死日中無影下仙也或白日尸解過死太陰然後乃仙下仙之次也我受涓子祕要是中仙耳子名上金書當爲真人我之道非子真人所學也今以守三一之法靈妙小有之書二百事傳子石菌朱柯若乾芝與子服之吾道畢矣子可遠

索師也。君再拜受教，退而服神芝五年，目視千里外，日行五百里。遂巡行名山，尋索仙人。聞蒙山欒先生能讀龍蹻經，遂往尋之。遇衍門子，於是授龍蹻經及三皇內文。登王屋山，遇趙佗子授芝圖十六首及五行祕符。又遇黃先生，受黃素神方五帝六甲左右靈飛之書四十四訣。登嶠冢山，遇上衛君，授太素傳左乙混沌東蒙之錄，右庾素文攝殺之律。登嵩高山，遇中央黃老君，合會仙人在其上。太室洞門之內，君頓首拜，乞長生度世。老君曰：子存洞房之內，見白元君邪？君對曰：實存洞房，嘗見白元君。黃老君曰：子道未足，未見無英君也。且復游行，受諸要訣。當以上真道經授子矣。見白元君下仙之事，可壽三千年。見無英君，乃爲真也。可壽一萬年矣。君再拜受教而退，遊行天下名山。大澤西，登白空山，遇沙野帛先生，授太清上經。登峩峩山，入空洞金府，遇甯先生，授大丹隱書八稟十訣。登岷山，遇陰先生，授

九赤斑符登岐山遇臧延甫授憂樂曲素訣登梁山遇淮南子
成受天關三圖登牛首山遇張子房授太清真經登九嶷山遇
李伯陽授李氏幽經登鍾山遇高丘子授金丹方二十七首登
鶴鳴山遇陽安君授金液丹經九鼎神丹登猛山遇青精先生
授黃素傳登陸渾山潛入伊水洞室遇李子耳授隱地八術登
戎山遇趙伯玄授二九素女術登陽洛山遇幼陽君授青要紫
書登霍山遇司命君授經命青圖上皇民籍登鳥鼠山遇墨翟
子授紫度炎光內視圖中經登曜名山遇大帝候夜神童授金
根之經登委羽山遇司馬季主授石精金光藏景化形登大度
山遇劉子先授七變神法登都廣建木遇谷希子授黃氣之法
太空之術陽精三道之要登桐柏山遇王喬授素奏丹符登太
華山遇南嶽赤松子授上元真書登太冥山遇九老仙都君授
黃水月華四真法登合黎山遇皇人授八素真經太上隱書登

景山遇黃臺萬畢先生授九真中經登玄壘羽山遇玉童十人
九氣丈人授白羽紫蓋服黃水月華法到桑木登扶廣山遇青
真小童君授金書祕字南行朱火登丹陵山遇龔仲陽授仙忌
真記西遊登空山見無英君視西眼洞房中無英君處其左白
元君處其右黃老君處其中無英君服金精朱碧玉綾之袍光
赤朝霞流景曜天要太上靈氣之章佩九帝驅邪之策戴翠上
紫靈之冠蓋太玄丹靈上元赤子之祖父也左連青宮之氣氣
冠萬神乃未有天地先自虛空而生矣白元君服丹玉之錦雲
羅重袍白光內朱流景參天垂暉映神玄黃徹虛要太上靈精
之章佩玄元攝魔之策戴招龍皂冠蓋玉房雲庭上元赤子之
父右英皓青之室朝運生者也中央黃老君是太極四真王之
師老矣上攝九天中游崑崙黃闕來其外紫戶在其內下與二
君入洞房圓三寸威儀具焉夫至思神見得爲真人若見白元

君得爲下真壽三千歲若見無英君得爲中真壽萬歲若見黃
老與天相傾上爲真人列名金臺君既詣之乃再拜頓首乞與
上要訣黃老君曰可還視子洞房中君乃瞑目內視良久果見
洞房之中有二神人無英白元君也被服狀如在空山中者黃
老君笑言曰微乎深哉子用意思之精也白日昇天之道子還
登常山授子上真之道君乃還常山石室中齋戒念道復積九
十餘年中白元君無英君黃老君遂使授之大洞真經三十九
篇有玉童二十一人玉女二十一人皆侍真燒香晝夜習之積
十一年遂乘雲駕龍白日昇天上詣太微宮受書爲紫陽真人
佩黃旄之節八威之策帶流金之鈴服自然之衣食玉醴之飴
飲金液之漿治葛衍山金庭銅城所謂紫陽宮也紫陽有八真
人君處其右一日三登崑崙一朝太微帝君以嶠冢爲紫陽別
宮所謂洞庭潛宮也嶠冢山有洞穴潛行通王屋清虛小有天

亦潛通閬風也

臣道一曰周義山稱疾養晦積德累仁終始一誠廣參衆妙真神仙之博學者也觀漢侍中蔡咸陳留高士詣之咸大發清談論神仙之道變化之事義山乃凝默內閉歛神虛靜頷而和之一不答也道德經曰信言不美美言不信善者不辯辯者不善知者不博博者不知義山之意也

王褒

清虛真人王君名褒字子登范陽襄平人也安國侯七世之孫君以漢元帝建昭三年九月二十七日誕焉洪基大業世籍貴盛君父諱楷以德行懿美比州所稱舉茂才除議郎轉中壘大夫上黨太守黃門侍郎侍中左將軍鴈門太守楷正色彤管坦誠獻替納言推謨披襟拔領率職莅民政以禮成捨刑寬賦不肅而敬天子賢之遷殿上三老使賓皇太子講春秋尙書論語

禮易恢恢仁長循循善誘遂名沸絕圃聲馳京夏君卽閑夜有感喟然悲歎曰人間塵藹趨競得失利害相攻有踰鵷雛之視老燕矣遂決志辭親入華山中九年一日夜半忽聞林澤中有入馬簫鼓之聲須臾漸近仰而望之見千乘萬騎浮空而至神人乘三素雲輦手把虎符朱鉞啓途握節執旄曲晨傾蔭錦旗蔽虛神人暫停駕而言曰吾太極真人西梁子文也聞子好道劬勞山林未該真要誠可愍也勤企長生實爲至矣君乃馳詣輪轂之下扣頭自搏而言曰褻以肉人愚頑庸賤少好生道莫知隱訣真人曰夫學道無師無緣自解我太極真人神仙之司主試校學者領舉正直爾子玄錄上清金書東華名編清虛位登小有必當掌括寶籍爲天王之任但注心四景勤慕上業道自成也後隱陽洛山中感南極夫人西城真人授君以太上寶文八素隱書大洞真經靈書八道紫度炎光石精玉馬神真虎

文高仙羽玄凡三十一卷依科立盟結誓而付乃將君觀玄洲
須臾而至四面大海懸濤千丈洲上宮闕樓觀瓊室瑤房不可
稱記西城真人曰此仙都之府太上丈人處之乃將君入紫桂
宮見丈人著流霞羽袍冠芙蓉之冠腰帶神光手把火鈴侍女
數百龍虎衛階太上丈人與西城真人相禮而已相携共坐君
時侍側焉太上丈人曰彼所謂王子登乎學道遭逢良師將得
之矣西城真人笑因命君拜拜畢太上丈人使坐北向丈人乃
設廚膳呼吸立具靈穀千種丹醴湛溢燔煙震檀飛節玄香陳
鈞天之大樂擊金璫於七芒崆峒啓音徹朗天丘於是龍騰雲
崖飛鳳鳴嘯山阜洪鯨湧波凌濤雲起太虛風生廣遼靈歌九
真雅吟空無玉華作唱西妃折腰爾乃衆仙揮袂萬神遷延羽
童拊節慶雲纏綿於是太上丈人會二十九真人皆玄洲之太
真公也其第一真人自稱主仙道君指君而向西城真人言曰

視此子心眸澄邈神停形凝圓晨丕煥六景發華殆眞人之美
者之小有之賢王也西城眞人答曰蓋聞性發乎天而命成乎人
也於是主仙道君命侍女范運華趙峻珠王抱臺等發瓊笈披
綠韞出上清隱書龍文八靈眞經二卷授君又以雲碧陽水晨
飛丹腴二升賜君君拜服之眞人遂將君還西城九年道成給
飛鸞之車東行渡啓明滄海登廣桑山入始暉庭詣大帝君稽
首再拜大帝授以龍景九文紫鳳赤書上清神圖八道玉籙次
南行渡渤海丹海登長離山詣南極紫元夫人華蓋上公授以
五雲夜光雲琅水霜次西行渡庾丘巨海沈羽之津登麗農山
詣紫蓋晨夫人景眞三皇道君授以玉道綠字迴曜太眞隱書
次北遊渡彫柔玄海濟飲龍上河苑瓜津登廣夜山詣高上虛
皇大道玉君會其出遊駕日月之晨乘紫始之光鬱靄黃素之
雲勃蔚八景之曜飛眞萬億不可稱數君再拜道側乃詣上清

玉晨帝君玄清六微元君二君授以寶洞飛霄絕玄金章及賜太極隱書龍明寶珠絳和雲芝君拜而飲之卽身金色項映圓光七曜散華流煥映形又退登閶風之野玄圃之宮詣中皇玉帝受解形遁變流景玉經乃越鬱絕濟弱河西詣龜臺謁九靈太真上清夫人退更清齋三月受三華寶曜瓊文琅書靈暉上錄七晨素經退又清齋三年浮浩汗之河登白空虞山山周廻三萬里遊行翌日趨詣紫清太素瓊闕卽太素三元上道君所治焉處丹靈白玉宮飛映絕曜紫霞落煥七光交陳結於雲宇之上奇麗玄黃不可名字仙童玉女侍右真人蓋無數也君稽首再拜詣瓊闕之下久時太素三元上道君乃使繡衣命者西林藻授君金真玉光流金火鈴豁落七元八景飛霞又使清眞左夫人郭靈蓋右陽玉華仲飛姬齋神策玉璽授君以爲太素清虛真人領小有天王三元四司右保上公治王屋山洞天之

中給玉童玉女各三百人主領上清玉章太素寶玄太極上品
九天靈文六合祕籍山海妙經悉主之又總括洞內明景三寶
得乘虎旂龍輦金蓋瓊輪八景飛輿出入上清受事太素寢宴
太極也

梅福

梅福字子真九江壽春人也少學長安明尚書穀梁春秋爲郡
文學補南昌尉漢成帝委任大將軍王鳳鳳專執擅權而京兆
尹王章素忠直譏刺鳳爲鳳所誅王氏浸盛災異數見羣下莫
敢正言福復上書譏切王氏上不納又成帝久亡繼嗣福以爲
立建三統封孔子之世以爲殷後復上書終不見納是時福居
家讀書養性爲事至平帝元始中王莽專政福一朝棄妻子去
九江爲吳市門卒云漢書前道家云梅福得道仙去豫章職方乘
云梅嶺在西山極崇峻羊腸而上五里至頂山下有梅仙觀今

號陽靈觀觀之上有梅仙壇舊說梅子真棄南昌尉學道於此梅嶺之下白石源水出焉又云墨池在南昌縣治東漢南昌縣尉梅福故宅基因立爲觀水竹幽茂晉王右軍羲之典臨川郡日每過此盤礴久之不能去因號墨池宋謝靈運亦嘗居此一年著老子經隱述并疏一部唐太宗貞觀中號太一觀禮迎萬天師居之高宗龍朔二年來致醮祭夜有雲降殿上至曉而散壇上有仙燈之祥玄宗開元間卽爲開元觀玄宗自書額宋徽宗崇寧二年爲崇寧萬壽觀後又曰天寧十道四蕃志載梅福池福種蓮華池中歎曰生爲我酷身爲我桔形爲我辱妻爲我毒遂棄妻入洪崖山豈墨池卽此池與如撫州之梅山梅仙觀隆興府豐城縣之梅仙觀有仙壇丹井在焉臨江軍新淦縣之玉笥山承天宮瑞州新昌縣之梅墩宅仙觀梅仙觀皆梅福經由修真之地建寧府梅山在城南三里方輿記梅福嘗煉丹於

此有昇仙壇梅仙事實云梅君求師慕道訪鴈蕩諸山遊南閩入支提山又入仙霞山乃武夷之東也遂於巖上結庵積年遇空同仙君授以內外丹法乃至雞籠山修煉不成次至毛竹洞入演仙山復往玉華山次至烏石山至劍江西嶺再遇空同仙君降謂曰汝之道緣在飛鴻山也梅君遂至飛鴻山結菴修煉千日功成神遊體外丹光燭天梅君服丹訖趣裝登途復回九江只見祥光射日紫霧浮空雲中仙樂嘹亮金童執節玉女持旛力士控鸞侍仙捧詔梅君拜詔謝恩乘青鸞飛昇而去自後飛鴻山號曰梅仙山也宋神宗元豐五年七月勅梅福在漢之際以孤遠極言天下之事其志壯哉晚而家居讀書養性卒於遺化高蹈世傳爲仙今大江之西實存廟像禱祠輒應能澤吾民有司上聞是用錫茲顯號光靈不泯其服朕恩宜特封壽春真人高宗紹興二年閏四月勅朕嚮巡狩於南國以豫章爲東

朝母后率掖庭而行舟楫冒風波之險凡所經涉必有護持爰錫褒恩以答神貺洪州豐城縣大江北岸梅福昇仙壇觀壽春真人正諫不用高名獨存憫漢室之不綱去吳市而莫返既嚴祠館亦錫封名茲復益以美稱蓋少敷於新渥其歆異數少慰平生可特封壽春吏隱真人

臣道一曰道德經曰將欲取天下而爲之吾見其不得已此如湯武革命順天而應人者也又曰天下神器不可爲也爲者敗之此如新室王莽犯分而竊位者也以湯武之仁猶不免見譏議於後世況以亂臣賊子專權擅柄以謀篡弑之事乎善乎梅福之上書諄詆王氏朝夕之漸其慮患也深矣其爲綱常之計密矣惜乎當時人主不能用其言卒成其禍爲姦僞之倡遂使後世如桓玄侯景之徒紛紛皆是也道德經曰爲之於未有治之於未亂豈非梅福欲以斯道增乎三綱

五常之重而不幸乎道德經又曰大道廢有仁義智慧出有大僞斯言盡之矣

歷世真仙體道通鑑卷之十四

歷世眞仙體道通鑑卷之十五

浮雲山聖壽萬年宮道士趙道一編

裴君

清甯眞人裴君字玄仁右扶風夏陽人也以漢明帝二年君始生焉爲人清明顏儀整素善於言笑目有精光垂臂下膝聲氣高徹呼如鐘鳴家奉佛道年十餘歲晝夜不寐精思讀經嘗於四月八日與馮翊趙康子上黨皓季成共載詣佛圖時天陰雨忽有賤人著故布單衣巾黃巾詣君車後索載君禮而問之必答君下車以載之康子季成並大怒呵問何等人而上吾車乎君乃陳諭遂聽俱載君自徒行在後顏無變色寄載人自若亦不以爲慚也將至佛圖乃曰吾家近在此乃下車奄然失之佛圖中道人支子元者頗知道宿舊人傳之已年一百七十歲見

君而歎曰吾從少至老見人多矣而未嘗見如子者乃延君入
 曲室之中幽靜之房大設豐饌飲食既畢將君更移隱處呼之
 共坐乃謂曰吾善相人莫如爾者子目中珠子正似北斗瑤光
 星自背已下象如何魁既有貴爵又當爲神仙天下志願子保
 享焉然津梁未啓七氣未淳不見妙事亦無緣而成也因以所
 修祕術以告君道人曰此長生內術世莫得知吾昔遊焦山及
 龍祖之阿遇仙人蔣先生者乃赤將子與也以神訣五首授吾
 奉而行之於今一百七十年矣氣力輕壯不覺衰老但行之不
 勤多失真志不能去世故雖延年不得神仙也猶是行之多違
 精思不至之罪也今以教子於是授之以諸階存思運用持呪
 等法及授諸高真經書符文并授服茯苓胡麻二法支子元服
 山蔣先生所傳茯苓五斤盛治去外皮乃擣下細篩以漬白蜜
 三斗中盛之以銅器可耐熱白瓦器以著大釜中著水纔
 半於所盛藥器煎出微著火鐵釜中令擣三萬杵令器數九旦服三十九
 合良久蜜消竭煎出微著火鐵釜中令擣三萬杵令器數九旦服三十九

如梧女侍衛大十年日夜百病除光二日可彰長生久視服此鬼神百
年不傷疾三病不夜視有能隱肌彰長生久視服此鬼神百
害凡合藥齋三日不夜視有能隱肌彰長生久視服此鬼神百
光也五斤時反三斗白蜜爲一耳火以作好木薪蓋炭不藥
露也也煮之斤時反三斗白蜜爲一耳火以作好木薪蓋炭不藥
意伺候料千歲恆不以爲意欲元併合之多麻法在藥生成預黃金九盛之當用勿
蜜器可經也胡燥細三斗以肥者散令黑沒拘爾勿擇之下使清白蜜三於微以火
熬令支氣極令胡燥細三斗以肥者散令黑沒拘爾勿擇之下使清白蜜三於微以火
胡麻散漬會蜜煎竭可令擣相乃出使擣之匣三萬杵如梧桐子大煮旦服前
茯苓法伺候令煎竭可令擣相乃出使擣之匣三萬杵如梧桐子大煮旦服前
三十丸盡返一蠶顏役使爲衆靈不蔣先生惟服此二方已凌煙化昇
知寒熱面返一蠶顏役使爲衆靈不蔣先生惟服此二方已凌煙化昇
呼吸立至出入無間與乘羣龍上朝帝真位爲仙宗也

欒巴

欒巴字叔元內黃人蜀郡傳人云事漢桓帝四遷桂陽太守甚有政
聲後遷豫章太守郡土多山川鬼怪小人常破貨產以祈禱巴
素有道術能役使鬼神乃悉毀壞房祀剪理姦巫於是妖異自
消百姓始頗以爲懼終皆安之桓帝崩後靈帝卽位陳蕃被誅

巴坐黨復謫爲永昌太守以功自劾辭病不行上書極諫理陳
竇之冤帝怒下詔切責收付廷尉巴自殺出後漢書記纂淵海云後
一旦大風天霧暗失巴所在尋問之其日還成都與親戚別去
而昇天矣仙傳云欒巴蜀成都人也少好道不修俗事時太守
詣巴請屈爲功曹待以師友之禮巴到太守曰聞功曹有道可
試見一奇乎巴唯唯乃平坐卽入壁中去冉冉如雲氣之狀須
臾失巴所在壁外人見化成一虎虎乃巴矣後舉孝廉除郎中
遷豫章太守廬山廟有神能於帳中共外人語飲酒空中投杯
人往乞福能使江湖之中分風舉帆船行相逢巴至郡往廟中
便失神所在巴曰廟神詐爲天官損百姓日久罪當治之以事
付功曹巴自行捕逐若不時討恐其後遊行天下所在血食枉
害良民責以重禱乃下所在推問山林社稷求鬼蹤迹此鬼於
是走至齊郡化爲書生善談五經太守卽以女妻之巴知其所

在上表請解郡守往捕其鬼巴到詣太守曰聞君有賢壻願見之鬼已知巴來託病不出巴謂太守曰令壻非人也是老鬼詐爲廟神今走至此故來取之太守召之不出巴曰出之甚易請太守筆硯奏案乃作符符成長嘯空中忽有人將符去亦不見人形一座皆驚符至書生向婦泣曰去必死矣須臾書生自携符來至庭下見巴不敢前巴叱曰老鬼何不復爾形應聲卽變爲狸扣頭乞活巴勅殺之皆見空中刀下狸頭墮地太守女已生一兒復化爲狸亦殺之巴去還豫章豫章郡多鬼又多獨足鬼爲百姓害巴到後更無此患妖邪一時消滅後徵爲尙書郎正旦大會巴後到有酒容賜百官酒又不飲向西南三嚙之有司奏巴不敬詔問巴曰臣鄉里以臣能治鬼護病生爲臣立廟今日且有耆老皆來臣廟中享臣不能早委之是以有酒容臣適見成都市上火臣故嚙酒爲雨以救之非敢不敬當請詔

問虛抵罪乃發驛書問成都成都奏言正旦食後失火須臾有大雨三陣從東北來火乃止雨著人皆作酒氣後一旦忽大風雨天地晦冥對坐不相見因失巴所在尋問巴還成都與親故別稱不更還老幼皆於廟中送之云送時因風雨晦冥莫知去處也真誥云昔巴作兵解去入林慮山中積十三年而後還家今在鶴鳴赤石山中

左慈

左慈字元放廬江人也少明五經兼通星緯見漢祚將盡天下向亂乃歎曰值此衰運官高者危財多者死當世榮華不足貪矣乃學道術尤明六甲能役使鬼神坐致行廚精思於天柱山中得石室內九丹金液經能變化萬端不可勝紀曹公操聞名召取關一室中使人守視斷穀日與二升水羣年乃出之顏色如故操欲學道慈曰學道當清靜無爲操怒謀殺之慈知之乃

求乞骸骨歸操曰何忽爾慈曰知公欲見殺故求去爾操曰固無此意公欲高尙其志亦當不久留乃爲設飲慈曰今將分曠願乞分杯飲酒操曰善慈拔簪以畫杯酒酒卽中斷其間相去一分許慈卽飲其半送與操操不喜未卽爲飲慈乞盡飲之以杯擲屋棟杯便懸著棟動搖似飛鳥之俯仰若欲落而復不落舉坐莫不屬目杯良久乃墮地諸人乃視杯已失慈所在後操一日宴賓慈亦預坐操顧謂衆賓曰今日高會珍羞略備所少吳松江鱸魚爾慈因求銅盤貯水以竹竿餌釣於盤中須臾引一鱸魚出操曰一魚不足以供坐客慈更以釣沉之復引鱸出皆三尺餘操又曰旣已得魚恨無蜀中生薑爾慈曰易得操恐近取之曰吾前遣人至蜀買錦可報增二匹語頃卽得薑并獲使報後返驗問增錦之狀若符契焉操出近郊士大夫從者百許人慈乃齎酒一升脯一斤手自斟酌百官莫不醉飽操懷不

意因坐上收欲殺之慈乃卻入壁中霍然不知所在後有人見慈住處乃往白操操又遣人收之得慈慈非不能隱故令世人知其神爾於是收執下獄獄吏欲拷詰戶中有一慈戶外有一慈不知當考何者操聞而惡使將軍引出市殺之須更有七慈相始一官收得六慈失一慈有頃六慈俱失操乃令閉四市門而索之或不識慈問慈何如人曰眇一目著葛巾青單衣無非慈者竟不知所收操令捕得逐人便斬後數日見慈便斬頭斷以白操操大喜言果左慈頭也就而視之一束茅爾還視其尸亦失所在人有從荊州來者見慈在荊州矣後人逢慈於陽城山頭因復逐之遂走入羊羣操知不可得令自羊中告之曰不復相殺本試君術爾忽有一老羝屈前兩膝人立而言曰遽如許即競往赴之而羣羊數百皆變爲老羝屈前膝立云遽如許遂莫知所取焉

上後文所載多

刺史劉表亦以慈爲惑衆擬收害

之表出耀兵、慈意知欲見其術、乃詣表云有薄醴願以餉軍、表曰道人單僑吾軍人衆安能爲濟乎、慈重道之表使視之有酒一斗器盛之脯一束而十人共舉不勝、慈乃自出取之以刀削脯投地請百人奉酒及脯以賜兵士酒三杯脯一片食之如常酒脯味凡萬餘人皆周足而器中酒如故脯亦不盡坐上賓客千人皆大醉表乃大驚無復有害慈之意慈委表去入東吳丹徒徐墮有道術慈過之墮門下有宿客牛車六七乘欺慈云徐公不在慈知客欺之使去客卽見牛在楊樹梢行適上樹卽不見下卽復見行樹上又車轂皆生荊棘長一尺斫之不斷推之不動客大懼卽報徐公有一老翁眇目吾見其不急之人因欺之云公不在去後須臾牛皆如此不知何等意公曰咄咄此是左公過我汝曹那得欺之急追可及諸客分布逐之及慈羅布扣頭謝之慈意解卽遣還去及至車牛等各復如故慈往見孫

討逆討逆復欲殺之後出遊請慈俱行使慈行於馬前欲自後刺之慈著木履拄一竹杖徐徐而行討逆鞭馬逐之終不能及乃止慈後入霍山合九華丹丹成仙去真誥云左慈今在小括山常行來數在此下尋更受職也慈顏色甚少正得爐火九華之益其下注云左慈字元放李仲甫弟卽葛玄之師也魏武父子招集諸方士慈亦同在漢獻帝建安末渡江尋山乃得入洞又乞丹砂合九華丹九華丹是太清中經法小括卽小括蒼山在永嘉溪橋之北

孔元方

孔元方者許昌人也常服松脂茯苓實始得此藥時年已老自後歲歲更少常如四十許人郗元節左元放皆爲親友俱棄五經及當世之事專修道術元方仁慈惡衣蔬食飲酒不過一升年一百七十餘歲道家或時請元方會飲人作一酒令次至元

方元方無所說直以杖拄地乃手抱杖倒豎頭在下足向上以一手持酒杯倒飲之人莫能爲也元方有一妻一子不積餘財頗種五穀嘗遭火發諸人並來救之出屋下衣糧牀几元方了不之顧惟露坐籬下視火其妻催使元方助之元方大笑曰何用此爲憂惜又別於水邊鑿岸作一窟室方廣丈餘元方入其中斷穀數月乃復還家家人亦不得往來室前有一栢樹往復從棘草間行委曲弟子有急欲詣其居處終莫能得後東方有一少年姓馮名愚好道伺見元方入室愚尋得之元方曰人未嘗得見我汝今日見我似可教也乃以素書二卷授之曰此道之要言也四十年得傳一人世若無人不得以年限足故而妄授也若四十年無所授八十年如有二人可授者則頓授之與二人也可授不授爲閉天道不可授而授爲泄天寶閉道泄寶殃及子孫我已得所傳吾今去也乃委妻子入西巖後五十年

暫還鄉里時人尙有識之者

焦先

焦先者字孝然河東大陽人也在鄉里累歲年一百七十常食白石似今之熟煑大芋也先日日入山伐薪以施人先從村頭一家起周而復始始擔薪以置人門外人見之時布席與坐爲設食先便坐食亦不與人語若人不見便私置薪於人門間便去連年如此及魏受禪居河之湄結草爲庵獨止其中不設牀席以草蓐襯坐其身垢濁如泥漆或數旦一食行不由徑不與女人交遊衣弊則於市賣薪以買故衣著之冬常著單衣太守董經往視之亦不肯語經亦以爲賢後野火起燒其庵屋人往視之見先危坐於庵下不動火過庵燒盡先乃徐起其衣服亦不焦灼又更作庵時天大雪人屋多壞先庵倒人往不見先所在恐已凍死乃共拆庵索之見先熟臥於雪下顏色赫然氣息

休休如暑夏醉臥之狀人莫知其異多欲從學道先曰我無道也或老或少如此三百餘年乃與人別去不知所適所請者竟不得一言也魏書云自羲皇以來一人而已

陽翁伯

陽翁伯事親孝葬父母神感之泉出墓側有飲馬者以白石一升與之令種生美玉一日有青童引至海山仙人曰汝孝於親當夫婦仙後徐氏有女以白璧成婚數年夫婦俱昇天又搜神記云陽翁伯常以漿給行旅一日有人飲訖懷中出白子一升與之曰種生美玉并得好婦如言種之有徐氏女極美求之徐公曰得美玉一雙卽可以所種得玉璧遂妻之

李意期

李意期者蜀郡人也乃漢文帝時人至蜀先主時尙在也有人說四方郡國宮觀市里者意期卽爲撮土成之郡國人物皆是

也但纖微爾須臾消滅不知所之先主欲東伐吳報關羽之怨使人迎意期意期至先主問以吉凶意期不答索紙筆畫作兵馬器械十數便以手裂壞之又畫一大人掘土埋之便徑還去先主不悅果出軍爲陸伯言所敗師屠十餘萬衆僅得數百人還兵甲芻粟略無存者先主慚恚發病而卒於永安諸人乃追念意期所畫大人埋之正是先主之死像也一傳云李意期於城角中作一土窟居其中冬夏單衣但飲酒食脯及棗或百日或二百日不出。

杜契

杜契字廣平京兆杜陵人也漢靈帝建安初渡江依孫策後孫權真誥誤作孫皓用爲立信校尉黃武二年契學道師介琰受玄白術居茅山之東久之能隱形遁迹時與弟子採伐貨易衣糧而人不能知之數入洞中得仙真誥云有一人弟陳世京也一世孫貴孫休時女

郎作侍

李阿

李阿者三國時蜀人也傳世見之不老如故常乞食於成都市
所得隨多少盡皆施與貧窮者夜去朝還市人莫知其還宿有
古强者疑阿是異人常親事之試隨阿還所宿乃去青城山中
强後復隨阿去然未知道恐有虎狼私持其父大刀阿見而怒
强曰汝隨我行那畏虎也取强刀以擊石刀折敗强切憂刀折
至旦復出阿問强曰汝憂刀敗邪曰實恐父怒阿卽收刀以左
右擊地刀復如故以還强强逐阿還成都未至道逢人犇車阿
以脚置車下轢其骨皆折阿卽死强守視之須臾阿復起以抑
脚而復如常强時年十八見阿如五十許人至强年八十餘而
阿猶如故語人言被崑崙召當去遂不復還

煉於此後於蜀
州新津上昇

九城志資州焦壇
山昔李阿真人修

臣道一日李阿得道已深歷年已久觀其汲汲以濟孤貧爲念且屑身乞食以行其教其意亦深矣觀其語古強曰爾隨吾行那畏虎也此正道德經所謂陸行不遇兕虎之意彼古強者雖能具眼力識阿是異人又豈能知兕無所投其角虎無所措其爪哉

介象

介象字元則會稽人也學通五經博覽百家之言能屬文陰修道法入東嶽受禁制之術能茅上然火煮雞雞熟而茅不焦能令一里內不炊不蒸雞犬三日不鳴不吠能令一市人皆坐不起能隱形變化爲草木鳥獸聞九丹之經同遊數千里求之不值明師乃入山精思冀遇神仙疲極臥石上有一虎往噬象象睡寤見虎乃謂之曰天使汝來侍衛我者汝且停若山神使汝來試我汝疾去象入山見谷中有石子紫色光彩大如雞子不

可稱數乃取兩枚而遊谷深不得度乃還於山中見一美女年十五六許顏色非常衣服五彩蓋仙人也象扣頭乞長生之方女子曰汝急送手中物還故處乃來吾於此待汝象以石送於谷中而還見女子在舊處象復扣頭女曰汝血食之氣未盡斷穀三年更來吾止此象歸斷穀三年乃復往見此女故在前處乃以丹方一首授象告曰得此便仙勿他爲也象未得合作藥常住弟樂延雅舍帷下平牀中有書生數人共論書傳事不判象傍聞之不能忍乃爲決解之書生知象非凡人密表奏象於吳主象知之欲去曰恐官事拘束我爾延雅固留吳主詔徵象到武昌甚敬重之稱爲介君爲象起第宅以御帳給之賜遺前後累千金從象學隱形之術試還後宮及出入殿門莫有見者又令象變化種瓜菜百果皆立生與先主共論鱸魚何者最上象曰鱸魚爲上先主曰此魚乃在海中安可得乎象曰可得爾

但令於殿中庭方埒著水滿之象卽索鈎餌起釣之垂綸於埒中不食頃得鯢魚先主驚喜問象曰可食否象曰故爲陛下取作鱠安不可食仍使廚人切之先主曰蜀使不來得薑作鱠至美此間薑不及也何由得乎象曰易得爾願差一人并以錢五十文付之象書一符以著竹杖中令其人閉目騎杖杖止便買薑買薑畢復閉目此人如言騎杖須臾已到成都不知何處問人言是蜀中也乃買薑于時吳使張溫在蜀從人恰與買薑人相見於是甚驚作書寄家此人買薑還廚中鱠始就矣象又能讀諸符文如讀書無誤謬者或不信之取諸雜符除其注以示象象皆一一別之又有一人種黍於山中常患獼猴食之聞象有道從乞辟猴法象告無他汝明日往看黍若見猴羣不大喚語之曰吾已告介君介君教汝莫食黍此人倉卒直言象欺弄之明日往見羣猴欲下樹試告象言語猴卽各還樹絕迹矣象

在吳連求去先主不許象言某月日病先主使左右以梨一盃
賜象象食之須臾便死先主殯埋之以日中死其日晡時已至
建業以所賜梨付苑吏種之吏後以表聞先主視其棺中唯一
奏版符爾先主思象便以所住屋爲廟時時躬往祭之常有白
鵠來集座上良久乃去後弟子見象在蓋竹山中顏色更少焉

歷世眞仙體道通鑑卷之十五終

歷世眞仙體道通鑑卷之十六

浮雲山聖壽萬年宮道士趙道一編

董奉

董奉字君異福州候官縣人也昔吳先主時有年少作本縣長見君異年三十餘不知其有道也罷去五十餘年復爲他職以經候官諸故吏人皆往見故長君異亦往顏色如昔了不異故長宿識之問曰君無有道邪昔在縣時年紀如君輩今已皓白而君猶少也君異曰偶爾杜燮爲交州刺史得毒病死已三日君異時在南方乃往以三丸藥內死人口中令人舉死人頭搖而消之食頃燮開目動手足顏色漸還半日中能起坐遂活後四日乃能語云死時奄然如夢見有數十烏衣人來收之將載露車上去入大赤門徑以付獄獄各一戶戶纔容一人以燮內

一戶中乃以土從外封之不復見外恍惚間有一人言太一遣使者來召杜燮急開出之聞人以鍤掘其所居戶良久引出之見外有車馬赤蓋三人共坐車上一人持節呼杜燮上車將還至門而覺燮既活乃爲君異起高樓於中庭君異不飲食唯啖脯棗多喜飲酒一日三爲君異設之君異輒來就燮處飲食下樓時忽如飛鳥便來到座不覺其下上樓亦耳如此三年從燮求去燮涕泣留之不許燮問曰君欲何所之當爲具大船也君異曰不用船宜得一棺器耳燮卽爲具之至明日日中時君異死燮使人殯埋之七日人有從宕昌來者見君異因謝杜侯好自愛重燮乃開視君異棺中但見一帛一面丹書符君異後還廬山下居有一人少便病癰垂死自載詣君異扣頭乞哀君異使病者坐一戶中以五重布韜其目使勿動搖乃勅家人莫近病人云聞有一物來舐之痛不可堪無處不匝度此物舌當一

尺許其氣息大小如牛竟不知何物良久乃去君異乃徃解病人之巾以水與飲遣去云不久當愈且勿當風十數日間病者身體通赤無皮甚痛得水浴卽不復痛二十餘日卽皮生瘡愈身如凝脂後嘗大旱百穀焦枯縣令丁士彥謂綱紀曰董君有道必能致雨乃自齋酒脯見君異說大旱之患君異曰雨易得耳因仰視其屋曰貧家屋皆見天不可以得雨如何縣令解其意因曰先生但爲祈雨當爲架好屋於是明日士彥自將吏人乃運竹木爲起屋屋成當泥塗使人掘土取壤欲取水作泥君異曰不煩運水日暮自當雨也其夜大雨高下皆足又君異居山間呪水治病不取錢物使人重病愈者栽杏五株輕者一株如此數年計得七萬餘株鬱然成林而山中百蟲羣獸遊戲杏下竟不生草有如耘治也於是杏子大熟君異於杏林下作草倉語時人曰欲買杏者不須來報徑自取之得將穀一器置倉

中卽自往取一器杏每有以穀少而取杏多者卽有三四頭虎
 噉逐之此人怖懼而走杏卽傾覆虎卽還去到家量杏一如穀
 少又有人空往偷杏到家人死遂送杏還扣頭謝過死者卽活
 自是買杏皆於林中自平量之不敢有欺者君異以其所得糧
 穀賑救貧窮供給行旅歲消三千斛尙餘甚多縣令親故家有
 女爲精邪所魅百不能治以語君異若能得女愈當以待巾櫛
 君異卽爲召勅諸魅有大白鼉長丈六尺陸行詣病者門君異
 使人斬之女病卽愈遂以女妻之久無兒息君異每出行妻不
 能獨住乃乞女養之女年十歲君異一旦受上帝錫命位碧虛
 上監太一真人白日飛昇婦及養女猶守其宅賣杏取給有欺
 之者虎逐之如故養女長大納壻同居其壻兇徒也常取諸祠
 廟中神衣物廟中神下巫語云某甲恃是仙人女壻奪吾衣物
 吾不在此但羞人爾當爲仙人故無用爲問君異在民間住百

年其顏色常如三十許冲昇之後人卽杏林之故地置祠曰太
一宮宋眞宗賜額大中祥符觀徽宗宣和間勅封昇元眞人云一
濠州鍾離縣南有杏山董奉種杏之所有杏

姚光

姚光者不知何許人也得神丹之道能分形散影坐在立亡火
之不焦刀之不傷吳主身臨試之積荻數千束令光坐其中四
面發火焚之煙焰翳日觀者盈都咸謂光爲煨燼矣火息後見
光從灰中振衣而起神容晏如也手把一卷書吳主讀不能解
後不知所之

徐彎

徐彎者吳郡海鹽人也少有道術能收束邪精錢塘人杜氏女
患邪彎爲作法召魅卽見一丈夫著白夾葛裘衣入門彎一叱
卽成白龜一旦與羣從兄弟數人登石崎山斫春柴日暮彎不

返明且尋不見忽見鸞在山上腋挾鎌倚樹而不動遂乃抱鸞
惟存空殼

茅盈

真人姓茅諱盈字叔申咸陽南關人也姬胄分根氏族於茅積
德累仁祚流百世誕縱明賢繼踵相承高祖父諱濛字初成深
識玄遠察覽興亡知周之衰不仕諸侯乃師於北郭北阿鬼谷
先生遂隱遁華山盤西靈峯逍遙幽岫靜念神仙高抗蕭寥絕
塵人間也盈曾祖父諱偃字泰能濛之第四子也仕秦昭襄王
之世位爲舍人稍遷車騎校尉長平恭信侯毗弼霸正有功業
於時焉盈祖父諱嘉字正倫仕秦莊襄王爲廣信侯當是時也
秦地已并巴蜀漢中宛郢置南郡矣北收上郡以東爲河東太
原上黨東至滎陽滅二周置三川郡以呂不韋爲丞相號文信
侯使招至賓客遊士欲併天下始皇卽位嘉輔帝室以嘉爲德

信侯六年韓魏趙衛楚共擊秦資治通鑑云楚趙使嘉將兵攻之有功焉衛迫東都嘉又克討皆平之始皇壯嘉志節賜金五千斤二十五年秦大興兵使嘉攻燕遼東得燕王而還又遣嘉定荊江南地皆降是年置會稽郡嘉將兵於會稽而亡始皇哀其忠因以相國禮葬之於長安龍首山西南嘉有六子並知名於時始皇皆官爵承先並各賜姓其第六子諱祚字彥英不仕不學志願農巷卽盈之父也祚有三子長子諱盈字叔申次子諱固字季偉小子諱衷字思和盈生於漢景帝中元五年丙申歲少秉異操天才穎爍矯志蕭抗行邁遠逸不營聞達不交非類獨昧清虛恬心玄漠盈時年十八遂棄家離親入于恆山讀老子道德經周易傳採取山朮而餌之潛景絕崖素挺靈岫仰希標玄與世永違始皇三十年九月庚子盈高祖父濛師鬼谷先生於華山之中乘雲駕龍白日昇天先是時其

邑謠曰神仙得者茅初成駕龍上昇入太清時下玄洲戲赤城
繼世而往在我盈帝若學之臘嘉平始皇聞謠歌而問其故父
老具對曰此仙人之謠勸帝求長生之事於是始皇欣然乃有
尋仙之志因改臘曰嘉平盈於恆山積六年思念至道誠感密
應寢興妙論通於神夢髣髴見太玄玉女把玉札而謂之曰西
城有王君得道可爲君師子奚不尋而受教乎盈乃感悟登危
陟峻徑到西城齋戒三月沐浴向望遂超榛冒險稽首靈域卒
見王君後二十年從王君西至龜山見王母盈乃扣頭再拜自
陳於王母曰盈小醜賤生枯骨之餘敢以不肖之軀而慕龍鳳
之年欲以朝菌之質而求積朔之期雖仰遠流莫不知濟津塗
堅塞所要無寄常恐一旦死於鑽放之難取笑於世俗之夫是
以昔日負笈幽林貪師所生遂遇王君哀盈丹苦見授治身之
要服氣之法於是靜齋深室造行其事師重見告以盈身非玉

石而無主，於常氣非四時常生於內，正當率御出入呼吸中，適和液得修，形神靡錯，感應思積，則魂魄不滯，理合其分，氣甄其適，乃可形精不枯，宅不可廢也。若使精神疲於徃反，津液勞於出入，則形當日凋，神亦枯落，歲減其始，月虧其昔矣。宜妙訪求長易之益，西王母曰：子心至矣。吾昔先師元始天王及皇天扶桑大帝君見遺以要言，汝願聞之邪？於是口告盈以玉珮金璫之道，太極玄真之經，盈拜受所言，稽首而立。又告盈曰：夫金璫者，上清之華蓋，陰景之內真玉珮者，太上之隱玄洞飛之寶章。得其道者，皆上陟霄霞，登遨八極，寢宴高空，游行紫虛也。向說元始天王大帝君言，是太霄二景隱書玉珮金璫之文章也。又有陰陽二景內真文，與本文相隨，太上法惟令授諸司命子玉札玄挺錄，字刊金黃映內曜素書上清，似當爲上卿之君司命之任矣。此道後別當付於子也。然不先聞明堂玄真之道，亦無

由得太霄隱書也盈於是辭師乃歸紫素混俗亦不矯於世自說入恆山北谷學儒俗之業時年四十九也盈父母尙存父見大怒爲子不孝不親供養尋逐妖妄流走四方吾當喻汝爲不生之子也欲杖罰之盈長跪謝曰盈受命應當得道道法世事兩不相濟雖違遠供養無旦夕之益能使家門平安父母老壽盈已受聖師符籙見營助者以天丁之兵見侍衛者以仙童玉女今道已成不可打擊恐三官考察非小故也父外信禮度未該內秀道德玄域意有未釋故驗盈情狀俾衆不惑於是操杖向盈適欲舉杖杖卽摧折成數十段皆飛揚如弓矢之發中壁壁穿中柱柱陷父悟不凡嗔意乃止盈曰向所啓正慮如此邂逅中人則有所傷故爾至漢宣帝時二弟俱貴衷爲五官大夫西河太守固爲執金吾並當之官鄉里送者數百人時盈亦在座謂賓曰吾雖不作二千石亦有仙靈之職矣來年四月三日

當知諸君能如今日之集會不衆許之時元帝初元四年也明年送客如斯而集至期日盈門前數頃地忽自平治無復寸芥皆青縑幄屋屋下鋪數重白氈容數百人坐遠近翕赫相語來者塞道客乃有數倍於送弟時衆賓並集爾時盈作主人不見使人但見金盤玉杯自至人前奇殽異果不可名字酒更美好復有妓樂絲竹金石聲動天地香麝之芳達于數里飲食隨益六百餘人莫不醉飽明日迎官來至文官則朱衣素帶數百人武官則甲兵牙旗器械耀日盈與家人及親族辭決而語宗室子弟曰夫真仙道隱貴有迹翳不應表光曲飾動耀視聽吾所以不得默遁藏景潛舉空同者蓋欲以此道誘勸二弟子追慕也亦何但固衷之返迷邪天下有心者盡當注向神仙之冀獲爾言訖遂歸句曲邦人因改句曲爲茅君之山時二弟在官聞盈玄迹渺邁白日神仙乘飛步虛越波凌津靈官奉從著於民

口節蓋旌旗光耀天下始乃信仙化可學神靈可致然後明松
喬不虛鼎湖實有於是並各棄官還家以日昃之年方修盈糟
粕遺事不得口訣未爲補益乃相與共歎而相謂曰吾兄得道
非他人也今不往從親問密訣而留此按云云方書以規度世
乎縱往而不達兄之神仙終不使吾等死於非所也遂共棄家
扶輿自載以尋斯舉以漢元帝永光二年三月六日渡江求兄
於東山遂與相見悲欣流涕告二弟曰悟何晚矣二弟跪曰固
衷頑下不達道德願賜長生濟弟云云盈曰卿已老矣難可補
復縱得真訣適可成地上仙耳其昇霄大術非老夫所學今且
當漸階其易行以自支住於是並教二弟服青牙始生咽液之
道以住血斷補焦枯攝筋骨之益亦停年不死之法也因以長
齋三年授以上道使存明堂玄真之氣以攝運生精理和魂神
三年之內竭誠精思神光乃見於是六丁奉侍天兵衛護盈又

各賜九轉還丹一劑并神方一首各拜而服之仙道成矣後授紫素之書各百字以付固衷固衷拜受其時亦有執疑者以啓正之紫素文曰太上有命天載真書言咸陽茅固家于南關厥字季偉受命當仙位爲定錄兼統地真使保舉有道年命相關勤恭所泣四極法令宮館洞臺治丹陽句曲之山固其勗之動靜察聞又曰盈固弟衷挺業該清雖曉反正思微徹誠斷馘六天才穎標明今屈三官保命建名總括岱宗領死記生位爲地仙九宮之英勸教童蒙開道方成教訓女官授諸妙靈泣治百鬼典崇校精開察水源江海流傾封掌金谷藏錄玉漿監殖龍芝洞草夜光治于良常之山帶北洞之口鎮陰宮之門也使者授書訖而去至漢哀帝元壽二年八月己酉五帝各乘方面車從羣官來下受大帝之命授盈爲東嶽上卿司命神君文以紫玉爲板黃金刻之其文曰惟盈虛挺遠朗幽眈妙玄爰自童蒙

散髮北山靜心林澤精思求神登峻履谷艱尋師門擲形絕嶠
投軀萬津丹誠率任肆其天然遂造明匠九授靈篇剪髮祝跪
殘首截身帶索自樂不恥饑寒所適惟道所保以真情昭上帝
感激太玄今敬授盈爲大元真人領東嶽上卿司命神君君平
心正格秉操金石丹心矯衆棲神高映故報盈以玉鉞綠旌八
威之策使盈征伐源澤折衝萬神君寒凍林谷味玄仰真思激
窮岫啓心精誠今故報盈以紫旄之節藕敷華冠使盈招驅萬
靈封山召雲君棄家獨往離親樂仙契闊嶮巖冬袒山川今故
賜盈繡羽紫帔丹青飛裙使盈從容霄階携命玉真君步驟深
藪足履危仞心耽志尙曾不憊憚今故報盈以斑龍之輿素虎
之輶使盈浮景太空飛輪帝庭君披榛併景寒凌霜雪心求明
真不戰不慄今故報盈以曲晨寶蓋瓊幃綠室使盈遊盼九宮
靜神溫密君遠秀遁榮無疲於心潛形幽嶽靜思萬林今故報

盈以流金火鈴、雙珠月明，可以上聞太極通音上清。君真心高靜，淫累不經，素挺浩映，內外坦平。今故報盈以錦旌繡旛、白羽立竿，可以呼召六陰。玉女侍軒，君慈向觸物，陰德萬生蠢動之毛，皆念經營。今故報盈以鳳鸞之簫、金鐘玉磬，可以和神虛館樂真舞靈。君饑渴養神，艱辛求真，萬物不能致其惑，千邪不能毀其淳。今故報盈以紫琳之腴、玉漿金饗，可以壽同三光、刻簡丹瓊也。盈標領清玄，紫瑋八映，心暉重離，神耀太霞，實真人之長者。故賜以大元爲號，君九德既備，咸積太微，天人虛白，不期同歸。今酬九事以報往懷：盈心神方朗，四靈所棲，丹神啓煥，秉直不迴，正任全固，盡無照微。今屈宰上卿，總括東嶽，又加司命之任，以領錄圖籍，給玉童玉女各四十人，以出入太微，受事太極也。治宮赤城玉洞之府，盈其涖之動靜，以聞於是。盈與二弟決別，而與王君俱去，到赤城玉洞之府。道次諸山川神靈有司。

迎啓引從者以千萬突臨去告二弟曰吾今去矣便有局任不得復數相往來旦夕相見要當一千年再過來於此山三月十八日十二月一日期要吾師及南嶽太虛赤城真人遊盼於二弟處也將可認識之及有好道者待我於是吾自當料理之以相教訓未悟於是季偉思和遂留治此山洞內立宮結構於外將道著萬物流潤蒼生德加鳥獸各獲其情神驗禍福罪惡必明內法既融外教坦平爾乃風雨以時五禾成熟疾癘不起暴害不行也真誥云固位句曲真人定錄右禁郎裏位三官保命司父老歌曰茅山連金陵江湖據下流三神乘白鵠各治一山頭甘雨灌旱稻陸田苗亦柔妻子咸保室使我無百憂白鵠翔青雲何時復來遊

臣道一曰茅盈以真仙之裔識仙人之謠藐鐘鼎之榮慕玄元之教故其刻志於道精感神明玄功克成榮踰富貴彼二

弟之崇爵顯秩而盈略不動心盈蓋視二弟之榮華特一夢幻泡影而已然猶未之悟故示神變以悟之焉終使二弟爲道之歸也道德經曰樂與餌過客止道之出口淡乎其無味視之不足見聽之不足聞用之不可既茅盈之意其旨若此

韓崇

韓崇者字長季吳郡毗陵人也少好道林屋仙人王瑋玄曾授之以流珠丹一法崇奉而修之大有驗瑋玄語之曰子行此道亦可以出身仕宦無妨仙舉也崇遂仕至宛陵令行仁以爲政用道以撫民虎狼深避蝗不集界遷汝南太守拔書佐袁安安後位至司徒時人通以崇有識物之鑒也崇獨居清素上奇之加崇俸祿秩中二千石後漢孝明皇帝巡狩汝南上治崇府崇使妻出住孤獨老嫗家上聞歎韓崇可謂百煉不消也賜縑五十匹崇在郡積十四年政化洽著舉天下最年七十四瑋玄乃

廣倉學窘印行

乃以隱解法得去入大霍山受瑋玄遁化泥丸紫戶術以度世

今在洞中為左理中監漢書所載平事初迹為縣同曹而置辭小仕異遂耳

至三公和帝時卒即袁紹高祖也晉上世有韓馮奚亦為太常名

虛相呼為韓冢疑如桃君或即此陵晉有韓馮奚亦為太常來

歷世真仙體道通鑑卷之十六

歷世眞仙體道通鑑卷之十七

浮雲山聖壽萬年宮道士趙道一編

馮良

馮良南陽冠軍軍人少作縣吏年三十爲尉從佐迎督郵自恥無志因毀車轄裂敗衣幘遂去從師受詩傳禮易復學道術占候家中謂已死十五年乃還整修志節抗操嚴恪州郡禮辟不就詔特徵賢良高第半道委之還家時三公爭讓位於良遂不降就年六十七乃棄世東渡入山今在鹿迹洞中

後漢安帝時人也漢書所

載事亦略同

郎宗

郎宗者字仲綏北海安丘人少仕宦爲吳縣令學精道術占候風氣後一旦有暴風經牕間占知京師大火燒大夏門遣人往

參果爾諸公聞之以博士徵宗宗恥以占事就夜解印綬負笈遁去居華山下服胡麻丸得道今在茅山鹿迹洞中後漢書云載
理安帝房徵對善策星為筭風角六日拜七吳分能望氣占候風吉凶常賣京卜師自
奉有之大宗恥以識歲月遣人徵書候到乃其言諸公聞而表遁去博
士徵之宗恥以識歲月遣人徵書候到乃其言諸公聞而表遁去博
終身不仕關上顯字稚一元事傳父郎業中研還精家學後徒為同縣百孫人禮順所帝害嘉
二終身不仕關上顯字稚一元事傳父郎業中研還精家學後徒為同縣百孫人禮順所帝害嘉

淳于斟

淳于斟字叔顯會稽上虞人漢桓帝時作徐州縣令靈帝時大將軍辟掾少好道明術數服食胡麻黃精餌後入吳烏目山中隱居遇仙人慧車子授以虹景丹經修行得道今在洞中定錄府為典柄執法郎徐易參同契云桓帝時上虞淳于叔通受術於無鳥故目山婁方士吳興並有市長如此亦為小異吳

桃俊

桃俊字翁仲係錢塘人少為郡幹佐末負笈到大學受業明經

術災異晚爲交趾太守漢末棄世入增城山中學道遇東郭幼
 平幼平秦時人久隱增城得道者也幼平教俊服九精煉氣輔
 星在心之術俊修之道成今在洞中兼北河司命主水官之考
 罰此位雖隸定錄其實受事於東宮中節度在漢書無此平墳壇
 歷然苗裔猶存鄉近時開聲角之響故人不敢侵毀之皆知呼
 爲桃司命家錢塘杜徵士事京產先典隱居共有詩詠以贊述
 斯德別在顯中幼
 平亦無所顯云

劉翊

劉翊字子翔潁川人少好道德而家世大富常周窮因爲事好
 行陰德密惠陳留張季札當弔師喪車敗牛困翊於汝南界逢
 之與語不示名字卽推車牛與乘之恤死救窮非一人矣後都
 長安翊舉計椽到都帝嘉其心拜郎中遷陳留太守出長安五
 百里中歛死恤窮損已分人行達陽平遂遇馬皇先生告翊曰
 子仁心感天陰德神鬼太上將嘉子之用情矣使我來携汝以

長生之道吾仙官也爾乃能隨我去不翊於是扣頭自搏曰少
好長生幸遇神仙乞願侍給馬皇先生因將翊入桐栢山中授
以隱地八術服五星之華法今度名東華來在洞中爲定錄右
理中監漢書云翊南字翔中翔有穎陳陰留人張季豐遠赴常周施不以車爲
不敗告頓姓滯名道策路馬翊而見去而季謂扎曰君慎其子終翔赴義後行故速穎達即還下所車與之
翊閉功門曹辭後行黃不與賊相起見翊常救守急志臥疾不其屈食聘者命數河南人種拂族臨郡死
引翊爲功門曹辭後行黃不與賊相起見翊常救守急志臥疾不其屈食聘者命數河南人種拂族臨郡死
亡則爲功門曹辭後行黃不與賊相起見翊常救守急志臥疾不其屈食聘者命數河南人種拂族臨郡死
道則爲功門曹辭後行黃不與賊相起見翊常救守急志臥疾不其屈食聘者命數河南人種拂族臨郡死
太守道翊又散珍寶唯餘棺車脫衣自歛之東又逢知故飢困於路士大忍夫
病死道傍仍又珍寶唯餘棺車脫衣自歛之東又逢知故飢困於路士大忍夫
委去因殺死此駕牛以馬易棺車脫衣自歛之東又逢知故飢困於路士大忍夫
也遂俱餓死此駕牛以馬易棺車脫衣自歛之東又逢知故飢困於路士大忍夫
得而翊義執正是相大以同救小其異故備載之論翊曰字視子沒翔不於教字例相
當但末詳孰正相大以同救小其異故備載之論翊曰字視子沒翔不於教字例相

呂子華

呂子華者山陽人也陰君弟子已服虹丹之液而未讀內經來
從東卿受太霄隱書而誦之常以幽隱方臺爲樂不願造于仙

位也

蔡天生

蔡天生者上谷人也小爲嘯父賣雜香於野外以自業瞻情性仁篤口不言惡道逢河北少女從天生市香天生知是異人再拜上一擔香少女感之乃教其朝天帝玉皇之法遂以獲仙託形爲杖隱存方臺少女今猶往來訪之也天生師之

劉平阿

劉平阿者無名姓不示人也漢末爲九江平阿長故以爲號行醫術有功德救人疾病如已之病行遇仙人周正時授以隱存之道託形履帽而來居茅山方臺

大茅山之西南有四平山俗中所謂方山者也有其下有洞

室名曰方臺

常服日月晨氣顏色如玉似年三十許人

張激子

張激子者河南張奉者也字公先少時名激子耳此人亦少發

名字太傅袁隗歎其高操妻以女女服飾奢麗奉不顧貲無異
路人婦改服然後成室家也後棄世入剡山遇山圖公子山圖
公子周哀王時大夫仙人者也授激子九雲強梁煉玉法激子
修此得道今在東華宮行爲太極所署也或領九宮尙書與北
河侯對職治水考北河司命或爲禁保侯亦併共業故也北河
司命亦治在洞天之中與張激子對局魏書張祖歆字公儀河內
父延太尉袁隗以女妻範甚敬重性恬靜樂道徵命不就
後爲議郎參丞相魏武軍事見敬重以方正拜議郎諫議郎
以建安十一年卒後隨魏武先征至長安病亡此說名字番
諫議大夫承與乃書相類修傳又云若往來南陽其多字止
覆大異是兄也魏書王修傳又云若往來南陽其多字止不
迹恐多承與乃書相類修傳又云若往來南陽其多字止不
舉家病修又營非劉之表按不應在兄弟乃二嘗三避爲疑也
州投袁術救之表按不應在兄弟乃二嘗三避爲疑也

趙廣信

剡小白山中有學道者趙廣信陽城人魏末來渡江入此山受
李法成服氣法又受師左君守玄中之道內見五臟徹視法如

此七八十年周旋郡國或賣藥出入人間人莫知也多來都下市丹砂作九華丹丹成一服太一道君以晉穆帝永和元年六月十七日遣迎停三日與山中同志別去遂乘雲駕龍白日登天今在東華海中

張祖常

張祖常者彭城人也吳時從北來得入茅山方臺洞祖常託形墮車而死故隱身幽館而修守一之業師事上黨鮑察者漢司徒鮑宣五世孫也察受道於王君鮑宣漢司隸校尉爲王莽所害宣子永永子昱昱子某

虞翁生

狼五山中有學道者虞翁生會稽人也昔受仙人介君食日精法以吳時來隱此山兼行雲氣迴形之道精思積久形體更少如童子晉穆帝永和元年七月二十三日東大帝遣迎卽日乘雲昇天今在陽谷山中狼五山在海中對白章岸谷直呼爲狼山

朱孺子

赤水山中學道者朱孺子吳末入山服菊花及朮餌後遇西歸子授以要言入室存泥丸法三十年遂能致雲雨於洞房中晉穆帝永和元年八月五日西王母遣迎卽日乘五色雲車登天今在積石臺赤水周山云鄧縣南千餘丈從稀溪口入三百里山正東北有所謂赤巖者也許先生所住赤山一名燒山卽此

尹虔子

華陰山中有學道者尹虔子張石生李方白並晉武帝時人受仙人管城子蒸丹餌朮法俱服得延年健行又受蘇門周壽陵服丹霞之道行已五十年精心內視不復飲食體骨輕健色如童子以晉穆帝永和元年二月十二日太一遣迎以其日乘雲昇天今在玄洲受書爲高山真人張石生爲東源伯

鄭景世

廬江潛山中有學道者鄭景世張重華並以晉初受仙人孟德然口訣以入山行守五臟含日法兼服胡麻又服玄丹久久不復飲食而身體輕強及易故形以晉穆帝永和元年四月十九日北玄老太一迎以雲輶白日昇天今在玄洲

平仲節

括蒼山有學道者平仲節河中人以大胡亂中國時來渡江入括蒼山受師宋君存心鏡之道具百神行洞房事如此積四十五年精思身形更少體有真氣晉穆帝永和元年五月一日中央黃老遣迎卽日乘雲駕龍白日昇天今在滄浪雲臺

劉淵劉聰時也
石勒爲小胡

吳睦

吳睦者長安人也少爲縣吏掌局枉剋人民人民訟之法應入死睦登委叛遠遁山林餓經日行至石室遇見孫先生在室中

隱學左右種黍及胡麻室中恆盈食睡至乞食經月不去孫先生知是叛人初不問之與食料理及誦經講道說及禍福睦聞之於是心開意悟因扣頭自搏列其事源立身所行自首事實求得改往遂留石室爲先生掃除驅使經四十年後先生授其道俱採藥服食胡麻精修經教得三百二十年服丹白日昇天

郭靜

郭靜者潁川人也少孤無父母兄弟窮苦依棲無所年十六縣召爲吏後得罪仍逃伏經二月日不出遇見鄭先生救度一切以法勸化之靜遂隨鄭負擔驅使經七年不敢懈怠遂受其導引之要餌服山朮茯苓得壽三百歲復於天維山赤松子降授其二人眞道今在大有洞中爲眞人

范伯慈

范伯慈者桂陽人也家本土族而忽得狂邪因成邪勞病頓臥

牀席經年迎師解事費用家資漸盡病故不愈聞大道清約無所用於是意變聞沈敬作道士精進理病多驗乃棄俗師之得五十日病疾都愈後遇陸玩之受真內道玩之不能入山伯慈不樂於世遂辭去入天目山服食胡麻精思十七年大洞真人司命君下降受三十六篇經得服還丹白日昇天今爲玄一真人

韓偉遠

九嶷真人韓偉遠昔受於中嶽宋德玄德玄者周宣時人服此靈飛六甲得道能一日行三千里數變形爲鳥獸得玄靈之道今在嵩高偉遠久隨之乃得受法行之道成今處九嶷山

劉少翁

昔有劉少翁曾數入太華山中拜禮向山如此二十年忽一旦見西嶽丈人授其仙道

歷世真仙體道通鑑卷之十七

歷世真仙體道通鑑卷之十八

浮雲山聖壽萬年宮道士趙道一編

張天師

天師真人姓張氏諱道陵字輔漢沛豐邑人留侯子房八世孫也子房初遊下邳遇黃石公授以素書後從漢高帝有功封侯養真辟穀師友赤松得東園公飛步之訣謚文成侯陰功隱行流芳後葉有子名不疑不疑次子高高子通通子無妄無妄子里仁里仁子覺覺子起起子大順真人乃大順之長子也母初夢天人自北斗魁星中降至地長丈餘衣繡衣以薔薇香授之既覺衣服居室皆有異香經月而不散感而有孕於東漢光武建武十年甲午正月望日生於吳地天目山時黃雲覆室紫氣盈庭室中光氣如日月復聞昔日之香浹日方散年及冠身長

九尺二寸，厖眉廣額，綠睛朱頂，隆準方頤，目有三角，伏犀貫腦，玉枕峯起，垂手過膝，美鬚髯，龍踞虎步，豐下銳上，望之儼然。雖親友見之，肅如也。七歲讀道德二篇，十許遍，而達其旨於天文地理、河洛圖緯之書，皆極其妙。通習墳典，所覽無遺。從學者千餘人。天目山南三十里，西北八十里，皆有講誦之堂。臨安神仙觀，餘杭通仙觀，卽其地也。後舉賢良方正，直言極諫，科中之云。天師稟性嚴直，經明行修，學道有方。漢平帝永平二年，詔書拜巴郡江州令。時年二十六歲。身雖仕而志修煉，形輕舉，久之退隱北邙山。在北邙陽治三年，有白虎銜符文置座傍，朝廷就徵爲博士，稱疾不起。和帝卽位，聞其有道，以三品印綬、駟馬車等徵爲太傅。後封冀縣侯。三詔不就，語使者曰：爲我謝天子，人生百歲，光陰瞬息，間父母妻子恩愛，隆厚豈能長保哉？九天之上，無何有之鄉，金闕帝君將詔吾以爲臣矣。惟清靜寡慾，則天下自治，何以臣爲？時永元四年壬辰歲也。遂自河洛

樂蜀之溪嶺深秀，遂隱其山，苦節學道，嗇氣養神。謂弟子曰：吾少嗜學，研窮六籍，大抵皆經世具也。夫通爵顯秩，籙金穀玉，比吾身中一毫孰重？然四體百骸，又豈吾所固有也？皆游塵聚沫耳。剗心煉形，與道合真，乘雲駕龍，白晝上賓，豈不快哉？人生有會則離，有生則死，死者精神冥冥，不可復還，惟昔軒轅味道，松喬食霞，並白日飛騰，永劫無窮，不亦美乎？古人辭萬乘之貴，千駟之富，良有以矣。既不能兼才通俗，與世俱濟，請從所學，各宜及時。於此分別，不亦可乎？夫人情亦無極，聚極則散去，樂極則悲來，豈可逃也？吾今將遊涉山海，遠離塵境，棲寓幽渺，以究所學。與汝等別離，子等固如何也？弟子有王長者，習天文通黃老，留侍左右，遂散學徒，以清虛淡薄爲務，不交人事。王長負書行歌，同往雲錦山居，而真人修玄玄之道。後乃按方煉龍虎大丹，一年有紅光照室，二年有五雲覆鼎，夜不假燭，髣髴有青龍白

虎各一常遶丹鼎三年丹成真人年六十餘餌之而容貌益少
若三十許人行及犇馬又得祕書祕文制命山嶽檄召萬靈一
日謂王長曰五嶽多仙子三蜀足名山吾將能偕遊乎遂與北
入嵩山崖嶺石居數年精思感徹有繡衣使者告曰中峯石室
藏上三皇內文黃帝九鼎太清丹經得而修之者昇天也真人
感其言乃齋戒七日入其室足所覆處蹶然有聲卽坎其地取
之果得丹書進而受之遂復尋西極名山昔一作江峽阻塞蜀爲西
海其地勝多名物因入陽平山陽平治在彭精思服煉能飛行
遠聽得分形散影之妙通神變化坐在立亡每泛舟池中誦經
堂上隱几對客杖藜行吟一時並赴人皆莫測其靈異也真人
惟讀五千文晝夜無倦色後往西城山築壇朝真以降五帝忽
一鄉夫告曰西城房陵間有白虎神好飲人血每歲其民殺人
祭之真人召其神戒之遂滅又告梓州有大蛇藏山穴中鳴則

山石振動時吐毒霧行人未及三五里率中毒而死真人以法

禁之不復爲害青城山記云誓龍臺在丈人峯古有毒龍穴以每年

水在葛瓊山葛瓊山在彭隱形巖舍服氣調神在秦中山秦中

漢州德修九真祕法在昌利山昌利山在漢採服五芝衆藥在

隸上山隸上山在漢州德陽縣在漢始授弟子養形輕身法在湧泉山湧泉山剛一作湧

泉治在漢州新津縣平得入水入火之術於是度人救物已著

陰功矣在真多山真多山在漢思神念真在北平山北平山一云雲在

蜀州新有猛獸數百馴擾戶外在稠稷山稠稷山在眉有一老

翁化爲獐鬼來恐真人誦經不顧逡巡自退在鶴鳴山鶴鳴山在

大邑服五雲氣其間石鶴鳴則有昇天者先是章和間其鶴鳴

焉焉馬或城山羊記云羊馬鳴則臺有昇天者崖上居是鶴鳴山與鬼擔石如羊

後居渠亭山渠亭山妖怪都藏記云廣都縣天師觀壇下有井名曰伏鬼井

害方人運青被漢家之詔而居井鬼之妖遂乃絕室因修煉九鼎神丹

三年將成未敢服謂王長曰沖天之士當功及生靈佐國立家
興利除害然後輕舉臣事三境則無愧焉苟利一身功不及民
非大道弘濟之旨吾觀蜀中蛇毒鬼氣綿亘山谷生民不知潛
羅其害吾甚憫之今且修行清靜之化輔贊大道撫育元元爾
於是精思上徹金闕後聖時順帝漢安元年壬午歲正月十五
日午夜月明真人在鶴鳴山寢方酣熟老君後一云道君按金闕
也老君駕飛雲綠輶駐山東南顧謂衆真曰道陵修行困苦吾感
其志將授以治身祕籙飛騰長生之道而遇其休息神遊物外
卿等勿驚今自覺也時真人夢見一人帶夜光之甲冠通天之
幘執命魔三氣之幢謂真人曰咄咄道陵子何心生疲倦聖駕
久駐待子夢覺真人忽然驚起攘袂振衣疑爲外邪所亂良久
鑾佩珊珊天樂隱隱香花覆地紫雲滿空瞪目東瞻紫雲之上
有素車一乘駕五白龍青袖朱衣金甲執戟者二十四人左右

環列車前對立玉女綵衣花帔雲髮頰肩各執一幢上有玉榜
金文曰命魔之幢次列二童青衣紺首垂環曳裙各執一旛上
左青龍右白虎金榜朱文曰召仙之旛復次二人朱袖金甲各
執三氣十絕旌節上有丹榜素文曰倒景之節前立一人繡衣
玉冠捧三五斬邪雌雄二神劍上各有星斗日月之文車右一
人霞衣金冠捧一玉印文曰陽平治都功印其餘翼衛侍從莫
知其數素車之上九色輕霞濛濛然須臾光景澄徹見車中一
神人容儀若冰玉手執五明寶扇項負八景圓光身六丈餘神
光照人不可正視車前一人勅真人曰子勿怖卽太上老君也
真人歛簡前拜不敢仰視老君告曰吾昔降蜀山立二十四治
成都記云道經二十四治應諱始改爲化乃二十八宿之下圀
實陰景黑簿之司分掌人世死生罪福吾愍下元生人繫繼苦
魂延累祖考積成幽釁令人凶折終不成道卽在此獄之中吾

已更置福庭經今數劫仙僚不充職任隳廢近有六天鬼神血食之輩侵奪以居晝夜不分人鬼無別枉暴生民妄罹災害深可痛惜子何爲吾攝邪歸正分別人鬼各守晝夜復典此治以福生民則子功無量矣吾以汝名在丹臺當爲真人故委汝也真人叩頭謝曰道陵性識愚戇萬劫幸遇遭會大道死魂再生枯骨重肉欽佩道旨謹當奉行不敢懈怠老君遙召三五功曹須臾西方有五色之氣勃勃而起其中有二仙乘龍虎二騎皆長數丈黑幘朱衣佩劍執圭從官百二十人皆黑幘繡衣持劍執戟侍衛進拜老君曰卿等三五功曹乎速爲吾開紫陽南宮玉宸內殿取正一盟威祕籙吾欲傳授俄頃之間南方起二十四生氣祥光瑞彩泱然滿空其中各列玉童捧一玉函貯籙一品皆玉札金文及都功版券職籙以授真人謂真人曰與卿千日爲期後會閬苑老君復以三清衆經九百三十卷符籙丹竈

祕訣七十二卷一千二百官章雌雄二劍

青城山記云降劍壇昔道君授天師陰陽

劍處有隱劍迹

都功印二儀交泰冠驅邪帔褐魚鬣衣方裙朱履等賜

之令制科律佐國行化行之千日則邪鬼不敢正視傳度已訖於鶴鳴山研味祕文按法遵行修之千日內顧五臟外集三萬六千神又感清和玉女教以吐納清和之氣攝伏精邪行籙中三步九跡交乾履斗之道卽魁罡七元隨兵所指隱遁出沒皆得自然遂依告命戰鬼於蜀時有八部鬼帥各領鬼兵動億萬數周行人間劉元達領鬼行雜病張元伯行瘟病趙公明行下痢鍾子季行瘍腫史文業行暴汗寒瘡范巨卿行酸瘡姚公伯行五毒李公仲行狂魅赤眼皆五行不正殃禍之氣隨時更名在東方爲魔王在南方爲鬼帥在西方爲外道在北方爲鬼王在中央爲神鬼春三月百鳥鳴叫之時作禱詛五墓之鬼直入秋作人家親土都土公宅龍伏尸之鬼冬作塚墓攻食之鬼隨

月建胎生或作畜類之形嘔毒嘯禍暴殺萬民枉夭無數其八部鬼帥領鬼衆居西蜀青城山巔有鬼城鬼市分形變化混雜人間布行疫疹人莫知之人鬼合雜市利交易真人以漢安二年七月一日佩盟威秘籙往青城山師青城記云有龍宮石室天立十絕靈旛周帀法席鳴鍾扣磬燒香行道及誦道德諸經布龍虎神兵於城市衆鬼卽持兵刃矢石來害真人真人舉手一指化爲一大蓮花拒之鬼衆持火千餘炬來真人舉手一指鬼反自燒不能前進遙語真人曰師自住峨嵋山唐嘉州有峨嵋縣何爲來奪我居處師等速下山須臾必殺師真人曰汝等兇毒殘害衆生所以吾不使汝居此當擯於西方不毛之地元達等聞此語卽會鬼帥兵馬各千萬衆精甲犀刃上山圍繞王長驚怖啓真人曰魔王衆來作何計術真人曰小鬼何足驚怖取丹筆來

王長以進真人執筆遙畫鬼陣其衆皆死小帥校一時僵仆八大鬼王困臥扣頭搏頰求乞殘生真人聞語良久不言再以丹筆倒畫之鬼衆復蘇卽呼鬼王曰汝等進前吾有處分鬼王各前立真人曰汝等可速遠避自今勿復行病妄有殺害今之民庶皆吾子弟之家爾不然誅無留種鬼王曰天下人民本自隸我云何盡奪當分一半真人不許叱咄之鬼王復會六大魔王領百萬鬼兵再來攻戰圍繞此山王長曰鬼衆不可當復何作計真人笑曰子勿驚吾自能却之復以丹筆一畫鬼衆悉死惟六天魔王仆地不能起叩頭搏頰乞殘生而去真人不顧復以丹筆一擬此山遂中分爲二摩霄徹泉青石城山記云山有誓筆畫山清崖中絕險斷處並丹色闊二寸丈深六七丈又云戒鬼筆迹在大龍橋側昔天師以正閭之法伏鬼神誓曰人生存於遠之者正於一夜存陰陽必加誅戮鬼兵欲度不能大聲求哀自

筆再畫八帥六魔悉起呼之使前趨進不得真人乃令王長肩一大石爲橋度之鬼王方得進拱立侍前真人謂曰汝能以筆畫石得破亦當與汝分民若不破汝可急馳萬里也元達等執筆交畫石皆不破

青城記云寅玄觀後有時雖攝伏鬼衆更欲試筆迹有降魔闢法石

盡制其心謂之曰汝等既欲與吾分民當與汝輩各盡法力以分勝負元達等曰惟命是聽真人投身入大火中卽足履青蓮而出鬼帥投身爲火所燒真人入木身度木外木卽隨合鬼帥投身卽墜於地真人入水乘黃龍而出鬼帥入水爲水所溺真人以身入石透石而出鬼帥投身纔入一寸真人以身入鐵山透鐵而出鬼帥纔入半寸真人咒神符一道左手手指之鬼斃右手手指之復生鬼帥舉手指之無復生死元達等乃化八大虎犇攫而來真人化二獅子逐之奔走無地鬼帥又化八大龍欲來擒師真人再化金翅鳥啄龍目睛其龍乃走又化作大神最屬

震吼雙持大槌欲擊真人真人化金剛身長七十二萬丈廣五十二萬圍戴大冠負圓光踏蓮花寶臺具十二種無量相一杵一拳一擬大神退走鬼帥等騰身十二丈卽墜真人騰空高百餘丈上無所攀下無所乘鬼帥作五色雲昏暗天地不見光明真人化五色瑞日炎光暉灼雲卽流散鬼帥變見窮盡更無所爲真人化一大石可重千餘斤以藕絲懸之徧滿鬼帥營上令二鼠爭嚼其絲欲壓殺其衆鬼帥等無所逃避同聲哀告願乞餘生卽當遠去不敢害及生民真人遂命五方八部六天鬼神會盟於青城山黃帝壇下使人處陽明鬼行幽暗使六天鬼王歸於北酆八部鬼帥領衆竄于西域五行之毒又戒而釋之乃執丹筆曰吾筆所指鬼衆盡滅要之人鬼分治幽明異境不欲盡滅汝類卽與盟誓折石爲契刻作天地日月之形于黃帝壇下絕崖之上

青城山記云青城山有石日月各闊五丈下方闊一丈二尺有十二角又城山有石

寸相對石柱上月鳥候日燁月燁方圓重明方可覩人焉身青城也成都記云師誓鬼
石天地對石柱上月鳥候日燁月燁方圓重明方可覩人焉身青城也成都記云師誓鬼
昭慶觀前一本云真符人幢於平剛山中刻以廢六天魅今別刻銘石於玉誓
局觀前一本云真符人幢於平剛山中刻以廢六天魅今別刻銘石於玉誓
曰天地交日月合汝等若復行必盡誅之勿留種矣乃以神印
封鬼營市使不得相通盟誓之後鬼衆躊躇不去真人口勅神
符一道飛上層霄于時風雨天仙兵馬風刀立至諸鬼滅影而
走於是戰鬼一十四敗蕩滌區藪奪鬼幽獄復爲二十四福庭
立二十四陰官降二十八宿正氣以通地中一云又於公慕山
除山中漢州什邡縣更除大治在漢州綿竹縣每治立陰官一人
慕治在漢州什邡縣更除大治在漢州綿竹縣每治立陰官一人
仙官一人分掌世人罪福有立功立行修齋設醮騰章拜表謝
過祈福遷拔祖考者則仙官錄其功行奏名於上宮增其福壽
如不孝不忠欺詐狠戾常行惡事不能改過者則陰官錄其罪
聞於地府損其福壽或絕其後由是善惡報應如影響焉真人
既行正一之化攝三萬六千種外道惡魔誅絕邪僞於是百姓

翕然奉以爲師居弟子數萬家立諸祭酒分領民戶有如官長
并立條制令民隨事輸出粟帛器物紙物薦席樵薪所在貯之
以備齋醮及供給行旅而人稟行無敢欺竊教民立橋梁修道
路置義井謂之立功或有州縣官及人民疾病者持一手狀來
投真人檢察其所犯罪愆一一條列之令設齋醮布施謝過
其疾卽愈又教以廉勤理民不煩刑罰蜀民畏罪遷善盜賊不
作物無疵癘皆天師之化也真人因至蒼溪縣雲臺山在雲臺州治
西縣唐書閬州君觀山水秀異羣峯朝挹地無邪毒乃謂王長曰
此山乃吾成功飛騰之地遂卜居以修九還七返之功一心存
念大道經四十九日復聆昔日鑾佩天樂之音真人整衣扣伏
乃見老君如前導從千乘萬騎來集空際久之徘徊不下真人
再拜悲泣踊仆言曰臣昔者自念夙承寶蔭親授祕文乃依天
憲戰鬼行化功成退居今飈駕再臨不我下降意者大道離臣

臣其爲尸敗乎遂舉手以身自仆老君乃命使者告曰卿之功業合得九真上仙吾往使卿入蜀奪鬼幽獄區別人鬼布清靜之化而卿殺鬼過當擅興風雨役使鬼神驅馳星斗震蕩山川陰景翳晝殺氣穢空此非大道好生之意上帝責子之過所以吾不得近子矣吾未能與子論功且當退居世間待吾於下元之主當與申叙罪戾以雪重責真人悲泣請死于今日老君復告曰子可閉目東視乃見一人黃衣黑幘捧一玉函中有素書三卷題曰三八謝罪滅黑簿超度玄祖章真人再拜受訖老君告曰子可勤行修謝日月二十八宿二十四氣陰陽本命主者罪滅黑簿名昇紫清七祖父母同爲上仙謝過之後更修之三千六百日吾待子於無何有之鄉上清八景宮中言訖聖駕已回真人遂依告文領弟子遷鶴鳴山築壇以醮太陽太陰遇三元八節本命元辰庚申甲子三會五臘修齋設醮轉經然燈懺

謝日月星辰天地陰陽自己九玄七祖所犯之罪三年之後玄
祖生天從學弟子再聚數日同往主簿山

主簿山在邛蒲江縣

隱功馨

聞衆瑞符應一夕神人授以玉璧謂曰羣仙使我以此光子居

本竹山

本竹山在新津縣在蜀

衆真授靈寶上經居蒙秦山

蒙秦山在夔州臺登縣

有神人夜召真人以俱往三日乃返領弟子遷渠亭山是時從
真人遊者數十人一日告其徒曰諸弟子謝爾輩勤事我奈爾
輩俗態未除不能棄世正可得吾行氣導引之術或可得服食
草木數百數之方爾業重緣薄未可遽議成道更三世可與吾
會第往之乃指王長曰惟爾累世種善可以成就矣又曰東方
有男子走小月者亦當飛昇不遠千里明年正月七日當來矣
具說容貌長短形色及期真人曰日且午趙子其至乎言卒而
昇至皆如所言門人以告真人曰噫此人來矣未可遽納乃七
試之初不受謁今人唾辱遣之不去露宿四十日志益確乃見

之又使入山守黍驅獸夕有美女言遠行遇夜願寄宿昇與接
席端坐達旦明日又告病足逗留治容挑昇昇終不失正又行
道見遺金在數十餅過而不取又令伐薪有三虎哮吼而前昇
色自若曰吾遠從聖人求不死之道汝爲山鬼試我邪虎乃去
又使令入肆市帛付直訖而物主誣以未得昇了無所爭更貿
衣以償之又令守稻有弊衣瘠容瘡瘍徧膚口齒臭敗扣頭乞
食昇惕然動容解衣餉飯以餘糧遺之凡六試皆動心感色之
事昇執心無二真人又領登雲臺絕崖之上逍遙嘯咏下臨萬
仞之壑有桃生絕壁間其實甚異真人謂諸弟子有能得此實
者當告之以道於是俯而窺者將二百餘人莫不股慄駭汗謝
曰此桃不可得也惟昇進曰昇師所護何峻險之有師在終不
使昇殞於此谷分若可教此桃可得矣於是投身而下正及桃
上足不蹉跌摘滿懷攀緣石壁欲上不可卽仰而擲之二百餘

顥真人分諸弟子留一待昇臨谷以手援之衆見其臂不加長歛虛引而上徐曰昇猶以正心得桃不致殞墜吾今試自投之當應大得桃也衆言不可惟昇長不諫遂投身而下因失所在久而不上衆驚莫測昇長默然良久乃曰師則父也父既往矣吾將安歸言訖俱投谷中正墜師前見真人在瓊林寶帳之中七寶臺上瞑目端坐笑曰吾知汝二人當至也遂授以神丹及寶經祕訣其諸弟子守於雲臺絕崖之上二日各散去真人與主趙三日復還治中一日領弟子遙見陽山白氣屬天謂長昇曰彼處必有妖怪當往除之遂至其地值十二神女於山前姿態妖艷因詰其由神女答曰妾等實土地陰靈也真人遂問鹹泉何在神女曰前有大湫毒龍處之真人以法召之不出遂書一符化爲金翅鳳向湫上盤旋毒龍驚懼捨湫而走出其湫卽竭遂得鹹泉煎之成鹽金翅鳳泊於南山之上後人呼爲鳳凰

臺鳥雀至今不敢棲其上十二神女各捧一玉環來獻曰妾等願事箕箒真人受其環以手揖之十二環合而爲一謂曰吾投此環於井中能得之者應吾夙命也神女聞語競解衣而入爭取玉環真人遂掩之盟曰令作井神勿得復出免爲生人之患真人方治鹹泉有一獵者至真人戒其好殺因授以煮鹽之法其井深五百四十尺闊一丈日得鹹泉四十餘函其利甚博真人遂指西北山上曰此處可以築城又指城南下曰此處川嶽相朝可建福庭後人感真人之言因而立祠至今崇奉祈禱不絕真人領昇長往閬中居一日思神之際謂二子曰吾向取神女衣深慮神女復取之出爲人害遂再詣其所取衣藏於高峯石室中勅地神守護卽炤陽洞也彼方之民至今不罹神女之害而獲鹽井之利後以真人之諱旌其事今陵州是也蜀中鹽池皆於其傍立清河府君之祠清河乃張氏郡也其山下無江

及井居人乏水真人以神劍插地因而成井遣神衛之使之不竭真人謂昇長曰此山多巖人民居焉慮山崖或墜落遂召其神誓之使不傷人真人與弟子過宋江其中多異物爲人害真人置石函於江中錄神姦之名以法召入鎖之復以大山篆符以鎮焉其怪遂絕後人呼爲擯鬼符每水涸人多見之募歸供養以屏妖惡真人復領昇長往鶴鳴山亭午之際忽見一人朱衣青襟曳履執版一人黑幘綃衣佩劍捧一玉函從朱衣使者進曰奉上清真符召真人遊於園苑須臾東北有十四人皆龍虎鸞鶴龜鱗魚鳥之騎執節持幢前後從引千乘萬騎獅子辟邪天丁甲卒無鞅騎吏來迎真人次有黑龍駕一紫輿玉女二人引真人登車旋踵至闕闕前榜云擬太玄都正一真人闕真人既至羣仙禮謁良久二黑衣吏持天符佩劍執圖籍而至上云超度先祖之籍卽皆上朱陵府矣真人視事訖領弟子居渠

亭山石室中調太真之氣一日忽有二青童引羣仙皆朱衣絳
節前導曰老君至矣中有一人長丈餘素髮朱顏項負圓光從
者二人可二十許或指曰此子房也此子淵也坐頃乃引青車
一輛別遣二人翼真人登車騰空而上至一處臺殿巍巍金堦
玉砌或謂真人曰將朝太上元始天尊也真人整衣趨進望見
殿上圓光照人不可正視或語曰左侍無上大道君右侍太極
真人前侍虛微元君後侍太上真人金童玉女侍香散花妙行
真人執經俯而前立班成羣真皆謂曰今子等皆成真矣由汝
一念而萬劫業緣皆盡於今日移時殿上勅青童諭真人以正
一盟威之法使傳世世宣布爲人天之師拜真人爲太玄都正
一平炁三天扶教輔元大法師勅還人問勸度未悟仍密諭飛
昇之期真人受命復返渠亭赤石崖舍出三天正一祕法付長
昇

一云昇於長祕城山中投誠王長趙昇玉局山復於瀛沅山中

九治龍在彭州敷演其法次還陽平山以飛仙輕舉之法付嗣師又

入鹿堂山中鹿堂治在漢州綿竹縣煉九鼎神丹遷平蓋山平蓋治在蜀州新津縣

合九華大藥時有東治禁氣師姚徐二姓能收社廟之鬼回喪車起死口周流九州之內常統陰鬼甲馬萬數聞師在蜀乃求見焉曰大道一氣爾神靈之間寧有隆卑邪吾等統八極陰兵萬億假令有道其如吾何麾其徒至戶外真人不納顧謂長昇曰此乃六天邪神不合與正氣相見令立道傍三晝夜不與進退弟子怪而問之真人曰此與羣精大邪共來試我今令立於門外亦無苦也姚徐呼曰聞師有道故來求見既蒙不納復令久立我何罪也真人乃令弟子語曰今赦原汝不問往罪其衆乃得辭去真人領弟子還鶴鳴山於桓帝永壽元年乙未正月七日五更之初長昇見空中神仙騎吏一人駕雲車徘徊於山之東南大聲言曰張道陵功行已就將授以祕籙言訖老君駕

龍輿真人乘白鶴自渠亭山會于成都城下老君同至萬神湊迎湧出一玉局高丈餘縣玉局今玉局在益州成都老君昇座爲真人

再授道要重演正一盟威之旨說北斗延生經以十五日上元

再會于成都說南斗經及演說諸經真人聽畢老君已回玉局

消散因成空洞

成都記云老君既去座隱地中陷而玉局上遂成

鬼宿不宜開穴通氣閉之真人往鹿堂治召四鎮太歲五嶽四

瀆社稷神祇羣仙悉集是時山前有一石筍可高丈餘真人執

起以誓衆神曰太上有勅令吾誓衆當崇奉正道好生惡殺佐

國安民其有不稟恭者吾遣萬神誅之乃擲石筍於巖下立於

治側遂與定三十六靖廬七十二福地三百六十名山高下品

秩各置一正神主守如世間郡邑之治遂領昇長往雲臺治於

西北隅築壇安爐煉大丹丹成服之浴於水有神光亘天永壽

二年丙申真人自以功成道著乃於治之西北半崖間舉身躍

入石壁中自崖頂而出因成二洞今崖半曰峻仙洞崖上曰平
仙洞是年九月九日在巴西赤城渠亭山中太上遣使者并五
帝部從持玉冊授正一真人之號真人將以盟威都功等諸品
祕籙斬邪二劍玉冊玉印以授其長子衡戒之曰此文總統三
五步罡正一之樞要世世一子紹吾之位非吾家宗親子孫不
傳青城山記云赤城山有天師藏經處一蒼溪謂長昇曰吾有
餘丹在煉丹亭上金盃之中汝二子可分餌今日當隨吾矣是
日亭午之際復見一人朱衣青襟曳履持版一人黑幘綃衣結
履佩劍各捧玉函從朱衣使者趨前再拜曰奉上清真符迎真
人於閬苑須臾東北有二十四人皆龍虎鸞鶴之騎各執青幢
絳節獅子辟邪天騶甲卒皆至稱景陽吏卽有黑龍駕一紫輿
玉女二人引真人與夫人雍氏一云孫氏登車前導後從天樂引迎
於雲臺峯白日昇天時真人年一百二十三歲也唐玄宗贊云

邈彼炎漢天圖中缺萬彙消殘三靈蕩越惟師膺運神威迅發
躬侍真元親傳祕訣妖毒雲驅崇山劍裂大布聲教全清蠱孽
一振無爲永光有截鸞鶴斯邁丹青是設玉相真儀傳芳不歇
又贊云邈矣真仙孤高峻節氣貫穹冥玄元示訣落落神儀亭
亭皓月誅邪斬精魅驅鬼徹漢代盟威流傳不絕肅宗贊云德
自清虛聖教之實或隱或見是朴是質靜處瓊堂焚香玉室道
心不二是爲正一宋徽宗進封真君玉冊文維大觀二年歲次
戊子十月丁丑朔十有六日壬辰皇帝御名謹再拜言曰惟道
無方待人而成若昔至真以道興世功被萬物則爲神明主務
稱其休夫何敢不崇恭惟漢天師正一真人三天扶教輔元大
法師體妙闡幽有大利於天下劉氏之季厥績甚茂遂挾光景
上超人羣祕籙真圖孚係於後弭除妖孽擯禦不祥陰鷲有民
旣久彌著不有徽稱何以極報典揚嘉惠謹遣朝奉大夫知信

州軍州事劉晏上尊號正一靜應真君大道藏於幽顯于明功施於遠著于近匪我能然惟常弗息則能尙鑒觀茲以衍其餘佑相我邦家延及我民懋昭無疆之休俾嗣于永世理宗嘉熙三年封正一靜應顯佑真君

臣道一曰鬼神變化從古以之人鬼混殽道將違矣張天師乃稟符籙之教通天地之情分隸陰陽區別人鬼至於奪鬼幽獄立二十四治其與太上之降九十五種外道不殊正一之教流傳後世實非小補且德垂後裔世襲真風以至于今亦天之報功也道德經曰以道涖天下其鬼不神非其鬼不神其神不傷人非其神不傷人聖人亦不傷張天師必能深究其旨

歷世真仙體道通鑑卷之十八

歷世眞仙體道通鑑卷之十九

浮雲山聖壽萬年宮道士趙道一編

王長

眞人王長不知何所人也從張正一眞人學眞人往雲錦山散羣弟子惟王長習天文通黃老留侍左右長遂負書行歌同眞人往雲錦山日侍眞人服丹戰鬼積行累功後於渠亭山眞人一日指長曰惟爾累世種善宿有仙骨可與成就矣遂盡得眞人九鼎之要白日飛昇

趙昇

眞人趙昇號鹿堂子不知何所人也始張正一眞人在蜀昇不遠千里而來願執弟子禮眞人試以難者七事而昇終始如一第七試因取桃同王長投谷中見眞人坐瓊牀寶帳遂拜授神

丹寶經後事真人功行滿備白日昇天

臣道一曰趙昇不遠千里而求師守一誠而不變志於道忘其身忍辱含垢堅節礪操卒能得明師之旨授參道德之玄微積行累功煉形輕舉觀其志其與傳先生之穿盤石不殊後之學仙者真可爲軌範也道德經曰強行者有志其斯之謂夫

張衡

嗣師張衡子靈真張正一真人長子也

學一云字子平頗精元象

侍刺史遷

少博學隱居不仕有大名於天下時帝聞其有道徵爲

黃門侍郎不就關世務吐納不食於漢靈帝光和二年己未正月二十三日以真人之法付子師與妻盧氏得道陽平山白日飛昇

張魯

系師張魯字公期漢書載嗣師長子也好道守真人之法仕漢

歷典農校尉安民中郎將漢中南鄭二郡太守後隱身學道以

符法治病致米一斗疾苦立愈久之積米鉅萬魏王聞之遣使

統兵來討弟子告師師曰慎勿爲懼遂同弟子登嶺而望見兵

馬四合師以手版畫地成河怒濤洶湧下臨不測兵不得度使

者復統水師至岸師又以手版畫其河中輒出一峯高千餘丈

兵不能進使者回具述其事漢一云建安中曹操擅權將不利於

守後王爲扶義公正以此也魏王遣使追謝齎印綬拜爲梁益二州刺

史鎮南將軍封閬中侯食邑三萬戶師固辭不受謂使者曰吾

修道之士世慕冲舉今裂地之封非所願也請還印綬無復再

來後修煉白日乘龍昇天縣一云魯於太白山南蜀西化葬在褒城

良在天霧中師有弟二人長曰衛次日傀衛歷招義將軍好道於

嘉陵飛昇傀歷南郡太守棄官學道久之白日飛昇

張滋

張滋

漢書名富

字元微系師長子也辟丞相掾給事黃門侍郎歷漢

中太守封昌亭侯久之得道尸解而去四弟曰永曰盛曰溢曰

巨永字齡宗歷奉車都尉議郎封樓亭侯得道尸解盛字元宗

歷奉車都尉散騎侍郎封都亭侯嘗喟然歎曰吾先世教法常

以長子傳授而諸兄皆不娶可使至此遂無傳乎西晉永嘉中

夜望大江之東有瑞氣徹天謂其妻曰是可成吾丹矣乃棄官

南遊至鄱陽郡望之曰近矣卽山行五日至一處山嶺秀麗登

無喜曰吾得之矣山頂有真人丹穴井竈存焉乃昔日煉丹修

養之地遂就其井穴左右結廬居一年盧氏來尋之遂與同居

此山得一子

自蜀來盧氏攜一子

居九年丹成一日尸解而去人

呼其爲龍虎子孫多居山之東北溢字立宗仕歷牙門將軍駙

馬都尉討寇將軍漢中南鄭太守閬中侯久之得道尸解巨字

儒宗仕歷侍御史安南正參義陽太守久之得道尸解第一弟盛
第五弟今臨邛白霞觀有七大弟夢得字文宗歷諫議大夫宗正得
道尸解今臨邛白霞觀有七大弟夢得字文宗歷諫議大夫宗正得
在得道處宋朝陶弼有詩云羽客朝元地遺壇古樹一中煉成丹竈
風來騎去鶴巢空印篆從天賜符書與道通當時真一氣松桂夜

張昭成

張昭成字道融盛之長子也學道不懈每端坐室中出神數百
里外能馴虎豹年一百十九歲卒而尸溫溫如生既葬塚上生
菌數千一日居人見鶴穿墓而出有彩雲盛之後開墓視之唯
冠履在焉帝一云晉初得道至成

張椒

張椒字德馨道融長子也得真人治鬼之法以真人所授諸階
祕籙傳度世人晉帝累徵不起得道年一百餘歲告別門弟子
迺然而化

張仲回

張仲回字德昌，德馨之長子也。傳授父法，能辟穀，日行數百里，後入蜀山，不歸，不知所終。

張迥

張迥字彥超，德昌之長子也。幼年得道，美丰姿，善裁鑒，日列真人諸階，品籙於淨室中，嚴奉六時香火，終身無怠，治病驅邪，無不安愈。世人仰之，年九十而卒。祖一云齊太
召赴闕

張符

張符字德信，彥超之長子，好道，傳守真人之法，年九十二歲而卒。

張子祥

張子祥字鱗伯，德信之長子，博覽諸經，究探今古，襲儒衣冠，仕隋，歷洛陽尉，未幾棄官，與妻子退隱龍虎山。雖一云膏自歎曰將

不久復仕隱 從學者數百人志在修養顏容益少常若二十歲人能吐腹中丹置掌中翫弄或夜投器中光芒穿屋乃復吞之久之得道年一百二歲二十云百而卒舉棺甚輕葬之夕墓忽有穴其塚開視所存唯衣服爾

張通

張通

宋一朝帝諱犯

字仲達鱗伯之長子傳守真人之法常閉戶

不出四十年妻子非時不見久之得道年九十七歲而卒經數月入棺尸竟不壞通高順皆犯祖名未詳其故

張仲常

張仲常字德潤仲達之長子通覽儒書亦有神異唐高宗召至闕潛歸歎曰吾幾落世網學道於家傳守真人之法能分形變化嘗推甕於室中與妻茹葷飲酒夜醉於甕傍吐其中經日不壞年九十八歲卒飲一云日埋甕皆在甕中對妻茹葷

張光

張光字德昭德潤之長子少傳授真人之法久之棄妻與次子悟入山修行二十餘載乃出見其妻又同處五年後終於家年一百二歲而悟亦能辟穀。

張慈正

張慈正字子明德昭之長子博學郡書最精於易從學者百餘人久之學道隱山與妻子不相見傳守真人之法歲以三元傳度諸階祕籙四方歸之所積法信備荒歲以助貧乏之士亦能煅煉黃白之法百餘歲卒於山空中有仙樂隱隱焉。一云能以藥點

瓦爲銀煅成器投水中火過而復爲瓦

張高

張高字士龍唐一云字士隆後避龍子明長子也學道守真人之法飲酒至一石而不醉唐明皇召見于京師置壇受籙降賜金帛

仍免租稅冊封漢祖天師之號肅宗降香建醮親灑宸翰以贊天師貞元中降供養供養金鍍銀香爐香合緋羅綃金帕及黃複器物年九十一歲卒家

張應韶

張應韶字治鳳士龍之長子博學經典後隱山中辟穀能百日不食與妻子躬耕能吹鐵笛數里外聞之一日告其子曰吾世傳真人之教功及於人多矣吾今垂年汝當傳守言訖兀然端坐瞑目而化年九十九

張順

張順字仲孚中一孚云治鳳之長子少事母孝曰不孝不忠而欲學道求仙是猶捨舟楫而涉大川也仕爲本縣貴水尉後棄官并妻子結茅以居年八十七歲童顏皓齒不疾而化

張士元

張士元字仲良仲孚之長子少博習羣書年四十餘始學道習夜坐久之能通臂上下出入如飛以符法傳人治病能種桃李頃刻而實時君聞其有道屢以美官徵之固辭不起終于家年九十二

張修

張修字德真仲良之長子爲人質朴常衣布素不喜華飾與妻耕于野不與鄉人交通歲以符法傳人治病應時而驗所得法信皆施貧士甘於寂寞無所貪慕先二年自營墳郭曰吾二年當去至期乃沐浴更衣端坐而化時年八十五歲遷驗者江云劉賈詣所追忽有金師自授都功下法錄明年卒于金陵兩夕而蘇云冥官所追忽有金師自授都功下法錄明年卒于金陵兩夕而蘇云可曰劉遷身佩正一披褐修在上天龍虎山師奉天師焉足

張諶

張諶字子堅德真之長子博學爲當時通儒攻草隸晚年好道

能辟穀而一云唐文宗召見賜官建醮一日三飲大醉而化年一百餘歲

張秉一

張秉一一彥一恭字溫甫子堅之長子母初夢金一作巨龜入腹覺而有孕少年學道能洞窺牆壁外嘗累千金遇凶年市穀救施貧乏年九十二歲一日語妻曰吾死後地震則斂而葬之言訖乃正坐執簡而化七日果地震乃斂而葬焉體尙溫而不壞

張善

張善字元長溫甫之長子幼不苟葷長好道遊歷名山大川二十年方還卽不出戶深有內養年八十七歲而終十一云八

張季文

張季文字仲歸元長之子歲以諸階祕籙傳度弟子之能修行者用符水治病立愈年八十七歲而卒

張正隨

張正隨字寶神仲歸長子也爲人質直淳朴不與俗人交遇諸途則趨而避之歲以傳度法信救施貧乏雖家貧而不顧年八十七歲而終追封真靜先生

張乾曜

張乾曜寶神之長子也好道守掌真人之教法

符會八年云大中祥符八年五月召赴

清道士張乾曜傳錄於京師上

宋仁宗聞其有道天聖八年五月召赴

闕賜澄素先生之號上問以飛昇之事沉吟久之對曰此非可以輔政教也上嘉之又問幾子對以長子傳道次業儒遂以次子見素爲將作監主簿見素雖仕而志尤慕道以衛尉寺丞休官隱居鄱陽東湖至今子孫家焉

張嗣宗

張嗣宗澄素先生之長子襲真人之教傳度祕籙得吐納之法

年七十容貌如童孩年八十一歲而卒封虛白先生和會三要云至

張象中

張象中字拱辰虛白先生之長子七歲賜紫承襲穎一云年十三博通經史尤有道術宋仁宗召見賜坐咨問道法甚妙特賜紫衣親灑宸翰以鎮福庭復賜束帛金器自後朝廷寵賚荐至師承終襲真人之教

張敦復

張敦復字延之拱辰長子少儒服有聲場屋後以嫡子承正一二十八世丕闡祖風四方宗之年五十三而卒追封葆光先生

張景端

張景端字子仁乃二十四代之後名迪第五子也好道承襲真人之教年三十一歲十一歲五卒追封葆真先生

張繼先

張繼先字遵正乃二十六代之後宣教郎臨川知縣名處仁字德玄第二子也九歲承襲真人之教宋徽宗崇寧以來凡四召至闕賜號虛靜先生視秩中散大夫初神宗以真人印文陽平治都功印凡六字用崑玉刻之藏於三清儲祥宮法從庫將以畀有道者至是以賜繼先已而進封真人爲正一靜應顯佑真君仍詔有司就國之東建下院以居之賜額曰崇道又賜緡錢修龍虎山上清宮撥步口莊五萬以飯其衆改賜上清正一宮額追封其祖及父先生號度其祖母陳氏馮氏妹葆真皆爲道士建真觀以居之復用澄素先生例官其兄紹先假將仕郎恩賚甚厚先生志在沖淡引辭以歸嘗作靜通庵于上清宮後爲心齋坐忘之所又因祖師雲錦山龍虎丹竈而修煉焉瑞彩祥光照耀山谷有降祥堂濯鼎池遺迹猶存後著心說及大道歌以貽于世丁未年三十六歲欽宗詔赴闕至泗州解化己酉年

冬赴杭州薛門下生日齋是年大盜入境先生預告衆而去至今道侶往還多見在羅浮西蜀隱顯不定云一生與戊申六月先
自京師回至泗州士盱眙安舟稅亭小不快飲湯一杯便化去身
如蠟色延昌觀道是時取劉文來死於此江儀真有仙慕存焉未幾敦武
主其事久中云得旨天師來死於此江儀真有仙慕存焉未幾敦武
道其久中云得旨天師來死於此江儀真有仙慕存焉未幾敦武
人不自死復有見天師惠州張羅浮者乃此江儀真有仙慕存焉未幾敦武
知不自死復有見天師惠州張羅浮者乃此江儀真有仙慕存焉未幾敦武

張時修

張時修字朝英虛白先生之後也素習儒術累舉不第乃恬然靜退志慕修煉以虛靜不娶無嗣衆推承襲年六十一歲於龍虎故居解化

張守真

張守真字遵一朝英長子也母吳氏嘗夢畀以仙果曰汝食之生子當主陽平治都功印生而純素守靜長而寡慾宋紹興十年庚申承襲世教每歲三元傳度四方輻湊除邪馘毒道化盛

行二十九年二月七日高宗賜號正應先生孝宗乾道六年十月十三日高宗召命十一月十三日詔赴德壽宮館于養魚莊越三日引見賜坐咨訪道法甚款十九日孝宗召見賜坐賜金錫齋戒就館舍錫賚頗蕃十二月十九日高宗命醮月臺所禱有異應越明年復召見以上清三洞諸品寶籙流傳寢久乃錫金委道錄院鋟木成書就延祥觀傳度且命以其版歸及賜象簡景震劍并手書陰符經以畀之先生既歸林下翛然自得不以世俗介意每云嘗收兄虛靜先生書有川蜀之約吾將往遊焉於淳熙三年十月三十日無疾羽解

張伯璟

張伯璟字德瑩正應先生長子也儀冠軒偉豐玉枕美鬚髯人皆謂有正一之風宋孝宗乾道中侍正應先生赴召高宗賜坐賜齋御筆更名景淵又見南內宣演道法甚嘉納焉越月高宗

命正應大醮月臺正應以景淵隸其事每獲殊應上加錫賚併賜象簡以歸遂掌三元之教符籙受者尤盛初皇子魏王鎮明州以玉壇召師相得尤厚一日遣人荐來邀迂忽謂其徒曰人間之寵雖至然吾自有仙期不可爽矣遂隱几而化

張慶先

張慶先字紹祖德瑩嫡子也慶先未生時德瑩嘗鞠幼弟嗣先爲子旣而攝祖教慶先降世天姿閑雅賦性簡默蓋如列子之居鄭圃時人無知者久而聲名方馨神異煥發道俗宗嚮不謀同辭曰真正一先生之裔也遂鳴于有司以宋寧宗嘉泰元年辛酉五月正襲三十四代之位三元傳籙奉香火者雲至師常以真純自守儉素居家慈仁接物見貧乏寒棲之士尤加惻隱而賙濟之無他嗜好惟喜飲而不爲酒困至嘉定二年下元開壇越七日有綈袍幅巾之士神風偉岸類有道者衆莫詰其所

從來師一見之開樽下榻如平生歡既別猶附耳語移時乃去師自是焚香絕粒不交人事家人意其蟬蛻有日請遺法訣閱而不言至是月二十九日晨興盥櫛如平時條然宴坐而逝

張可大

張可大字子賢乃正應先生第二子伯瑀之孫仁靜先生天麟之次子也初景淵羽化時伯瑀嘗攝三十四代事至慶先羽化嫡子成大幼天麟復攝行三十五代教法嘗被宋寧宗召賜號仁靜先生未幾成大早化遂以可大爲慶先後理宗紹定三年仁靜仙去可大年方十三正承三十五代之教豐神秀異性識不凡四方參受法籙者動數萬計道化盛行端平三年奉聖旨賜錢重刊先朝元賜籙板嘉熙二年加封正一靜應顯佑真君助法鳴山玉泉龍井之神咸加封焉三年四月奉聖旨召赴行都退潮禱雨禳蝗保邊咸有感格七月召見賜坐賜齋賜號觀

妙先生褒嘉甚至錫資便蕃仍賜錢重興先朝元賜真懿觀俾
爲母子同居之地錫以土田免其租賦御書觀額及真風之殿
紫微之閣以賜又賜扇一握親灑宸翰曰神與道而爲一天與
人而相連苟精守以專密必駕景而凌烟先生又爲助法鳴山
玉泉龍井之神請于朝咸加封爵自是簡眷愈隆時有宣賜降
香建醮無虛歲每禱輒應至寶祐二年復奉聖旨召赴行在住
持龍翔宮以親老故辭準勅提舉三山符籙兼御前諸宮觀教
門公事主領龍翔宮事至今遙領自是旣得請有逍遙物外之
志景定三年乃以教法授次子宗演具表奏聞至四月初十日
羽解上與東宮各有賜賻至瘞劍宣賜尤厚丞相江萬里爲撰
碑銘

歷世真仙體道通鑑卷之十九

十
廣倉學窘印行

歷世眞仙體道通鑑卷之二十

浮雲山聖壽萬年宮道士趙道一編

○ 于吉

于吉者瑯琊人也

海一云北

先名室後改名吉其父祖世有道術

不殺生命吉精苦有踰於昔人常遊曲陽流水上得神書百餘卷皆赤界白素青首朱目號曰太平青領書時漢成帝河平二年甲午也蓋吉親受於老君今道家太平經也其經以甲乙丙丁戊己庚辛壬癸爲部每部一十七卷一云吉忽得痼疾經十餘年百藥不愈乃晨夕焚香哀告上天願賜救度老君感其精誠乃令仙人帛和爲賣藥翁行市中授之經且曰卿得此書非但愈疾而已當得長生化行天下吉乃拜受其疾頓除老君復降親授其旨遂編前經成一百七十卷吉得其旨遂以修身養

性消災治疾無不驗者其要曰夫人之生也天付之以神地付之以精冲和付之以氣人能保精愛神護氣內則致身長生外則致國太平又曰人臣之行當上愛其君欲其長生爲人子者當念父母畏其將老風化其意使之入道常爲求索奇方殊術以奉君親爲人弟子者當念錄師恩夫人生於父母成道德於師得尊榮於君每念君父師將老無以復之或行學更事賢明求奇方異法而資益之此乃應太古上皇最善忠臣孝子順弟子也人皆爲之則天下太平矣有心之人所作皆善言行精實心自克責灑心易行感動於上受天施恩輒言報謝精專不忘得致神仙其方曰吾字十一名爲士丙午丁巳爲祖始四口治事萬物理子巾用角治其右潛龍勿用坎爲己人得見之壽長久居天地間活而已治萬百人仙可待善理病者勿輕給樂莫樂於長安市使人壽若西王母比若四時周反始九十字策傳

方士蓋神丹奇藥可以奉君父師者焉又出科戒祭酒之法以付吉吉後奉經行道分布弟子置男官女官廣化人民四方歸嚮後孝章皇帝元和二年老君復降詰責吉曰吾前授汝道助國扶命憂念萬兆而自頃以來諸男女弟子託吾位號貪財縱欲驕倨自大嫉賢妬才更相是非皆不當爾故來語汝吉稽首伏地叩頭百下曰唯唯願太上赦既往之罪容臣修將來之善從今日已往不知當何以救諸男女弟子之譴責老君曰汝善聽教人生雖壽萬年不持戒律與老木久石何異寧一日持戒爲道德而死不忍犯戒而生持戒者上補天官尸解昇仙世人雖爲王公上至帝皇脫有重罪無益魂神可不痛邪明奉吾戒以教授之乃爲說一百八十戒訖又語吉曰往古先聖皆從此得道道本無形從師得成道不可廢師不可輕吉稽首受命再拜而謝吉後寓居會稽孫策平江東進襲會稽見士民皆呼吉

爲干郎事之如神策招吉爲客在軍中將士多疾病請吉嚶水輒差策將兵數萬人欲迎獻帝討曹公使吉占風色每有神驗將士咸崇仰吉且先拜吉後朝策策見將士多在吉所因怒曰吾不如干君邪乃收吉責數吉曰天久旱水道不通君不同人憂安坐船中作鬼態束吾將士敗吾部曲今當相除卽縛吉暴日中使請雨若能感天今日中大雨則相原不爾加誅俄而雲興雨淫江中漂泛將士共賀吉策遂殺之將士涕泣收葬明旦往視俄失其尸策大愴恨從此常見吉在其前後後策尋爲許真伏客所傷照鏡見吉在鏡中策大驚因掣鏡大叫胸創裂而死混元實錄云吉尙周旋人間百餘年然後仙去

臣道一曰道德經曰夫佳兵不祥之器物或惡之故有道者不處干吉祖父慕道而躬自勤苦有踰前人乃致身軍旅之中而爲孫策所殺雖曰兵解也然使干吉退藏於密積行累

功又安知不證飛昇之品乎。後之學仙者，當以處佳兵爲深戒。

宮嵩

宮嵩者，琅琊人也。有文才，著書百餘卷，師事仙人干吉。漢元帝時，嵩隨吉於曲陽泉上，遇天仙授吉青縑朱字太平經十部。吉行之得道，以付嵩。後上此書，書多論陰陽否泰災眚之事。有天道、地道、人道云：「治國者用之，可以長生。」此其旨也。嵩服雲母數百歲，有童子之色，後出入紵嶼山，仙去矣。

王道真

王道真，漢時人，得道於鬼谷山。東古柏臺常有白雲出於臺中，遠望如百尺樓。道真常乘此雲遊戲山頂，暮歸臺中，白雲亦歛入此臺中。卽荊州北清溪鬼谷山也。或謂此爲臺非也。

王玄甫

上仙姓王名玄甫漢代東海人也師白雲上真得道一號華陽真人六月十五日降世十月十六日上昇不記是何朝代後傳道與鍾離覺卽正陽子鍾離權也所著文辭隱而不傳世有詩一章載混成集其詩曰華陽山裏多芝田華陽山叟復延年青松巖畔高柯下白雲堆裏飲飛泉不寒不熱神蕩蕩東來西往氣綿綿三千功行好歸去休向人間說洞天大元至元六年正月褒贈東華紫府少陽帝君

薊子訓

薊子訓二百餘年顏色不老曾抱鄰舍嬰兒誤墮地死兒家卽埋之子訓自外來抱兒還之家恐是鬼子訓掘視所埋但泥而已漢時京師貴人莫不虛心欲見既到京師公卿以下候之者座上常數百人皆爲設酒脯終日不匱一日太學諸生詣請子訓子訓以食時發日中到未半日行千餘里往二十三處諸貴

人喜自謂先詣之明日相問各言子訓衣服顏色如一遠近驚異後因遯去遂不知所止初去之日惟見白雲騰起數十處行人於長安東霸城見之與一老公共摩挲銅人相謂曰適見鑄此而已近五百歲矣見者呼之曰薊先生小住並行視若遲徐而走馬不及出後漢書仙傳云薊子訓齊人舉孝廉除郎中又爲都尉人莫知其有道所載他事略同

王喬

王喬者河東人也漢明帝爲尙書郎出爲葉縣令漢法畿內長吏節朔還朝喬每月朔旦常自縣詣臺朝帝怪其來數而不見車騎密令太史伺望之言其臨至輒有雙鳧從東南飛來於是候鳧至舉羅張之得一隻鳧焉乃詔尙方診視則四年中所賜尙書官屬履也每當朝時葉門下鼓不擊自鳴聞於京師後天下玉棺於堂前吏人推排終不搖動喬曰天帝獨召我邪乃沐

浴服飾寢其中蓋便立覆宿昔葬于城東自成墳其夕縣中牛皆流汗喘乏而人無知者百姓爲之立廟號葉君祠吏人祈禱無不如應若有違犯亦便見禍或云卽古仙人王子喬漢書後祠後改雙鳧觀屬汝州

壺公

壺公不知何許人也常賣藥懸一壺於肆頭及市罷跳入壺中市人莫之見惟汝南人費長房於樓上觀之異焉因往再拜奉酒脯公知長房之意其神也謂日子明日更來長房一日復詣與俱入壺中惟見玉堂華麗旨酒嘉穀盈衍其中共飲畢而出公曰我神仙之人以過見謫今當去能相隨乎樓下有少酒與卿爲別長房令十人扛之猶不舉翁笑以一指提上視器如一升許二人終日飲不盡長房遂欲求道而顧家人爲憂翁乃斷一青竹度與長房身齊使懸之舍後家人見之卽長房形也以

爲縊死，大小驚號，遂殯葬之。長房立其傍而莫之見也。於是遂隨從入深山，踐荆棘於羣虎之中，留使獨處。長房不恐，又臥於空室，以朽索懸一千斤石於心上，衆蛇共來嚙索，且斷。長房亦不移，翁還撫之曰：「子可教也。」復使食糞，糞中有三蟲，臭穢特甚。長房意惡之，翁曰：「子幾得道，恨於此不成。如何？」長房辭歸。翁與一竹杖曰：「騎此任所之，則自至矣。」可以杖投葛陂中也。建縣又爲作一符曰：「以此主地上鬼神。」長房乘杖須臾來歸，自謂去家適經旬日而已。十餘年矣，卽以杖投葛陂，觀視則龍也。家人謂其久死，不信之。長房曰：「往日所葬竹杖，爾乃發塚剖棺，杖猶存焉。」遂能醫療衆病，鞭笞百鬼，至驅使社公，或在坐，獨自悲怒。人問其故，曰：「吾責鬼魅之犯法者爾。」又嘗坐客而使至宛市，鮓須臾還，乃飯。或一日之間，人見其在千里之外者數處焉。後失符，爲鬼所殺。出後漢書道傳云：汝南歲歲常有魅，僞作太守章服。

詣府門撻鼓者郡中患之時魅適來而逢長房爲謁府君惶懼
不得退便前解衣扣頭乞活長房呵之云便於中庭正汝故形
卽成老鼈大如車輪頸長一丈長房付其一札以勅葛陂君魅
卽扣頭流涕持札植於陂邊以頸繞之而死後東海君來謁葛
陂君因淫其夫人於是長房劾繫之三年而東海大旱長房至
海上見其人請雨乃謂之曰東海君有罪吾前繫於葛陂今出
之使作雨也於是雨立霑長房曾與人共行見一書生黃巾被
裘無鞍騎馬下而扣頭長房曰還他馬赦汝罪問其故長房曰
此狸也盜社公馬爾長房又能縮地脉數千里牽至前宛然具
足吳均續齊諧志云汝南桓景從費長房學長房謂曰九月九
日汝家當有災急令家人縫絳囊盛茱萸繫臂上登高飲菊花
酒此禍乃消景從其言舉家登山夕還見雞犬一時暴死今人
九月九日登高蓋本是也今建寧府有登高山存焉丹臺錄云

壺公姓謝名元一又興化軍有壺公山昔有人遇壺公引至山頂見宮闕樓殿曰此壺中日月也又有壺公廟存焉一云蔡州懸壺觀卽費長房舊隱有懸壺樹信州靈陽觀亦云費長房竹杖化龍處未知其故也

華陀

華陀字元化漢時沛國譙人通數經曉養生之術年且百歲而猶有壯容時人以爲仙沛相陳珪舉孝廉太尉黃琬辟皆不就精於方藥處劑不過數種心識分銖不假稱量針灸不過數處若疾結於內針藥所不能及者乃令以酒服麻沸散既醉無所覺因割破腹背抽割積聚若在腸胃則斷截湧洗除去疾穢而縫合付以神膏四五日創愈一月之間皆平復廣陵吳普彭城樊阿皆從他學並依準他療多所全濟

出後漢書

青谷先生

青谷先生者不知何許人也常修行九息服氣之道後合爐火大丹服之得道

劉文饒

劉文饒者弘農劉寬也少好道曾舉漢方正稍遷南陽太守視民如子怒不形顏口不疾言行陰德拯寒困萬民悅而附之如父母焉後爲司徒太尉上賜酒伏地睡詔問故乃答曰臣任重責大恆憂心如醉且使奴至市買菜而奴盜用錢飲酒晏乃還臥於閤內又不得菜既醒乃罵之爲死狗罵畢卽束帶來入恐奴從後自殺所以慮之不覺忽然睡爾願見哀恕寬用心仁愛觸類如此矣年七十三一旦遇青谷先生降之於寢室授其杖解法去入太華山行九息服氣及授以爐火丹方修之道成今在洞中作童初府帥上侯主始學道者

順帝時爲司徒寬爲人謹厚有誌者得人失牛而送還慚懼寬乃謝

出真誥注云劉寬名字文饒弘農華陰人父名崎

遣尉之桓帝延熹八年爲南陽太守恆用蒲鞭寬靈帝熹平五年爲
但任重責大憂心如醉又嘗有客來詣寬遣奴封逮卿侯六大
醉而還客罵爲畜產爲辱執甚故吾懼其死耳後封逮卿侯六大
百戶中平二年亡案比說六爲同異故詳載之證

臣道一曰劉文饒仕於漢朝視民如子蓋道德之發越於外
也觀其爲政怒不形顏口不疾言好行陰德拯濟寒困真可
爲萬世隱朝市而修仙者之標表大抵積功累行亦在茲也
道德經曰聖人無常心以百姓心爲心善者吾善之不善者
吾亦善之德善豈非劉文饒之謂乎

趙威伯

趙威伯東郡人也少好道受業於邯鄲張先生晚在中嶽授玉
佩金璫經於范丘林乃是漢樓船將軍衛行道婦也學道得仙
遂授行挹日月之道服九靈明鏡之華得道來入華陽內爲保
命丞河圖云吳楚多有得見太平者語人云此語不虛此驗不

久其所存明鏡非世間常法又善嘯聲若衝風之擊長林衆鳥之羣鳴時在天市壇上長嘯呼風須臾雲翔其上或冥霧四合零雨其濛保命有四丞威伯主仙籍并記學道者并暴雨水靈芝草

樂長治

樂長治東卿司命君鄉里人也仕漢桓帝至中書侍郎後師中嶽李先生受步七元法修之得道入華陽內爲保命丞

劉根

劉根潁川人能令見鬼隱於嵩山潁川太守杜新聞之以爲妖訛召至郡新謂根曰君有何能而常惑衆根曰僕能令人見鬼新曰今卽試看若無鬼汝當見誅於是根左顧而笑須臾新之亡父母悉反縛於伊前鬼乃責曰汝爲人子不能光益我因何累及亡人仍語新曰可急謝過於劉先生新乃泣涕扣頭謝根

俄頃根與鬼俱不見莫知所之不日新亦卒或云劉根常服棗核中仁百邪疾不復干後漢時人皮日休與毛公泉詩云劉根昔成道茲塢四百年氤氲被其體號爲綠毛仙因思清冷汲鑿彼岩嶺巔五色旣煉矣一勺方鏗然旣用文武火俄窮雌雄篇赤鹽撲紅霧日華飛素煙服之生羽翼倏爾沖玄天真隱尙有迹厥祀將近千我來討靈勝到此期終焉滴若破竇淨蘚深餘整圓澄如玉髓潔泛若金精鮮顏色半帶乳氣味全和鉛飲之融痞蹇濯之神俱擘有時翫者觸倏忽風雷顛素綆絲不短越罍腹甚便汲時月液動擔處水漿旋大獻大司諫置之鈴閣前清如介潔性滌此掃蕩權炙背野人興亦思侯伯憐也知飲水苦願受一餅泉南嶽總勝集云劉根先生修大洞帝乙之道遊宦四方爲政有德晚歸南嶽之東峯煉真朝斗服氣祭神而玄化

劉偉道

中山劉偉道漢時人學仙在嵒冢山積十二年仙人試之以石重十萬斤一白髮繫垂之使偉道臥其下偉道心安體悅了無憂怖臥在其下十二年仙人數試之無所不至遂賜神丹白日昇天

夏馥

夏馥字子治陳留人也少好道常服朮和雲母後入吳山從赤須先生授煉魂法又遇桐柏真人授之黃水雲漿法行之得道馥少時被公府辟召懸辟書於桑樹乃去其高邁如此道成爲明晨侍郎後漢及高士傳並云陳留人少爲書生桓帝時舉之限避難剪髮不變形逃林慮山中爲人治作後還家杜門不出與人相見黨禁未解而亡

○范幼冲

范幼冲遼西人也曾爲漢尚書郎善解地理受胎化易形之道

常旦旦存青白赤三氣各如縋從東方日下直入口中挹之九十過自飽便止行之十年身中自有三色之氣遂得神仙此高元君太素內景法真誥云范監者卽其人也昔得爲童初監今在華陽中

鍾離簡

鍾離簡後漢人爲郎中與弟權俱入華山三峯得道後道備白日昇天

歷世眞仙體道通鑑卷之二十

廣倉學寤印行

歷世眞仙體道通鑑卷之二十一

浮雲山聖壽萬年宮道士趙道一編

封衡

封衡字君達隴西人也幼學道通老莊學勤訪眞訣初服黃連五十年後入鳥獸山採藥又服朮百餘年還鄉里如二十許人聞有病死者識與不識便以腰間竹管藥與之或下針應手立愈愛嗇精氣不極視大言凡圖籍傳記无不習誦復遇魯女生授還丹訣及五嶽眞形圖遂周遊天下故山官水神潛相迎伺而凶鬼怪物无不竄避人或疑之以矢刃刺禦皆不能害常駕一青牛人莫知其名因號青牛道士魏武帝問養性大略師曰體欲常勞食欲常少勞勿過極少勿過虛去肥濃節酸鹹減思慮損喜怒除馳逐慎房室則幾於道矣故聖人春夏養陽秋冬

養陰以順其根以契造化之妙有二侍者一負書笈一攜藥笥有容成養氣術十二卷墨子隱形法一篇靈寶衛生經一卷笥有煉成水銀霜黃連屑等在人間僅二百餘年後入元丘山不見

王老

王老不知其名與魯女生封君達爲友訪道遊名山於東嶽之陽遇神仙乘白鹿與侍女十許人自山中而下知是神人再拜以求長生之道神仙曰子知有安期君乎卽我是也子精誠動天太上使我授汝度世之訣經云綿綿若存用之不勤是真道矣言訖昇天而去王老行之愈力三年行及奔馬肌膚充澤狀若處子能分形變化坐在立亡周遊人間四海之內時有見之者

張皓

張皓字文明汝南人東漢安帝永初中嘗詔逸人爲道士皓年二十歲與選一日封衡召至皓望風服膺求啓未悟衡因觀其心遣涉于深淵則遇蛟鯨迫之而貌不變誘之以色試之以財而心不動衡曰可教也於是付以青要紫書金根上經及神丹半兩從而戒之曰勤則得之替則失之皓俯伏受命遂入赤城山服丹行道久之耳能洞聽目能徹視常有學道者來訪則或爲白鶴或爲飛雲搏空遊虛隱沒而莫之見至魏明帝太和初登真

王少道

王少道與同志李伯山常以陰德密惠拯救於人皆積世有道至行所鍾累功積德以至成仙少道常謂人曰功滿三千白日冲天修善有餘坐降雲車弘道不已自致不死斯言信哉昔太極真人一日八身展轉得道葛玄七世方證仙公之任然積善

之功上濟玄祖下流後世豈止一身長生而已勉哉勤哉吾匪

虛言也俱得神仙矣

真山皆語云其童初府有王少道范叔勝李伯

漢時山陽太守范叔勝北地人也魏文帝黃道中郎李伯
父也沖父漢時爲白馬令行陰德或積世有道人李伯
進府得仙人此府一進再

路大安

真人姓路名光又名大安西蜀大寧軍內黃縣人也後徙居婺
州乃漢路溫舒九世孫於順帝漢安元年九月十五日子時誕
生神清骨秀髮疎眼青襲世箕裘博通經史歷三國鼎分晉室
肇造科目不公仕途艱進乃自歎曰僕幼蹇滯時運興廢雖有
濟世之才奈何時與命違所謀弗就功名之念頓息遂舍家修
道遊至河陽假舍驛亭吏曰不可宿驛中有妖僮或不信必有
禍害真人曰吾有神劍能斬邪怪不必多言遂投宿夜半風寒
凜凜瞑目視之庭隅妖氣中有婦人悲告曰真官乞賜救拔此

乃張氏古宅向爲寇劫掠殺妾張氏而埋此也若得收葬方遂
往生翌日掘之果得連環白骨遂葬之於高陵真人因此堅心
慕道廣求濟生度死之術尋訪名山於晉武帝太康五年甲辰
歲五月五日縱步姑射忽於古檜下見一老叟衣黃裘踞石而
坐進揖之曰先生何獨在此仰而長吁久而不答真人禮貌尤
至久之老叟謂真人曰久立我傍果何求哉觀子祿氣薄道氣
重異日名與年同事俱終矣真人聞此語如夢得覺乃再拜告
之弟子所求者道也叟曰道者杳杳冥冥无形无像何以求之
再拜告曰道固難言願得濟生度死之術以救世可乎叟曰道
者妙萬物而爲言常應常靜不可聲求亦不容索惟在留神恬
淡集性希夷元氣長存外物不擾然後行功布氣漱液煉神可
以超凡入聖真人曰今日得聞誨語心如死灰乞望先生明教
一術度人修己叟曰子可教矣遂以六天如意大法經籙謂之

曰依此行持濟生度死妙用難思子宜祕之叟就拂袖而去追之莫及復反顧謂真人曰修半紀相會真人自是往華山仙掌峰修煉至惠帝永熙二年十月十五日夜半夢太上老君命右侍玉童賜玉鑰匙十事而參合前老叟法書夢覺神開意解自此書符行功布氣治病驅邪无不應驗至永康元年三月秦地血雨降妖星書見疫毒流行民遭橫夭真人敬施符水點混元燈越三旬間方息至永康二年正月虎兕入城民心搖動莫能禁止時王戎知相位惠帝責之曰卿任輔弼之重何致此物搔我生靈今降勅召人勦治真人於戎甥舅也真人遂往揭榜謂戎曰某有術可禁此戎見其甥言遂奏帝召入內奏對乞與民除害奉勅令任便行持依混元法攝召虎兕自空飛至帝愕然真人呪水嚙之化爲蠅螬布氣吞之一城安靜帝喜褒詢之曰子乃吾朝真天師也與漢天師殊時同號異世同功賜以綠紈

朱服青絲綰碧玉環及以金帛贈之真人笑而不受奏曰助國救民忍以財賄汗身遂居華山以混元籙傳之丁義以混元經傳之郭璞以混元法傳之許旌陽以混元針灸傳之妙通朱仙大安元年八月十二日夜夢太上老君謂曰年與名同可以沖天佐紫微北極大帝職充司命真君更宜每月三九日下降人間察其功過應有災患急難應聲度之夢覺身輕倏忽飛舉昇天而去其混元之法今行於世焉

王真

王真者上黨人也年七十九乃學道行胎息之術斷穀三十餘年容少而色美行及走馬力兼數人魏武帝聞之召相見似三十許人意疑其詐遂驗問其鄉里皆異口同辭多自兒童時見之者真年已四百歲矣武帝乃信其道甚加欽禮焉

陳長

陳長在紵嶼山上已六百餘歲。紵嶼山中人爲架屋，每四時烹殺以祭之，長亦不飲食，顏色如六十歲人。諸奉事者，每有疾病，卽以器詣長，乞祭水飲之，皆愈。紵嶼山上累世相承事之，莫知其所來及服食本末。紵嶼在東海中，吳中周詳者誤到其上，留三年，乃得還。具說之如此。紵嶼其山地方圓千里，上有千餘家，有五穀成熟，莫知其年紀，風俗與吳同。

王暉

道士王暉者，魏時人。白羊公子之弟子也。居華嶽熊牢嶺洞，真觀常種黃精於溪側，則虎爲之耕，豹爲之耘，出入亦乘虎豹。具羈轡，行鞭策如人乘馬，無異餌黃精，蒼朮積有歲時。其後以道術傳王法沖，乃尸解而去。門人葬冠履於巖左，有黃雲覆其上。嘗著祕訣百餘言以教人，而人莫能曉。其辭曰：黃帝昇鼎湖，乘素入紫煙，明精陰不久，運往馳龍旋。枯悴林將凋，鮮鱗沉深淵。

遊仙騰霞觀，喜作歲月綿。晝占勿龜兆，夕唱良有緣。中嶽鎮和氣，般輪共成篇。若能思得之，賜與金一餅。

音駢

昌季

昌季不知何許人也。入山擔柴，崖崩墮山下，尚有微氣。其婦來見之，涕泣哀慟。仙人尹伊聞之，愴然謂婦曰：「吾是仙人，能治汝。天卽以藥賜之，并付其方。藥盡未差，可隨合作也。能長服之，令人成仙。」婦以藥治季，卽愈。季合藥服之，千日忽然飛昇。婦流涕追之，顧謂婦曰：「道與世殊。」卿善自愛，敬婦慨然。復合藥服之，三年便復飛去。至蓬萊山，見季。季曰：「知卿當來爾。」

張玄賓

張玄賓者，定襄人也。魏武帝時，曾舉茂才，歸鄉里，師事西河蘄公，受服朮行洞房白元之事。後遇樊子明於少室山，授以遁變隱景之道。昔在天柱山中，今在華陽爲理禁。伯理禁伯者，主諸

水雨官也

亦真語云理禁伯官

玄賓善談空云无者大有之宅小

有所以生焉積小有以養小无見大有以本大无有有亦无无

焉无无亦有有焉所以我目都不見物物亦不見无寄有以成

无寄无以得无於是无则无宅也太空亦宅无矣我未生時天

下皆无无也其所論端據如此桐柏諸仙亦不能折也自云昔

曾詣蓬萊宋晨生宋晨生者蓬萊左仙翁也與其論无粗得大

意

臣道一曰夫以无之一字論道是誠得道之妙矣道德經曰

无名天地之始有名萬物之母故常无欲以觀其妙常有欲

以觀其微此兩者同出而異名同謂之玄又曰天下萬物生

於有有生於无張玄賓必深得其旨而略寓於言也

王中倫

高唐縣鳴石山高百餘仞人以物扣巖石聲甚清越晉武帝太

康中逸士田宣隱於巖下葉風霜月常拊石自娛每見一人著白單衣徘徊巖上及曉方去宣後令人擊石乃於巖中潛伺果來因遽執袂詰之自言姓王字中倫衛人周宣王時入少室山學道此來頻適方山去來經此愛此石響故輒留聽宣乃懇乞長生訣遂留一石如雀卵遺之云可辟穀初別凌空百餘步猶見漸漸煙霧障之宣得石含輒百日不飢

蓬球

蓬球字伯堅北海人也晉武帝大始中入具丘西玉女山中伐木忽覺異香球迎風尋之此山廓然自開宮殿盤鬱樓臺博敞球入門窺之見五株玉樹復稍前有四仙女彈棋堂上見球俱驚起謂曰蓬君何故得來球曰尋香而至焉言訖復彈棋如初有一小者登樓彈琴戲曰元暉何爲獨升樓球於樹下立飢以舌舐葉上垂露俄有一女乘鶴而至曰玉華云汝等何故有此

俗人王母卽令王方平按行諸仙室可令速去球懼出門迴頭忽然不見及還家已是建中矣舊居廬舍皆爲墟墓因復周遊名山訪道不返

鮑靚

鮑靚字太玄陳留人也少有密鑒洞於幽玄深心冥肆人莫之知一云爲南海太守得祕法悟真理受真仙要訣於謚姆按洞天記云靚及妹並是先身七世祖李湛張慮者俱杜陵北鄉人同在渭橋爲客舍居積行陰德好道希生故福逮於靚等使易世變族改氏更生合爲天倫根胄雖異德蔭並同靚學明經術緯候師左元放受中部法及三皇五嶽劾召之要行之神驗能役使鬼神封山制魔晉元帝大興元年靚暫往江東於蔣山北道見一人年可十六七許好顏色俱行數里其人徐徐動足靚奔馬不及以漸而遠因問曰相觀行步必有道者其人曰吾仙

人陰長生也。太上使赤城君有心於道，故得見我爾。靚卽下馬，拜問寒溫。未及有所陳，陰君曰：「此地復十年，當交兵流血。後蘇峻之亂，果足十年。」又云：「君慕道久矣，吾當度爾仙法，考得仙者，尸解爲妙。」上尸解用刀，下尸解用竹木，皆以神丹染筆書太上太玄陰生符於刀刃左右，須臾便滅。所書者，面目死於牀上矣。其真身遁去，勿復還家。家人謂刀是，其人也。用竹木如刀之法，陰君乃傳靚此道。又與靚論晉室脩短之期，皆演一爲十，爲百以表元帝託云推步所知，不言見陰君所說。是陰君戒其然矣。羅浮圖志云：「稚川居羅浮時，靚爲南海太守，以道術見稱，嘗行部入海，遇風飢甚，取白石煮食之，與稚川善，常往來山中，或語論達旦乃去。人見其來，門无車馬，獨雙燕往還，或怪而問之，則雙履也。」埔城集仙錄云：「靚以女妻葛洪，靚後還丹陽，卒葬于石子岡。後遇蘇峻亂，發棺无尸，但有大刀而已。賊欲取刀，聞冢左。」

右有兵馬之聲顧之驚駭中間其刀輞然有聲若雷震之音衆

賊奔走賊平之後收刀別復葬之真誥云觀爲地下主者帶潛

侍郎晉書云鮑觀字太玄東海人年五歲語父母云本昆陽

李家兒九歲墮井死其父母尋訪得李氏推問皆符驗觀學兼

許邁

許邁字叔玄小名映丹陽句曲人也世爲胃族冠冕相承映總

角好道潛志幽契真誥云清虛懷道遐栖世外故再改名遠按

手書授六甲陰符云永昌元秋年絕迹於三歲則山永康元八年庚

申歲生也而譜云永和四年秋年絕迹於三歲則山永康元八年庚

四元辛酉爲少孫龍字彥達女即驥秀之孫曾從郭璞筮

卦遇大壯之大有上六爻發璞謂映曰君元吉自天宜學輕舉

之道初鮑觀授以中部之法及三皇內文一旦辭家往而不返

東入臨安懸霑山中散髮去累改名遠遊服朮黃精漸得其益

注心希微日夜無間數年之中密感玄虛太一真人定錄茅君

降授上法遂善於胎息內觀步斗隱逸每一感通將超越雲漢
 後移臨安赤城遇王世龍趙道玄傳太初映因師世龍受解束
 反行之道服玉液朝腦精三年之中面有童顏臨映得道三官
 都禁遣典柄侯周魴主非使者嚴白虎出丹簡罪簿各執一通
 詰映諸愆如其无答便當執也賴得龔幼節李開林相助映甚
 怖懼強長笑叱詫而答曰大道無親惟善是與天地無私隨德
 乃矜是以版泉流血無遺龍髯之舉三苗丹野涿鹿絳草豈妨
 大聖靈化高通上達邪吾七世祖許子阿者積仁蘊德陰加鳥
 獸遇凶荒疫癘之年百遺一口子阿散財拯救自營方藥已死
 之命懸於子阿手得濟者四百八人德墜我等應得仙者五人
 皆錄字青宮豈是爾輩可以豫乎真誥云長史七世祖肇字世子
祖名敬字鳴卿後安帝時爲光祿永初二年建元年拜司徒千文
與真誥不同未詳所以舛異安帝永初二年建元年拜司徒千文
人相食許敬年且四百歲猶居人必應如此非惟陰德流後胤敬自

相陽並功著三世公所以來年過永江身奕安世丕至丞台遂至子訓仙孫言畢會司命君遣
聽候李遵握鈴而至魴等笑而走即得度世東宮爲地仙中品
映第五弟穆亦同時得道人晉家書世列傳云許邁邁少字恬靜玄不丹慕陽仕句進容
門時父尚存未忍遺親謂餘杭懸雷山望近時節還茅山定省而庭西
母既終乃遣婦孫氏還家遂徧遊名山採藥四入藩廬之縣好道之山
徒欲相見者莫得也常服氣一之造之餘未嘗不移入臨忘歸相與
改名玄字遠遊與婦書告別義之氣造之餘未嘗不移入臨忘歸相與
爲人世芝草左元放之徒漢末諸得道者皆在焉玄自有後莫測所
仙好道者皆謂終之羽化

許穆

許穆字思玄一名謚祖尚父副穆少知名晉簡文在藩爲世表
之交起家爲太學博士累遷位散騎常侍護軍長史雖居蟬冕
心慕道德以第四兄遠遊嘉遯不返遂表辭榮太宗不奪其志
穆乃宅於茅山與楊羲徧該靈奧天降玉札授爲上清真人年

七十二解駕遺世真誥云穆之雅情素博學有奇才章少仕郡主

簿功曹史王導蔡謨臨川辟護軍史給事中散騎常侍外為餘

姚令入為尚書郎郡中正護軍史給事中散騎常侍外為餘

爵登而伯位真卿密司治仙佐遵治行助上聖挺民孝武得乃康元清去世人

斗年興七寧中亡妻同郡易陶遷威中女受學科梁高祖為於山別立祠真館長

史本宅天監十三年立為宗陽觀今之紫陽觀是也宅南一井

即長史所穿南一塘郭四朝築以壅柳谷曰公泉茅山記云小

茅山北有一山名雷平山山西北有上清真人許長史宅今為

觀觀前有真人靈壇

扈謙

扈謙魏郡人也性縱誕不恥惡衣食好飲酒不擇精麤常吟曰

風從牖中入酒在杯中搖手握四十九靈光在上照巍峨蕞著

下獨向真理笑又曰進不登龍門退不求名位無以消白日常

作巍峨醉精於易占常在建康後巷許新婦店前筮一卦一百

錢日限錢五百止次卦千錢不爲也謙母住尙方門外路西謙日送錢三百供養母餘錢二百謙以飲酒乞與貧寒晉海西公旦出見赤蛇蟠於御牀俄爾失蛇詔謙筮卦易林曰晉室有磐石之固陛下有出宮之象海西曰可消伏否謙曰後年應有大將北征失利以三萬人逆之於壽春北此災可消明年秋桓溫北討敗績咎豫州刺史袁真不爲後援誅真還鎮石頭廢海西立簡文溫妾產息玄至艱難謙筮曰公第西北六間馬廐壞竟便差是男兒聲氣雄烈當震動四海溫賜謙錢三十萬謙云謙用筮錢常患不盡且無容錢處請還公庫溫不聽許氏以空櫃借謙貯錢俄而夫人復送錢三十萬謙從得溫錢後日筮三卦以供養母以溫錢飲酒求能酣客不問識與不識羣聚極飲客隨謙者衆許氏常以賢人禮待謙不計求酒之多少謙後斷不復詣許氏訪覓經年忽於譙溝遇謙曰家中欲得櫃用先生幸

還家中取去先所寄錢謙笑曰三年所飲數千斗唯四十日纔足相補止餘一百半許有耳大夫不復足顧矣吾以爪刻壁記之寫筭便知也許氏試依其言筭之不差一文後謙母夜亡謙且還云因緣盡矣安葬而去不知所之數日許氏家人於落星路邊見謙臥地始謂其醉捉手牽引唯空衣無尸

臣道一曰扈謙以孝養母不干名利內修至道外混光塵每筮一卦百錢日限錢五百止多以奉母少以自贍次卦則須千錢不爲非廉而不斂者寧得至此道德經曰名與身孰親身與貨孰多得與亡孰病是故甚愛必大費多藏必厚亡知足不辱知止不殆可以長久扈謙誠熟究此道也

歷世真仙體道通鑑卷之二十一

十
廣倉學窘印行

歷世眞仙體道通鑑卷之二十二

浮雲山聖壽萬年宮道士趙道一編

杜曷

杜曷字叔恭吳國錢塘人也年十八歲與時輩戲北郭有父老召曷曰此童子有不凡之相惜吾已老不及見之曷早孤事後母至孝名聞鄉郡三辟命仕不就歎曰方當人鬼淆亂非正一之氣无以鎮之於是師餘杭陳文子受治爲正一弟子救治有效百姓咸附焉從夜中有神人降云我張鎮南也汝應傳吾道法故來相授諸祕要方典陽平治曷每入靜燒香能見百姓三五世禍福說之了然章書符水應手卽驗遠近道俗歸化如雲十年之內操米戶數萬晉太傅謝安時爲吳興太守見黃白光以問曷曷曰君先世有陰德於物慶流後嗣君當位極人臣尙

書令陸納世世臨終而並患浸淫癘納時年始出三十忽得奏章云令君大庾得過授納靈飛散方納服之云年可七十九司馬桓溫北伐問以捷不昺曰公明年三月專征當挫其鋒溫至枋頭石門不開水涸糧盡爲鮮卑所攝謂弟子桃葉云恨不從杜先生之言遂致此敗苻堅未至壽春車騎將軍謝玄領兵伐堅問以勝負昺曰我不可徃徃必无功彼不可來來必覆敗是將軍效命之秋也堅果敗散盧竦自稱先生常從弟子三百餘人昺以白桓溫竦乃協東治老木之精術惑百姓比當逼突宮闕然後乃死耳晉簡文帝咸安中竦夜半男女數百人直入宮稱海西復位一時官軍誅勦溫方歎服後桓沖欲引昺息該爲從事昺辭曰吾兒孫並短命不欲令進仕至玄孫方得吾福爾昺曰吾去世後當有假吾法以破大道者亦是驅除也與黃巾相似少時消滅素書此言函封付妻馮氏若有災異可開示

子姪勤修德自守安帝隆安中琅琊孫泰以妖惑陷咎及禍延者衆曷忽彌日聚集縱樂無厭使書吏崇桃生市凶具令家人作衣衾云吾至三月二十六日日中當行體尋小惡至期於寢不覺尸柔氣絕諸道民弟子爲立碑諡曰明師

朱庫

朱庫者不知何許人也久服石春辟穀符水不飢不渴強壯不老庫忽云應得仙尅日發與親舊別云當有迎者單衣白鞵須更有兩黃鶴下中庭庫便度世中庭仍有三黃鶴相隨飛向東郭外三黃衣道士攜手東行因鄉人附書與家人家人看尸惟有空殼

姜伯真

姜伯真者不知何許人也少好道在猛山採藥忽值仙人史伯真平立日中背後觀之其心不正仙人曰勤學之至而不知心

之不正爲失因教之服石腦石腦色班柔輭形如小石處所皆有久服身熱而不渴後遂得仙繁陽子服之亦得道

王霸

王霸梁時人在福州三山怡山飛昇今沖虛宮是也有皂角樹猶存霸嘗以金板鑿丹訣埋於山後有掘得之人亦得道其訣曰金是砂精牙是鉛脚但了宗枝用卽不錯一周旣濟開戶方得紅紫射人光澤奪目研如粉膩粒若胡麻日服其一不可妄加骨換金質容改童華如欲點制一粒之功乾汞十兩立成馬牙後蔡君謨留題云真人玉骨輕御氣昇瑤臺俯首視下方萬落腥塵埃香火久寂寞山川空徘徊舊樹絡青蔓虛墳生紫苔宴坐白晝永長吟清風來飛花亂棋子游蜂依酒杯嘉月多醉飲上客誠珍才神仙那可冀金鼎何時開

元藏幾

隋處士元藏幾爲海使判官遇風船壞破木載至洲島人曰此乃滄洲去國數萬里洲方千里花木常如三二月人多不死產分蒂瓜長二尺碧棗丹栗皆大如梨池中有四足魚金蓮花婦人採爲首飾曰不戴金蓮花不得在仙家藏幾忽思中國洲人製凌風舸送之激水如箭旬日達東萊問其國乃唐自大業至貞元二百年矣

王叡

進士王叡漁經獵史之士也孜孜矻矻窮古人之所未窮得先儒之所未得著炙轂子三十卷六經得失史冊差謬未有不針其膏而藥其育者所有二種之篇釋喻之說則古人高識洞鑒之士有所不逮焉嗜酒自娛不拘於俗酣暢之外必切磋義府研覈詞樞亦猶劉闌之話誚古人矣然其咀吸風露呼嚙嵐霞因而成疹積年苦冷而莫能愈游燕中道逢櫻杖棕笠者鶴貌

高古異諸其儕名曰希道笑謂之曰少年有三惑之累耶何苦瘠若斯叡語其故希道曰予有爐鼎之功何疾不除也叡委質以師之齋于漳水之濱三日而授其訣曰木精天魂金液地魄坎離運行寬猛無成金木有數秦晉合宜近效六旬遠期三載爾歌曰魄微入魂牝牡結陽响陰滋神鬼滅千歌萬讚皆未決古往今來拋日月受而製焉餌之周星疹且瘳矣乃隱晦自處佯狂混時年八十殁於彭山道中識者瘞之未幾又在成都市常寓止樂溫縣時摯獸結尾爲害尤甚叡醉宿草莽露身林野無所憚焉斯亦蟬蛻之流也

○李筌

李筌號達觀子居少室山好神仙之道常歷名山博採方術至嵩山虎口巖得黃帝陰符本經素書朱漆玉緘以玉匣題曰大魏太平真君二年七月七日上清道士寇謙之藏諸名山用傳

同好其本糜爛筌抄讀數千遍竟不曉其義理因入秦至驪山下逢一老姥鬢髻當頂餘髮半垂弊衣扶杖狀貌甚異路傍見遺火燒樹因自言曰火生於木禍發必剋筌驚而問之曰此黃帝陰符老姥何得而言之姥曰吾受此經已三元六周甲子矣少年從何而得之筌稽首再拜具告所得姥曰少年顴骨貫於生門命門齊於日角血腦未減心影不徧德賢而好法神勇而樂智真吾弟子也然四十五當有大戾因出丹書符一道貫於杖端令筌跪而受之姥於是坐於石上與筌說陰符之義曰陰符凡三百言一百言演道一百言演法一百言演術上有神仙抱一之道中有富國安民之法下有強兵戰勝之術皆內出心機外合人事觀其精微黃庭八景不足以爲玄察其至要經傳子史不足以爲文任其巧智孫吳韓白不足以爲奇非有道之士不可使聞之故至人用之得其道賢人用之得其法正人用

人得其術識分不同也如傳同好必清齋而授之有本者爲師無本者爲弟子也不得以富貴爲重貧賤爲輕違者奪紀二十本命日誦七遍益心機加年壽每年七月七日寫一本藏於名山石巖中得加筭久之姥曰日已晡矣吾有麥飯相與爲食袖中出一瓢令筌谷中取水既滿矣瓢忽重百餘斤力不能制而沉於泉及還已失姥所在但留麥飯數升而已筌食之自此絕粒唐玄宗開元中爲江陵節度副使御史中丞筌有將略作太白陰經十卷又著中台志十卷時爲李林甫所排位不顯竟入名山訪道後不知所之也

王可交

王可交蘇州崑山人也本農畝之夫素不知道年數歲眼有五色光起夜則愈甚寘室之中可以鑒物或人謂其所親曰此疾也光盡則喪其目矣父母愚召庸醫以灸之光乃絕唐懿宗咸

通十年十一月可交自市還家於河邊見大舫一艘絡其金綵飾以珠翠張樂而遊可交立而觀之舫艤於岸中有一青童引之登舫見十餘人峨冠羽服衣文班駁雲霞山水之狀各執樂器一人唱言曰三三叔欲與汝相見亦不知何許人也傍一人言曰好仙骨爲火所損未可與酒但不食十年方可得道爾以栗子一枚與之令食可交食一半留一半在手中遂奏樂飲酒童子復引之上岸忽如夢中足纔及地已墜於大台山瀑布之巖下頃刻之中水陸千里台州刺史袁從疑其詐妄移牒驗其鄉里自失可交之日泊到天台之時已三十日矣可交自此不食顏狀鮮瑩袁以羽褐授之使居紫極宮越州廉察御史大夫王諷奏曰姑以神遊天上之簫韶一曲俄如夢覺人間之甲子三旬雖云十載爲期終恐一朝飛去詔曰神仙之迹具載縑緇靈異可稱忽詳聽鑒既升凡骨況在名山今古不殊蓬瀛何遠

委本道切加安期先生棲隱於是任其遊息數年猶在江表間

陳簡

陳簡婺州金華縣小吏也早入縣未啓關躊躇以候忽逢一道流其行甚急簡不覺隨之行三五里忽及一宮觀殿宇森聳傍有大山道流引之至一室內有几案筆墨之屬以黃素書一卷紙十餘幅授之曰以汝有書性爲我書之發標視之皆古篆文素不識篆字亦未嘗攻學心甚難之道流已去無可推遜試按本書之甚易半日已畢道流以一杯湯與之曰此金華神液不可妄得飲之者壽不可限味甚甘美因勞謝而遣之曰世難卽復來此金華洞天也出門恍如夢覺已三日矣還家習篆書適勁異常而不復飲食太守解梓方將受籙頗異其事以爲神仙嘉應判縣狀曰方得祕籙有此嘉祥旣彰悟道之階允協登真之兆簡尋復入金華山去後不知其所終

盧鈞

相國盧鈞進士射策爲尙書郎以疾求出爲均州刺史到郡疾稍加羸瘠而不耐見人常於郡後山齋養性獨處左右接待亦皆遠去非公召莫敢前也忽有一人衣飾故弊踰垣而入公詰之云姓王問其所自云山中來公笑而謂之曰卽王山人也公曰此來何以相教曰公之高貴位極人臣而壽不永災運方染由是爲沉綿之疾故來相救爾山齋無水公欲呼人取湯茶之屬王止之以腰巾蘸於井中解丹一粒裂腰巾之水以丹與之因約曰此後五日疾當康愈倍常復三年當有大扈勸立陰功救人憫物爲意此時當再來相會在夏之初也自是盧公疾愈旬日平復明年解印還京署鹽鐵判官夏四月於務本東門道左忽見山人尋至盧宅會而言曰君今年第二限終爲災極重以君在郡去年雪冤獄活三人之命災已息矣只此月內三五

日小不康已困無憂也翌日山人令使二僕持錢十千於狗脊坡分施貧病而已而後復去云二十三年五月五日午時可令一道士於萬山頂候此時君節制漢上當有丹華相授勿愆期也自是盧公歷任清顯便蕃貴盛而後出鎮漢南之明年已二十三年矣及期命道士牛知微五月五日午時登萬山之頂山人在焉以金丹二粒使知微吞之謂曰子有道氣而無陰功未契仙品更宜勤修也以金丹十粒授與盧公曰當享上壽無怠修煉世限既畢佇還蓬宮矣與知微揖別忽不復見其後知微年八十餘狀貌常如三十許盧公年方九十耳目聰明氣力不衰既終之後異香盈室

王子芝

王子芝字仙苗自云河南緱山人常遊京洛間耆老云五十年來見之狀貌常如四十許莫知其甲子也好養氣而嗜酒故蒲

帥瑯琊公重盈作鎮之初年子芝廨宇紫極宮公令待之甚厚
又聞其嗜酒日以二榼餉之子芝因出遇一樵者荷檐於宮門
貌非常也意甚異焉因市其薪厚償厥價樵者得金亦不讓而
去子芝令人躡其後以闕之樵者徑趨酒肆盡飲酒以歸他日
復來謂子芝曰是酒佳則佳矣然殊不及解縣石氏之醞也予
適自彼來恨向者無侶不果盡於斟酌子芝因降階執手與之
擁爐祈於樵者曰石氏芳醪可致不樵者許之因丹筆書符一
置於火上煙未絕有小豎立侍樵者命之曰爾領尊師之僕挈
此二榼徑往石家取酒吾待以尊師一醉時既昏夜門已扃禁
小豎謂子芝僕曰可閉目因搭其頭人與酒壺皆出自門隙已
及解縣買酒而還因與子芝共傾焉其甘醇郁洌非世所儔中
宵樵者謂子芝曰子已醉矣予召一客坐子旁可乎子芝曰可
樵者復書朱符致火上瞬息聞異香滿室有一人貌堂堂美鬚

眉紫袍秉簡揖坐於是共飲良久樵者燒一鐵筍以煖紫衣者曰子可去時東方明矣遂各起別樵者因謂子芝曰識向來人不少頃可造河濱廟睹之子芝送樵者訖因過廟所睹夜來共飲者乃神耳鐵筍之驗宛然其後子芝再過樵仙別傳修煉之訣遂爲地仙

王廓

布衣王廓唐懿宗咸通中自荊渚隨船將過洞庭風甚泊舟君山下與數人沿岸尋山徑登山而行忽聞酒香問諸同行皆曰無良久香愈甚路側崖間見有洞穴廓心疑焉遂入穴中行十許步平石上有窪穴中有酒掬而飲之味極醇美飲可半斗餘陶然如醉坐歇窪穴之側稍醒乃歸舟中話於同侶衆人爭往求之無復所見自此充悅無疾漸厭五穀乃入名山學道去後看仙書云君山有天酒飲之昇仙廓之所遇者乃此酒也

歷世眞仙體道通鑑卷之二十二

歷世眞仙體道通鑑卷之二十三

浮雲山聖壽萬年宮道士趙道一編

葛仙公

仙公姓葛名玄字孝先家本瑯琊世傳簪組高祖盧爲漢驃騎大將軍封下邳侯後讓國與弟文托遂南遊江左逍遙丘壑適丹陽句容見其山水秀麗風俗淳厚深合雅意偶會仲弟孫來爲別駕一日參侍而言曰吾從祖旣爲泰伯而劣孫可爲仲雍之後乎因是同居焉仙公祖矩仕漢爲黃門侍郎父孝儒歷大鴻臚登尙書其先裔出葛天氏食封于葛遂以國爲姓世載忠德歷代諸侯也仙公本大羅真人下降以後漢桓帝延熹七年甲辰歲四月八日誕世仙公父素奉道法卽遣使齎香華錢詣本里玄靜觀求香水浴兒時有自然道士支道紀莫知其所由

來聞尙書得男乃欣然與來使曰吾昨宵夢見通玄真人從大羅天下降與吾言昔別已經劫子將忘我耶予作禮稱弟子願得無上正真道眼汝歸悉告尙書明日當往賀君生奇男使者歸以實聞越一日道紀果來賀尙書告曰始有此子圖爲宗嗣計式副願望道紀求兒看母有難色父令抱兒出道紀見兒不覺起敬尙書驚問道紀曰吉之先見敢以爲賀此兒有紫氣覆之狀如寶蓋神光流轉煥耀當爲神仙非世間常見比尙書曰仙聖寥邈變化茫昧深不可測願得壽考以爲宗嗣足矣道紀曰聰明智慧暫經人世九天稱慶七祖同歡生者被福死者登天道紀遂念真人宿世之功因作禮十方仙聖永保元吉禮竟爲仙公作讚其辭曰身雖輪聖化魂神無暫滅宿福積重緣昔願非今日大羅真人降仙聖含真出天龍漱香花濯我煉胎質微言將誰信靈期玄佑畢道心超不二混成表元一獨悟本無

想放朗大乘逸頌畢道紀長揖而出倏然不見仙公年八歲失
怙恃已能好學自立生而穎秀英姿振發天才超質性識明茂
至十三通古今凡經傳子史靡不該覽有父手澤履跡必仰天
號泣飛鳥爲之悽鳴悵然曰山川不改色嚴父已歸空天下有
長生不死之道何不修之因遁迹靈嶽遐求異人常好彈琴誦
莊老安閑澹泊內足無求年十五六名振江左時賢欲辟爲掾
仙公曰蔬食被褐枕石漱流吾所樂也豈能以此而易彼哉乃
衣道家服入天台赤城上虞山精思念道所願有得遂遇真人
左元放授以九丹金液仙經煉炁保形之術治病劾鬼祕法三
元真一妙經行持三年廣積功效靈帝光和二年正月朔感太
上老君勅太極真人徐來勒等同降于天台山老君乘八景玉
輿從官千萬正一真人侍焉老君自號太上玄一真人真定光
爲洞經高玄法師命侍經仙郎王思真披九光玉韞出洞玄大

洞靈寶經凡三十六部以授仙人葛玄及上清齋法二等并三籙七品齋法三籙者曰金籙齋謂保鎮國祚曰玉籙齋保佑后妃公侯貴族曰黃籙齋拔度九玄七祖永辭長夜之苦七品者曰明真齋超度幽爽解諸冤對也曰自然齋普爲衆生請福謝罪學仙修行之法也曰三元齋自謝犯戒之罪解考於三官也曰八節齋謝玄祖及己身之罪滅黑簿之法也曰洞神齋以精簡爲上求仙保國之法也曰持教齋以清素爲貴救疾禳災之法也曰塗炭齋以苦節爲功悔過請福之法也并勸戒法輪經四十五卷無量通玄轉神入定等經以授仙公俾行教於世曰子應常思虛无真人高上大法王大千世界號曰老子是玄中大法師焉又示以天府所定世人罪福篇目曰感應篇又曰功滿三千白日昇天修善有餘坐降雲車弘道不已自致不死仙公稽首禮謝今天台山桐柏觀有法輪院三真降經之處及仙

公役鬼所築受誥壇存焉仙公年十八九歲仙道漸成乃遨遊山海倏忽去來遂東入括蒼省侍其叔叔諱彌字孝公時授業橫經四方英才肩摩袂接立講堂於其居仙公歸拜之彌勞問翱翔之意曰予嘗念子幽窈與人事疎闊仰盼青雲俯臨滄海險阻艱難備嘗之矣古人所憚子能爲之今天下文明三國求士子才博術奇必是出也仙公告曰玄稟性愚鈍不通世用負辜先緒謝干祿之客辭負鼎之士嘗絕志巖穴棲心煙霞流浪山水以此爲樂庶期與涓子爲交赤松結友惟叔父遠弘道藝講論五經洙泗之風翕然復振詩雅之道盛於今日三國隆平必尙無爲之化如玄曠遠固謝時榮願叔父策名委質亮天熙載垂裕後昆彌答曰子絕類離倫超凡入聖吾所不及當勤衛生之經思慎終之語然後鼎湖之舉何足爲難仙公辭謝而去復周旋於括蒼南嶽羅浮諸山以下修煉金丹之地遂迤邐經

由玉筭詣閤阜乃登東巘高峯之上而望焉曰形閤色阜土良水清此真仙之住宅吾金丹之地得之矣然丹成之後必須廣積陰功超度羣品庶幾三天書名九霄列職無愧於心矣乃慨念漢家傾覆三國戰爭旱潦凶荒兵傷殍死不可紀極窮魂滯魄沉淪惡趣難出輪迴於是刪集靈寶經誥撰成祭煉大法生天寶籙靈符祕訣等奏聞天帝建立法壇每於三元八節吉日良宵普召十方諸大地獄窮魂滯魄來詣壇前俱受祭煉祇承符籙各遂超生行持之後屢有感格時當甲午歲下元令節之夕正值祭煉之時有一鬼王形長五丈身衣緋袍稽首再拜前進而言曰某爲下鬼統管窮魂動經累劫沉淪惡道無有出期每蒙真仙普設法筵祭拔魂爽給賜符籙濟度幽冥數百萬衆俱獲超生我等悉沾善利同聽法音感德難言徑來朝謝且聞玄天北帝勅示諸獄鬼魂云葛真人祭煉年深功積玉書名標

金簡五年之後宜三天降詔錫命同頒上列天曹矣言訖辭謝而退於是仙公以祭煉經法寶籙符文訣目等付閭阜宗壇及沖虛壇流傳後學廣度沉淪仙公再念羣生得遂人身生於樂國忍情縱慾不修正道罪愆既積業報難酬惟靈寶三乘祕典可以開導衆生懺悔罪尤拔濟苦爽俾悟正真遂總括上清靈寶諸部真經撮其樞要集爲慈悲道場九幽大懺法一部十卷流傳天下善信男女或有宅舍生災眷親亡歿廣建道場嚴陳真像禮誦九幽大懺當得見存獲慶過去超生宿業新愆盡皆消滅寒庭罷對苦爽沾恩此懺法流傳四海惠利無邊仙公佩受上清靈寶諸部真經精心研誦復於洞神太清部內增廣道德注釋撰成經序冠於篇首仍品題清淨經云吾得真道曾誦此經萬遍吾昔受之於東華帝君東華帝君受之於金闕帝君闕金帝君受之於西王母皆口口相傳不記文字吾今於世書

而錄之則此經流傳實自仙公始昔仙公遇真師授以分形萬化之術靈感應變之法能坐薪縱火而衣冠不焦酣飲臥泉而身體不濕途次遇親朋輒邀止折草刺樹汁以杯盛之流通如泉杯滿卽止勸客飲皆旨酒也取瓦礫草木之實勸客曰此乃穀核食之皆脯棗也嘗有客從仙公泛舟見箱中有十數符客曰此符之驗可得見不仙翁卽取一符投水中逐水而下仙公曰何如客曰常人投之亦爾仙公復取一符投水中逆水而上仙公曰何如客曰異矣仙公復取一符投之符卽不上不下須臾上符下下符上會於中流三符聚而止良久而收之又於水濱見鬻大魚者謂魚主曰欲假此魚到河伯魚主曰此已死矣曰亦可以丹書紙內口中投於水則躍然而去嘗有客來謁旣坐有繼至者復見仙公迎與俱入而座上仙公自與客談笑不動時苦寒謂客曰居貧不能設爐以致暖試作火以待諸君於

是口中吐氣火赫然而出須臾屋中火滿又盛暑中臥次使人傳粉腹上謂客曰苦熱不能作他戲乃以腹徐徐上摩屋梁而粉著梁上又與客對食因言神變之事客曰食畢當作一奇戲食未已仙公曰諸君得無欲速見乎卽吐口中飯盡成飛蜂滿室或集客身莫不震悚但不螫人良久張口蜂却飛入爲飯復食之復指牀使行指蝦蟆及諸蟲使飛燕雀龜之屬使舞應節如人也復以冬爲客設生瓜棗夏致冰雪又以數十錢使人散投井中仙公以一器於井上呼錢出於是錢一一飛從井出皆向所投也又爲客設酒無人傳之杯自至前如或不盡杯不去也又仙公嘗行遇一神廟凡過者離百步下車否則有警廟傍有大樹數十株上有數禽人畏莫犯仙公乘車直趨俄然大風驟起塵埃障天從者驚怖仙公怒曰小邪敢爾舉手指風風卽止以一符令人投廟中禽鳥皆墜死廟屋自焚仙公過武康見

一人家病作命巫祀妖邪其邪附巫者令仙公飲仙公不飲而精邪出語不遜仙公厲聲叱曰姦鬼敢爾敕社伯拽精人頭付柱鞭背但聞鞭聲出血流地精人怖謝曰忤犯真人願乞赦原仙公曰汝是何等邪精速自首告曰是後山鬼仙公曰赦汝罪要病者愈限三日爲期否則痛治無赦仙公嘗過華陰見一士人溺於蛇精之家仙翁化作一田夫驅黃犢而耕因說士人曰汝陷身於非地此婦人乃蛇精也前後啖食生人不計其數引士人看古井中皆是白骨盈積遂教士人密窺之卽望東而走吾當救護士人如其言窺之果蛇精也張牙弩目在網帳中附一小蛇兒在身傍仙公誅而斬之卽有無數小蛇來救援仙公盡數誅戮畢以一符與士人服卽吐出蚯蚓蝦蟆之類遂得全生昔仙公感太上老君授以霹靂火府雷法策役雷神誅伐不道吳赤烏二年正月一日仙公登勞盛山精思念道是時日中

感太上授以千真科戒乃與衆真演說勸戒未悟流傳於世仙公又嘗在荊門軍紫蓋山修煉值天寒大凍仙公跣足衣衫藍縷時有屈家二女窺見憐其忍冷夤夜促成雙履次日欲獻之往煉丹之所仙公已去但存爐灰尙溫二女撥灰而得丹一粒姊妹分而服之自後神氣沖沖不飢不渴惟慕清靜後隱去時人謂得仙矣見司馬子微仙公與天師相爲表裏遺蹤逸跡亦多在蜀中歷世寥邈時人無能知者難以備舉仙公嘗在盱江麻姑山小有洞天修煉鑿五井以應五行上應五星至今其泉消息盈虛以一至五周而復始若有度數姑其井在麻姑案山前是時吳主以賓禮待遇仙公一日與仙公坐危樓遙望道間人奉土神禱雨吳主曰百姓思雨寧可得乎仙公曰可卽書符令人焚社中頃刻天地晦冥風雷驟起澍雨立至大蘇苗稼仙公嘗從吳主船行至三江口阻風船多漂沒仙公船亦不知所在吳主嘆曰

葛仙公有道何不能免此遣使求之踰宿忽見仙公水上步來既至尚有酒態乃謝曰昨伍子胥強邀留飲淹屈陛下于此上忻然曰先生常爲神靈所延道德所至爾一日遊會稽間逍遙自適有會稽賈人自海中還過一神廟忽睹廟吏延賈人曰欲寄一箋與會稽山葛仙公卽以書函擲賈人船中函蓋如釘拔之不動及還會稽白仙公仙公接書函卽自發乃東華小童君書題曰太極左宮仙公閣下字皆科斗古文人因見其書乃知仙公名在天闕久矣吳主一日請仙公陞殿焚香清齋弟子張泰孔龍鄭思遠等侍側焉吳主曰朕以暗昧未達玄旨好聞神仙之說願師指教祕典齋直及修真之捷徑道經之品何者爲先符圖祕要何者爲妙開發未悟以副願望仙公避席曰旣蒙聖主特賜垂問敢有所隱但非國君所篤好若萬機之餘能靜心守一其則不遠矣夫神仙之道微妙各載丹經學道修仙先

修戒行方見漸階道行既立乃可服食靈藥導引元氣嚥納太和呼吸陰陽固煉內丹可以爲地仙入火不灼入水不濡過度災厄却禍來祥然須齋直得成此經出太上靈寶洞玄大道無極自然真一五稱文中古三皇內書論其神仙事衆妙悉歸於靈寶大法昔張天師得仙親遇太上授以正一盟威修真祕訣及靈寶五稱文出齋事爲首如靈寶大法其文簡要義趣弘深難可槩舉夫地仙先登靈山爲山神主大期六百年或三百年者後皆補天仙惟於九轉金液還丹金液玉醴皆得乘雲駕龍白日昇天如大洞真經誦之便可昇舉坐見十方不須服御丹液夙有仙骨得見斯文盜竊靈文者如有翅不能飛須要從師授受口訣告盟天地真仙乃可傳也三皇內文五嶽十地神洲七變七寶靈圖內篇皆上仙之所寶夫學道者從微至著自邇陟遐不可越略靈寶符圖至尊至重可度大陽九百六之災真

人超邁三界者皆由此道矣吳主曰宿緣流慶得爲人君仰遇仙姿旣聞好音雖沈湎浮華然持敬在心輒書之於金簡封之於玉函不敢輕示非人當終身欽奉仙公曰陛下能爾善哉于時有釋道微遠聞仙公得道故來求師焉作禮請問曰我聞道無先後無古今不審其道同異仙公曰本無高下貴賤形名之殊是以字之曰道老子生於天地之先應化於商宗之世廣宣道教化誘華戎應物自然永無生滅也仙公曰左爲陽陽主生右爲陰陰主滅至陰無生至陽無滅自然之理也但大道深祕不傳流俗非天下至人莫得而聞之道微再拜稱嘆曰善哉願聞其道仙公曰夫人功德未備不求仙子等宿命功滿德備我先世已爲子等師夤緣會遇汝將度世矣乃於天台山立壇授道微五嶽真形圖告曰此太上傳命之信執之遊八方名山三界奉迎又以太上金丹經靈寶自然五稱寶曜文三皇內文

大有妙經金書玉光靈書紫文大洞三十九章太霄隱書明鏡圖籙等并太極龍騰芝草一莖告盟仙官各令佩身命弟子鄭思遠具宣口訣又告思遠等曰吾昔從左元放先生於赤城山受五嶽圖及金丹經今付於汝其於諸品符籙洞真洞玄洞神真經等是太極真人徐來勒於會稽授我我已流傳於大江之西閭阜福地此乃上方禁文自有飛仙守衛今付汝等宗奉大法然九天禁重勿示非人若有至心之士依四極明科年劫傳授思遠等再拜承戒命又與道微仙藥一粒令辟穀除五味食嗜之類可以遠遊名山絕人世事道微受服及流明七曜紫丸之丹卽覺體輕心神怡然無所思欲及百日齋竟仙公又告道微曰子當還嵩山齋三年後徃王屋山清齋精思大法道微既受指要寶經靈藥不飢不渴願少留侍左右仙公曰子心存我我卽可見不必依戀今子凡軀始學未得洞視子當登嵩高到

彼見諸真當復教子矣。後五年又當付子祕訣成子之道。方得洞見無形。覩十方如指掌。若明鏡中物。爾子等當處閭風臺三百年。應昇天也。夫仙道有卽世白日昇天者。亦有十年數十年數百年者。三千歲五千歲一萬歲。乃得昇天者。其未得昇舉之時。權舍諸五嶽名山。洞天福地。及八海中。復有十洲三島。皆七寶宮殿。瓊樓玉房。自然金銀珠玉。神仙之藥。珍奇異寶。百千萬種。不可名狀。自然音樂聲發。太虛鸞鳳麒麟交羅。戲舞玉樹瓊林之中。清風雅韻。皆如九韶之音。凡仙人未得昇度者。居此山內外宮殿。宴樂從容。子輩同遊。豈不幸耶。但廣積善功。當遊五嶽。謁諸真公。吾今不得停此。諸山與衆真游。息子齋七日可服前芝。不須飲食。和氣怡然。未有毫期。況進修大經乎。又於天台名山告鄭思遠曰。我所授上清三洞靈寶中盟諸品經籙。吾昇舉之日。一通付閭阜名山。一通付吾家門弟子。世世錄傳至人。

不可輕授非人勿示若得其人宜傳勿祕又諭門人曰吾按行五嶽稅駕蓬萊時暫還京都謁謝吳主因會從弟吏部郎奚言曰今吾門弟子有通才博學馳譽朝廷克昌門祚恐未有學仙者但篤修文義盛德安身樂天下憂亦不失爲君子官爵亦何以加焉若真道未絕吾昇舉之後當生睿哲雅素通玄之子遜世高尙曠志清虛振起仙裔矣後卽有稚川出焉晉書列傳葛洪究竟典籍尤好神仙之道修養之法歷仕晉朝身居仕版留意仙道乃求爲句漏令欲就丹砂之便修煉大丹冀得成就却就仙公弟子鄭思遠傳受上清三洞靈寶中盟諸階祕籙九丹指要後攜妻子登羅浮山立壇昭謝天地服餌大丹舉室昇仙果符仙公先知之徵矣一日仙公辭吳主曰山林微賤久藉恩庇今者暫違丹陛未有再見之期願陛下息兵字民推誠及物永安宗社長享太平吳主曰卿性識高尙道行尊貴名隸丹臺

豈容久淹塵世矣於是太子登聞仙公得道乃築別室招延日親訪問仙公曰至道之精杳杳冥冥至道之極昏昏默默無視無聽抱神以靜形將自正必靜必清毋勞汝形毋搖汝精乃可長生此廣成子答軒轅黃帝所請也今殿下位居儲宮將嗣大寶要在清心寡慾遠佞尊賢拔擇英豪光宅天下燮調四序撫育羣黎此乃四海無疆之休豈特一身之福也太子曰覩卿所陳允合時論然予意亦欲修身以及國且丹經非造次可聞至道精微非萬機之餘能悉研究又問仙公莊周云六合之外聖人存而不論六合之內聖人論而不議何也仙公曰六合之內囿於形象陰陽之數猶可致詰六合之外人所希見渺茫之中太虛之表聖人罔述故存而不論也太子稱善至嘉禾二年正月朔日仙公辭太子而去出京謂弟子曰比爲主上淹留而光陰迅速老之將至功用雖積金丹未煉不可徒費歲月徑往閤

阜福地於東峰之側建庵曰臥雲築壇立竈居其中謝絕人事
修煉九轉金丹時有瑞氣祥光映照山谷越三載大丹成熟遂
於洞口金沙池中浴丹其泉忽然湧漲金沙騰沸仙公曰是丹
火力尙炎未可使服遂藏之東崖石室中以待醮謝天地然後
服之迄今丹池之內金沙自沸靈迹可驗仙公凡經二十二處
修煉未見功效如近境有赤城長生招仙杯山麻嶺西山沖虛
皆有仙壇煉丹靈迹惟於閤阜方得成就遂作流珠歌云流珠
流珠役我形軀奔馳四海歷覽羣書披尋不悟情思若愚焚徧
金石燒竭汞珠貲財蕩盡拊膝長吁吾年六十功效躊躇賴師
指授元氣虛元窈冥中起恍惚中居真陰真陽一吸一呼先存
金鼎次認玉爐離火激海坎水升虛玉液灌溉洞房流酥天機
真露萬類難如真人度人要大丈夫天長地久同看仙都念茲
在茲語吾記吾仙公煉丹之時常於西峯石壁上石白之中搗

藥因遺墜一粟許有飛禽遇而食之遂得不死至今夜靜月白
風清之時其禽乃作丁當杵臼之聲名之曰搗藥鳥有琴高仙
聞仙公得道自東海跨雙鯉而來訪仙公於臥雲庵翁與之酣
飲既醉而高臥白雲間酒醒則雙鯉化爲石矣仙公遂以雙鶴
贈之乘跨而往其石至今存後山之間仙公於赤烏元年太歲
戊午十一月初一日蒙太上節次三頒錫命遣天吏告下福庭
第一錫命曰太上玉書勅無上學仙弟子葛玄先世苦行累劫
立功損身布施濟度危亡積感太上遂令名注玄都上仙定籍
是故英明智慧誕降德門所以才質玉秀馨蘭清發天姿逸穎
卓然挺拔道模淵偉獨步羣萃高辭世榮抱樸尙質注意仙經
含光守一徜徉林麓不戀朝市慈心度人拳拳不輟道德既充
宜有錫命今賜予天寶羽服丹霞綉帔飛羅之裙矣芙蓉寶冠
金真神虎仗命魔幢役海召山所爲任意第二錫命曰勅無上

學仙弟子葛玄索隱繙經長齋靜念存思專精苦而不倦再賜
子八景玉輿駕龍乘雲項生圓光金章玉文以酬宿德紀綱道
門後賢仰止秉持法輪太上尊教三天所銓矣第三錫命曰勅
無上學仙弟子葛玄體德弘道開化未悟普濟羣品俱超方覺
功成名揚高真信服三界羣靈尊奉穆穆恩盈十方威濟所欲
也宜錫子位爲太上玉京太極左宮仙公總統三界六天大魔
王之官主行三洞經籙給真仙玉童玉女各五百人侍直左執
九耀之華旛右捧洞玄之真經龍旂虎節遊行上清九宮一年
三朝太上玄都玉京金闕太上錫命天帝承書一如三天故典
奉行赤鳥元年太歲戊午十一月一日甲子日中天帝諱遠奉
勅命告行於霍童山又曰霍山仙公金丹已熟又蒙玉帝三頒錫命
不得久住人世當立壇醮謝天地山川百靈方可服餌乃於福
庭之中築壇一所名曰八景乃擇吉日登壇告謝天地大醮三

日跪服金丹于時天花飄地神光燭天仙公再謂門人弟子曰金丹既服當有勅命自天而降吾輕舉有日矣乃將三洞四輔經籙祕藏於靈壇之上後當有吾門弟子精心宗奉於此流傳祕典靈文福被四海矣於吳赤烏七年八月十五日日中忽聞仙樂嘹唳旌幢翳天麟駕羽車浮空沓至仙童玉女靈官翊衛先後下降壇所時有飛天神王捧持玉詔仙公端簡長跪面天門聽宣詔曰勅無上學仙弟子靈寶經籙大法宗師葛玄久專至道善養胎精演真經祭煉於沉魂集仙典開明於後學可謂陰功濟世密行齊真名隸玉都身歸天界可特賜子位爲太上玉京太極左宮仙公總統三界六天大魔王之職主行三洞四輔經籙事可於甲子歲八月十五日午時飛昇徑赴闕庭仍賜玉函金丹仙衣等太上詔命天帝承書依法啓迎一如三天舊典勅天帝諱遠奉旨告行於閤阜福庭仙公望天門再拜受詔

訖遂與弟子鄉朋分別於東峯之側登著衣臺身披離羅之服
頭戴芙蓉之冠項負圓光手執玉簡絳裙朱履玉珮鳴珂坐八
景琅輿霓旌絳節前後導從仙童玉女左右衛迎祥雲白鶴盤
繞空碧冉冉而昇弟子鄉朋攀戀不已於是仙公暫停仙駕賦
五言歌詩三篇降付鄉朋普令歌誦開悟方來昇天之年八十
有一三篇之詩次列于後其一曰真人昔遺教愍念孤癡子嬖
邪不信道禍亂由斯起身隨朝露晞悔恨何有已罪大不可揜
流毒將誰理冥冥未出期劫盡方當止轉輪貧賤家仍復爲役
使四體或不完蹙蹙行乞市不知積罪報怨天神不恃大道常
無爲弘之由善始吾今獲輕舉修行立功爾三界盡稽首從容
紫宮裏停駕虛無中人生若流水臨別屬素翰粗標靈妙紀其
二曰我今便昇天愍念諸儒英大道體虛無寂寂中有精視之
若冥昧窈窈中昭明莫言道虛誕所患不至誠奚不登名山誦

是洞真經一諷而一詠玄音徹太清太上輝金容衆仙齊應聲
十方散香花燔煙栴檀馨皇娥奏九韶鸞鳳諧和鳴龍駕翳空
迎華蓋耀杳冥條閒劫仞臺帝釋倏降庭八王奉丹液挹漱身
騰輕逍遙有無間流朗絕形名神童俠侍側自然朝萬靈飄飄
八景輿遊宴白玉京七祖昇福堂先亡悉超生王侯能篤信必
爲天下貞大人體至德一切蒙其成其三曰散誕遊山水吐納
和靈津竦氣同希夷靜詠道德篇至心宗玄一冥感今乃宣飛
駕御九龍飄飄乘紫煙華景耀空衢紅雲擁帝前暫迂蓬萊宮
倏忽已賓天偉偉衆真會渺渺凌重玄體固無終劫金顏隨日
鮮懽樂忘上境悲念一切人誰能離死壞結是冥中緣悠悠成
至道無有人無間微妙良難測智者謂我賢若能弘衆妙輕舉
昇神仙歌畢雲輿冉冉昇天而去仙公所著老子道德經序及
斷穀服食方三卷入山精思經十九卷泊神仙歌詩令遺世間

吳書云先帝好道術有事仙者葛玄嘗與遊處帝重之特爲於方山立洞玄觀後仙公於閤阜白日昇天至今方山猶有煑藥鎬及丹白在焉按輿地志於赤烏二年建立方山觀也宋徽宗崇甯三年二月二十八日奉勅臨江軍清江縣閤阜山葛仙公壇山川勝境仙聖所居其盛德茂功顯聞于世者朕必秩而祀之惟真人寄言立稱咸造宗極出入無畛與道翱翔壇于琳宮積有年所祈禳休息美利在民賜嘉褒榮特建崇號尙祈歆懌永福此邦可特封冲應真人理宗淳祐六年三月十七日奉勅臨江軍清江縣管下閤阜山葛仙公冲應真人莊周氏云神人使物不疵癘而年穀熟仙之謂歟爾修于名山以成妙道世傳飛昇尙矣在崇甯間固已錫封廼者部使者從邦毗之請復以祈禱應響歲事屢豐之狀來上朕於方士說無所嗜嘉其有功於民爰命禮官用衍稱謂若夫乘雲御風游乎八極之表何有

於名然姑以見朕褒表之忱也可特封冲應孚佑真君

歷世真仙體道通鑑卷之二十三

歷世眞仙體道通鑑卷之二十四

浮雲山聖壽萬年宮道士趙道一編

鄭思遠

鄭思遠少爲書生善律曆候緯晚師葛孝先受正一法文三皇內文五嶽眞形圖太清金液經洞玄五符入廬江馬迹山居仁及鳥獸所住山虎生二子山下人格得虎母虎父驚逸虎子未能得食思遠見之將還山舍養飼虎父尋還依思遠後思遠每出行乘騎虎父二虎子負經書衣藥以從時於永康橫江橋逢相識許隱具煖藥酒虎卽拾柴然火隱患齒痛從思遠求虎鬚欲求熱插齒間得愈思遠爲之拔之虎伏不動

臣道一曰道德經曰上善若水水善利萬物而不爭思遠可謂上善者也至於養道林泉仁及鳥獸且虎乃害人之獸人

共惡之思遠乃憐虎子之失母收而飼之古人所謂養虎自患者此必然之理而思遠不見其爲患且負經書衣藥以從及拾薪而然火可謂道之高德之厚上善之感也

葛洪

葛洪字稚川丹陽句容人少好學家貧躬自伐薪以貨紙墨夜輒寫書誦習遂以儒學知名性寡慾無所愛玩不知棋局幾道樗蒲齒名爲人木訥不好榮利閉門却掃未嘗交遊時或尋書問義不遠千里崎嶇冒涉期於必得遂覽究典籍尤好神仙導養之法從祖玄吳時學道得仙號曰葛仙公以其煉丹秘術授弟子鄭隱洪就隱學悉得其法焉晉成帝咸和初司徒王導召補州主簿後選爲散騎常侍領大著作洪固辭不就以年老欲煉丹以期遐壽聞交趾出丹砂乃求爲句漏令帝以洪資高不許洪曰非欲爲榮以有丹爾帝從之洪遂將子姪俱行至廣州

刺史鄧嶽留不聽去洪乃止羅浮山煉丹在山積年優游閑養著述不輟其自序云洪體乏進趣之才偶好無爲之業假令奮翅則能凌厲玄霄騁足則能追風躡景猶欲戢勁翮於斥鷃之羣藏逸迹於跛驢之伍何況大塊稟我以尋常之短羽造化假我以至駑之蹇足自卜者審不能者止豈敢力蒼蠅而慕沖天之舉策跛鼃而追飛兔之軌哉是以望絕於榮華之塗而志安乎窮圯之域藜藿有八珍之甘蓬華有藻稅之樂也世儒徒知服膺周孔莫信神仙之書不但大而笑之又將謗毀真正故予所著子言黃白之事名曰內篇其餘剝難通釋名曰外篇內外凡一百一十六篇雖不足藏之名山且欲緘之金匱以示識者自號抱朴子因以名書洪博聞深洽江左絕倫著述篇章富於班馬又精辨玄蹟析理深微後忽與嶽疏云當遊行尋師剋期便發嶽得疏狼狽往別而洪坐至日中兀然若睡而卒嶽至遂

不及見年八十一視其顏色如生體亦柔輒舉尸入棺甚輕如
空衣世以爲尸解得仙云史臣曰稚川束髮從師老而忘倦紬
奇冊府總百代之遺編紀化仙都窮九丹之祕術謝浮榮而捐
維藝賤尺寶而惜分陰游德樓真超然方外全生之道其最優
乎出晉書眉山唐庚子西贊云江左日陋無復德輝翔而不集翩
然南飛鄧嶽細兒處仲餘黨豈有識知亦復瞻仰吾緣內丹遂
居羅浮豈以嶽故而議去留所就者大寧卹其小吾與嶽遊如

狎鷗鳥

出羅浮圖志

臣道一曰道德經云寵辱若驚貴大患若身葛洪以才學之
優棄功名之貴夫豈無其故哉蓋晉室自東遷之後奸臣構
禍王道衰微奇士異人不一二作紛紛江左何時定乎葛洪
之見可謂出於類拔乎萃矣是以遯世無悶樂道全真遺寵
而辱不及忘身而患不至卒能終始于學仙道克成後之道

者宜取則焉

黃野人

黃野人葛仙之弟子也

仙或云葛之隸

稚川棲山煉丹野人隨之葛既

仙去留丹於柱石之間野人自外至得一粒服之爲地行仙今

肉身常在世間有緣者或遇之

出羅浮志

後有人遊羅浮宿留巖

谷間中夜見一人身無衣而紺毛覆體意必仙也乃再拜問道

其人丁不顧但長笑數聲響振林木歌詩云雲來萬嶺動雲去

天一色長笑兩三聲空山秋月白其卽野人明矣又宋度宗咸

淳中客有戴烏方帽著韉往來羅浮山中見人則大笑反走三

年不言姓名它日醉歸忽取煤書壁上云雲意不知滄海春光

欲上翠微人間一墮千劫猶愛梅花未歸書畢度海而去豈非

野人之儔侶乎

楊羲

真人楊君名羲晉城帝咸和五年庚寅九月生似是吳人來居
句容學道於茅山爲人潔白美姿容善言笑攻書好學該涉經
史性淵懿沉厚幼有通靈之鑒與二許早結神明之交二許者
遠遊許邁長史許穆也長史薦於相王用爲公府舍人以穆帝
永和初受中黃制虎豹法六年又就劉璞傳靈寶五符璞卽魏
夫人長子也君淵沉應感虛抱自得若燥濕之引水火冥默幽
歛相襲無睽矣年三十六以哀帝興寧三年乙丑歲衆眞降授
道要有若上相青童君太虛真人赤君上宰西城王君太元茅
真人清靈裴真人桐柏王真人紫陽周真人中茅君小茅君范
中候荀中候紫光夫人南嶽夫人右英夫人紫微夫人九華安
妃昭靈夫人中候夫人莫不霓旌暗曳神轡潛竦紛紛屬乎煙
霄淪蹤收於俗蹊譙聲金響於君月無曠日歲不虛矣君師魏
夫人儷九華而朋於諸眞故九華安妃云明君靈質虛閑祕構

玉朗蘭淵高流清響金宮必高佐四輔承制聖君理生斷死賞
罰鬼神攝命千靈封山召雲主察陰陽之和氣爲吳越鬼神之
君也後二十二年將乘龍駕雲白日昇天矣今若不耐風火之
煙可尋劍解作告終之術也又玄清真人謂羲曰夫學道當如
射箭箭直往不顧乃造棚的操志入山惟往勿疑乃獲至真羲
恭受勤行得仙晉簡文帝後師羲得道羲後果劍解隱化真誥
筭以孝武帝太元十二年丙戌去世弟子許翺翺父穆亦因君
遇真故許氏九人雖道慶自先數至神發如塵鑑凝照揮瑩之
功並歸于君矣太元十三年君乃乘雲駕龍西謁太素北朝玉
清輔佐京華總括吳越人鬼神靈之司丹臺錄云爲東華上佐

許翺

雷平山真人許翺字道翔小名玉斧父穆晉護軍長史真位上
清左卿母陶氏名科斗先於長史入洞爲易遷宮夫人真人幼

獨標挺含真淵嶷長史器異之郡舉上計掾主簿並不赴清秀
 瑩潔糠粃塵務如泉去蒙盈其科而自進居雷平山下師楊君
 傳三天正法曲素鳳文後定錄真人授其上道告之曰學道當
 如穿井井愈深土愈難出若不堅心正行豈得見泉源耶真人
 常願早遊洞室不欲久停人間遂詣北地告終卽居方隅山洞
 方原館中常去來四平方臺故真誥云幽人在世時心常樂居
 焉又楊君與長史書亦云不審方隅真人設座於易遷戶中後
 十六年當度東華授書爲上清仙公上相帝晨譜云年三十而
 不記去歲按二錄晉海西公太和二年丁卯時年二十七歲則
 是成帝咸康七年辛丑生真誥注云咸康六年生自太和三年
 以後無復顯迹依譜年三十則庚午年去世耆舊傳云在北洞
 北石壇上燒香禮拜因伏而不起明旦視形如生壇今猶在又
 云從張鎮南受衣解法蓋夜於壇上去耳娶建康令黃演女生

男黃民乃還家

許黃民

臨沮令許仙人名黃民字玄文上清仙公翽之子上清左卿穆

之孫以晉穆帝昇平五年辛酉生娶西陽令葛萬安女萬安子抱朴子

孫第二也時掾年二十一仕郡主簿察孝廉司農丞南蠻參軍臨沮

令惠帝永興三年京畿紛亂令乃奉經入剡爲馬朗所翹敬朗

從父弟罕亦相周給時人咸知許先生得道又父祖皆有名稱

各加崇敬宋文帝元嘉六年欲移居錢塘乃封其真經一廚作

朗靜中語此是仙靈之迹縱有書亦勿與人及至杜道鞠家停

少時而終時年六十九真誥言黃民子榮弟及孫祖邁姑婆皇伯聯

朗敬中經若君其父每有神光壽氣見於陰堂何宇朗妻數見有青衣玉

灌廚鑰令居家士不復開朗終子洪嘉興父季真又善道術爲

帝景和元年及至奉樓惠明諷父季真啓勅開取季真善道術爲

亦歸于館何神真巧運既闕於馬又發於其妙終授於
陸君焉
陸修靜

廬山陸先生吳興懿族陸氏之子諱修靜道降元氣生而異俗
其色怡怡其德熙熙明以啓著虛以貫幽少宗儒氏墳索識緯
靡不總該以爲先天輔化混一精氣與真宰爲徒者載在金編
玉字遂收迹寰中冥搜潛衡熊湘暨九嶷羅浮西至巫峽峨嵋
如雲映松風麗乎山而映乎水功成叩玄感神授神靈訣適然
自得通交於仙真之間矣宋元嘉末因市藥京邑文帝素欽其
道風作停霞寶車使左僕射徐湛宣旨留之先生固辭弗顧拂
衣而去後帝有太初之難人咸異之先生時派江南尤嗜匡阜
之勝槩孝武帝大明五年爰構精廬於白雲峯下太始三年明
帝復加詔命使刺史王景文敦勸不得已而就焉及登車日乃
有熊虎猿鳥悲鳴滿路出山而止先生既至闕帝設崇虛館通

仙臺以待之於是順風問道妙沃帝心朝野識真之士若水奔壑如風應虎其誰能禦之先生撥霧開日汰沙引金指方以倒之中人已上皆自盈其分司徒袁粲之流是也既立崇虛館爰氏所寶經訣並歸於彼由是翕然一變頽俗朝野宗師焉明年帝不豫詔請先生修塗炭之齋是夕壇宇間卿雲紛郁翌日疾瘳桂陽王用兵暴白骨徧野先生具棺槨收而瘞之其陰德密運蓋多此類先生屢求還山帝不許迨蒼梧王元徽五年春正月忽謂門人曰吾迫於恩命違其宿尚今將還舊山爾可飭裝整駕弟子皆逝之至三月二日忽偃然解化其膚體暉映異香芬馥後三日廬山諸徒共見先生霓旌靄然還止舊隱斯須不知所在相與驚而異之遺命盛以布囊投所在崖谷門人不忍遂奉還廬山時春秋七十二所謂煉形幽壤騰景太微者矣有詔謚曰簡寂先生始以故居爲簡寂觀宗有道也先是洞真之

部真偽混淆先生刊而正之涇渭乃判故齋戒儀範爲將來典式凡撰記論議百有餘篇並行於世門徒得道者孫遊嶽李果之最著稱首後孔德彰與果之書論先生云先生道冠中都化流東國帝王稟其規人靈宗其法微言既絕大法將謝法師稟神定之資居入室之品學悟之美門徒所歸宜其整葺遺蹤提綱振紀光先師之餘化纂妙道之遺風可以導引末俗開曉後途者矣初先生之赴詔也嘗曳布囊及逝而歸忽有布囊挂於巖樹今所居西澗一峯名布囊巖有醺石高六七尺方廣丈餘其向乾亥亦名禮斗石門外有煉丹井有連理樹其榦合抱其根蟠罩又有石磬名聲清越又有藥苗苦竹亘於山谷皆遺跡也唐天后太極元年勅醺於觀有黑龍羣鶴之異降詔褒崇仍付史館宋徽宗宣和元年七月一日封丹元真人其詞曰朕惟前古高蹈之士名迹不泯而稱號未稱者議所以追顯之簡寂

先生陸修靜精真內得，是正遺經垂範一時。脫然超世，廬阜故
隱有祠。至今考實定名，禮以真人之號，非特用褒往躅，亦俾後
之聞風者知道之所在，而加勉焉。可特封丹元真人。陸修靜之解
元徽而釋氏通鑑載梁敬帝紹泰元年，道士陸修靜等初詣梁
武所棄遂奔入魏，至是其代考之元徽去。紹泰與六子餘年，其
請與釋子猶法且所以載事，豈非謬乎。

孫遊嶽

先生姓孫名遊嶽，字穎達，東陽人。吳之裔也。幼而恭長，而和其
靜如淵，其氣如春。甄汰凡流，潛神希微，嘗步赤松澗，縉雲堂，卜
終焉之地。宋文帝太初中，簡寂先生至廬嶽，乃執籍事之。遂授
三洞經法，及楊許二真人墨迹。其後茹芝却粒，又專服穀仙丸。
六十七年，顏色精爽，久而愈少。暨寂簡羽化，還舊隱，研味真趣。
至齊武帝永明二年，詔主興世館。由是奇逸之士，爭相趨赴。若
孔德璋、劉孝標輩，皆結方外之好。雖常以病求歸，詔命未允。以

七年五月中忽沐浴安坐而終。門弟子數百人。惟陶弘景爲入室。以三洞經及楊許墨迹。竭篋相付。後弘景因撰真誥行於世。

陶弘景

隱居先生。姓陶。名弘景。字通明。丹陽人也。宅在白楊巷南岡之東。宋初。土斷。仍割秣陵縣西鄉之桐下里。至今居之。陶氏本冀州平陽人。帝堯陶唐之苗裔也。堯治冀州平陽。故因居焉。漢興。有陶舍。爲高祖司馬。子青擢位至丞相。十三世祖超。漢末渡江。始居丹陽。七世祖濬。交州刺史。璜之弟。仕吳爲鎮南將軍。封句容侯。食邑二千戶。與孫皓俱降晉。拜議郎。散騎常侍。尚書。六世祖謨。濬之第三子。懷帝永嘉中。爲東海王越司馬。領屯軍。隨王出許昌。因敗。仍復過江。爲大將軍。王敦參軍。敦爲丞相。轉軍諮祭酒。後隨敦南下。而情懼禍及。乃啓分屬籍。禁錮積年。晚起。爲車騎丞相。參軍。不就。穆帝昇平四年卒。始別葬白石山之陽。瞻

湖北高祖毗有理議器幹高奇以文被黜不肯遊宦州郡辟命並不就後拔受南安正佐亦不起安帝元興三年卒曾祖興公多才藝頗營產殖舉郡功曹察孝廉除廣晉縣令義熙二年卒祖隆身長七尺五寸美姿狀有氣力便鞍馬善射好學讀書善寫兼解藥性常行拯救爲務行參征南中郎軍事侍從宋孝武伐逆有功封晉安侯除正佐固辭顏峻恃寵就求宅以易佛寺弗與因辭官見譖削爵徙廣州後被恩除南海西平縣令後監新會郡宋孝武帝大明五年卒於彼父諱貞寶字國重司徒建安王劉體仁辟爲侍郎遷南臺侍御史除江夏孝昌相亦閑騎射善稟隸書家貧以寫經爲業一紙直價四十書體以羊欣蕭思話法深解藥術博涉子史好文章美豐儀凡遊從與蕭思話王釗劉秉周旋多爲諸貴勝所賞遇蒼梧王元徽四年冬奉使虜庭通鄰國之好甚得雅稱順帝昇明元年還都具撰遊歷記

并詩數千字及所造文章等劉秉索看後值石頭事亡失無復
別本不得傳世先是貞寶攜家隨蕭之郢州宋武帝孝建二年
蕭亡其年九月母覺有娠仍夢見一小青龍忽從身中出直東
向而昇天遂視之不見尾南史云郝氏夢兩天人手執香爐來至其所已而有娠唐李渤作傳云
二母初人執金爐下懷并既覺密語左右云我當孕男子非凡人
也然恐無後時年二十五其冬仍隨蕭部伍還都住東府射堂
前參左廨中以孝建三年太歲丙申四月三十日甲戌夜半先
生誕焉是年乃閏三月明旦卽夏至也先生及生神儀明秀朗
目疎眉細形長額聳耳右膝有數十黑子作七星文幼而聰識
成而博達年四五歲便好書今猶有六歲時書已方幅成就九
歲漸徧誦六經頗究屬文至十歲得葛洪神仙傳晝夜研尋便
有養生之志謂人曰仰青雲覩白日不覺爲遠矣讀書萬餘卷
一事不知以爲深恥善琴碁攻草隸年十一爲司徒左長史王

釗子吳博士十三父移宅席卷隨吏部尙書劉秉之淮南郡十五歸都寓憩中外除胄舍後仍立別宅從此不復還舊廬十七乃冠常隨劉秉尹之丹陽郡得給帳下食出入乘廐馬秉第二男俛少知名時爲司徒祭酒俛雅好文籍與先生日夜搜尋常共味而食同車而遊俛與江數楮玄劉侯俱爲順帝四友故最以才學得名俛作宋德頌連珠七警當世稱絕俛既亡後文章皆零落先生欲爲纂集竟不能得是歲昇明元年冬先生年二十二隨劉秉入石頭城就袁粲建事先生與韓賁糜談同掌文檄及事敗城潰卽得奔出俛及弟佺爲沙門以逃爲人所獲建康獄死人莫敢視先生躬自收殮瘞葬查酬舊墓營理都畢自此棄世尋山而止值宋齊之際物情未安旣結劉宗常懷幽惕父乃因紀僧真求事齊高帝於新亭卽蒙帳內驅使二月沈攸之平從還東府公仍遣使侍弟五息曄六息暘侍讀兼助公間

管記事先生時年二十三除巴陵王侍郎先生云革運之際頗有微勛何處不容三兩階級遂不拜又明年隨安城王出鎮石

頭次歲夏丁孝昌府君憂

南史云未弱冠齊高祖作相引爲諸王侍讀除朝奉請雖在朱門閉影不

交外物惟多以披閱爲務朝議故事多所取則焉

世祖武帝卽位以振武將軍起侍宜都

王侍讀齊世侍讀任皆總知記室手筆事選須大才者先生於吉凶內外儀禮表章爰及牋疏啓牒莫不絕衆數王書佐典書皆承授以爲准格諸侍讀多有慚憚頗致讒嫉先生亦任之以介意年二十八服闋詔拜左衛殿中將軍頗慰時望先生驚亦不解所以卽告庾道敏論諸屈滯庾爲面啓武帝帝云先帝昔親命此官卿不知耶其何辭之庾告先生先生喟然歎曰昔不受豫章王侍郎于今五年反爲此職驛馬非驥驟猶欲固辭庾切言之云太元以來此官皆用名家如裴松之從此轉員外郎但問人才若官何所枉君恐爲爾誤我事于時正被委任總

知諸王府事先生不獲已而拜矣年二十九清溪宮新成帝宴樂之先生拜表獻頌又有伏曼容亦上賦於是勅遣中書省舍人劉係宣旨褒贊并勅豫舊宮金石會于時上意欲刻此頌於石碑王儉沮議而止時獻賦者五人惟以先生爲最將欲遷擢會丁母憂去職尋授振武將軍起特賜酒食省祿隨宜都王赴京帝欲幸武進宮先生復作頌頌成而車駕廢不復得奏云此頌體制爽絕倍勝舊格三年還都除奉朝請拜竟怏怏與從兄書云昔仕宦應以體中打斷必期四十左右作尙書郎出爲浙東一好名縣粗得山水便投簪高邁宿昔之志謂言指掌今年三十六矣方除奉朝請此頭顱可知矣不如早去無自勞辱明年五月遂拜表解職求託山林青雲之志於斯始矣是歲武帝永明十一年壬申歲也先生初隱不欲辭省出乃脫朝服掛神虎門鹿巾徑出東亭已約語左右曰勿令人知爾乃往與王晏

語別晏云主上性至嚴治不許人作高奇事脫致忤旨坐貽罪
咎便恐違卿此志詎可作先生默思良久答云予本徇志非爲
名若有此慮奚爲所宜於是卽不詣省直上表陳誠

南史云永明十年脫

朝服掛神武門上表辭祿

詔賜帛十匹錫二十鎰又別勅月給茯苓五斤白

蜜二升以供服餌先生旣遂命理舳東下公卿餞於征虜亭供
帳甚盛車馬填咽咸云江東比來未有斯事乃見今日爾於是
止於句容之句曲山先生云此山是金壇洞宮周迴百五十里
名曰華陽之天有三茅司命之府故名曰茅山乃中山立館自
號華陽隱居亦猶士安之玄晏稚川之抱朴凡人間書疏皆以
此號代名先生善稽古訓誥七經大義備解而不好立義異於
先儒議論惟著紙不甚口談尤好五行陰陽風角氣候太一遁
甲星曆筭數山川地理方國所產及醫方香藥分劑蟲鳥草木
考校名類莫不該悉善隸書不類常式別作一家骨體勁媚琴

棋騎射亦皆領括爲性圓通謙謹出入冥會心知明鏡遇物便
 了言無煩舛有亦隨覺爲人少憂戚無嫉競淡哀樂夷喜怒先
 生以甲子乙丑丙寅三年之中就興世館主東陽孫遊嶽咨稟
 道家符圖經法雖相承皆是真本而經歷摹寫有意所未匿者
 於是更博訪遠近以正之戊辰年始往茅山使得楊許手書真
 迹欣然感激至庚午年又啓假東行浙越處處尋求靈異至會
 稽大洪山謁居士婁慧明又到餘姚太平山謁居士杜京產又
 到始寧宛山謁法師鍾義山又到始豐天台山謁朱僧標及諸
 處宿舊道士并得真人遺跡十餘卷遊歷山水二百餘日乃還
 爰及東陽長山吳興天目山於潛臨海安固諸名山無不畢踐
 身本輕捷登陟無艱南史云每經澗谷必山尋訪仙藥身既輕捷性愛
往已已謂門人曰吾見朱門廣廈雖止自恆欲就之欲 瞻恤寒棲
 拯救危急救療疾恙朝夕無倦其別有陰恩密惠人莫得而知

之雖借人書隨誤治定東昏侯永元初更築三層樓先生處其上弟子居其中賓客至其下與物遂絕惟一家僮得至其所本便鞍馬善射晚皆不爲惟聽吹笙而已特愛松風庭院皆植松每聞其響欣然爲樂有時獨遊泉石望見者以爲仙人性好著述尙奇異顧惜光景老而彌篤尤明陰陽五行風角星筭山川地理方國產物醫術本草帝代歷年以筭推知漢熹平二年丁丑冬至加時在日中而先天實以乙亥冬至加時在夜半凡差三十八刻是漢曆後天二日十二刻也又作渾天象高三尺許地居中央天轉而地不動二十八宿度數七曜行道分明中星見伏早晚以機轉之悉與天相會云此修道所須非但史官家用又欲因流水作自然漏刻使十二時輪轉循環不須守視而患山澗水易生苔垢參差不定是故未立先生行步舉動翩翩輕利顏儀和明不嚴毅小大見之皆樂悅附而自令人畏服門

徒胥附承奉祗肅有如宮庭小來與人有隔數歲便不與人共
甌箸飲食及長遊處宿息常安性不嘲調世中戲謔一切不爲
爲人強精魂夜行獨宿無所疑畏深慕張良之爲人云古賢無
比率任輕虛飄飄然有雲霞氣其所修爲皆自得於心非傍識
能及至永元二年深託向晦及梁武帝革命議國號未定先生
乃引諸識記梁是應運之符又擇郊壇日靈驗昭著勅使入山
宣旨酬謝帝既早與之遊及卽位後恩禮彌篤書問不絕冠蓋
相望既得祕訣以爲神丹可成每苦無藥帝皆給之帝每得其
書燒香虔受帝使造年曆至己巳歲而加朱點實太清三年也
帝手詔招之錫以鹿皮巾後屢加禮聘先生乃畫兩牛一牛散
放水草之間一牛著金絡頭有人執繩以杖驅之帝笑曰此人
無所求欲效曳尾龜豈有可致之理耶國家有大事無不前以
諮詢時人謂之山中宰相武帝天監四年移居積金東澗先生

行辟穀導引之法自隱處四十許年逾八十而有壯容大通初
獻刀二口一名善勝一名成勝爲佳寶大同二年剋日告化時
年八十五顏色不變屈伸如常屋中香氣積日不散詔贈中散
大夫諡貞白先生仍遣舍人監護後事弟子數十人唯王遠知
稱上足焉先生妙解術數逆知梁祚覆沒預制詩云夷甫任散
誕平叔坐談空不意昭陽殿化作單于宮詩祕在篋裏化後門
人稍出之大同末士人競談玄理不習武事後侯景篡位果在
昭陽殿所著學苑百卷孝經論語集註帝代年曆本草集註效
驗方肘後百一方古今州郡記圖象集要及玉匱記七曜新舊
術疏占疏合丹法式其祕密不傳及撰而未訖又十部惟弟子
得之梁帝金樓子云於隱士重陶貞白於士大夫重周弘正其
於義理情轉無窮真一時之名士也馬樞得道傳云陶弘景授

蓬萊仙監

上文所載
多同南史

臣道一曰道德經云以正治國以奇用兵以無事取天下又曰兵者不祥之器非君子之器不得已而用之恬惓爲上勝而不美而美之者是樂殺人夫樂殺人者不可得志於天下矣老氏之意蓋欲追還太古羲黃唐虞之風務質樸而不尙虛華使君臣上下遠聲色去奢侈而成清靜之化不至於窮兵黷武而滅無爲之治也後世之人不省厥旨乃以清談縱誕爲奇其涖政或偏於姑息而不明賞罰或放於怠惰而不務勤恪或病於疏鹵而不究精微或恃高才而驕傲忽略其弊不一至大敗於晉朝君臣之間淪及後來有臨兵而講老子道德經者至是老子之道爲之受汙使能深識老氏之道者果如是乎陶弘景遭逢亂世棲逸山林其觀朝政之弊有詩曰夷甫任散誕平叔坐談空不意昭陽殿化作單于宮時梁武以釋學治天下朝臣亦競談玄理爲政乖繆武備不修

漸至覆亡其國故弘景之詩及之弘景學老氏之學者也後
世學老氏之學而立人之朝者可不深味其旨哉

歷世真仙體道通鑑卷之二十四

歷世眞仙體道通鑑卷之二十五

浮雲山聖壽萬年宮道士趙道一編

王遠知

道士瑯琊王遠知陳陽州刺史曇首之子外祖丁超梁駕部郎中其母因夢靈鳳有娠僧寶誌曰生子當爲神仙宗伯也年七歲日覽萬言博總羣書心冥至道年十五入華陽事陶貞白先生授三洞法又從宗道先生臧矜傳諸祕訣陳主召入重陽殿特加禮敬賞賚資送還茅山先生乃於洞西北嶺上結靖室以居研味玄祕陳宣帝大建末靖室中忽有一神人醉臥嘔吐先生然香禮候神人曰吾將遊天台山卿能去否先生卽隨出上東嶺至山半忽思未二三弟子付囑經書背行十餘步廻望神人化爲鶴飛去隋晉王廣鎮揚州王子相柳顧言相續奉請先

生既至斯須而鬚髮變白王懼而歸之少選復舊王踐祚勅崔鳳舉諮迂帝親執弟子禮勅江都起玉清玄壇以處之仍令代王越師焉唐高祖龍潛時先生嘗密告符命秦王與房玄齡微服就謁先生迎謂曰此中有聖人秦王請以實告先生曰方作太平天子願自愛也秦王詣先生受三洞法及登極將加重位固辭歸山至太宗貞觀九年勅潤州於茅山置太平觀并度七人降璽書曰朕昔在藩朝早獲問道眷言風範無忘寤寐近覽來奏請歸舊山已有別敕不違高志所令置觀用表宿心先生浩氣虛懷語默一致涵照如鏡應物無私時有竇德玄先經揚州遇司命使者言其有重祿以九九之數當終命德玄求哀使者云真人王法主是少室仙伯檢錄人鬼之任關奏天曹無不卽應德玄遂懇祈於先生先生不得已因與請命使者報曰更延十三年至高宗朝德玄爲左相捐館舍之日言皆如之故舉

世呼先生爲法主又知己授仙職後謂潘師正曰吾昨見仙格以小時誤傷一童子唇不得白日昇天署少室仙伯將行有近翌日沐浴加冠衣焚香而寐告化時年一百二十一歲潘師正徐道邈同得祕訣爲入室弟子陳羽王軌次之其餘各棲洞府終身無替高宗調露二年贈太中大夫諡曰昇玄先生乃勅置太平觀度道四十九人天后嗣聖初又贈金紫光祿大夫改諡昇真先生明皇天寶中勅李含光於太平觀造影堂寫真像用旌仙迹焉一云先生善易知人死生禍福作易總十五卷一日雷雨雲霧中一老叱先生曰所泄者書何在上帝命吾攝六丁雷電造取先生惶懼據地傍有六人青衣已捧書立矣老人責曰上方禁文自有飛天保衛金科祕於玄都汝何敢輒藏緗帙先生對曰青溪之老傳授老人曰上帝勅下汝仙品已及受度期展四年二紀數也先生化後有人過海爲風飄蕩忽見葉舟

自天末來乃先生也且曰君涉險何至如此此洋海之東十萬里也借子迅風一夕可到登州既去舟如飛羽覺風颺颺而過明日果至登州

王軌

道士王軌者字洪範臨沂人也曾祖筠梁散騎常侍少府卿度支尚書大父銛梁簡文太子洗馬招遠將軍父瑜陳著作郎鄱陽王常侍軌年二十歲事法主王遠知執巾瓶之禮凡十六年每座下聽道德西昇靈寶南華諸經退席爲人曲講又摹寫上清尊法洞玄洞神符圖祕寶封於石室以鎮山嶽餌朮餐松積有日矣齋講傳授有所得惟造像周急爲先唐太宗知其名常咨訪道要高宗乾封二年十一月旦謂門人曰吾昨夜夢三人羽衣執簡前曰華陽天官用師爲神仙主者兼知校領省官吾昔在桐柏山已感斯夢辭不獲今乃復然殆將去矣戒門人修

道之要經書祕訣各有所付至八日沐浴衣冠翌日坐笏而化及就櫬但空衣結帶而已春秋八十八河南于信之刻石于華陽洞

潘師正

潘師正者字子真貝州宗城人祖居常周楚州刺史父寔隋通州刺史母魯氏善言名理師正始生有光鄰母善骨法謂此兒不仙卽貴及能言授六經皆通且曰此書外有過此者乎母曰惟道德五千文爾遂誦之及母病將危謂師正曰死者人之大期期至而往吾何恨哉然汝尙幼不免爲吾念師正泣血捧母手曰若天奪慈顏某亦不能生母曰汝若毀滅非盡終始之孝也師正殞絕良久曰忍死強生當絕粒從道庶憑真教以爲津梁母摩其頂勉之旣葬廬於墓以孝聞隋煬帝大業中有道士劉愛道見而器之曰三清之驥非爾誰乘之時茅山王遠知爲

煬帝所重每詔入禁中躬薦松水以祈福慶愛道謂師正曰吾非不欲爾相從然成就功道非遠知不可遠知既見忻然謂愛道曰今日復有潘仙吾教之幸也由是隸道士籍授三洞隱訣真文未幾遠知請還茅山師正侍行渡揚子江飲穢水痢下如凝脂遂夢見一人衣冠皓鮮乘空而下授白藥一粒飲之及寤而愈既至遠知謂曰吾雖欲留汝於此而嵩陽乃汝修真之地當亟還也於是與劉愛道合居雙泉頂間二十餘年復廬於逍遙谷食飲惟青松澗水而已洗心忘形與草木俱所修經法有太清之道三中真之道六下真之道八唐高宗幸東都召見請作符書辭不解復問山中所須對曰茂松清泉臣之所須此山中不乏矣帝異之遂莫留卽其廬作崇唐觀及奉天宮又敕其逍遙谷作門南曰仙遊北曰尋真時太常獻新樂帝更名祈仙望仙翹仙曲調露初高宗狩嵩嶽以車輿迎師正入嵩陽觀問

道復送至逍遙谷見薜荔繩牀將朽敗餘無火粒之具惟有兩大瓢問何所用對曰臣有青飢飯昔西城王君以南燭爲之服食得道既還都命使江東造青飢飯以賜之每手詔撫問皆具弟子姓名咨白而法服香燭金帛繼奉不絕其感遇之盛如此謂弟子曰吾實無用天恩濫加爲道士衣皆上之所賜復處以崇構興動土工屠害草木驚撓禽獸吾罪人也必招冥譴汝等少年學道當求深山窮谷絕迹之處則無累矣上在洛陽又詔辭不獲遂館於天苑逮還山帝以詩送永淳元年正月一日谷之東巖忽有簫管空歌之音弟子來白先生曰吾無所聞汝勿爲名以眩俗也忽謂弟子韓文禮曰爲吾造石室於北巖之下夏末當遷居文禮未忍爲而促之不已白曰北巖通靈嶽可乎曰吾居此五十餘年降真者三語要者七各能精一當自知之至六月十四日索沐浴書青符置湯中云終身淨也翌日將旦

聞猿鶴悲鳴徘徊不去至晚聞石室未成則曰果不濟吾用遽云去文禮問何去曰泰山檢校功德至十六日復曰石室未成權作瓦屋以寘我無改衣服後百日遷石室中是日雲氣覆庭異香滿室須臾解化年九十八詔贈太中大夫諡曰體玄先生先生神標仙骨雅似隱居夫階真韜真練景遊化者其有類乎弟子凡八人並皆殊秀然鸞姿鳳態渺映雲松者有韋法昭司馬子微郭崇真皆稟訓瑤庭密受瓊室專玉清之業遺下仙之儔矣時陳子昂作頌

司馬承禎

後周瑯琊公司馬裔玄孫名承禎字子微洛州溫人也事潘師正傳辟穀導引術無不通師正異之曰我得陶隱居正一法逮汝四世矣久之辭几席徧遊名山廬天台構層軒於壇上目爲衆妙臺唐武后嘗召之未幾去與陳子昂盧藏用宋之問王適

畢構李白孟浩然王維賀知章爲仙宗十友睿宗復命其兄承
禕就之詔曰鍊師德超河上逍遙浮丘高游碧落之庭獨步清
源之境朕初登寶位久藉徽猷雖堯帝丕圖翹心齧缺軒皇御
曆遠想崆峒緬惟彼懷寧妨此顧朝欽夕佇迹滯心飛欲遣使
者專迎或慮鍊師嘉遯故令禕往願與同來彼遂不延先此母
慮既至引入中掖延問其術對曰爲道日損損之又損以至於
無爲夫心目所知見每損之尙不能已況攻異端而增智慮哉
帝曰治身則爾治國若何對曰國猶身也故游心於淡合氣於
漠與物自然而無容私焉則天下治帝嘆詠曰廣成之言何以
加此賜寶琴霞帔以還公卿賦詩送之常恆徐彥坦總而爲之
序曰白雲記後復遣使迎至京師親授符籙賞賜甚厚每固辭
請歸盧藏用早隱終南山後登朝居要官見承禕將還天台藏
用指終南山曰此中大有佳處何必天台對曰以僕觀之乃仕

宦之捷徑爾藏用有慚色明皇詔於王屋山置壇室以居之承
 禎善篆隸金剪刀書自成一家體帝命以三體寫老子刊正文
 句嘗鑄含象鑑震景劍進之命光祿卿韋滔至所居按金籙設
 祠厚賜上封泰山回問承禎五嶽何神主之對曰嶽者山之巨
 鎮而能出雲降雨爲國之望然靈仙所隱別有仙官主之於是
 詔五嶽別立仙官廟時女真焦靜真泛海詣蓬萊求師至一山
 見道者指言曰天台山司馬承禎名在丹臺身居赤城真良師
 也靜真既還詣承禎求度未幾昇天嘗降謂薛季昌曰先生得
 道高於陶都水之任當爲東華上清真人開元中文靖天師與
 承禎赴長生殿千秋節齋直中夜行道畢隔雲屏各就枕斯須
 忽聞小兒誦經聲玲玲如金玉響天師乃褰裳蹣步而窺之見
 承禎額上有小日如錢光耀一席逼而聽之乃承禎腦中之聲
 也天師退謂其徒曰黃庭經云泥丸九真皆有房方圓一寸處

此中又云左神公子發神語其先生之謂有弟子七十餘人忽曰吾玉霄峯東望蓬萊有靈真降駕今爲東海小青童君東華君所召必須往俄頃化去如蟬脫蛻弟子葬其衣冠焉時年八十有九詔贈銀青光祿大夫諡正一先生帝親文其碑韋渠牟作傳嘗撰修真祕旨天地宮府圖坐忘論登真系等行於世

臣道一曰司馬承禎藐視軒裳棲身洞府心地之高邁學問之淵源不易及也其答唐睿宗之問曰國猶身也故游心於淡合炁於漠與物自然而無容私焉則天下治此誠得太上之深旨道德經云我無爲而民自化我好靜而民自正我無事而民自富我無欲而民自樸卽此義也

李含光

晉陵人也弘孝威家本淳儒州里號貞隱先生後避唐敬宗諱改爲李氏其子曰含光年十三篤好道學雖處暗室如對君父

然人見之神色皆斂工篆隸或稱過其父一聞之終身不書後
 師正一先生雲篆寶書傾囊相付且曰真玉清之客也抱虛無
 而行功則其道不窮託幽阜而滅迹則於德亦淺承教雖遠宜
 先救人含先既稟真訓乃忘情於身周急於物每啓章奏則齋
 心潔已未始少怠唐明皇召見問理化對曰道德經者君王之
 師也昔漢文帝行之躋民於仁壽之域又問金鼎曰道德者公
 也輕舉者公中之私也雖見其私亦聖人之存教若求生徇欲
 類於繫風不亦難乎帝嘉之優禮以待未幾以疾辭東歸句曲
 詔爲紫陽觀以居之帝受楊許真經請爲師復以疾不赴遂於
 大同殿具詞遙請加號文靖先生手詔屢降給奉相續嘗撰仙
 學傳及論三玄異同并本草音義又詔補楊真人手迹數紙代
 宗大曆四年十一月謂弟子韋景昭孟湛然曰吾將順化有頃
 顏色怡然而往於是祥雲降芝草生享年八十七

歷世眞仙體道通鑑卷之二十五

歷世眞仙體道通鑑

卷之二十五

二

愛儷園文海閣藏書

歷世眞仙體道通鑑卷之二十六

浮雲山聖壽萬年宮道士趙道一編

許眞君

太史眞君姓許氏名遜字敬之曾祖琰祖玉父肅世居許昌高節不仕潁陽由之後也父漢末避地於豫章之南昌因家焉吳赤烏二年己未母夫人夢金鳳啣珠墜於掌中玩而吞之及覺腹動因是有娠而生眞君焉句曲山遠遊君邁晉護軍長史穆皆眞君再從昆弟也眞君生而潁悟姿容秀偉少小通疏與物無忤嘗從獵射一麀鹿中之子墮鹿母猶顧舐之未竟而斃因感悟卽折棄弓矢刻意爲學博通經史明天文地理音律五行讖緯之書尤嗜神僊修煉之術頗臻其妙聞西安吳猛得至人丁義神方乃往師之悉傳其祕遂與郭璞訪名山求善地爲栖

真之所得西山之陽逍遙山金氏宅遂徙居之

今逍遙山福地玉隆萬壽宮是也

日以修煉爲事

今有丹井焉

不求聞達鄉黨化其孝友交游服其

德義嘗有售鐵燈檠者因夜然燈見有漆剝處視之乃金也翼日訪主還之人有饋遺苟非其義一介不取郡舉孝廉不就朝廷屢加禮命不得已乃以晉武帝太康元年起爲蜀郡旌陽縣令時年四十二視事之初誠吏胥去貪鄙除煩細脫囚繫悉開諭以道吏民悅服咸願自新發擿如神吏不敢欺其聽訟必先教以忠孝慈仁忍慎勤儉近賢遠奸去貪戢暴具載文誠言甚詳悉復患百里之遠難於戶曉乃擇秀民之有德望與耆老之可語者委之勸率故爭競之風日銷久而至於無訟先是歲饑民無以輸租郡邑繩以法率民多流移真君乃以靈丹點瓦礫爲金令人潛瘞於縣圃一日籍民之未輸納者咸造于庭使服力於後圃民鑿地獲金得以輸納遂悉安堵鄰境流民慕其德

惠來依附者甚衆遂至戶口增衍屬歲大疫死者十七八真君以所授神方拯治之符呪所及登時而愈至於沉痾之疾無不痊者傳聞他郡病民相繼而至者日且千計於是標竹於郭外十里之江置符水於其中俾就竹下飲之皆痊其悼耄羸疾不能自至者汲歸飲之亦獲痊安蜀民爲之謠曰人無盜竊吏無奸欺我君活人病無能爲後江左之民亦來汲水於旌陽真君乃呪水一器置符其中令持歸置之江濱亦植竹以標其所俾病者飲之江左之民亦良愈今號蜀江亦名錦水今屬瑞州高安縣真君任旌陽旣久知晉室將亂乃棄官東歸旌陽後詔改爲德陽以表真君之德及民也尋移縣治於西蜀民感其德化無計借留所在立生祠家傳畫像敬事如神明焉啓行之日羸糧而送者蔽野有至千里始還者有隨至其宅願服役而不返者乃於宅東之隙地結茭以居狀如營壘多改氏族以從真君之姓故號許家

營焉其遺愛及民有如此者真君嘗至新吳憩于柏林忽有女

童五人各持寶劍來獻真君異而受之其地今爲柏林觀既而偕至真

君之第惟日擊劍自娛人莫能測真君識其劍仙也常禮遇之

卒獲神劍之用真君飛昇之後遂隱于童既而與吳君游於嵩

陽聞金陵丹陽縣黃堂靖有女師謚姆多道術遂同往致敬叩

以道妙姆曰君等皆夙稟靈骨仙名在天然昔孝悌王自上清

下降化度人世示陳孝道初降兗州曲阜縣蘭公家謂公曰後

晉代當有神仙許遜傳吾此道是爲衆真之長留下金丹寶經

銅符鐵券令公授吾使掌之以俟子積有年矣吾復受孝道明

王之法亦以孝爲本子今來矣吾當授子乃擇日登壇依科盟

授闡明孝道誓戒丁寧出銅符鐵券金丹寶經并正一斬邪之

法三五飛步之術諸階祕法悉以傳付許君顧謂吳君曰君昔

以神方爲許君之師今孝道明王之道獨許君得傳君當返師

之也況玉皇玄譜君位玄都御史許君位高明大使總領仙籍
品秩相察又所主十二辰配十二國之分許君司玄枵之野於
辰爲子統攝十二分野君領星紀之邦於辰爲丑爾自今宜以
許君爲長也二君禮謝訖辭行真君方心期每歲必來謁姆姆
覺之曰子勿來吾卽還帝鄉矣因取香茅一根南望擲之曰子
歸認茅落處立吾祠歲秋一至足矣二君還首訪飛茅之迹尋
於所居之南四十餘里得之已叢生矣遂建祠宇亦以黃堂名
之崇道觀每歲仲秋之三日必往朝謁焉初真君往訪飛茅路
傍見陂水清徹爲之少憩曰憩真靖真今青陂村憩又見鄉民盛
烹宰以祀神且相詫曰祭不腆則神怒降禍矣真君曰怪祟敢
爾耶夜宿於逆旅召風雷伐之拔其林木明日告其里人曰妖
社已驅毋用祭也社今其地有廢又見負擔遠汲者滿道乃以杖
刺社前涸澤出泉以濟之雖旱不竭陽今靖大石澤村紫明日登山巔

指山腰之泉罅曰是有異物藏焉後將爲孽遂立壇靖以鎮之
今每歲朝龍城觀必乃渡小蜀江湖口黃抵江千之肆主人朱氏
雖貧而迎接甚敬真君戲畫一松于其壁而去其家卽日市利
加倍後江漲潰堤市舍俱漂惟松壁不壞建今名松湖市朱氏真
君嘗煉神丹于艾城之黃龍山山湫有蛟魅護爲淵藪輒作洪
水欲漂丹室真君遣神兵擒之釘于石壁石今有釘蛟丹成祭于
幕阜葛仙翁石室遂至脩川愛其湍急而味堅乃取神劍磨於
澗傍之石立今在脩川梅山後人旌於其處尋渡水登秀峯今號旌
爲壇於峯頂以醺謝上帝乃服仙丹吳君居近焉溪南有吳仙卽
吳真君也遂造吳君之宅過西安縣今分縣社伯出謁真君詰其
地分有妖物爲民害者其神匿之真君行過一小廟廟神其神
兄弟五人今號協佑迎告曰此有蛟物害民知仙君來故往鄂
渚逃避矣後將復還願爲斯民除之真君如其言躡跡追之至

鄂渚路傍逢三老人今三王詢其蛟孽所在皆指曰見伏於前
橋下龍今橋伏真君至橋側仗劍叱之蛟驚奔入大江匿于淵號今
穴下龍乃勅吏兵驅之蛟從上流奔出遂誅之龍今號上真君怒西
安社伯之不職錮其祠門止民享祀今分甯縣城隍廟正門止
民祭偏戶出亦少居令祀小廟今盛封協佑侯廟感也已而還郡城真君
曰此地水陸衝要人物繁夥豈無分合得仙之人試以丹數粒
雜他藥貨之令其信緣而取繼而贖者雖多竟無一人遇者真
君吁嘆以世間仙才之難得也真君聞新吳有蛟爲孽因持劍
捕遂之故所經行處曰龍蛟懼竄入溪穴至今號真君乃以巨
石書符及作鎮蛟文以禁之真鎮蛟有文石碣尚存今爲僧院曰延
十里時海昏之上遼有巨蛇據山爲穴吐氣成雲亘四十里人畜
在其氣中者卽被吸吞無得免者江湖舟船亦遭覆溺大爲民
害真君聞之乃登北嶺之巔驗之會今仙赤峯卽觀之東也果見毒氣

漲空真君愍斯民之罹其害乃集弟子將往誅之初入其界遠
近居民三百餘人知真君道法競來告懇求哀懇切真君曰世
運周流當斯厄會生民遭際合受其殃知之此來正爲是事當
爲汝曹除之吾誓不與此蛇俱生也有頃羣弟子至亦同勸請
真君曰須時至乃可於是卓劍於地默禱于天良久飛泉湧出
俄有赤鳥飛過真君曰可矣其地又爲曰廣福宋後改赤鳥觀今爲
有詩云昔有長蛇肆毒威旌陽曾此候誅交洞中仙子一方知年會
天上靈鳥忽報時符使怒飛凌谷口劍星下鬼神悲卓劍還
後俄興廢可惜陰功無盡期張天覺亦有卓劍泉詩云卓劍還
成巖下井待時遙動日中烏海昏妖孽今除盡餘澤猶存七靖
遂前至蛇所仗劍布氣蛇懼入穴乃飛符召海昏社伯驅之
不能出復召南昌社公助之其符落於縣東因建蛇出穴舉首
高十餘丈目若火炬吐毒衝天鄉民咸鼓譟相助是時真君嘯
命風雷指呼神兵以攝伏之使不得動吳君乃飛步踏其首以
劍劈其顙蛇始低伏弟子施岑甘戰等引兵揮之蛇腹裂有小

蛇自腹中出長數丈甘君欲斬之真君曰彼未爲害不可妄誅
小蛇懼而奔行六七里鼓噪聲猶返聽而顧其母今地名蛇子
羣弟子請追而戮之真君曰此蛇百五十年後若爲民害吾當
復出誅之以吾壇前植柏爲驗其枝拂壇掃地乃其時也又預
識云吾仙去後一千二百四十年間豫章之境五陵之內東降州方
澤水西方野東門之威鎮宛陵是也門之南方楊州分野南門之
是也西方野東門之威鎮宛陵是也門之南方楊州分野南門之
安分野北門之野中鎮門之陵是也方長當出地仙八百人其師出於
豫章大揚吾教郡江心忽生沙洲掩過沙井口者是其時也見事
龍沙起豫章職方乘雲龍五沙陵在無限人密視龍沙之上與郡城未相
對潘清逸有龍沙乘雲龍五沙陵在無限人密視龍沙之上與郡城未相
合氣象形已帶靈江異轉昔州時浮蛟有連勢云桑此時小蛇若爲害彼八百
麻地地象形已帶靈江異轉昔州時浮蛟有連勢云桑此時小蛇若爲害彼八百
人自當誅之苟無害於物亦不可誅也蛇子遂得入江建昌縣
是其處有廟在新建縣吳城山甚小靈宋廟大蛇既死其骨聚而
封靈順昭應安濟惠澤王俗呼曰小龍廟大蛇既死其骨聚而
成洲今號蛇真君於海昏經行之所皆留壇井凡六處通候時

之地爲七其勢布若斗星之狀蓋以鎮弭後患

靖七靖者謂進符化

靖華表靖紫陽靖霍陽靖劉真復至邑之西北見山泉清冽乃

投符其中與民療疾其效亦比蜀江水今號冷巨蟒既誅妖血汗

劍於是磨洗之且削石以試其鋒劍今建昌縣有磨告其徒曰大

蛇雖滅蛟精未誅彼物通靈必知吾有除害意恐其伺隙潰郡

城吾歸郡乎戰岑二子從我焉時懷帝永嘉六年也真君道術

高妙著聞遠邇求爲弟子者數百人却之不可得乃化炭爲美

婦人夜散羣弟子處以試之明且閱之其不爲所染汙者惟十

人耳卽異時上昇諸高弟也自是凡周遊江湖誅蛟斬蛇不無

從焉其餘多自愧而去婦今建昌縣西津名炭真君乃與甘施二

君歸郡周覽城邑適有一少年美風度衣冠甚偉通謁自稱姓

慎禮貌勤恪應對捷給遽告去真君謂弟子曰適者非人老蛟

之精故來見試也體貌雖是而腥風襲人吾故愚之庶盡其醜

類耳迹其所之乃在江潯化爲黃牛臥郡城沙磧之上今號黃牛洲

真君乃剪紙化黑牛往鬪之令施岑潛持劍往俟其鬪酣卽揮

之施君一揮中其左股牛奔入城南之井中井名橫泉今在藍寺東南角牆上掩

號井故亦真君遣符吏尋其蹤乃知直至長沙於賈誼井中出

化爲人卽入賈玉使君之家先是蛟精嘗慕玉之女美化爲一

美少年謁之王大愛其才許妻以女因厚賂玉之親信皆稱譽

焉遂成婚居數歲生二子常以春夏之交子然而出周游江湖

若營賈者至秋則乘巨艦重載而歸所資皆寶貨蓋乘春夏大

水覆舟所獲也是秋徒還給玉云財貨爲盜所劫且傷左股王

舉族嘆惋求醫療之真君乃爲醫士謁玉玉喜召其壻出求醫

蛟精覺之懼不敢出玉自起召之真君隨至其堂厲聲叱曰江

湖蛟精害物非一吾尋蹤至此豈容逃遁速出速出蛟精計窮

乃見本形蜿蜒堂下爲吏兵所誅真君以法水嚙其二子亦皆

爲小蛟併誅之賈女亦幾變形其父母爲哀求真君給以神符
故得不變真君謂玉曰蛟精所居其下卽水今居舍下深不踰
尺皆洪波也可速徙居毋自蹈禍玉舉家駭惶遷居高原其地
不日陷爲淵潭深不可測潭今長沙昭真君復還豫章而蛟之餘
黨甚盛慮真君誅之心不自安乃化爲人散遊城市訪真君弟
子詭言曰僕家長安積世崇善遠聞賢師許君有神劍願聞其
功弟子語之曰吾師神劍指天天裂指地地坼指星辰則失度
指江河則逆流萬邪不敢當神聖之寶也又曰抑有不能傷者
乎弟子戲之曰惟不能傷冬瓜葫蘆爾蛟以爲誠然繼而盡化
其屬爲葫蘆冬瓜連枝帶蔓浮泛滿江擬流出境真君晨興覺
妖氛甚盛乃顧江中見蛟精所化卽以劍授施岑使履水斬之
黨屬茹連悉無噍類江流爲之變色真君曰此地蛟螭所穴不
有以鎮之後且復出爲患人不能制也乃役鬼神於牙城南井

鑄鐵爲柱出井外數尺下施八索鉤鎖地脉宮今延真祝之曰鐵
柱若亞其妖再興吾當復出鐵柱若正其妖永除由是水妖屏
迹城邑無虞復慮後世奸雄妄作故因鐵柱以爲讖記有地勝
人心善永不出奸讎縱有興謀者終須不到頭之言真君之慮
後世也深有如此者次年真君以蛟蜃之屬有散入鄱陽潯陽
界者慮其復還乃周行江湖以殄滅之至茗嶢山頂不有蛟湖
三所其孔穴透大江通饒信真君誅其蛟魅立玉陽府靖以鎮
之其西北石壁下灣立開化靖以鎮之更立太城府靖靖傍有
一不可蛟子則且走多蛟立此真靖以盡滅之惟又鑄鐵符鎮鄱陽湖口杜其
所入之路鐘今石在湖江口縣上鑄鐵蓋覆廬陵元潭制其所藏之藪
仍以鐵符鎮之有今觀號飛符崇真留一劍在焉石其又劍似長尺有咫不似玉
識明年永嘉七復遊長沙遂至韶陽又明年至郴衡諸郡所至
皆爲民馘毒除害乃還豫章前後凡立府靖七十餘所皆所以

鎮郡邑辟凶災也明帝太寧二年大將軍王敦字處仲舉兵內向

次於湖真君與吳君同往上謁冀說止之時郭璞先生在幕府

乃因璞與俱見處仲喜延之飲而問曰予夢一木破天君等以

爲如何真君曰非嘉兆也吳君曰木上破天未字也公宜未可

妄動處仲色變令璞筮之璞曰無成處仲不悅曰予壽幾何璞

曰公若舉事禍將不久若還武昌則壽未可量也處仲怒曰君

壽幾何璞曰予壽在今日日中處仲大怒令武士擒璞斬之仙洞

傳云璞已預報家人備送終之具在行刑之所命即寤於江側

西松間後三日南州人見璞貨其服飾徧與相識處仲

兵聞之不信爲水府仙伯乃真君乃舉杯擲起化爲白鵠飛繞梁棟

處仲一舉目已失二君所在處仲竟敗死處仲有兵敗遂惋憤而二

君還至金陵欲賃舟至豫章而船主告以乏操舟者真君曰爾

等但瞑目安坐切勿覘視吾自爲爾駕之乃召二龍挾舟而行

因以印印西岸之崖壁以辟水怪今印文猶在舟漸凌空俄過

廬山頂至紫霄峯金闕洞二君欲遊洞中故其舟稍低抹林梢
戛戛有聲舟人不能忍竊窺之龍卽捨舟於層岫之上折桅於
深澗之下并後桅在爲鐵石中爲今號鐵船峯眞君謂舟人曰汝不聽吾
言將何所歸乎舟人拜求濟度眞君教以服餌靈草遂得辟穀
不死盡隱於此山見後桓伊有刺舟及羣鶴赤鱗魚騎白馬一少年
步長疑是舟人數百二君各乘一龍分水陸還會於北嶺之天寶洞
遂歸舊隱日與弟子講究眞詮數十年間不復以時事關意惟
精修至道作醉思仙之歌又著八寶垂訓曰忠孝廉謹寬裕容
忍忠則不欺孝則不悖廉而罔貪謹而勿失修身如此可以成
德寬則得衆裕然有餘容而翕受忍則安舒接人以此怨咎滌
除凡我法子動靜勤篤念茲在茲常守其獨有爽厥心三官考
戮鄉黨化之皆遷善遠罪孝悌興行平時出處隨機應物不異
常人但所居之處鳴鶴翔飛景雲旋遶而已自東晉亂離江左

頻擾真君所居環百餘里盜賊不入閭里晏安年穀屢登人無
災害其福被生靈人莫知其所以然也至孝武寧康二年甲戌
真君年一百三十六歲八月朔旦其雲仗自天而下二仙乘輦
導從甚都降于真君之庭真君降階迎拜二仙曰奉玉皇命賜
子詔真君俯伏以聽乃宣詔曰上詔學仙童子許遜卿在多劫
之前積修至道勤苦備悉經緯逾深萬法千門罔不師歷救災
拔難除害蕩妖功濟生靈名高玉籍衆真推仰宜有甄昇可授
九州都仙太史高明大使賜紫綵羽袍瓊旌寶節玉膏金丹各
一合詔至奉行真君再拜登階受詔一仙曰予乃玉真上公崔
子文一仙曰予乃元真大卿瑕丘仲言畢揖真君坐告以冲舉
之日遂乘雲車而去真君乃召門弟子與鄉曲耆老諭以行期
自此朝夕會于真君之第日設宴飲共叙惜別且教以行善立
功以致神仙之旨著靈劍子等書又與十一弟子各爲五言二

韻勸誠詩十首以遺世以大功如意丹方傳衆弟子之不與上
昇者此方卽丁義神方中一也其訣必先擇日齋戒設位醮十
八種藥之神然後書符逐味誦呪而修合之其治衆疾如意而
愈是月望日大營齋會遍召里人長少畢集至日中遙聞音樂
之聲祥雲彌望須臾漸至會所羽蓋龍車從官兵衛僊童綵女
前後導從紅霞紫氣舒布環遶前二詔使又至眞君降階拜迎
二仙復宣詔曰上詔學仙童子許遜脫子前世貪殺匿不祀祖
先之罪錄子今生呪水行符治病罰惡馘毒之功已仰潛山司
命官傳金丹於下界閉債封形廻子身及家口廚宅百好歸三
天子急淨穢背土凌空左大力天丁與流金火鈴照辟中黃無
或散慢告行仍封遠祖由玉虛僕射曾祖琰太微兵衛大夫先
祖玉太極把業錄籍典者父肅中嶽仙官賜所居宅曰仙曹左
府玉眞上公曰卿門弟子雖衆唯六人合從行餘各自有超舉

之日不得偕往也乃揖真君真君昇龍車命陳勳時荷持冊前
導周廣曾亨驂御黃仁覽與其父族侍從盱烈與母部從仙眷
四十二口同時昇舉雞犬亦隨逐飛騰里人攀戀投地悲號不
忍別真君曰僊凡路殊悲懼自切執奉孝慈恭順天地何患無
報耶乃留下修行鐘一口并一石函謂之曰世變時遷卽爲陳
迹矣聊以此爲異時之記有僕許大者與其妻市米於西嶺聞
真君將飛昇卽奔馳而歸倉忙車覆遺米于地米皆復生今地
米車崗生比至哀泣求從行真君以其分未應仙乃授以地仙之
術夫婦俱隱于西山其詳見仙仗旣舉有頃墜下藥臼車轂各
一又墜一雞籠于宅之東南十里餘舊名雞栖靖并鼠數枚墜
地雖拖腸而不死意其嘗得竊食仙藥也後人或見之者必
爲瑞應焉仙駕凌空向遠望之不可見唯祥雲綵霞瀾漫山谷
百里之內異香芬馥經月不散初真君迴自旌陽奉蜀錦質信

于謚姆姆製以爲殿帷至是忽飛來周游故宅之上竟日復飛入雲霄

後置觀名故以游帷爲名

初真君與郭璞尋真選勝至宜春栖梧山

王長史之子朔迎真君居西亭久之真君謂朔曰吾視子可傳吾術乃密授仙方復云此居山川秀麗兼有靈泉出於道南前對洞天俯臨袁水宜爲道院朔從之真君書一



天篆靖字

字

于壁而去飛昇之日雲輶過其上遣二青衣下告朔以被玉皇詔命因來別子朔泊闔家瞻拜祈度真君俯告曰子輩仙骨未充但可延年乃飛仙茅一根授朔曰此茅味異殖於茲地久服長生甘能養肉辛能養節苦能養氣鹹能養骨滑能養膚酸能養筋宜和苦酒服之必效言訖而別自後王族如言服餌各壽百齡焉

今臨江軍玉虛觀即其地仙茅存焉

真君所從游者三百餘人其功行傑

出通吳君十有一人真君飛昇之後里人與真君之族孫簡就其地立祠以所遺詩一百二十首寫竹簡之上載之巨笥令人

採取以決休咎名曰聖籤其鐘車函曰並寶藏于祠中

後改祠為觀因

錦帷以命名曰游帷

蜀旌陽之民競齎金帛負磚甃來登壇井以報功德

各鐫姓名于上

蜀民磚緣改宮修蓋始微去之今間有存

隋煬帝時焚修中輟觀亦

尋廢至唐高宗永淳中天師胡惠超重興建之明皇尤加寅奉

宋太宗真宗仁宗皆賜御書真宗又遣中使賜香燭花旛旌節

舞偶改賜額曰玉隆取度人經太釋玉隆騰勝天之義仍禁名

山樵採蠲租賦之役復置官提舉為優異老臣之地徽宗皇帝

降玉冊上尊號醮告詞文云政和二年太歲壬辰五月丁巳朔

十七日癸酉皇帝御名謹遣入內內侍省內殿程奇請道士三

七人於洪州玉隆觀建道場七晝夜罷散日設醮一座三百六

十分位上啓神功妙濟真君伏以至神無像雖莫能名成德在

人姑從所示式褒顯蹟肇薦徽稱冀享欽崇永綏福地某無任

誠惶誠恐懇禱之至謹詞御降真君冊告表文臣某祇奉高真

肇揚顯蹟仰太霄之在望被靈宇以申虔美利所加既作黎民
之福純熙來被更延景曆之昌臣無任精虔激切之至謹奉表
奏告以聞臣某誠惶誠恐頓首謹言玉冊文曰維政和二年歲
次壬辰五月丁巳朔十七日癸酉皇帝再拜言曰天眷用懋寵
綏四方爰有至真克相上帝烜威赫德錫羨降康而名號弗宣
曷彰報典迺詔有司考循祕牒發揮遺懿垂示無窮共惟真君
躬握元圖密庸妙契絲魏迄晉嗣休炳靈賑乏蠲痼一方攸賴
翦妖馘毒三氣獲分肆膺謚姆之符榮啓都仙之籍超昇璇極
載紀綿邈廟像屹崇風烈如在矧炎暉之有赫方皇運之邛隆
荐降嘉祥聿彰幽贊禴禴響答民物阜寧宜極徽稱以昭嚴奉
謹遣朝奉大夫充集賢殿修撰知洪州軍州管幹學事兼管內
勸農使充江南西路兵馬鈐轄護軍賜紫金魚袋王翬上尊號
曰神功妙濟真君洪惟降鑒誕受丕章佑我無疆保茲景命俾

緝熙於純嘏用敷錫於羣倫謹言政和六年改觀爲宮真君昭靈著驗非一屢承恩寵事迹詳載逍遙山玉隆萬壽宮志

臣道一曰許太史辭棄官榮潛心道法活民則行符呪水除害則誅蛟斬蛇行滿功成高陞仙品然而鄉黨化其孝友交游服其德義隨機應物不異常人但所居之處常有鳴鶴翔飛景雲旋遶而已其在仕也政有可觀其歸隱也內則修丹外則混俗真神仙之雄傑者也道德經曰道沖而用之或不盈淵乎似萬物之宗挫其銳解其紛和其光同其塵湛兮似若存吾不知誰之子象帝之先許太史得之也

歷世真仙體道通鑑卷之二十六

歷世眞仙體道通鑑卷之二十七

浮雲山聖壽萬年宮道士趙道一編

吳猛

吳君名猛字世雲濮陽人仕吳爲西安令因家焉今分寧縣是也性至孝齟齬時夏月手不驅蚊懼其去已而嚙親也年四十得至人丁義神方繼師南海太守鮑靚復得祕法吳黃龍中天降白雲符授之遂以道術大行於吳晉之間晉武帝時許眞君從世雲傳法世雲盡以祕要授之永嘉末杜弢寇蜀攻陷州縣眞君旣誅大蛇世雲曰蛇是蜀精蛇死則杜弢滅矣卒如其言嘗見暴風大作書符擲屋上有青鳥銜去風卽止或問其故答曰南湖有舟遇此風中有二道士呼天求救故以此止之驗之果然西安令于慶死已三日世雲曰令長數未盡當爲訟之于

天遂臥於屍傍數日與慶俱起慶弟著作郎寶感其異遂作搜
神記行於世嘗渡豫章江值風濤乏舟世雲以所執白羽扇畫
水而渡觀者駭異晉書云吳猛豫章人少有孝行夏日常手不
始授其神方因還豫章江波深急猛之不晉孝武帝寧康二年真
假舟楫以白羽扇畫水而渡觀者異之君上昇世雲復還西安是年十月十五日上帝命真人周廣捧
詔召世雲遂乘白鹿車與弟子四人白晝冲昇宅號紫雲府分今
寧縣吳仙村西平都福地紫府列真既靈異之有聞豈褒崇之可後以爾早學至
道嘗悟祕言道化施行世稱慈父功行甫就飛昇帝鄉大江之
西尙存故宅凡禱輒應吾民是依錫之新封用彰德懿朕命惟
允其鑒于茲可特封神烈真人

陳勳

陳勳字孝舉蜀川人博學洽聞時魏遣鍾會鄧艾伐蜀劉禪降

孝舉時尙少已有出塵之志入青城山師谷元子求度世之法繼聞許真君在旌陽仁政及民走謁公庭願充書吏真君嘉之付以吏職凡表率輩流設化民俗撫字之術裨益爲多遂引爲門弟子而託以腹心典司經籍守視藥爐真君冲翥命執策導前焉昔玉隆宮西廡有孝舉道院號承仙府手植巨柏一株其院面北而居宋徽宗政和二年誥封正真人其詞略曰以爾早以誠懇師事道君門人之中獨掌祕奧功行甫就撫幢而昇大江之西儼有遺像

餘同吳君誥

周廣

周廣字惠常廬陵人大將軍瑜之後少好天文音律之學長通无爲清靜之教嘗與同志遊巴蜀雲臺山得漢天師驅翦精邪之法救民疾苦聞許真君在旌陽徑詣公庭願備下執真君納之令供侍杖屨夙夜惟勤遵行道法始終不怠還居私第左右

無違乃就宅西百餘步間築室以居真君飛舉惠常與曾興國

同驂龍車宅號宣詔府

唐營其宅太中州牧周令公詔真君人爲祖今修

曰太

宋徽宗政和二年封元通真人其詞略曰以爾早契山宇

師事仙君元化通神能得其道功行甫就偕昇帝鄉大江之西

儼有故迹

吳首尾同

曾亨

曾亨字興國泗水人參之後也少爲道士天資明敏博學多能修三天師之教逆知來物名山列嶽有路必通妙訣靈符無治不愈神人孫登見之曰子骨秀神慧砥礪精勤必作霄外人矣子勉之後隱居豫章之豐城聞許真君道譽投謁門下願侍巾几真君雅器重之神方祕訣無不備傳後驂龍車昇天今豐城縣真陽觀是其遺跡宋徽宗政和二年誥封神惠真人其詞略曰以爾骨秀神惠天稟殊姿師事仙君雅與道合功行甫就偕

遊帝鄉大江之西尙存壇井

吳首尾同
君話

時荷

時荷字道陽鉅鹿人少爲道士入四明山遇神人教以胎息衆妙之術用能却寐絕粒役使鬼神驅除邪魅點化金玉調濟窮苦民受其賜聲聞遠邇惠懷之世聞許真君孝道法盛行江左徒步踵門願充弟子真君納之授以祕訣復遣還山教導徒衆晉明帝詔赴闕師問之堅不願留竟歸依棲侍側孝武帝寧康二年與陳孝舉執冊導從昇天有遺迹在豫章城號紫蓋府今南昌縣廳是也東海沐陽縣奉仙觀乃其舊隱宋政和二年封洪施真人其詞略曰以爾系出東海世稱仙材能自得師以有洪範前驅龍節參駕同昇大江之西尙存故宅

吳首尾同
君話

甘戰

甘戰字伯武豐城人以孝行見推於鄉黨遭時亂離晦迹草澤

喜神仙久視之術聞許真君行孝道法除害利物遂造門懇請
願備驅役真君異其材器可其所請至真君上昇復付以金丹
祕訣伯武後歸豐城布德行惠至陳宣帝大建元年正月七日
亭午天詔下乃駕麟車乘雲而去乃今昔縣中清都觀其故宅號華
陽亭有飛簷觀爲之奉祀宋徽宗政和二年封精行真人其詞
略曰以爾幼耽道教長事仙君驅妖除邪厥功甚茂精行既備
昇遊帝鄉大江之西尙存故宅吳首尾同

施岑

施岑字太玉沛郡人祖朔仕吳因徙居九江赤烏縣太玉狀貌
雄傑勇健多力弓劍絕倫許真君初領徒衆誅海昏大蛇會鄉
壯三百餘人來助力太玉預焉致恭懇乞願充役者真君納之
與甘伯武常執劍侍左右晉孝武帝寧康二年十月二十八日
晨見東方日有一童子乘綵雲執素策驅蒼虬降其所居宣玉

帝詔遂御蒼虬乘雲而去真君宅東南二里間有壇曰紫玉府
卽其所栖之地西嶺鎮江干石上有觀至今額爲太玉眺臺南昌
之地亦有之皆所以眺望水妖也此唐垂神仙施肩吾後隱宋徽宗
政和二年封勇悟真人其詞略曰以爾性勇而悟能自得師授
以至言俾之入室神童指妙飛昇帝鄉大江之西故宅猶在尾首

同吳
君詒

彭抗

彭抗字武陽蘭陵人舉孝廉仕晉累遷尙書左丞密修仙業以
病辭朝師事許真君仍納愛女爲真君子婦舊以彭女爲夫人
婦是矣真君懷帝永嘉末化炭婦誅蛇而彭君在計其年已七十
十六矣豈復親匹偶乎屢聞真君夫人周氏今考其道蹟有周
謙女史答曰女史新一藏經妙聖母非也真君念其恪誠應諸祕要
纖悉付之速遣還朝至穆帝永和二年致政南遊挈家居豫章
城中再詣門下朝夕叩問道益精進宋高祖永初二年職方乘

年二月二十四日舉家二十六口白日昇天今郡城宗宋徽宗

政和二年封潛惠真人其詞略曰以爾絕名去利潛默內修竭誠親師授以祕要功行甫就飛昇帝鄉大江之西尙存故宅仙

室靈壇儼有陳迹吳首尾同

盱烈

盱烈字道微南昌人少孤事母以孝聞母蓋許真君之姊也真

君凡二姊盱母爲之孟遺愛錄云南昌盱母爲真君鍾離君嘉真君

爲其孀居乃築室宅西數十步間俾居之故母子日聞道妙真

君每出則盱母代掌其家事仙賓隱客咸獲見之胡天師石晉

到此則客母子並受玉皇詔部分仙眷昇天今牆西道院乃其

舊居號合宋徽宗政和二年誥封和靖真人其詞略曰以爾學

真君之道悟五煉之源惟性閑和動合大化卒與其母偕昇帝

鄉大江之西尙存故宅吳首尾同

鍾離嘉

鍾離嘉字公陽

超一字

南昌人真君仲姊之子少喪父母植性簡

淡真君嘗嘆其有受道之資乃授之神方能拯救付之妙訣能役逐真君昇天首有金丹之賜是年十月十五日中碧霞寶車自天來迎公陽拜詔昇車而去新建象牙山西源是其所居也有觀曰丹陵石藥曰尙存號鍾玉府宋徽宗政和二年誥封普惠真人其詞略曰以爾持修煉之術善符禁之能普惠邇遐功行昭著真君付訣昇遊帝鄉大江之西尙存故宅

吳首尾同
君誥

黃仁覽

黃仁覽字紫庭高安人父輔字萬石舉孝廉仕至御史紫庭神彩英秀局量凝遠真君以女妻之盡得真君之道任青州從事單騎之官留妻侍父母然每夜輒歸人莫得知一夕家僮報許氏院中夜有語笑聲姑訊之許氏曰黃郎耳姑曰吾子從仕數

千里安得至此許氏曰彼已得仙道能頃刻千里戒在漏語故不敢令姑知姑曰若然當使我見之是夕紫庭歸許氏告以故比明紫庭不得已出謁父母曰仁覽雖從宦遠鄉夜必潛歸膝下仙道祕密不可泄言恐招譴累言訖取竹杖化爲青龍乘之而去故萬石亦知仙道足慕執弟子之禮以事真君惟紫庭二弟勇健不檢日事遊畋雖父兄奉詔飛昇而二人尙在獵所自言受性縱逸不堪作仙任兄舉族飛騰容我二弟捕鹿紫庭嘆其賦分復折草化鹿以止其妄心遂與父母三十二口乘雲而東從真君仙駕昇天二弟後隱於西山今四方岡廟俗呼黃仙仗既行雲間墜下石毬藥臼各一瑞州高安縣祥符觀舊也傍有許氏墜釵洲宋徽宗政和二年誥封冲道真人其詞略曰以爾襲初平之慶稟非常之資師事道君洞該至妙功行甫就昇遊帝鄉大江之西尙存故宅

吳首尾同誥

仁覽父輔亦求爲真君弟子真

君以其懿戚待以客禮故不與十一人之數諸弟子受法皆許傳族壇靖各立府亭之名

持其道教大法以儀八府小儀曰亭行

蘭公

昔有異人姓蘭名期人莫敢呼其名稱之曰蘭公初居兗州曲阜縣高平鄉九原里其家百餘口精修孝行致斗中真人下降其家自稱孝悌王諱弘康字伯中語蘭公曰始氣爲大道於日中爲孝道仙王元氣爲至道於月中爲孝道明王玄氣爲孝道於斗中爲孝悌王夫孝至於天日月爲之明孝至於地萬物爲之生孝至於民王道爲之成吾於上清以下託化人間示陳孝道之教後晉代當有真仙許遜傳吾孝道之宗是爲衆仙之長因付蘭公祕旨及金丹寶經銅符鐵券令傳授丹陽黃堂靖女真譙姆且戒之曰將來有學仙者許遜汝當以此授之孝弟王遂將蘭公遊於郊野道傍忽有三古塚指以示蘭公此是汝三

生解化之迹其第一塚乃昔尸解所遺仙而已第二塚乃太陰煉形形體已就今當起矣第三塚藏蛻骨耳宜移塚傍之路勿令人物踐履也孝悌王言訖昇天蘭公乃榜示行人斷其舊路人謂其妖妄擅移路逕執以詣官官吏拘公而詰其驗公具以前事對官吏云必若妄言將加誅公曰吾言得之孝悌王安得妄官吏遂引蘭公與地分對開其塚其第一塚果有黃衣一領其第二塚見一人童顏弱質如睡初覺之狀第三塚見有連環骨一具衆咸驚嘆吏乃持衣還獻府君著衣著衣不能勝還與蘭公公服之卽同塚中之人合爲一體竦身輕舉官吏悔謝虔懇拜問何時再降人間蘭公俯語之曰我自此或十日或百日一降施行孝道以濟迷塗其後吳都有十五歲童子丹陽三歲靈童並是真仙之化身也將弘孝道之教以授合仙之士焉臣道一曰蘭期積世修真念念不忘道至感斗中真人下降示

陳孝道以開來證真仙子如蘭期者誠之至焉者觀其三生
解化之迹昭然動人至於妙合形神竦身輕舉蓋以一誠而
歷四世仙道竟成豈旦夕之功行哉道德經曰不失其所者
久死而不亡者壽豈非蘭期之謂乎

許大

許大真君之役夫也真君上昇之日適與其妻運米出市

嶺今西市

聞真君昇天夫婦推覆米車奔馳而歸至則仙仗已興夫婦撫

膺哀號乞從行真君告以善功未備不應飛昇乃授以地仙之

術夫婦俱隱于西山其覆車之米在地復生

今地名巖車岡生米市即其所也

既隱不欲人識改姓曰午又爲人所知復改曰干夫婦各有詩

留於世干君詩曰自從明府昇天後出入塵寰直至今不是藏

名混世俗賣柴沽酒貴忘心其妻詩云醉舞狂歌踏落花綠羅

裙帶有丹砂往來城市賣生藥祗箇西山是我家又詩云出入

仙鄉不記春。豈知塵世有寒溫。兒家祇在西山裏。除却白雲誰到門。因干君出遊。經時不歸。獨步醺壇有感。而作昨日因遊到翠微。醺壇風冷。杏花稀。碧桃爲我傳消息。何事人間去不歸。許大夫婦聞真君將上昇。苦求隨行真君。以詔使告合從昇天人數。已有定命。難徇其請。故預期使之出。幹雖覆車而歸。已無及矣。今時人有見之者。稽神錄云。洪州西山中有樵人。自稱干大衆。莫知其名。時出村落。與人相接拱揖而已。未嘗交一言。人欲問之。輒揖而去。有少年者。俟其出拜之。曰。願事先生。干大驚。欲去。少年急捉其衣。褐隨之。而往。干大曰。爾何爲者。輒對曰。願事先生。且拜且行。經歷險絕。輒不慙。捨久之。乃坐澗水傍。曰。爾欲茶。不少年曰。諾。卽解衣襟。間取茶末置少年掌中。使掬水吞之。訖。因臥良久。而寤。遂失干大。尋樵路而出。乃分寧縣界。數日還家。少年自此輕健無疾。

胡惠超

天師胡惠超字拔俗不知何許人也莫知其年壽唐高宗上元間來自廬山栖於豫章西山之洪井幅巾布褐徒行負杖至游帷觀見同輩手不執板擎拳而已美鬚眉體貌瓌偉類四十許歲人身不甚長然每處稠人中其首獨出其上雖至長者止及其肩故時人稱爲胡長仙人問其年幾何曰五十二歲逾數十載問之亦復云然至論晉宋已來治亂興廢纖毫不差喜談晉司空張華文物如其友或云許吳君嘗授其延生煉化超三元九紀之道能檄召神靈驅奮雷雨至陶弘景校茅山華陽洞太清經七十卷天師亦與焉背縫盡朱書其姓名覽之者皆見之又曰吾昔到此客於盱姆用是不知爲何代人物也每逢路傍暴骨遺骸悉爲瘞之地有古物寶器掘之如其言而獲聞邪怪之物疾之如寇讎卽務翦除之時豫章西門有樟木精爲獨

足神大興怪崇邀人淫祀天師一見叱罵書符禁制卽命斬伐積薪灌油以火焚燎妖崇遂滅以地爲觀舊名信果昔游帷觀

唐初荒廢因問主觀胡不修葺答以乏材力天師奮然而往不

逾月以木棧至高安樟木江口距觀九十里命棧人緊繫縛各

就宿江岸臨暮飛黑符一道中夜烈風雷雨比明棧已在壇下

矣凌抹嶺谷所當之路林木披靡摧折又於山下發一窖出錢

三百千爲工役之需應殿宇非人所居者皆夜役鬼神爲之門

外鑿三井以辟火災俗號曰永無火井故久之異迹顯著唐高宗

時偶抵京邑詔除壽春宮狐妖賜洞真先生至是天后以蒲輪

召之天師深隱巖谷州縣搜求之急不得已而出至都引見於

武成殿后臨問仙事天師止陳道德帝王治化之源后大喜又

欲留於都下委以煉丹之事天師辭請還山修煉勅遣使齎金

璧送歸行次單父賜書曰先生道位高尚早出塵俗如軒曆之

廣成漢朝之河上遂能不遠千里來赴三川日御先開望霓裳
之漸遠天津後渡瞻鶴蓋以方遙空睇風雲惆悵無已儻蒙九
轉之餘希遺一丸之藥天師乃於洪崖先生古壇之際煉丹首
尾三年降詔趣召詣闕至則館於禁中天師辭歸固留不許天
師一朝遁去上聞嘆恨久之遣使齋贈甚厚兼贈詩一篇云高
人協高志山服往山家迢迢聞風月去去隔煙霞碧岫窺玄洞
玉竈煉丹砂今日星津上延首望靈槎天師歸西山居於盱母
靖觀有三清中門真君橫堂堂在今仙井皆鬼工所造平柱眠
枋疊至脊斲削之工人或可侔至植立不斜堅固不朽非人可
及梁牌親題年號筆力遒勁又自寫其真容於後殿之壁其居
西山人皆師事之千里之內無疫癘水旱之災無猛鷲天柱之
苦遠近賴焉長安三年二月十六日命弟子於遊帷觀之西北
伏龍岡造磚墳藏太玄真符二七星神劍靈寶策杖各一三日

而訖天師正衣冠坐繩床異香滿室空中雲鶴牆外人馬之聲紛紛不絕視之已解蛻矣州具以聞賜錢帛修齋醮復諡曰洞真先生姑蘇先生司馬貞撰碑具載詳悉開元中天師復出爲明皇所重以詩送還山云仙客馱人間孤雲比性閑話離情未已煙水萬重山又世傳明皇三公主從之學道一曰玉真長公主二曰玉真次公主三曰真一公主其後道成皆隱翔鸞洞師亦隱去今伏龍山凌雲觀乃師還山所居公主從之學道處凌雲南去十餘里平地有山爲冢三又師再藏劍印符籙處俗呼曰三槨至今屬籍凌雲觀其門人高弟甚多最顯者曰萬天師藺天師臨川井山黃花姑云游帷觀有胡天師畫真像壁一日將頽忽有一雲水道士至以木板模寫之儼然復前狀越夕而壁倒道士亦不知所往門堂以宋徽宗政和六年奉旨重造始徹去今惟真板存焉

歷世眞仙體道通鑑卷之二十七

歷世眞仙體道通鑑

卷之二十七

卜

愛麗園文海閣藏書

十

廣倉學寔印行

歷世眞仙體道通鑑卷之二十八

浮雲山眞壽萬年宮道士趙道一編

王纂

道士王纂者金壇人居馬跡山常以陰功救物值西晉末中原亂離饑饉癘疫交作民多斃無救纂憫之遂於靜室飛章告天而泣涕不已後三日室中有光如晝已而祥風景雲紛郁空際異香天樂下集于庭先有介金執銳之士三十餘人斯須珠幢寶旛霓旌羽節導從前後又四青童執花捧香二侍女捧案地舒雲錦前立巨屏左右龍虎將軍侍從官將各二十餘人立屏左右有備衛復有金甲大將軍二十六人神王十人次龍虎二君之外班列肅如也俄而笙簧之音自西北至五色祥光灼爍流映一人佩劍持簡而前告纂曰太上道君至于是百寶大座

自空而下道君據坐有二真人二天帝立侍焉纂拜手跪伏而前道君曰子憫生民形于章奏剗心拔血感動幽明地司列言吾得以鑒盼於子纂禮謝畢道君告曰夫一陰一陽化育萬物而五行爲之君五行互有勝負各有盛衰代謝推遷氣與生之相續間不容息億劫已來未始暫輟得其生者合於至陽昇天而爲仙得其死者淪於至陰在地而爲鬼鬼物之中有優劣強弱剛柔善惡與人世無異玉皇天尊慮鬼神之肆橫害於人常命五帝三官檢制部御律令刑章罔不明備然而季世之民淳源既散澆僞日生不忠於君不孝於親違三綱五常之教自投死地由是六天故炁魔鬼之徒與歷世以來敗軍死將戕害生民駕雨乘風因衰伺隙爲種種病中傷極多亦有不終天年如王翦白起從來將領生爲兵統死爲鬼帥有功者遷爲陰官殘害者由居魔屬乘五行敗氣爲瘵爲瘥然吾以陽威憚之神呪

伏之自當弭戢今以昔於杜陽宮所授真唐平神化神呪二經復授子行之可拯萬民卽命侍童披九光韞以二經及三五大齋訣授之曰勉而行之陰功可成真階可冀也言訖千乘萬騎西北而舉纂按經品齋科行世江表自是疫癘不復作矣

單道開

單道開敦煌人常衣粗衣或贈以繒服皆不著不畏寒暑晝夜不臥常服細石子一吞數枚日一服或多或少好山居而山樹諸神見異形試之初無懼色石季龍時從西平來一日行七百里至秦州表送到鄴釋教書云晉穆帝永和三年太史奏虎有異仙教書云晉穆帝永和三年太史奏虎有異人令啓送單道開到秦州刺季龍令佛圖澄與語不能屈也澄曰此道士觀國興衰若去者其境有大亂及季龍末道開南渡許昌尋而鄴中大亂晉穆帝昇平三年至京師後至南海羅浮山獨處茅茨蕭然物外年百餘歲卒于山舍敕弟子以屍置石穴

中弟子乃移入石室陳郡袁宏爲南海太守登羅浮山至石室
口見道開形骸如生香火瓦器猶存宏曰法師業行殊羣正當
蟬蛻爾乃爲之贊云云書出晉宋眉山唐子西序云葛稚川化去
三十餘年單道開始來羅浮今山人知有稚川而不知有道
開蓋稚川旣爲鄧嶽所留居山燒煉著書數年丹竈具存而道
開平日惟食細石子數枚淡無所爲以故後世莫得而考陳郡
袁宏雖作道開贊然宏嘗爲桓溫作九錫文矣此手豈宜復弄
世外事而贊文亦不復見於世遂作二贊書之山谷而不顯其
處以貽後世之好奇者云作道開贊曰世人茹柔剛則吐之匙
抄爛飯口如牛同至人忘物剛柔一致其視食石如嚼餅餌北
平飲羽出於無心食石之理於此可尋我雖不能而識其理庶
幾漱之以礪厥齒圖出羅浮志

王嘉

王嘉字子年隴西安陽人輕舉止醜形貌滑稽好語笑不食五穀不衣美麗清虛服炁不與世人交游隱于東陽谷鑿崖穴居弟子數百人亦穴處一云嘉御六炁守三一冬夏不改其服顏色日少季龍之末棄其徒潛于終南山結菴而止門人復隨之乃遷於倒獸山好尙之士師宗問當世之事隨問而對好爲譬喻如調戲者言未然之事辭如識記當時人莫能曉過皆有驗人候之至心則見不至心則隱形不見衣服在架履杖猶存或欲取其衣者終不及企而取衣架愈高而屋亦不大履杖諸物亦然秦苻堅累徵不就堅尋大舉南征以苻融爲大將軍遣人問嘉嘉曰金堅火強仍乘使者馬正衣冠徐徐東行數百步而策馬馳反脫衣服棄冠履而歸下馬踞牀而不言堅又不解更遣人問世祚如何嘉曰未央堅欣然以爲吉徵明年歲在癸未堅大敗於壽春遂亡秦國是央在末年也以秦居西爲金晉都

南爲火火能鑠金也嘉尋移嵩高山姚萇與苻登相持問嘉曰
吾將殺登定天下否嘉曰略得之萇大怒曰得當云得何略之
有遂斬之及二弟子萇先使人隴右逢嘉將兩弟子已千餘里
正是誅嘉日也嘉使書與萇萇令發嘉及二弟子棺並無屍各
有竹杖一枚萇尋亡嘉著拾遺記十卷多紀異事見行世

孟欽

孟欽洛陽人有左慈劉根之術百姓慕而趨之苻堅召詣長安
惡其惑衆命苻融誅之俄而欽至融留之遂大燕官僚酒酣目
左右收欽欽化爲旋風飛出第外頃之有告在城東者融遣騎
追之垂及已遠或有兵衆拒戰或前有溪澗騎不得過遂不知
所在堅末復見於青州苻朗尋之入于海島

郭志生

郭志生字通明朱提郡人晉元帝時云已四百歲見之如五十

許人有短卷書滿兩篋中常負之多止烏場張績家每嘆曰兵荒方生流毒生民將以溝瀆爲棺材蒼蠅爲孝子必然之期可爲痛心後二年孫恩妖亂冬夏殺害及餓死者十不遺一忽謂績曰應亡爲吾備麤材器殯不須埋但送山巖中以石鎖材上後少日而死績謹依斯教經數日績親人自富陽還見志生騎白鹿山中行作書與績

郭璞

郭璞字景純河東人也好經術博學有高材而訥於言論詞賦爲晉中興之冠好古文奇字妙於陰陽筭曆有郭公者客居於河東精於卜筮璞從之受業公以青囊中書九卷與之由是遂洞五行天文卜筮之術禳災轉禍通致無方雖京房管輅不能過也璞門人趙載嘗竊青囊書未及讀而爲火所焚惠懷之際河東先擾璞筮之知難將作於是避地東南抵將軍趙固會固

所乘良馬死固惜之不接賓客璞至門吏不爲通璞曰吾能活馬吏驚入白固固趨出曰君能活吾馬乎璞曰得健夫二三十人皆持長竿東行三十里有丘林社廟者便以竿打拍當得一物宜急持歸得此馬活矣固如其言果得一物似猴將歸此物見死馬便噓吸其鼻頃之馬起奮迅嘶鳴食如常不復見向物固奇之厚加資給璞過江王導深重之引參已軍事元帝初鎮建鄴導使璞筮之所言皆驗遷著作佐郎時陰陽錯繆而刑獄繁興璞上疏云夫寅畏者所以享福怠傲者所以招患宜蕩除瑕釁贊陽布惠建武四年三月癸亥日中有黑子璞以帝用刑過差陰陽錯繆皆繁刑所致赦不欲數然子產鑄刑書非政之善不得不作須以救弊故也今之宜赦理亦如之頃之遷尙書郎永昌元年春正月璞復上疏請因皇孫生下赦令帝從之大赦改元王敦以璞爲記室參軍璞善卜筮知敦必作亂已預其

禍甚憂之大將軍掾陳述卒璞哭之極哀曰嗣祖焉知非福也元帝崩璞以母憂去職卜葬地于暨陽去水百許步人以近水爲言璞曰當卽爲陸矣其後沙漲掩墓數十里皆爲桑田璞嘗爲人葬明帝微服往觀之因問主人何以葬龍角此法當滅族主人曰郭璞云此葬龍耳不出三年當致天子也帝曰出天子耶答曰能致天子問耳帝甚異之明帝大寧元年三月王敦謀篡位諷朝廷徵已帝手詔徵之敦移鎮姑熟二年五月將舉兵向京師令璞占夢璞筮之曰無成敦曰予壽幾何璞曰公若舉事禍將不久若還武昌則壽未可量也敦怒曰卿壽幾何璞曰壽盡今日日中敦大怒令伍伯縛之璞謂伍伯曰吾年十三時於棚塘脫袍與汝言吾命應在汝手中汝可用吾刀伍伯感昔深惠銜涕行法璞未筮夢之先已預報家人備送終之具在行刑之所命卽寔於江側兩松之間後三日南州市人見璞貨其

平生服飾與相識共語敦聞之不信開棺無屍乃兵解也後爲水府仙伯璞生平與桓彝友善彝每造之或值璞在臥內便直入璞因卿來他處自可徑前但不可廁上相尋耳必客主有殃彝後因醉詣璞正逢在廁掩而觀之見璞裸身被髮銜刀設餽見彝撫心大驚曰吾囑卿勿來反更如是非但禍吾卿亦不免矣璞終嬰王敦之禍彝亦死於蘇峻之難璞撰前後箴驗六十餘事名爲洞林又抄京費諸家要最更撰新林十篇卜韻一篇注釋爾雅又注三蒼方言穆天子傳山海經楚辭皆傳於世所作詩賦誄亦數萬言

上文所載多同晉書

臣道一曰郭璞之答王敦止奸臣賊子之心也王敦處大將軍之貴窺晉室之微欲行反噬可謂可欲而不知足者璞翼說止之觀其辭曰若將舉事禍將不久若還武昌則壽未可量也郭璞豈非以斯道自任而冀回奸臣賊子之心乎道德

經曰罪莫大於可欲禍莫大於不知足咎莫大於欲得故知足之尺常足此誠郭璞止王敦之意也

郭文舉

郭文舉河內軹人少愛山水常游名山觀華陰石室洛陽陷入吳居大辟山停木於樹苦覆而止時猛獸爲暴文舉居之十餘年無患丞相王導使迎至京師朝士咸共觀之文舉頽然箕踞傍若無人周顗問曰猛獸害人先生獨不畏耶文舉曰吾無害獸之心故獸不害人周顗庾亮桓溫劉恢共歎曰文舉雖無賢人之才而有賢人之德晉成帝咸和元年懇求還山導不許復少日遁入臨安白土山明年蘇峻作亂時人謂文舉逆知故去也有老子經二卷韞盛懸屋未嘗見讀之山外人徐凱師事文舉受籙籙上將軍吏兵見形於凱使役之又令凱見社竈神戒凱曰不可有房室不復爲卿使凱後娶暨氏女諸神卽隱惟餘

籙吏二人不復從命語凱云汝違師約天曹已攝吏兵留我等
守太上籙不復可使文舉亡如蟬蛻山下人爲之立碑文舉書
箬葉上著金雄詩金雌記後人於其所住牀席下得之次第尋
看識緯相似乃傳于世

臣道一曰郭文舉棲隱山林不畏猛獸觀其答周顗之問曰
吾無害獸之心故獸不害人其所養所學可知矣此所以起
人之嘆服道德經曰含德之厚比於赤子毒蟲不螫猛獸不
據攫鳥不搏豈非郭文舉之謂乎

王質

王質晉時東陽人也入山伐木至信安郡石室山遇見石室中
有數童子圍棋歌笑與一安云遇赤松子質置斧柯觀之童子以物
如棗核與質令含咽其汁便不覺飢渴童子云汝來已久可還
質取斧柯爛已盡質便歸家計已數百年親舊零落無復存者

復入山得道百餘年人往往見之後亦昇天而去浙東信安有爛柯山卽其地也一名斧柯山今屬衢州西安縣又廣東信安亦有爛柯山今屬肇慶府

董幼

董幼者海陵人也兄弟三人幼最小早喪父幼母偏念其多病不能治家年十八謂母曰幼病困不可卒愈徒累二兄終不得活欲依道門灑掃以度一世母許之幼在師家恭謹勤修長齋篤學未嘗暫怠遂洞明道術年四十一夜有真人降授幼水行不溺之道以一馬鞭與幼令幼以鞭水行於水上如行平地晉安帝義熙中幼還家辭母云幼已得道不復留人間今還與家別母曰汝應在何處去復幾時可還幼曰應在峨嵋山更受業未有歸期中表鄉鄰共送幼至區陽西江見幼鞭水而行漸漸而遠顧謂二兄曰世世傳道業矣

范豹

范豹者巴西閬中人久住支江百里洲修太平無爲之道臨目
噓漱項有五色光起冬夏惟單布衣至桓溫時頭已斑白至宋
文帝元嘉中狀貌不變其占吉凶雖萬里外事皆如指掌咸問
先生是謫仙耶云東方朔乃黠我我小兒時數與之狡獪又云
我見周武王伐紂洛城頭戰前歌後舞宋文帝召見豹答詔稱
我或稱吾元兇爲太子豹從東宮過指宮門曰此中有博勞鳥
柰何養賊不知文帝惡之勅豹自盡江夏王使埋於新亭赤岸
岡文帝令發其棺看柩無尸乃悔之越明年豹弟子陳忠夜起
忽見光明如晝而見豹入門就榻坐又一老翁後至豹起迎之
忠問是誰豹笑而不答須臾俱出門豹問忠比復還東鄉善護
我宅卽百里洲也

馮伯達

馮伯達者豫章建昌人世奉孝道精進濟物道民陳辭得旨與戴矜相似又是同時人也宋文帝元嘉中伯達下都後寄載鄉人還南行至梅根阻風連日伯達謂船主曰欲得速至家但安眠慎勿開眼其夜聞舫下刺樹杪而不危抗竊有窺者見兩龍挾梁翼船迅若電逝未曉到舍伯達尋入廬山不返

馬榮

馬榮者住梁國穀城中兩眼赤爛瞳子不見物而能明察洞視北方多病癩鄉里不容者輒來投榮榮爲治之悉差榮云患脚常乘白鹿車行無遠近不見人手推引而車自至或一日赴數十處請而各有一榮凡與人語自稱厄子作牽車三詩類乎讖緯宋武帝孝建二年三月初作書與兩國人別至十六日中時果化

韓越

韓越者南陵冠軍人也心慕神仙形類狂愚隨師長齋誦詠口不輟響常著屐行無遠近入山或百日五十日輒還家人問越未嘗實對後鄉人斫枯木作弓於大陽山絕崖石室中見越與六七仙人讀經越後自山中還於巒村暴亡家迎喪覺棺輕疑非真尸發看惟竹杖爾宋孝武帝大明中越鄉人爲臺將北使於青州南門遇越容貌更少共語移時訪問親表存亡悲欣凝然越云吾婦患嗽未差今因與卿散一裹令溫酒頓服之臺將還都具傳越言越婦服散嗽卽愈

嚴東

道士嚴東不知何許人年四十餘齊高帝建元中詣晉陵依道士李景遊嘗自悔若愚衣弊履穿惟齋一瓢亦無經書及與之談論所造深微而聲音清徹聽者駭異其爲笑傲歌謠和光混迹時人皆知非常而欽尙之在晉陵五六年一日將別援筆註

靈寶度人經辭不停翰窮日而終乃入溧陽甌山中後亦不知所在

王靈輿

王靈輿者九江道士性和緩而勤於道始居五老峯夜有神人謂曰得道者各有其地如植五穀於沙石中則不能成既有飛昇之骨當得福地靈墟可以變化雖累德以爲土地積行以爲羽翼苟非其所則魔壞其功道無由翼矣靈輿問可棲者何地曰朱陵之上峯紫蓋之鄰岫可以沖天矣遂遷衡嶽中宮凡一紀梁武帝天監十一年七月十三日羣仙下迎於壇所而昇天宋徽宗賜號通微集虛大師

雙襲祖

道士雙襲祖字仲遠梁時吳人也始居南嶽後遷九嶷山潛心於道以求度世嘗謂誠素所至高真必通遂刻志誦黃庭玉篇

因作黃庭觀使弟子居之自棲於白馬巖一日歸觀沐浴閉室而坐凡七日不出弟子驚異開視之忽然輕舉遺仙帔於木杪時唐太宗貞觀元年夏四月也巖中臥席後百餘年皆不壞

詳見

南嶽勝集總

桓闔

桓闔者不知何許人事陶隱居居茅山華陽館十餘年立性端謹執役之外寂寂然若無所爲一日有二青童一白鶴自空而下集於庭隱居欣然而接謂已當之青童曰太上所召者桓先生也隱居默計門人皆無姓桓者索之惟得執役桓闔焉詰其所致則曰常修默朝之道親朝大帝已九年矣故有今日之召將昇天隱居欲師之闔執謙固辭隱居不獲請旦謂曰某行教修道勤亦至矣尙淹於世俗得非有過致然幸爲我訪之他日見諭闔於是服天衣駕白鶴昇虛而去後三日密降而言曰先

生之陰功固已著矣然所修本草以蟲蟲水蛭之類爲藥功雖及人而反害物命以此更一紀當解形去授蓬萊都水監隱居復以金石草木藥可代物命者別著本草三卷以贖其過後果解形而去

歷世真仙體道通鑑卷之二十八

歷世眞僊體道通鑑卷之二十九

浮雲山聖壽萬年宮道士趙道一編

○寇謙之

天師寇謙之字輔真上谷平昌人後魏刺史讚之弟也遠祖仁漢成帝時隱王屋山白日飛昇號明眞先生仁之孫曰雋亦乘龍而去父馮翊爲河東太守以秦符堅建元乙丑歲七月七日生天師年十六長八尺有餘至十八歲乃傾心慕道幽感上達有仙人成公興備於謙之從母家因易之使墾田一日於林下筭周髀不合公興因教之應手而成謙之乃嘆賞有頃忽謂謙之曰法師有意學道可相與爲隱乎遂與之遊華山常採藥食謙之自此不復飢又隱於嵩山數年一日謂謙之曰某出當有人將藥相遺但食之果如所言視其藥皆毒蟲臭惡物乃恐懼

而出公興還具對公興嘆曰法師未易得仙但可爲王者師復曰某不久留翼日午時當去公興亡後先生幸爲沐浴自當有人見迎公興乃入第三重石室而卒謙之躬自沐浴明日日中有叩石室者謙之出視見兩童子一持法服一持鉢及杖謙之引入至公興尸所公興倏然而起著衣持鉢執杖而去謙之遂守志嵩陽不復出後魏明元帝神瑞二年夏四月一日遽有二人衣翠衣羽服冠洞雲冠乘龍持麾來曰老君至徐聞音樂之聲斯須太上乘白玉車九龍驂駕威儀赫奕神仙導從集上山頂謙之虔心作禮見闕五宮門臺殿岌然太上坐白銀華林下勅仙伯王方平引謙之前立曰吾得中嶽集仙宮主表稱張道陵登真以來修真之人無所師授今有中嶽道士寇謙之行合自然宜處師位故吾授汝以天師之任及雲中音誦新科經戒自開闢以來不傳于世今運數當出汝宜修之佐國扶命以化

生靈遂出新科經戒九卷謙之受訖五雲臺殿俱隱太常二年正月十五日太上復降又賜新科符籙十餘卷且戒之曰前後符籙得人可授授非其人罪及汝身謙之稽首奉教而後志行日新太武帝始光中朝廷遣洛州刺史梁公率官千餘人詣山迎師至闕而朝野未甚信奉惟司徒崔浩師事之上疏曰臣聞聖主受命則天應以瑞河圖洛書皆寄言蟲獸未若今日神人對接也昔漢高帝雖曰英聖四皓猶不屈之上悟其言乃命使奉玉帛告祭嵩嶽及賜師宮館前席問道禮遇益恭復欲授輔弼之位師固辭曰我今聖師太上四臨神仙六降并授天經科法量其所感乃真聖也遂建都壇剏靜輪天宮制作威儀一如經戒於是天下歸仰焉至庚辰歲師請爲帝祈福於中嶽精誠通感太上冥授帝以太平真君之號并冠服符籙師還具奏是歲改爲太平真君元年二年謙之奏曰今陛下以真君御世建

靜輪天宮自古未有當受符籙以彰聖德上然其言乃登壇受之九年正月七日謂弟子曰吾昨夢成公興召我於中嶽仙宮五月二十五日果羽化有青炁若煙出口中至天半乃消其體漸縮識者爲之尸解降年八十四至七月十五日東郡沈猷採藥於嵩嶽頂見謙之身作銀色光明如日由是知爲仙人

李皎

李皎爲寇謙之弟子遂服氣絕粒數十年隱於常山年九十餘顏如少童一旦沐浴冠帶家人異之俄而坐化道士咸稱其得仙尸解

韋節

法師韋節者字處元京兆杜陵人其族名家藏書萬餘卷節幼而好古通經傳子史傍及占候之術靡不精索十四歲後魏武帝擢爲東宮侍書及孝明帝初卽位太后視朝出守於魯郡莊

帝立復爲陽夏守以可近嵩山隱真道士趙靜通法師也既至
遂還簪紱於朝而謁法師受三洞靈文神方祕訣靜通曰嵩高
是神仙福地頃浮屠氏棲於此非有絕俗之行直欲託名嶽以
鬻風聲由是積尸沈魄穢濁靈山比者天文氣候怒戾失中恐
災流於此尙宜安居耶汝可抵商洛岷益間吾當遊泰山或乘
桴浮海節乃卜居華山之陽人因號華陽子餌黃精白朮胡麻
茯苓丹砂雄黃修三一雌一八道九真又行黃庭內景智慧消
魔經法撰爲三洞儀序註妙真西昇等經及莊列中庸孝經論
語惟老子周易有別論八十餘卷又讀太和真人樓觀先生內
傳復爲一卷周武帝嘗請受靈寶五符赤書真文有白鶴臨壇
徘徊而去帝嘉之屢有錫賜復詔爲修真之曲遂撰精思法上
嘆仰再四因賜號精思法師時有陳國使周洪正聞師名欲卽
問道帝召與之對剖析深微抑揚三教洪正美而嘆曰此三界

傑人非止二國之可仰而已帝特改號玄中大法師已而廬於山之東嶺屏諸喧雜以宅清曠上聞之復賜太元精舍武帝太和四年外紀作天康忽彩雲如蓋覆其廬且曰予當乘此而去遂不出戶十有二日乃寂然解化降年七十三

田仕文

田法師名仕文右鄆人也隋文帝開皇七年試業入道事韋節法師傳授三洞經法及符訣又誦靈寶生神章二經居常餌服白朮茯苓久而有益每煉氣於靜室或一句半月而出顏色愈光澤凡八節十直庚申日齋戒修奉未嘗少輟爲人祈福無不通感或爲人救病無不平愈陳綱常請醮忽袖降棗數顆在壇食之則非人間所有者又道士尹漆一日令佩符籙函忽墜水驍然有聲漆已在岸其真籙神符之靈皆此類常語人曰世之人有苦必援之然未之信時有里人賀蘭開者受戒於師一夕

忽卒爲鬼吏所執至一府庭如人間有司之所掌簿者閱之謂開曰汝有受戒之名可復還由是重蘇其通幽達冥之效如此四方之際信尙者多而受賜不可勝紀唐太宗貞觀十七年六月十九日羽化人皆見旛花羽節迎師而去且曰吾今登南宮福堂矣降年七十有五門弟子惟尹文操爲入室者

徐則

道士徐則者東海郟人沉靜寡慾常懷棲隱之志乃入縉雲山修道久之太極徐真人降謂曰汝出八十當爲王者師然後得道因廬天台山絕粒養浩所資惟松水而已隋煬帝爲晉王鎮揚州以書召之謂門人曰吾今年八十一王召我徐真人之言驗矣既至晉王請授道法則辭以日不利其夕雖香火如常朝禮至五更寂然返真王命使送還天台時自江都道中人或見師徒步云得還及至舊隱以經書道法遺弟子仍掃一室曰有

客至宜延之於此有頃跨石梁而去不知所在翌日果使至時年八十有二晉王追嘆三遣使圖其形又命柳誓爲贊曰可道非道常道無名上德不德至德無營真風扇矣粵有夙煉金骨怡神玉清石髓方漱靈丹欲成言念葛稚將從茅盈我王遙屬爰感虛誠柱下暫啓河上沈精留符信在化杖龍輕求思靈迹曷用攄情

岐暉

法師岐暉字平定京兆人也周武帝太和五年入道未幾會武帝沙汰釋老之徒因復流俗至隋道法重興時年二十六景行之心愈固遂事蘇法師於通道觀久之傳授三洞經法修按未嘗少怠內以希夷全其真外以逍遙適其趣歷年之久湛然自得隋大業七年煬帝親駕征遼暉謂門弟子曰天道將改吾猶及見之不過數歲矣或問曰不知來者若何曰當有老君子孫

治世此後吾教大興後數年隋果亂至唐高祖欽異其德遣使齋龍綵以祈福醮夕有白雲覆壇雙鹿馴砌其精感如此上嘉之詔修樓觀壇宇尊像一皆鼎新仍以藍田充焚修之費命師主之一日上躬詣祠庭謂左右曰老君乃吾聖祖也今爲社稷主不有洪建其可已乎因改觀爲宗聖詔賜粟帛以充齋給師每爲國祈謝之外修存三守一及臥斗之法嘗以仙經云欲爲仙客入太白於是擇門人志道者俱往既至而返則室中常有神仙談笑唐太宗貞觀四年七月十八日忽謂門人曰翌日巳時吾當去世及期果羽化春秋七十三

○孫思邈

孫思邈京兆華原人七歲就學日誦千言洛州總管獨孤信見其少異之曰聖童也顧器大難爲用耳及長好談莊老百家之說周宣帝時以王室多事隱於太白山學道煉氣養形求度世

之術洞曉天文推步精究醫藥審察聲色常蘊仁慈凡所舉動
務行陰德濟物爲功偶出路行見牧牛童子殺小蛇已傷血出
思邈求其童脫衣贖而救之以藥封裹放於草內復月餘出行
見一白衣少年僕馬甚整下馬拜思邈謝以言曰小弟蒙道者
所救思邈聞之不以爲意少年復拜思邈請以別馬載之偕行
如飛到一城郭花木正春景色和媚門庭煥赫人物繁雜儼若
王者之居少年延思邈入見一人端正美貌袷帽絳衣侍從甚
衆欣喜相接謝思邈曰深思道者故遣兒子相迎前者小兒獨
出忽爲愚人所傷賴脫衣贖救獲全其命此中血屬非少共感
再生之恩今得面道者榮幸足矣俄頃延入若宮闈內中見少
年女子領一青衣小兒出再三拜謝思邈曰此兒癡騃爲人傷
損賴救象害思邈省記嘗救青蛇卽訝此何所也又見左右皆
閹人宮妓呼袷帽君王呼女子爲后妃心異之潛問於左右曰

此涇陽水府也王者乃命賓僚設酒饌妓樂以宴思邈辭以辟穀服氣惟飲酒爾留連三日問其所欲對曰山居樂道思真煉神目雖所視心固無欲乃以輕綃珠金贈行思邈堅辭不受曰道者不以此爲意耶何以相報乃命其子取龍宮藥方三十首與思邈曰此真道者可以濟世救人俄復命僕馬送道者歸山思邈既歸深自以爲異歷試諸方皆若神效後著千金方三十卷散龍宮方在其內又以聲色診人之疾著脉經一卷大行於世隋文帝輔政徵爲國子博士不就嘗謂人曰過此五十年當有聖人出吾方助之以濟生人至唐太宗時召詣京師上訝其容貌甚少曰故知有道者誠可尊重羨門之徒豈虛言哉將授以爵位固辭不受高宗初卽位拜諫議大夫復固辭時年九十有九視聽不衰范陽盧照鄰有時名而染惡疾嗟稟受之不同昧遐天之殊致問於思邈曰名醫愈疾其道如何對曰吾聞善

言天者必質於人善言人者必本於天夫天有四時五行寒暑迭代其轉運也和而爲雨怒而爲風凝而爲霜雪張而爲虹霓天地之常數也人有四肢五藏一覺一寐呼吸吐納動而爲往來流而爲榮衛彰而爲氣色發而爲音聲此人之常數也陽用其精陰用其形天地之所同也及其失也蒸則生熱否則生寒結而爲疣贅陷而爲癰疽奔而爲喘息竭此而爲焦枯診發乎面變動乎形推此以及天地則亦如彼故五緯盈縮星辰失度日月錯行彗孛流飛此天地之疾疹也寒暑不時此天地之蒸否也石立土湧此天地之疣贅也山崩地陷此天地之癰疽也奔風暴雨此天地之喘乏也雨澤不時川源涸竭此天地之焦枯也良醫遵之以藥石救之以砭劑和之以道德輔之以人事故人有可愈之疾天地有可消之災照鄰曰人事奈何曰心之爲君君尙恭故欲小詩曰如臨深淵如履薄冰小之謂也臆爲

之將以果決爲務故欲大詩曰赳赳武夫公侯干城大之謂也
仁者靜地之象故欲方傳曰不爲利回不爲義疚方之謂也智
者動天之象故欲圓易曰見幾而作不俟終日圓之謂也故其
文學也穎出其道術也不可勝紀復問養性之要答曰天有盈
虛人有屯危不自慎不能濟也故養性必先知自慎也慎以畏
爲本土無畏則簡仁義農無畏則惰稼穡工無畏則慢規矩商
無畏則貨不殖子無畏則忘孝父無畏則廢慈臣無畏則勦不
立君無畏則亂不治是以太上畏道其次畏天其次畏物其次
畏人其次畏身憂於身也不拘於人慎於小者不懼於大戒於
近者不悔於遠如此則人事畢矣高宗後無何制授承務郎致
之尙藥局不就永徽三年二月十五日時年已百有餘歲晨沐
浴儼其衣冠端拱以坐謂子孫曰我爲世人所逼隱於洞府修
煉將昇無何有之鄉臣於金闕不能應召往來俄而氣絕遺命

令薄葬不設明器牲牢之奠月餘顏色不變舉尸入棺如空衣

焉已尸解矣

釋化年仙傳所載與唐書合唐書載卒善莊老

陰陽醫藥之術尤重釋典百世孫真歲人焉今據史所載釋氏通

鑑非所

至唐明皇幸蜀夢思邈乞雄黃乃命中使齎十斤送峨嵋

山頂上中使上山見老人幅巾被褐二青衣童夾侍曰有表錄

上皇帝中使視石上朱書百餘字遂錄之隨錄隨滅須臾白氣

漫起因忽不見後成都有一僧誦法華經甚專雖經兵亂卒不

能害忽一日有山僕至云先生請師誦經遂引行過溪嶺數重

煙嵐中入一山居僕曰先生老病起晚請誦經至寶塔品欲一

聽之至此先生果出野服杖藜兩耳垂肩焚香聽經罷入不復

出遂拱僧以藤盤竹箸梳飯一盂杞菊數甌僧食之無鹽酪味

美若甘露并得贖錢一銀僕送出路口僧因問曰先生何姓曰

姓孫問何名僕於僧掌中手書思邈二字僧大駭迴視僕遽失

不見僧乃於山中尋求竟迷舊路歸視贖資乃金錢一百文也有茲一飯身輕無疾至宋真宗天禧中僧已一百餘歲後隱去莫之所之

臣道一曰孫思邈煉氣養神精究醫藥務行陰德常蘊仁慈汲汲以善爲務小蛇之傷昆蟲之微爾思邈以藥封而放之其德及昆蟲非人可及至於龍宮之報感靈異之若此道德經曰常善救物故無棄物孫思邈以之

胡隱遙

胡隱遙者洞庭山道士也自云甬里先生之孫其山有甬里村甬里廟累世多得道隱遙居焦山學太陰煉形之法死於巖中囑弟子曰常視吾體無令物犯六年後若再生當復我以衣冠弟子視之肌體爛壞惟五臟不變乃復閉護及其果再生遂備湯沐浴加新衣其髮鬆而黑其髯粗而直後十六年如前死更

七年復生如此凡三度約八十歲狀貌如三十許人隋煬帝聞之召見恩禮隆異唐貞觀中太宗詔入內殿問攝生之道對曰臣所修者匹夫之志功不及物帝王修道一言之利萬國蒙福得道之効尤速臣區區之學非九重萬乘之所修也請歸山後不知所之

劉道合

劉道合者一名愛道陳宛丘人也幼懷隱逸志住壽春安陽山隋末遷蘇山從仙堂觀道士孟詵傳道復入霍山春分日啓誓文於谷中返數里間雷電而雨遂止於巖是夕夢有人召覺則恍然有光見一神人身長丈餘衣冠劍佩持符從介甲士六七人謂道合曰吾爲黃神大威使者今六天醜類賊害民物聞子好道志節不屈可制魔羣吾以三天正一盟威攝召符契授子道合受而吞之自是道法所施無不驗唐高祖武德中入嵩山

與潘師正同居高宗聞之降詔於所隱立太一觀使居之時將
封泰山雨不止帝使道合禳呪俄霽得寵賜輒散貧乏洛邑苦
飛蝗道合以符示官吏俾散貼境內則立消唐高宗咸亨中上
召作符既成未克進忽料簡書汲汲然似有行意弟子問之則
曰廬山司命君召吾有頃沐浴具冠褐而化調露中創奉天宮
遷道合墓發棺見骸骨折若蟬蛻者上一開云惟有若蟬蛻者帝聞
之曰爲我合丹而乃自服去耶

歷世眞仙體道通鑑卷之二十九

歷世眞仙體道通鑑卷之三十

浮雲山聖壽萬年宮道士趙道一編

梁謚

道士梁謚者字考成京兆扶風人也博通經史雖陰陽占候之術靡不精究外聲利薄滋味唯以安閑自適一日相者見之且曰此子目流白光貌集眞氣非常人也後果樂神仙道大魏元帝咸熙初事鄭法師於樓觀時年十七仁不勝生和不好勝人皆樂之常夢與仙人遊或登名山或酌石髓由是自有所娛至晉惠帝永興二年乙丑五月五日老君命眞人尹軌降于樓觀乃盡弟子禮事之踰月遂授煉氣隱形之法次授水石還丹術卒授六甲符及采服日月黃華法後隱於終南山食炁吞符大盡其妙又廣索丹砂還而爲餌凡辭氣之出則音韻清徹自是

欽奉者多乃深入巖谷嘗阻大雪鳥獸俱斃而諶獨守寂其志堅篤故靈真自集目能視地中物耳能聽數里聲一日忽謂門人曰有朋友待吾於南峯今須往矣乃冠服而出則雲氣迷統不見其形惟聞鼓吹之音隱隱於空時元帝大興元年戊寅歲混元寶錄云能飛行變化三年丹成白日昇天

孫徹

道士孫徹者字仲宣不知何許人卽尹通之籍師也性端直寡言語外視若愚而中養素人莫能測之前趙初光中師事王先生方十八歲先生與之出處人皆呼先生爲大煉師徹爲小煉師先生爲時所望請訪益多而遂隱遁惟徹住樓觀或宿於木杪與人迹罕及之地居常編葛爲席合目端坐若有所思人或侮之謙以自牧故皆歉然自失而退每觀人顏色不待人語言而已知人吉凶年七十餘秦建元八年春忽謂侍者曰吾須暫

行乃拂衣而去終莫知其所適其友馬儉思之乃取葛席置靜室中供養凡數日輒聞席上有人語其靈異如此

臣道一曰孫徹疏絕塵俗樂道養真人或慢之謙以自牧故人皆自爲之歉然矣道德經曰夫惟不爭故天下莫能與之爭又曰聖人之道爲而不爭孫徹之謂矣

馬儉

法師馬儉字元約京兆右扶風人尹通之度師也年十六歲長八尺耳大而厚垂手過膝額有伏犀手有縱理損聲色外名利博通經史尤長於風騷郡邑異之有辟命不就秦甘靈中隸道士籍於樓觀從孫徹學道時十七歲遂授以道要其經史之膽則五符真文三皇內文道德靈寶衆經遁甲占候之法其藥術之妙則斷穀服水餌棗膏天門煎朮煎商陸酒五方雲牙六甲符諸天內音行氣導引之方其役使萬靈制御羣邪則有八吏

六丁二十四神三皇衆要之科無施不驗姚萇聞而奇之遣使往召辭以疾萇嘉其節乃給香燭欽尙加厚儉志道益堅仁惠周物人所奔湊日以滋多一日天神降而言曰法師夙有功德今復勤修道業丹名玉曆白簡玄臺積有日矣但保其天年必得度世何區區於祈禱役役於召効者哉自可優游三素混合五神絕諸聞見獨保清曠由是怡神養素不復出而仙真時降年九十八後魏太武帝大延五年冬十月一日謂弟子尹通曰吾平生所修所感當祕之勿泄也頃有白雲從西北來覆寢室須臾返真惟聞香氣不絕而白雲南舉焉

尹通

道士尹通者字靈鑒真人軌之後也幼從儒學羣經子史博無不覽常嗟幻化非固每仰天而歎父母未之達迫以婚宦通乃跪伏曰切聞張真昇天鎮南嗣美茅君得道太守投誠況高祖

太極真人之遺德可無隆紹願從所志父母許之遂飄然而去
時天下寇難縱橫通履艱危冒驚險而至樓觀年二十六後魏
太武始光初事馬儉法師服勤歷年方授真人祕韞玉字金書
及恃怙已失孝禮既盡而希真守一之心與日俱往香火朝謁
無或少怠服黃精雄黃天門冬數十年體漸清爽性亦敏慧尤
急於療疾可愈者治之言不可者決不可救太武好道欽聞其
名常遣使致香燭俾之建齋行道自是四方請謁不絕而通惟
以功德爲懷與而無求散而無積時有姪法興及牛文侯王道
義與其徒七人繼踵而來共希靈迹故仙風真教自此復彰年
一百一歲耳聰目明尤能夜書至孝文太和二十三年承明二年改太
史和近刊北夏四月八日忽與門弟子爲終天之別有頃奄忽而
化顏色如常藏劍之久老子昇真陵之西有神燈數枚光映其
上而後漸散

牛文侯

道士牛文侯隴西人也性識穎拔學洞古今尤深於莊老至於天文地理無微不綜又善誨人隨其性導以忠孝其勸戒則示罪福之理其威禁則以符籙之科由是法教重興人多化惡爲善嘗爲人講說未始措意於利財至于不得已則受小而辭大訪人貧乏密遣致物於其家欲人不知其所從來也每冬寒則布穀於地使禽蟲有所食陰功密惠大以及於人小以及於物修身積德久而愈篤西魏文帝大統五年八月二十八日夢青衣道童告云上帝有命宜早治裝明旦當發反覺乃與門人別翌日澡浴訖果化降年八十二

王道義

道士王道義者魏時人博覽羣書兼明緯候知終南有尹喜登真之所後魏孝文帝太和中自姑射山將門弟子六七人來居

之初道士牛文侯尹靈鑒等四十餘人數弘道化朝野欽奉時歲歉常住之資殆不充給道義大修觀宇興土木工丁匠就役日常百數而用度不乏人訝而窺之則倉庫皆備取多而益不窮咸知師之神化陰有靈助由是樓殿壇宇一皆鼎新惟秦始皇所造老子殿以其宏麗不加修飾令門人購集真經萬餘卷皆自捐己力未始求於人其性浩然無係累室中常有人語弟子輩潛往伺之乃真仙之降會也後魏宣武永平中將反真之際白雲滿室異香盈庭踰日方散里人有見道義乘鹿而去

陳寶熾

正懿先生陳寶熾潁川人也年二十一不樂婚宦後魏孝文太和十八年隸籍樓觀事法師王道義未幾羽化遂遊華陰復遇陸景真人授祕法而歸於是端誠虛已依按修持及誦大洞經久之通感故珍禽奇獸常來侍衛每朝老子祠及八節投龍簡

則白虎馴遠左右導從往來人或有惡意則咆哮震奮觸觀左之槐使彼惡者驚畏自匿人因號曰老虎木其德感如此通幽達冥無所不至事有未兆則先知其崇妖害人禁之立止西魏文帝欽異之召入延英殿問道時太師安定公及朝士大夫皆從而師之年七十有六大統十五年三月十七日告門人曰吾昨夢仙官召不果久留來何爲欣去何爲愴生死道一夢覺理均爾等體之無或悲矣言訖奄忽而化詔諡正懿先生

王延

道士王延字子元扶風人也纔九歲好道西魏孝文帝大統三年丁巳入道師正懿先生陳寶熾至十八肆業於樓觀與真人李順與相友善未幾訪華山雲臺觀復師焦曠真人授三洞祕訣真經惟松餐澗飲以希真理後周武帝欽聞乃遣使召之焦真人謂曰道教陵夷久失拯援可應詔出弘大道教吾自此逝

矣至都久之得請還西嶽雲臺觀復詔增修以居之然山石無
土致之極勞因虛默禱于天忽涌土出於觀側取多而不竭嘗
苦乏油乃置一器經夕自滿久用而有餘凡賓客將至則先有
二青鳥其狀如鳥飛鳴報之每登仙掌陟蓮峯如履平地居常
出處有猛虎訓遶若相保衛是時天下溺於浮屠氏且其徒不
能維持禪律之學務以罪福駭俗其弊浸盛故行沙汰道教亦
從而幾絕時師之名獨爲上所欽召至闕咨問道要復欲建通
道觀命校讎三洞經法科儀戒律飛符籙凡八十餘卷又撰三
洞珠囊七卷詔頒於通道觀由是道教復興朝廷以大象紀號
至隋文帝禪位置玄都觀詔延主之開皇六年丙午特召見於
大興殿上齋誠受智慧大戒於是祥風景雲羅覆壇所因職以
道門威儀威儀之名自茲始矣時公卿大夫翕然欽附仁壽四
年春三月吉日告門人曰吾欲歸西嶽但恐上未許至九日羽

化於仙都觀有白鶴飛鳴徘徊庭戶上異之遣使護葬西嶽及就壙但空棺而已

臣道一曰王延幼年學道能得明師扶教立宗通靈感物觀武帝詔修雲臺觀則患勞於致土默禱于天地忽湧土出取多不竭此積誠動天夫豈易致哉道德經曰天道無親常與善人此之謂也

李順興

道士李順興京兆人母因夢明星自天而降遂有娠及生有一道士來曰此子乃前生得道人暫寄胞胎也纔九歲好清虛常端坐湛然不動父母諭其意俾師正懿先生年十一與道士籍常誦大洞經勤久不忘正懿乃爲立壇授五千文及黃庭經且曰汝雖尙幼心已合真考之隱訣三年誦之白日昇天爾宜勉之遂卽所居虔懇修誦不三年忽於秋分之夕有飛仙千數集

空中神光照室出望則有二人曰上帝有命遣仙官於紫閣巖室中相待吾直日之神也以命來召遂與乘鸞馭忽爾而至乃見三仙人各據一牀有五色雲霞羅覆其上侍從幢羽殆不可名乃稽首請飛昇之道且曰子有宿德位階真人欲形神同舉不爲難也但太上命子下生以積功勤今子齋心誦經積有日矣然功未及人可遽得乎於是瀝懇以告冀勵凡庸且曰積功累行以償前過未知可乎仙曰善哉是心良可愍也子雖骨氣合真而胎形未脫命侍經仙郎開九色流霞之韞出經三卷置三仙之前長仙乃手發太上玉真金光經謂曰吾是上清真人趙伯元昔受是經於東華青童君學以成真今付子宜修之次仙又出神洲七轉七變儼天經謂曰吾是上清真人張仲逸昔受此經於小有天王修之得爲真人今授子宜勉之三仙乃於二仙之手中傳取真經復囑曰吾是上清真人李少君昔奉此

經遂獲昇真吾與子有緣故來監度若依四極禮科行之七年
身得飛騰七百年中聽傳三人無其人則當封之名山今所授
仙經真術能精修不已則化俗成功可指日而仙矣苟無此道
則神不洞察體不清虛實爲八帝之所錄六天之所傾則何足
以化俗哉真道盡此子能勤修自當神會從而爲頌曰至道本
無形因物以爲名人能勤上學仙道自然成玉帝召赤子金真
總黃庭六覺既玄會八難於是冥熙神光七轉虛襟明四清呼
吸能萬變俛仰朝百靈混化遊塵路迅轡撫雲旌契我諸賓友
與子期蓬瀛已而三仙命駕而去遂復所居歸誦其經按其術
年十七道成變化無方應機接物未嘗凝滯正懿知而待之愈
厚有疑者密試之以湯又加之火終不云熱使之蹈火赴水不
能焚溺時西魏文帝聞其名詔都城凡百餘坊同日作齋皆能
赴之上雖知其能分形化影尙疑能近而不能遠復詔岐寧同

華四州同日爲齋請又能徧赴由是朝野欽信其始人未知之但稱爲李煉師及其通感靈變則號曰李聖師年三十八大統六年託疾告終既葬之日有姪遇於驪山道中謂曰若天子尙未忘我則於此作吾像以北向居之當爲國家辟北方之淫俗也姪還家方知已化遂以實奏遣使發視則空棺而已乃立祠於沙苑

侯楷

道士侯楷字法先京兆人也年十四力究經典尤精老莊之學趣向孤高不畢婚宦遂就學於正懿先生年十九後魏宣武正始中爲道士授玄文祕訣晨夕之奉久而愈勤正懿曰汝雖秉心勵節於道不懈苟非栖隱山林未易有得也楷曰道在方寸何必山林曰吾亦知道無不在然人間修之時亦有得但古來仙者多託巖藪成真之後出而同塵上真亦曰大洞真經不得

人間詠之詠之則大魔敗之也又葛仙翁將登真別弟子鄭思
遠云何不登名山誦大洞真經一諷而一詠玄音徹太清由是
知入山非惟不是可欲抑亦自然與經道相符汝今景慕希夷
入山乃其宜也曰入山雖可存真然遠遠几席寧道科律之責
耶師嘉其言且曰道非知之難行之難也果能始卒無替道在
中矣逮正懿羽化乃卜居於寒谷行三奔術三奔術者乃黃帝
世迷以傳迷神仙之所深戒侯楷受學於陳寶熾其神契大道
有自來矣未必三奔之術也然神仙日月高奔之法頗契大道
世恐是傳之非誤書也後誦大洞經及三皇內文劾召之法其居
有清泉環流三松偃覆灑然幽寂是爲栖真之所遂號三松觀
人有爲魑魅之害者無有遠近皆乞救於楷或持之以禁呪或
示之以符術則無不立除之將去無他疾謂門弟子曰昔費長
房失符爲鬼所殺吾非失符也終歸道真苟世俗不達以謂吾
爲長房者也春秋八十六周武帝建德二年冬十月解化

嚴達

法師嚴達字道通扶風人也自髫髻已有方外志每得一花一果輒羞獻於像前樓觀侯法師見而器之後魏明元帝永興中入道年始二十齋真之暇常請問大經遂學窮瓊韞博通妙術周武帝建德中詔法師及王延於便殿是時已沙汰浮屠氏又下議於公卿復欲去道家者流上問法師道與釋孰優曰主優而客劣上曰主客奚辯曰釋出西方得非客乎道出中夏得非主乎上曰客既西歸主無送耶曰客歸則有益胡土主在則無損中華去者不追居者自保又何送乎上嘉其對然不免有所減損自五嶽觀廟外悉廢之特爲法師建通道觀於田谷之左復選樓觀之士十人俾共弘真教時王延更欲多得之法師曰古之達者先存諸已而後存諸人今上不欲廢道教而意則去繁但道貴得人玄綱自振何必多人耶蓋多人則多累反爲吾

道之玷，夫道不欲雜，雜則多，多則惑，惑則亂，亂則真理喪矣。詎有益哉？遂與王延蘇道標程法明周化生王真微史道樂于長文張法成伏道崇等十人以道術相忘，同乎出處，世號曰田谷十老。至隋室，道教復振，文帝開皇中，詔重修二廟，精擇羽流，累致墨詞，以祈景福。於是朝野宗奉焉。煬帝大業五年三月十七日，聽周法師鼓琴，乃曰：「琴聲感神，當有神降。」更奏一曲，吾聽之曲未徹，奄然返真。春秋九十一。

于章

法師于章，字長文，右扶風人。年七歲，父母教讀孝經，數日乃曰：「聞有道德，經意願習。」誦父母異之，隨其所好，令習。于侯法師至西魏，大統九年，披度服巾瓶之勞，凡十有四載。法師愍之，爲開三洞衆真要法，倒篋相付。嘗自謂曰：「真人符命，非俗可傳。今吾得之，固所寶也。」於是靜室圖寫雲篆龍章，精嚴其事而施之於

人靡不神驗。適會詔選戒潔之士十人，居通道觀而師與焉。然常懷希真之心，期居幽寂。至周靜帝大象二年，遂卜觀之下西嶺，下誅茅累石，嘯詠林泉，餌黃精茯苓，山地黃。又服氣吞符，飛章設醮。如此積勤，歷年無輟。隋文帝開皇十七年，復受皇化丈人太極真公六十甲子及五帝五嶽符印，凡一百三十六首，并論天地源流符之本末，置壇法式，乃錄授符、日月及真仙誥訣次第，記之名爲起序。由是通真之心與日俱進，故除妖翦祟，其神變不可量。而流俗霑惠，日益多矣。煬帝大業十年六月十四日，羽化。春秋八十有二。臨窆之日，有一白鳥自棺而去，人謂得蛻形之道。

張法樂

道士張法樂者，南陽人。幼而學道，性悅泉石。纔及成童之年，託迹樓觀，事尹起法師，竭誠致力於左右，積有歲月，感其勤苦，遂

付道要露盟之夕神燈發輝慶雲流彩而後巾瓶之奉几案之勞禮盡始末遂尋幽訪奇卜居於耿谷之西衣弊茹蔬謝絕人事日誦五千文及修雌一之道煉形養炁抱一守真凡三十載雲生梁棟霞集牕扉人號爲雲居觀久而道業已著靈感自通有虎踞躍墟震視之而不畏後乃往來訓伏以有所衛人或請謁褻慢無誠心則皆爲所逼而不得至旦夕常聞有神鐘聲隱隱於耳然莫測其遠近每齋日有草衣人二十許常送薰陸香及乾棗數枚出戶襲視之遂不見西魏廢帝三年三月謂弟子張通曰我雖幽感柰功德未就近有神告必不久留當委形厚土二百餘年冥事貴密汝可略知至四月十五日清旦凭几而化時有白炁如雲穿牖而出長丈餘食頃方散

巨國珍

巨法師名國珍武功人性淳厚好神仙學年三十斷俗緣而事

游法師於樓觀時隋文帝仁壽之四年也焚修之外口必誦經
心常存一名利兩忘喜怒俱遣食蔬衣弊所守彌篤或有遺物
者隨得隨散或有輕侮者終不恚怒法師嘉其行乃授以思微
戒籙封召符章依按而修勤亦備至每臨壇誦經遍未及數則
雖冬風夏日未嘗輒廢一日因感疾人勉之以藥曰道勝則疾
除何慮之有其自信之如此由是遠近之俗嚮風而至不可勝
計春秋六十唐太宗貞觀八年夏五月十三日晝寢門人忽聞
車馬之聲有頃瓦屋皆震法師遂化

歷世真仙體道通鑑卷之三十

歷世眞仙體道通鑑卷之三十一

浮雲山聖壽萬年宮道士趙道一編

○鍾離權

眞人姓鍾離名權後改名覺字寂道號和谷子一號正陽子又

號雲房先生燕臺人也諱一云京兆咸陽人曾祖諱朴祖父列侯

至雲中府生仙誕之時異光數丈狀若烈火侍衛皆驚眞人之

相頂圓額廣耳厚肩長目深鼻聳口方頰大唇臉如丹乳遠臂

垂如三歲兒晝夜不哭不食第七日躍而有聲曰身遊紫府名

書玉京其音如鐘行如奔馬童稚莫之能及漢一云少攻文學仕

表李堅邊事謫官江南及壯仕晉爲大將統兵出戰西北土蕃

兩軍交鋒忽天大雷電風雨晦冥人不相覩兩軍不戰自潰云一

晉周武帝時命與偏將眞人獨騎奔逃山谷迷失道路夜進深林

幽澗期以全生乃遇一胡僧鬚頭拂額體掛草結之衣引行數里到一村莊曰此東華先生成道之所將軍可以歇泊揖別而退

一云遇一僧人遂問此何方也無語曰此紫府少東南廟宇前見二

真人未敢驚動莊中良久忽聞人語云此碧眼胡僧饒舌相撓莊中一老人披白鹿裘扶青藜杖抗聲前曰來者非大將軍鍾離權否真人應曰是老人復曰爾何事不寄宿山僧之所真人聞而大驚心想曰必異人也是時已失虎狼之威遽有鸞鶴之志不覺回心向道哀求度世之方於是老人授以長生真訣赤符玉篆金科靈文金丹火候青龍劍法囑之勤行真人告辭出門廻顧莊居不見其處自是領悟玄旨一云自知夙有仙骨故擺脫世緣翼紹仙果首遇上仙王玄甫得長生訣再遇華陽真人傳太乙刀圭火符內丹洞曉玄玄之道一云昔軒轅黃帝得金丹祕訣以玉匣藏於壽春縣東紫金山懸鐘洞真人得遇師

傳之後復遊雲水至魯居鄒城入崆峒於紫金四皓峯居之遇

仙人引入洞獲玉匣祕訣至德內全遂終妙道

全真傳云其人
生於漢代四月

十五日於晉朝五月二
十日上昇不記何年

後有唐進士呂紹先屢舉不第乃縱遊

天下首於廬山遇火龍真人傳劍法後於長安道中遇真人題

壁間云坐臥常將酒一壺不教雙眼看東都乾坤世界無名姓

疎散人間大丈夫紹先乃再拜真人令紹先作言志詩紹先詩

云生在儒家遇太平懸纓垂帶布衣輕誰能世上爭名利臣侍

玉皇歸上清真人喜曰予所居在終南山鶴頂有洞子可予此

行真人乃神示變化頃刻輒到一峰洞門霞彩三虎踞門真人

叱之虎下絕澗遂飲紹先以元和之酒坐石談玄須臾有青童

持蓬萊山書云羣仙宴聚邀先生赴天池論五元真人神遊記

真人臨去謂紹先曰爾既到此從吾奉道今子當名岳字洞賓

吾今去矣汝但解屏塵勞肅清仙骨吾不晚即還以三虎守門

於是冉冉白鶴前望東南雲際渺渺而沒岳遂將真人所付洞中之書朝夕親閱次日真人還謂曰得無憶歸否岳曰塵緣既斷俗骨已清幸從真人得探妙道豈敢再生塵累耶真人曰善哉汝等守陰者惟知是魄有陽只是冥魂世人不知分離陰陽之異若能全陽而聚其冥魂以合陰魄使陰陽相合魂魄成真是謂真人岳問曰至理甚深何以全形真人曰慧發冥冥泰定神靈神既混合豈不契真金形玉質本出精誠大藥既成身乃飛輕是夕賜以上真玄訣俄有扣戶者乃清溪鄭思遠與泰華施真人由東南而來緩步凌虛體凝金碧相揖共坐少頃適尹思逸煉丹之所遂造仙扉施真人曰此侍者何人也真人曰今朝呂海州讓之子本習儒墨失意上國邂逅長安酒肆從吾奉道通陰陽制煉形神入妙之微岳乃拜二仙鄭真人曰形清神在目秀精藏子欲脫塵網可示一詩授岳金管霞箋靈膠犀硯

岳立獻一詩云萬劫千生到此生生身始得飛輕拋家別國
雲山趣煉魄全魂日月精比見世人論九鼎欲窮大藥訪三清
如今獲遇神仙面紫府仙扉得姓名三仙相視嘆其才清句麗
時春禽嚶嚶真人謂岳曰可以洞口題云春氣塞空花露滴朝
陽拍海嶽雲收又謂岳曰吾朝元有期十洲羽客至玉京奏功
行以陞仙階恐汝不可久居此洞後十年洞庭湖相見取筆於
洞中石壁草書一十六字曰晝日高明夜月圓清陰陽魂神混
合上昇擲筆告岳曰世間遊行當施利濟之道行滿功成復當
際會卽見數仙子綃衣露彩手捧金簡靈符云上帝召鍾離權
於是翔鸞飛鳳金幢玉節僊吹嘹唳冉冉而去岳不勝依戀久
之客遊江淮洞庭荊湖鄂岳及汴洛兩都道成仙去其問答玄
妙神仙施肩吾編之爲鍾呂傳道集今行於世宋欽宗靖康初
封真人爲正陽真人元至元六年正月褒贈正陽開悟傳道真

君，

劉綱

劉綱晉時下邳人也初居四明山後爲上虞令師事帛君受道治中部事歷年道成作續仙傳行於世一日邀諸親故入會別飲食畢上縣廳側大阜筵樹上去地十餘丈舉手而別忽然飛入雲中而去其妻亦得道同時昇舉

王烈

王烈字長休邯鄲人也烈入海東抱犢山中嘗與嵇叔夜同遊烈得石髓如飴卽自服半餘半與叔夜叔夜旣至皆凝爲石又入一石室室中有兩卷素書烈讀不知其字不敢取頗記十數字形體歸書之以示叔夜叔夜盡知其字烈喜乃將叔夜同往識其徑分明了了往至失石所在烈因語弟子曰叔夜未應得仙也

劉道成

劉道成豫章新吳人也學黃老術晉懷帝永嘉中以明經入仕累遷陳州刺史後歸鄉里精持香火奉大羅真符後數十年全家白日昇天徐鉉作開業觀碑云永嘉二年八月十五日舉族上昇里中數千人望雲送別梁武帝大同中立宅爲開業觀今名昭德去縣治百餘步白玉蟾訪昭德陳靈寶詩云我見鄉仙不是誇面顏玉鍊燦丹霞新開天上圖書府舊是雲中雞犬家三十七年心勝鐵百千萬事眼無花而今漸覺逢迎嬾每日兩番蜂報衙

項蔓都

項蔓都河東蒲坂人入山求仙十年而歸家人問其故蔓都曰在山中精思三年有仙人來迎我共乘龍而昇天良久低頭視地冥冥窈窈上未有涯去地絕遠龍行甚疾頭尾低昂令在背

上危怖嶮巇乃到天上先見紫府金牀玉几晃晃昱昱真貴處也仙人但以流霞一杯與我飲之忽然忘家對天人之前失儀見斥遂還人間更自反責乃可得更往昔淮南王劉安見大清仙伯以坐起不恭責守天廁三年之後學道者可不謹哉河東因號蔓都爲斥仙人

徐啓玄

道士徐啓玄宋文章元嘉中居終南山道德尊重人皆欽之能通法術遂知吉凶前世之事歷歷可聞時有王大夫只養一女可初笄乃世之極色也憐愛頗甚名曰金英啓玄一日閑遊之次經過其門見其宅上有宿世冤讎怨氣亘天啓玄問闍者曰大夫在否答云在啓玄曰可與予報之云終南山道士徐啓玄有少事欲見大夫闍人入告大夫聞語卽出見之啓玄曰勿迺造次起居然有事咨白未知可否答曰望示及啓玄曰適觀大

夫宅上有宿世重冤欲伺便報怨大夫知否對曰非尊師無緣知之某凡俗肉眼豈明此事啓玄白請童僕男女等徧觀之皆言不是又曰宅內更有何人大夫曰某有一女小字金英每憐惜之頗自羞報啓玄曰只此小娘子便是大夫之冤家矣可令出來大夫聞語將謂謬言令夫人召來夫人因往喚之已見其女扃其房門面壁而坐歎曰我之宿世冤結未解方欲伺便報讎無奈道士顯我世事夫人聞之驚告大夫大夫惶懼無計乃禮啓玄曰此宿世冤對相會如何脫免啓玄曰此小事爾大夫曰儻蒙尊師慈憫特垂救拔以生以死何敢忘之又復再拜啓玄曰勿在多言卽爲驅遣啓玄遂取劍一口索水一甌仗劍嚙水隨大夫至閤內令可開門金英曰是我之冤干爾何事啓玄曰道門以救拔爲功濟人爲上汝可速變本形無更居此呪訖乃令備棺櫬逡巡而至啓玄乃開門視之已化爲白骨卽令左

右歛之致靈車誠曰可送出都門行十里餘遇大林木中棄之急奔勿更迴顧左右依言送出都門可十里果有大林木便安其下急奔而歸迴至都門方始迴望見大林紅焰亘天悉爲灰燼大夫與夫人驚哭拜謝仍備珍寶錢帛酬之啓玄悉不顧而去

萬振

萬天師名振字長生洪郡之南昌人得長生久視之道顯晦齊梁間人莫知其年有符呪濟物治人疾苦立効當時以爲旌陽樂巴之徒隋文帝聞其名聲重之詔於洪崖山爲精舍卽今栖真觀是也唐太宗貞觀十五年太守周遜請於梅福宅建太乙觀禮迎天師居之卽今天寧萬壽觀是也先是漁者得青石長七尺扣之有音樂聲郡以獻于朝高宗命碎之得二劍鐔上刻天師姓名帝異之顯慶二年高宗召見光曜日殿帝問治國養

生之道振答曰無思無爲清靜以爲天下正治國猶治身也帝尊待之如師友賜予無所受龍朔元年尸解於京師數日啓棺惟有一劍一杖而已詔以銅函盛劍杖葬于西山天寶洞之側今洞陽觀是也天師有德業碑乃唐滕王元嬰文在開元觀中云

曹德休

曹德休自言從東海青嶼山來遊江西人見之三十餘年顏貌不改常行民間有疾者以符藥救之無不愈者人有一女子年二十餘將聘於人忽有邪物爲魅百方治之益甚其父詣德休具陳病狀德休曰汝家居近山溪有潭穴否父言有之德休又曰女子春時閑步溪側爲蛟所窺已拘攝精魂在其穴矣汝可將吾一符徃彼投於潭中少頃有驗投符之後忽見潭水翻涌水有霹靂之聲須臾一物浮出長二丈餘形如烏蛇頭若大杓

已劈裂腦流血斃矣其父還家見女精神明爽全失其病乃以財帛往謝德休曰本以救病何以此爲終不肯受德休常謂人曰若家有疾苦不必財帛就德休求符藥以江魚爲鱠一盤并美酒一壺饗吾告之其疾自痊如其言鄉里爲之無不應驗人皆神事之後忽告人曰我捨此入西山天寶去然來春牛疫頗甚我留一姓名與汝傳寫牛疫之時以鱠饗吾書其字貼牛角上自當無苦其後牛果大疫一境之貼其字者免災不貼者斃矣人咸思之無復見者

王元之傳云曹德休晉太史官後梁尙書郎得不死之道

杜曇永

杜曇永字元老或云道名元老三輔京兆人也世業蟬聯鼎命南遷寓家吳郡之錢塘縣釋褐爲大司馬豫章王國左常侍郎蕭子雲侍郎南齊之故寮外勤儒學內修道真因齊梁革命慨然興嘆以珥筆曳裾同之維繫脫迹繁華振衣長往遠游岷隴

臨洮峨嵋復還舊山已逾二載後過句曲訪道尋真精專法門
謙虛靖默人莫知其所修梁武帝天監十二年歲在甲子放杖
出谷自錢塘輕舟載家南上廬陵郡玉笥山重建清虛館以處
于時林木陰森鄉民遠甚可謂虎兕之穴而居之不疑向道之
輩稍稍獻工助成其事自是門人受道繼踵而來次年入大秀
法樂洞天出所攜貲起居室數十椽重營宮殿親製豐碑紀述
洞天之勝置洞西遷鶯谷及洞側山西大壠南坑大櫟瓜源等
田以待修真養道之人取題洞天石臺是入洞之年也武帝聞
其風賜號金闕先生蕭真亦自江表與骨肉掛帆而來以師事
之得其祕道親製一碑以紀杜德卽普通七年也其後先生在
洞中與門人錢員外修九鼎還丹之祕靈真屢降喻以昇舉有
期丹成與錢服之於太白峯頂白日飛昇尤爲顯著家屬爲地
仙隱於後洞云

蕭子雲

蕭子雲字景慕南齊高帝之孫豫京文獻王疑之子漢相國何之後兄弟十六人皆封郡公梁武受禪天監初年十二降爵爲子弱冠撰晉書百餘卷進之幼而好道志尙正靜不樂仕進雖爲名宦每有異人密與談笑累遷丹陽郡丞尋遷黃門侍郎司徒左長史常攜家遊江表名山一日掛帆來訪廬陵玉笥初至清虛館時杜元老已於玉笥得道乃南齊故寮相值情好如舊以師事之往來洞天間頗得其祕親製之刻石伸言杜德後過玉笥之東南連山重崖間今號蕭山是也壇爐藥臼遺迹猶在會梁武璽書來召與子特委家入朝旣至遷侍中復以善草隸取重於時子特亦善書位太子舍人先父而卒太清元年侯景之亂募獲朝臣景慕儀狀奇偉雖年逾六十而神彩超邁恐不免禍遂急還蕭山後再徙居清虛五年忽神人降言曰館之東

北有郁木坑水自東注可以久居蕭又徙家寓焉歷二紀一旦上帝賜玉冊封元洲長史仍司郁木福庭之籍神仙之府八十口同隱世不復見其事亦祕罕有知者後人入洞往往見居宅若專志求訪則不可得矣

丁玄真

丁法師名玄真字仲誠潯陽人也天資恪敏嚴於持戒爲鄉里推仰嘗遇野人得法其要精妙能攝鬼神而驅役之無不如意每以康王谷地最靈秀其谷口有銅馬廟云漢王莽嘗造銅馬歲久有物附之肆爲妖怪食民物畜稼苗之類爲害弗堪居人乃爲立廟以祈之玄真惡其事卽毀翦其廟乃取是地置真字焉遂送銅馬於南江人未迴而馬已復其舊處玄真又斷馬之左足而馬乃化人形泣曰願得一食之所玄真遂移其祠于澗之西許其弗爲害也前又有毒龍潭因風雨晦冥忽見二龍出

而弄珠光彩照爍玄真叱之輒取其珠置真殿內而龍又入殿取珠既而弗得乃吐涎滿地復見殿柱有張僧繇所畫二龍卽與之鬪風雨震吼衝倒檐楹玄真遂書鐵符燒鐵鐘鎖其潭龍龍穿山西而去又復以鐵釘釘殿柱畫龍之目其患乃止於是神怪避地始爲福庭時隋文帝開皇十年也江州刺史狀其事封章朝廷帝聞而異之降詔褒崇命州郡加禮遇焉煬帝大業三年解化其夕有白光亘於天之東南及玄真旣逝方沒春秋七十八

張公弼

有劉法師者不詳其名唐太宗貞觀中居華陰雲臺觀煉氣絕粒二十年每歲三元齋有一人衣縫掖衣貌陋而黔來居坐末齋畢亦無言而去如此凡十餘年衣服顏色累不改法師異而問之則曰予姓張名公弼住蓮華峯東北隅法師意彼無人所

居試問同往公弼諾之曰此中甚樂師能住亦無間法師從之約二十餘里援蘿攀葛纔有鳥徑其崖谷險絕雖猿狖不過履之若夷途法師從行亦無難苦至一石壁高千餘仞下臨無底之谷一徑闊數寸惟側足而立公弼以指扣石壁中有人問爲誰曰某遂忽然開一門有天地森羅萬象公弼將法師欲入其人怒爲公弼曰何故引外人來乃闔門則又成石壁矣公弼曰此非他人乃雲臺觀劉法師與吾有舊故同來卽開門而納之公弼曰法師來此君可具食其人問法師便住否法師請以後期遂取一盂水以肘後青囊中刀圭粉和之以飲法師其味甘且香公弼曰予嘗云山中甚樂君盍爲戲令法師觀之其人乃以水嚙東谷中俄有蒼龍白象各一對舞舞甚妙丹鳳青鸞各一對歌歌甚清公弼與法師別之出門行數十步返顧但巨崖深壑而已將及觀公弼辭去法師歸處置畢再訪公弼則步步

險阻不可前其後公弼亦不復至矣

李元基

李元基唐高祖武德初人隱葛山中有道術能坐在立亡人莫測之時時經行以符藥救人探虎骨針鵲影活魚鼈甚衆每晝出逢夜則止露宿草野中代宗末在建昌縣中插松柏滿身飛去後有人採藥葛山見元基跨青鹿行若飛問之不應莫知所在焉

陳道沖

法師姓陳氏名道沖潯陽人母方娠夢天仙入其室及生有殊相兒時便不飲酒茹葷每聞人講經論道則傾耳諦聽暨長戒行高潔傳法錄於異人遂結庵于紫霄之別峯卽勝絕處也有弟子八九人亦戒行有學門庭甚峻不妄接人當時蒙其容與者名爲登龍門以比漢李膺焉道沖酷嗜老莊非徒誦其文能

徹其理窟。嘗以謂吾教本宗老莊。而老莊之意。本是悟明性地。故其言每每云。莫若以明此其的也。後人但知習術而泥迹。失之遠矣。晨暮必爲羣弟子講說。有著論一篇。傳于世。時唐太宗貞觀二十一年春。忽爲弟子曰。吾欲一遊名岳。衆以其老觀止之道。沖曰。必行至日中解化。春秋一百一十四。視其顏色如生。體亦柔輒。舉棺如無物。人以爲仙去。

王守一

王守一者。唐太宗貞觀初。於洛陽自稱終南山人。王布衣賣藥於洛陽市。富人柳信。唯有一子。眉上生一肉塊。布衣壺中探藥一丸。付之。須臾。塊破。小蛇突出。五色爛然。漸及一丈許。布衣叱之。蛇躍起。雲霧昏暗。布衣乘蛇而飛騰去矣。

歷世真仙體道通鑑卷之三十一

歷世眞仙體道通鑑卷之三十二

浮雲山聖壽萬年宮道士趙道一編

何尊師

何尊師不知何許人唐高宗龍朔中居衡岳不顯名氏其顏若四十歲人行步如風常往來蒼梧五嶺間來無所慕去無所歎僅百數餘年人常見之狀貌不改或問氏族但云何何或詰其鄉里及修證亦云何何時人因號曰何尊師衣弊履穿其心浩如也道士田虛應鄧中虛嘗請曰尊師卒無言何以開悟學者則曰知不知者上也不知知者下也誰能鑿混沌之窺悟自然之理耶遂杖藜入林而去須臾羣虎隨之不復見矣唐明皇開元中司馬承禎遊衡岳望祝融峰曰當有高仙處之何氣色秀異之若此已而見尊師於林中承禎致禮造問則據石而坐若

無所覩不見答而退歎曰此可謂全而德不形言者也乃構廬於祝融峰延之尊師就此不復出觀察使呂渭卽其廬請受符籙雖張太空田虛應鄧中虛師事之皆不得其旨天寶二年下元日雲鶴翔空異香芬郁謂弟子曰吾去之後當舉於紫蓋南峯盤石上遂化顏色不變弟子乃環衛行遷神之法中夕聞雷震之聲卽失其所在衡陽太守蘇務廉文其碑

劉知古

道士劉知古字光玄其先彭城沛人也自中山靖王而下凡十二世皆顯達曾祖英隋朝以孝廉登科歷官臨邛令故大父與其考因家于臨邛母太夫人吳氏感異夢而生知古生而慧幼而明長而秀壯而正視名利若仇讎惟從事於道唐高宗龍朔中出家爲太清觀三洞道士至於八公寶章三簡祕籙丹經脉訣之旨出死入生之術罔不洞曉睿宗召見問道家事稱旨特

加崇錫送還山明皇開元中天災流行疾疫者十有八九上召知古治之乃歎曰火德星君聖人亦癘下法煉藥上醫察聲至于鍼艾不其遠矣遂以色代脉用氣蠲痼故能膏肓河決腠理雪散其精妙之如此上寵錫皆不受天寶十九年詔知古兼內史田思崇醮二十四位久之乞還蜀請以居第爲大千秋觀上親書額賜之李邕文其碑知古以兄爲儒弟爲釋因設三教像以事燕國公張說聞其風而悅之作三教銘其辭曰正氣生神結虛爲實上清尊帝中黃守出華彩衣裳虛無宮室紫炁乘斗赤鑪飲日十天從此萬靈受役蓮華釋門麟角儒術法共不二心同得一道心惟微守而勿失而後因天長節改觀爲天長嘗有客授以黃白術雖翬葢連構頗極壯麗所費萬計未嘗資於人工畢客復至約於東陽伏牛山其下有古觀因葺而居之又授神虎寶經上清隱文高奔上道之要行之十年忽然室中見

有光產丹芝一莖扣之有金石之聲夢神人謂曰後山石壁中有金魚跨之可以沖天非此芝扣石不可致遲明訪金魚茫然不知其所是夕復夢曰滴泉之下是也既至以芝扣如風雷之震巨石迸裂得金魚長三尺許乘之飛空雲霧旋擁而去矣

王旻

王旻者居洛陽青羅山鄉里見之已數百歲常有少容葺居幽勝多殖芝朮藥苗栽培花木皆有方法著山居雜錄三篇每日蔬饌多是粉芝英充估青飴其術行於世或遊名山或寓荆渚唐高宗朝諸武擅權威傾海內惟太子賓客武攸緒天后之姪退身遠禍結宇于嵩陽師模於旻得其導養煉氣之訣旻謂之曰捨人爵而慕仙階誠爲難事必在堅志林谷以周其義母爲之檢鶴書以易其操明皇開元中召旻至京師頗優恩禮明皇先於茅山併得楊許七真及陶隱居所寫上清諸經真跡旣詣

司馬白雲受三洞寶籙後遙詣李元靖受真跡上經其所闕楊君筆札十數幅遺旻齋詔書信幣就紫陽觀請元靖先生補之曰朕不欲命小臣干冒於先生委茲專往必冀神仙手筆今古相續爾到山之日靈鶴翔鳴補經之時異香芬烈有神人降于元靖之室皆精誠所應也及還京歲餘請歸舊山不復遊於城闕旻與達奚侍郎往還旻死後杖屨詣達奚方知其尸解矣

吳道元

吳道子得神仙術周遊人間後改名道元雅好畫其妙入神唐玄宗聞之詔入宮庭有粉牆數尋俾畫山水宣問道子所欲何物道子曰用帳幙蒙庇其牆用墨漿一缶上命如之須臾揭起帳幙捧墨漿於粉牆上用力一潑復以幕覆之頃刻間問畫山水何似道子對曰已畫畢請陛下觀之上臨視之山水林木人煙鳥獸無不備具而且精妙奇好雖國中畫工有所不及上觀

顧久之歎羨無已道子乃徐步指點曰此處山巖之下有一小
洞其中多有仙人扣之必應於是手指擊之忽然門開有童子
在側道子奏曰此洞可入其中甚有佳致臣今先入請陛下繼
來道子遂一躍而入在洞中以手招上上不能入於是復閉其
門須臾牆外守卒奏云吳道子越禁城躍出莫知所之上再往
視畫牆處乃瑩白如舊無有山水矣

顏真卿

魯公顏真卿字清臣師古五世孫博學工辭章事親孝唐玄宗
開元舉進士又擢制科再遷監察御史其後德業詳載唐書
修集古錄云顏真卿撰麻姑壇記并書公忠義之節皎如日月
不免惑於神仙之說老釋為斯民患也深矣青瑣高議云歐陽
永叔與梅聖俞遊嵩山醉望西峯巨崖有洎乞身告世作詩曰
之洞永叔永叔指示聖俞開無所見公乃不言洎乞身告世作詩曰
四字我來後萬仞崖神清之洞鎖樓臺仙事主張吾道人當如鶴也
應待我來後萬仞崖神清之洞鎖樓臺仙事主張吾道人當如鶴也
建中四年德宗命真卿問罪李希烈內外知公不還親族餞於

長樂坡公醉跳躑前楹曰吾早遇道士云陶八八授刀圭碧霞丹至今不衰又曰七十有厄卽吉他日待我於羅浮山得非今日之厄乎公至大梁希烈命縊殺之瘞于城南希烈敗家人啓柩見狀貌如生遍身金色爪甲出手背鬚髮長數尺歸葬偃師北山明皇十七年事顏真卿嘗得神丹服之後爲李希烈所殺山裂飛騰而出被羽衣行後有商人至羅浮山有二道士樹下圍棋一曰何人至此對曰小客洛陽人道士笑曰幸寄一書達吾家遣童子取紙筆作書至北山顏家子孫得書大驚曰先太師親翰也發塚開棺已空矣徑往羅浮求之竟無蹤跡又曰先太師書法蠶頭馬尾之勢是真得仙也白玉蟾云顏真卿今爲北極驅邪院左判官

鄧紫陽

道士鄧紫陽建昌南城縣人初隱麻姑壇之西北後因省親路

獲神劍佩之性頗剛毅自負濟世之材每憩溪壑之間誦天蓬呪不輟遂感北帝遣神人授以劍法遠訪南岳朱陵謁青玉光天二壇禮鄧真人夢有所感唐明皇開元中蒙召入大同殿建醮胡藩封爲天師修功德二十七年忽見虎駕龍車二人執節於庭中顧謂其友竹務猷曰此迎我也可爲吾奏願欲歸葬本山仍謂立廟於壇側明皇從之後尸解

伊祁玄解

伊祁玄解鬢髮童顏氣息香潔常乘一黃牝馬不啖芻粟不施韁勒唯以青氍藉其背常遊青堯間與人話千年事皆如目擊唐憲宗聞其異遂召入宮處九華之室設紫菱席飲龍膏酒每日親自訪問頗加敬仰而玄解魯朴未嘗聞人臣之禮上因問先生年高顏色不老何也玄解曰海上種靈草餌之因種於殿前一日雙麟芝二曰六合葵三曰萬根藤上餌之覺神驗時西

域進方圓二美玉玄解曰此龍虎玉也圓生於水龍寶之方生於山虎寶之詢使人果得之於漁獵者玄解欲還東海請於上未之許遇宮中刻木作海上三山綵繪華麗間以珠玉上因元日與玄解視之上指蓬萊曰若非上仙無由得及此境玄解笑曰三島咫尺誰曰難及臣雖無能試爲陛下一遊以採物象妍醜卽湧體空漸覺微小俄而入於金銀闕內左右連聲呼之竟不復見上追思嘆恨幾成羸疾因號其山爲藏真島後經旬日青州奏玄解乘牝馬過海矣

許栖巖

許栖巖秀才家于岐山下唐德宗貞元中舉進士不第於長安昊天觀習業月餘併喪三馬不可塗行而更選良駿有蕃人牽馬來稱是逸足栖巖欲市尙且疑之是觀有道士能易栖巖請筮之遇乾曰飛龍在天利見大人曰此馬龍種也當因此馬利

見大人則事無不諧矣人皆哂其妄獨栖巖信而市之雖加意
秣飼而膚革不充後值韋令公鎮西蜀栖巖舊出其門下自詣
坤維而謁道經劍閣馬驚失足俱墜於巖壑之間幾萬丈底爲
槁葉所積俱不能損仰觀峭絕無計攀援良久祝曰我非劉備
爾非的盧無計躍出吁道士之占何其謬耶遂與馬解其御勒
去其羈席縱其所欲似經一晝栖巖捫石竅漸能踰足因躡巨
栗如拳取而食之甚濟飢渴如此又約數十里竅漸明朗忽若
出洞口見平地數里春景爛然殖碧桃萬有餘株花間有青石
池池傍有石屋屋中有道士白髮丹臉偃臥於石榻之上傍見
二玉女栖巖因之叩首再拜玉女大駭曰爾何人遽至太一元
君之室栖巖具陳本末二女遂白元君元君召栖巖栖巖拜手
稽顙元君曰爾在人間何好曰好道多讀莊老黃庭經元君曰
爾於三道書各得何句請一一說之栖巖曰莊子云真人息之

以踵老子云其精甚真黃庭經云但思一部壽無窮元君曰子近道矣乃命坐玉女酌石髓而飲之曰嵇康不能得今爾得之乃數也栖巖乃跪謝而飲之玉女前曰穎道士至矣元君命設榻而坐有道士長眉巨唇恢形古貌執筭而跪禮之元君勞之曰君何遠來曰故來相謁元君曰請與吾筭二事且劈大華何神也立海橋何鬼也吾不能達道士遂布筭蔌蔌披閱三才討論六合上窮蒼昊下抵幽泉良久擘大華者雖云巨靈實夸父之神也立海橋者雖云醜怪乃五丁之鬼也元君點首曰然又曰筭吾今夕何爲又布筭曰元君今夕合東遊三萬里元君曰何太遠乎栖巖因熟視道士乃昔卜馬者大驚其事道士曰昔日乾卦合今日矣栖巖叩首而謝之逡巡有仙童馭鹿龍而至曰東皇君使迎元君今宵於曲龍山翫月元君撫掌而哈曰道士卜中矣道士敬謝而告去元君曰爲我語邢和璞道士曰諾

元君與栖巖曰可同遊曲龍山便令浴於池而同跨鹿龍去頃刻而抵曲龍山但見危橋千步聳柱萬尋若長虹之亘青天如曳練之橫碧落勢連河漢影入滄溟玉瑩無塵雲凝不散元君命栖巖拜東皇東皇曰爾許長史之孫也栖巖曰某少孤不知先祖何官也東皇曰吾昨宵與汝祖同飲亦知汝當來東皇遂命仙童酌醴而進與元君三人而飲元君問東皇曰近來海水如何東皇曰比前時之會淺已減半吁知桑田亦應不久爾東皇命玉女歌青城丈人詞送元君酒歌曰月砌瑤階泉滴乳玉簫催鳳和煙舞青城丈人何處遊玄鶴唳天雲一縷仙童擊玉繼而和之宴極東皇索玉簡而題詩曰造化天橋碧海東玉輪還過輶晴虹霓襟似拂瀛洲頂顥氣潛消橐籥中元君繼曰危橋橫石架雲端跨鹿登臨景象寬顥魄洗煙澄碧落桂花低拂玉簪寒亦請栖巖繼之曰曲龍橋頂翫瀛洲凡骨空陪汗漫遊

不假丹梯躡霄漢水晶盤冷桂花秋於是紅鸞舌歌彩鳳羽舞
笙簫響徹於天外絲桐韻落於人間仙侶盡歡各洽命駕索輿
令栖巖俱乘鹿龍而返下視大城郭栖巖曰此何處元君曰此
新羅國也又至海畔小城邑又問此何處曰此唐國登州也俄
頃到舊洞府栖巖再拜辭歸元君曰爾能飲石髓已得人間千
歲無漏泄無荒淫能如此猶更得一見吾也命玉女牽栖巖馬
來曰雖是君馬本卽吾洞之龍子因無由作怒傷稼謫於人間
負荷亦偶去與君緣合爾馬至昔日解鞍處毛色如故翅逸爽
瘦如八駿之狀元君曰汝到人間無用此馬但於渭溪解之當
化爲龍不異昔日費長房投青竹杖於葛陂也栖巖驚躍稽首
拜辭玉女謂栖巖曰龍子迴日號縣田婆鍼與寄少許來遂跨
馬如飛食頃已達號縣之舊莊田園蕪沒井邑凋殘詢之時代
已六十年矣時宣宗大中五年也栖巖體已清虛性兼淡泊旣

無所欲焉有用乎遂不問舊產惟謀田婆鍼一日訪詢田婆婆曰太一家紫霄姊妹常寄信買鍼來詰之其他卽結舌噤齒而不對遂取鍼繫於馬鬣放之渭濱果化爲龍而入水去栖巖後隱匡廬間多有人見之者

摸先生

摸先生不知何所人遊京師手攜小竹筥貨藥人有疾者則以手摸之輒愈人故呼爲摸先生其姓名則不知也或與之錢則受不與之亦不索束雙髻於頂其容甚野然眸子明白顧眄動人一日遇兩求宿於茶肆李生家生容之自是比夜來宿晝則方去他日又與一客俱求宿於李生生亦不拒中夜生起望其牖中則若有光曜生驚俯而視見先生坐火焰中他一客則以肩抵牀斜身企力而已生驚而呼之乃不復見火室中暗矣惟聞鼾睡之聲明日生詢先生曰君昨夜何爲而若此二人俱笑

而不答自此先生亦辭去後不復有人見之矣

王君

真人王君少好道術與妻俱入山精思修道屏絕人事常以八節日隨四時朝拜後遇太虛真人夫婦俱拜之就其請道真人以素書二十五卷乃九天皇仙太上靈丹之道告王君曰爾有至相應當得仙汝今仙名已定但欽守此道勿示人也併以經授之復七年太一中黃以靈華丹與之遂有龍車羽駕天仙來迎白日昇天爲太和真人初不知授書人姓名昇天之後朝謁授書之師乃太虛真人南嶽赤松子也

梁須

道士梁須不知何所人爲道士聞杼櫝赤者服之却老還少令人夜間徹視見鬼等須時年七十乃服之轉更少壯年至一百四十歲能夜看書行及走馬入青雲山去也

王元芝

王元芝鍾陵人也十數歲時夜出門見一道士與語因隨之在江中水底月光中行不見有泥沙水隨步自開路傍見一物如龍又若蛇形長十丈許有五色光問道士答曰此水母也見者長生明日方還自是好遊山間多飲酒亦無服餌每言洪崖西山蕭史壇匡廬玉笥麻姑諸仙洞無不徧歷其間嘗於江右識仙人曹德休德休西晉太史官後梁尚書郎即得不死之道泛舟西江與元芝往來元芝嘗爲縣吏被繫獄中德休知之來其家令取水少許禁呪之令人餉元芝元芝飲訖械繫已脫遂歸同德休而去來往九江金陵江都四十餘年方歸年益少先是鍾陵多山魃元芝欲到山魃避之謂人曰王處士來人有於道衢見兵士旗幟千人至其前乃元芝行也或逆風掛帆或泛水安坐唐懿宗咸通末元芝遊玉笥山雲水道士皮元休舊與之

友善忽於郁木坑見元芝與道者數輩遊覽因問所適答曰是
蕭子雲吳世雲梅福大脩諸仙約我將登玉梁山候蓬萊范仙
伯爾言已不見卽雲霧溟濛風振林谷元休悵仰而歸

一作本字芝

孰未知是

賣藥翁

賣藥翁莫知其姓名人或詰之稱此是姓名有自童稚見者至
于暮齒復見其顏狀不改常提一大葫蘆賣藥人告疾求藥得
錢不得錢悉與無阻藥皆神効或無疾戲求藥者得必失之由
是人不敢妄求藥敬之如神明常醉於城市間得錢亦與貧人
或戲問之有大還丹賣否曰有一粒要賣一千貫錢人皆笑之
以爲風狂多於城市笑罵人曰有錢不買藥喫盡作土饅頭去
人莫曉其意亦笑之後於長安賣藥抖擻葫蘆已空內只有一
丸出極有大光明安在掌中謂人曰百年人間賣藥過却億兆

人無一人肯把錢買藥喫深可哀哉今須自喫却藥入口足下
五雲生風起飄飄飛騰而去矣

袁亢

先生袁亢不知何所人也葛裘草履徧遊天下所至終日沉醉
遊齊州長青縣市有李生以財豪所邑下先生日過其門則引
手謂李生曰日乞我百金爲酒費生不礙其請卽時遺之比日
而來凡經歲生無倦色一日先生別生曰久此擾子吾將遠遊
子能觴我則主人之意盡矣亦將有以教子曰方將爲餞別與
先生出郊外酒半酣先生云子有大戾能慎之乃免不然禍來
不測生云先生如賜教敢不從命先生取筆於生手掌中書慎
字曰子慎勿毆人否則人死子手出一月乃無患生歸日夕思
慮不敢出經旬浹一日忽聞門外誼競生忘先生之言遽出視
焉有跛而丐者在生庫前出言甚穢生忿然毆之跛者仆地首

觸戶限奄然無氣生大悔泣謂其母曰不聽先生之教果有大禍逃則不忍去侍下住則當受極法生性至孝於是大慟母曰可竄以偷生毋坐而待縛乃由居之後戶而去方出忽見先生生泣拜云別未踰月滅裂教誨今果如先生言爲之奈何先生曰子復歸吾爲子別圖之先生坐一靜室爲生曰子出受繫吾自有計先生乃闔戶閉目而坐生出戶觀者如堵吏乃執生俄而跛者起坐少頃乃行去甚速吏乃捨生令歸生入室視先生尙閉目端坐入定翌日乃開眼謂生曰跛者固已死矣吾出神入其屍使之行今置其屍在靈巖山澗澗傍人迹所不至處矣先生又曰子能至孝宜有善報子之壽期合有七十四今以毆跛者促其四年矣先生將去生曰死生再造之賜罄家所有不足以報德不識先生意欲何物先生笑曰吾方與星辰出沒同天地長久安用世貨爲哉乃去矣

歷世眞仙體道通鑑卷之三十二

